

М.Х. РУСТАМБАЕВ

ЎЗБЕКИСТОН РЕСПУБЛИКАСИ
ЖИНОЯТ ҲУҚУҚИ
КУРСИ

5
ТОМ

ЎЗБЕКИСТОН РЕСПУБЛИКАСИ АДЛИЯ
ВАЗИРЛИГИ
ТОШКЕНТ ДАВЛАТ ЮРИДИК ИНСТИТУТӢ

M.X. РУСТАМБАЕВ

**ЎЗБЕКИСТОН РЕСПУБЛИКАСИ
ЖИНОЯТ ҲУҚУҚИ
КУРСИ**

V ТОМ

МАХСУС ҚИСМ

**ЖАМОАТ ХАВФСИЗЛИГИ ВА ЖАМОАТ
ТАРТИБИГА ҚАРШИ ЖИНОЯТЛАР. ҲАРБИЙ
ХИЗМАТНИ ЎТАШ ТАРТИБИГА ҚАРШИ
ЖИНОЯТЛАР**

Олий таълим муассасалари
учун дарслик

«ILM ZIYO» нашриёт уйи
Тошкент — 2011

УДК 343(575.1)(075)

ББК 67.408(5Ў)

Р92


*Олий ва ўрта маҳсус таълим вазирлиги томонидан юридик таълим
муассасалари учун дарслик сифатида тавсия этилган.*

Мазкур дарслик Ўзбекистон Республикаси Жиноят кодексига 2011 йил 1 январгача киритилган қўшимча ва ўзгартишлар инобатга олинган ҳолда тайёрланган. Унда амалдаги қонун ҳужжатлари, тергов ва суд амалиёти, Ўзбекистон Республикаси Олий суди Пленуми қарорлари асосида жиноят ҳукуқининг Умумий ва Маҳсус қисми масалалари ёритилган.

Дарслик беш томдан иборат. Биринчи икки томи ЖҚнинг Умумий қисмига бағишиланган. Биринчи томида жиноят қонуни ва жиноят тўғрисидаги таълимот масалалари ёритилган. Иккинчисида жазо, жавобгарлик ва жазодан озод қилиш, жиноят-ҳукуқий таъсирнинг бошқа чоралари ёритилган. Учинчи, тўртинчи ва бешинчи томлар ЖҚнинг Маҳсус қисми нормаларида назарда тутилган жиноятлар учун жавобгарлик масалалига бағишиланган. Муаллиф томонидан барча жиноятлар таркибининг белгилари таҳлил қилинган, уларни квалификация қилиш масалалари, ўхшаш жиноятлар таркибларини фарқлаш муаммолари кўриб чиқилган.

Дарслик юридик олий ўқув муассасалари бакалавр ва магистрлари, Ўзбекистон Республикаси ИИВ Академияси тиңгловчилари, аспирантлар, ўқитувчиларга мўлжалланган, шунингдек, ҳукуқни муҳофаза қилувчи орган ходимлари ва жиноят ҳукуқи муаммолари билан қизиқувчи шахслар томонидан фойдаланилиши мумкин.

2089818



ISBN 978-9943-380-09-7

© Рустамбаев М.Х., 2011 й.
© «ILM ZIYO» нашриёт уйи, 2011 й.

МУНДАРИЖА

I боб. Жамоат хавфсизлигига қарши жиноятлар

1-§. Жиноий уюшма ташкил этиш (ЖК 242-моддаси)	9
2-§. Жиноий фаолиятдан олинган даромадларни легаллаштириш (ЖК 243-моддаси)	15
3-§. Оммавий тартибсизликлар (ЖК 244-моддаси)	16
4-§. Жамоат хавфсизлиги ва жамоат тартибига таҳдид соладиган материалларни тайёрлаш ёки тарқатиш (ЖК 244 ¹ -моддаси)	18
5-§. Диний экстремистик, сепаратистик, фундаменталистик ёки бошқа тақиқланган ташкилотлар түзиш, уларга раҳбарлик қилиш, уларда иштирок этиш (ЖК 244 ² -моддаси)	22
6-§. Диний мазмундаги материалларни қонунга хилоф равища тайёрлаш, сақлаш, олиб кириш ёки тарқатиш (ЖК 244 ³ -моддаси)	23
7-§. Шахсни гаров сифатида тутқунликка олиш (ЖК 245-моддаси)	26
8-§. Контрабанда (ЖК 246-моддаси)	29
9-§. Ўқотар қурол, ўқ-дорилар, портловчи моддалар ёки портлатиш қурилмаларини қонунга хилоф равища эгаллаш (ЖК 247-моддаси)	33
10-§. Қурол, ўқ-дорилар, портловчи моддалар ёки портлатиш қурилмаларига қонунга хилоф равища эгаллик қилиш (ЖК 248-моддаси)	40
11-§. Ўқотар қурол ёки ўқ-дориларни бепарволик билан сақлаш (ЖК 249-моддаси)	43
12-§. Портлаш хавфи бўлган моддалар ёки пиротехника буюмларидан фойдаланиш қоидаларини бузиш (ЖК 250-моддаси)	45
13-§. Пиротехника буюмларининг қонунга хилоф муомаласи (ЖК 250 ¹ -моддаси)	48
14-§. Кучли таъсир қилувчи ёки заҳарли моддаларни қонунга хилоф равища эгаллаш (ЖК 251-моддаси)	54
15-§. Кучли таъсир қилувчи ёки заҳарли моддаларни қонунга хилоф равища муомалага киритиш (ЖК 251 ¹ -моддаси)	56
16-§. Радиоактив материалларни қонунга хилоф равища эгаллаш (ЖК 252-моддаси)	60
17-§. Радиоактив материаллардан фойдаланиш қоидаларини бузиш (ЖК 253-моддаси)	62

18-§. Радиоактив материаллардан қонунга хилоф равиша фойдаланиш (ЖК 254-моддаси)	64
19-§. Ядро қурилмаларидан фойдаланиш қоидаларини бузиш (ЖК 255-моддаси)	66
20-§. Бактериологик, кимёвий ва бошқа хил ялпи қирғин куроллари турларини ишлаб чиқыш, ишлаб чиқариш, түплаш, олиш, бирөвга ўтказиш, сақлаш, қонунга хилоф равиша эгаллаш ва улар билан бошқа ҳаракатларни содир этиш (ЖК 255 ¹ -моддаси)	68
21-§. Тадқиқот фаолиятини амалга оширишда хавфсизлик қоидаларини бузиш (ЖК 256-моддаси)	71
22-§. Мекнатни муҳофаза қилиш қоидаларини бузиш (ЖК 257-моддаси)	73
23-§. Санитарияга оид қонун ҳужжатларини ёки эпидемияга қарши кураш қоидаларини бузиш (ЖК 257 ¹ -моддаси)	75
24-§. Тоғ-кон, қурилиш ёки портлатиш ишлари хавфсизлиги қоидаларини бузиш (ЖК 258-моддаси)	77
25-§. Ёнғин хавфсизлиги қоидаларини бузиш (ЖК 259-моддаси) ...	78

II боб. Транспорт ҳаракати ва ундан фойдаланиш хавфсизлигига қарши жиноятлар

1-§. Темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузиш (ЖК 260-моддаси)	85
2-§. Масти ҳолдаги шахснинг транспорт воситасини бошқаришига йўл қўйиш (ЖК 261-моддаси)	93
3-§. Транспортни таъмирлаш ёки уни фойдаланишга чиқариш қоидаларини бузиш (ЖК 262-моддаси)	96
4-§. Темир йўл, денгиз, дарё, ҳаво транспорти воситаси ёки алоқа йўлларини яроқсиз ҳолатга келтириш (ЖК 263-моддаси) ..	100
5-§. Темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олиш (ЖК 264-моддаси)	102
6-§. Халқаро учиш қоидаларини бузиш (ЖК 265-моддаси)	105
7-§. Транспорт воситалари ҳаракати ёки улардан фойдаланиш хавфсизлиги қоидаларини бузиш (ЖК 266-моддаси)	108
8-§. Транспорт воситасини олиб қочиш (ЖК 267-моддаси)	115
9-§. Транспортнинг хавфсиз ишлашини таъминлашга доир қоидаларни бузиши (ЖК 268-моддаси)	118
10-§. Автомобиль йўлларидан фойдаланиш ва уларни қўриқлаш қоидаларини бузиш (ЖК 269-моддаси)	121

III боб. Гиёхвандлик воситалари ёки психотроп моддалар билан қонунга хилоф равишида муомала қилишдан иборат жиноятлар

1-§. Тақиқланған экинларни етиштириш (ЖК 270-моддаси)	126
2-§. Гиёхвандлик воситалари ёки психотроп моддаларни қонунга хилоф равишида эгаллаш (ЖК 271-моддаси)	136
3-§. Гиёхвандлик воситалари ёки психотроп моддаларни ўтказиш мақсадини күзлаб қонунга хилоф равишида тайёрлаш, олиш, сақлаш ва бошқа ҳаракатлар қилиш, шунингдек, уларни қонунга хилоф равишида ўтказиш (ЖК 273-моддаси)	140
4-§. Гиёхвандлик воситалари ёки психотроп моддаларни истеъмол қилишга жалб этиш (ЖК 274-моддаси)	147
5-§. Гиёхвандлик воситалари ёки психотроп моддаларни ишлаб чиқариш ёки улардан фойдаланиш қоидаларини бузиш (ЖК 275-моддаси)	152
6-§. Гиёхвандлик воситалари ёки психотроп моддаларни ўтказиш мақсадини күзламай қонунга хилоф равишида тайёрлаш, эгаллаш, сақлаш ва бошқа ҳаракатлар (ЖК 276-моддаси)	156

IV боб. Жамоат тартибиға қарши жиноятлар

1-§. Безорилик (ЖК 277-моддаси)	161
2-§. Қимор ва таваккалчиликка асосланған бошқа ўйинларни ташкил этиш ҳамда ўтказиш (ЖК 278-моддаси)	169

V боб. Ахборот технологиялари соҳасидаги жиноятлар

1-§. Ахборотлаштириш қоидаларини бузиш (ЖК 278 ¹ -моддаси)	178
2-§. Компьютер ахборотидан қонунга хилоф равишида (рухсатсиз) фойдаланиш (ЖК 278 ² -моддаси)	186
3-§. Компьютер тизимидан қонунга хилоф равишида (рухсатсиз) фойдаланиш учун махсус воситаларни ўтказиш мақсадини күзлаб тайёрлаш ёхуд ўтказиш ва тарқатиши (ЖК 278 ³ -моддаси)	194
4-§. Компьютер ахборотини модификациялаштириш (ЖК 278 ⁴ -моддаси)	197
5-§. Компьютер саботажи (ЖК 278 ⁵ -моддаси)	201
6-§. Зарар келтирүвчи дастурларни яратиш, ишлатиш ёки тарқатиши (ЖК 278 ⁶ -моддаси)	204

VI боб. Бўйсуниш ва ҳарбий шаънга риоя этиш тартибиға қарши жиноятлар

1-§. Бўйсунмаслик (ЖК 279-моддаси)	216
2-§. Буйруқни бажармаслик (ЖК 280-моддаси)	220

3-§. Бошлиққа қаршилик күрсатиш ёки уни хизмат вазифаларини бузишга мажбур қилиш (ЖК 281-моддаси)	221
4-§. Бошлиқни күркитиш (ЖК 282-моддаси)	225
5-§. Баданга шикаст етказиш (ЖК 283-моддаси)	226
6-§. Бүйсунувчининг ўз бошлиғини ёки бошлиқнинг ўзига бүйсунувчани ҳақорат қилиши (ЖК 284-моддаси).....	228
7-§. Бир-бирига тобе бўлмаган ҳарбий хизматчилар ўртасидаги ўзаро муносабатларга оид устав қоидаларини бузиш (ЖК 285-моддаси)	230
8-§. Мародёрлик (ЖК 286-моддаси)	236

VII боб. Ҳарбий хизматни ўташ тартибига қарши жиноятлар

1-§. Ҳарбий қисм ёки хизмат жойини ўзбошимчалик билан ташлаб кетиш (ЖК 287-моддаси)	238
2-§. Дезертирилик (ЖК 288-моддаси)	242
3-§. Ҳалок бўлаётган ҳарбий кемани ташлаб кетиш (ЖК 289-моддаси)	245
4-§. Ўзининг бирон аъзосини майиб қилиш йўли билан ёки бошқа усулда ҳарбий хизматдан бўйин товлаш (ЖК 290-моддаси)	247
5-§. Қоровул хизматини ўташ қоидаларини бузиш (ЖК 291-моддаси)	251
6-§. Ички хизматни ўташ ёки гарнizonда патруллик қилиш қоидаларини бузиш (ЖК 292-моддаси)	256
7-§. Жанговар навбатчиликни ўташ қоидаларини бузиш (ЖК 293-моддаси)	259
8-§. Чегара хизматини ўташ қоидаларини бузиш (ЖК 294-моддаси)	261

VIII боб. Ҳарбий мулкни сақлаш ёки ундан фойдаланиш тартибига қарши жиноятлар


1-§. Ҳарбий мулкни беҳуда сарфлаш, йўқотиш ёки ишдан чиқариш (ЖК 295-моддаси)	264
2-§. Ҳарбий мулкни нобуд қилиш ёки унга шикаст етказиш (ЖК 296-моддаси)	268
3-§. Атрофдагилар учун катта хавф манбаи бўлган қурол-яроғ, шунингдек, модда ва буюмлар билан муомалада бўлиш қоидаларини бузиш (ЖК 297-моддаси)	270
4-§. Машиналарни бошқариш ёки улардан фойдаланиш қоидаларини бузиш (ЖК 298-моддаси)	275

5-§. Учиш ёки учишга тайёргарлик кўриш қоидаларини бузиш (ЖК 299-моддаси)	280
6-§. Кемани бошқариш қоидаларини бузиш (ЖК 300-моддаси)	283
IX боб. Ҳарбий мансабдорлик жиноятлари	
1-§. Ҳокимиятни сунистеъмол қилиш, ҳокимият ваколатидан ташқарига чиқиш ёки ҳокимият ҳаракатсизлиги (ЖК 301-моддаси)	286
2-§. Хизматта совуқонлик билан қараш (ЖК 302-моддаси)	290
Сўнг сўз.....	293
Алфавит-предметли кўрсатгич	295


* ЖКнинг 272-моддаси Ўзбекистон Республикасининг 1999 йил 20 августдаги «Ўзбекистон Республикасининг айrim қонун ҳужжатларига ўзгартиш ва қўшимчалар киритиш тўғрисида»ги 832-I-сон Қонуни билан бекор қилинган.
(XI бўлим 28-банд).


I БОБ. ЖАМОАТ ХАВФСИЗЛИГИГА ҚАРШИ ЖИНОЯТЛАР

I-схема



2-схема





1-б. Жинойи узинча ташкил этиши (ЖК 242-моддаси)

Мазкур жиноятниң бөвесятта объекти даимиат на фукаролар ҳаифсилигини таъминлантиж охтамоий мунисабатлар дисбаланды.

NOTA BENE!

Жинойи ҳаифсилини – охтамоий ҳаёт кечирини учун ҳаифси: жарт-шарорлар, шунингдек, фуқародар ҳаёти ва солдиги даҳлилини, хисметчий ва яркандаризларини шужайи манбафтариши. Барча даимиат сюни жамоат тутисмалари нормал функцияларини таъминлантиж охтамоий мунисабатлар.

ЖК 242-моддаси 1-қисмидә назарда тутилган жиноят объектив томондан жиноий уюшма ташкил этиш, жиноий уюшма ёки унинг бўлинмаларини тузиш ёки уларга раҳбарлик қилиш, шунингдек, уларнинг мавжуд бўлиши ва ишлаб туришини таъминлашта қаратилган фаолиятда ифодаланади.

ЖК 29-моддаси 5-қисмига кўра икки ёки ундан ортиқ уюшган гурӯҳнинг жиноий фаолият билан шуғулланиш учун олдиндан бирлашиши жиноий уюшма деб топилади.

Жиноий уюшманинг қўйидаги белгилари мавжуд:

1) уюшманинг барқарорлиги ва аъзоларининг жипслашганлиги. Жипслашганлик иштирокчиларнинг ўз олдига қўйган жиноий мақсадларга эришишдаги бирдамлиги, яъни биргаликда ҳаракат қилишида ифодаланади.

Барқарорлик каби жипслик жиноий уюшма аъзолари содир этишни мўлжаллаётган жиноятларнинг оғирлиги ва жиноий фаолиятнинг кўпроқ ёки камроқ давом этишига боғлиқ бўлади;

2) умумий жиноий ният асосида бирлашиш;

3) иерархик тузилиш (раҳбарлар, оддий бажарувчиларнинг мавжудлиги, гурӯҳ аъзолари ўртасида вазифа ва мажбуриятларнинг тақсимланганлиги);

4) жиноий фаолият олиб бориш учун икки ёки ундан ортиқ шахс бирлашган уюшган гурӯҳдан фарқли равишда жиноий уюшмага бир неча уюшган гурӯҳ бирлашади. Уюшган жиноий гурӯҳ жиноий уюшманинг таркиби тузилмаси ҳисобланади.

Жиноий уюшма фаолиятида қатор жиноий гурӯҳларнинг иштирок этиши, унинг ўзига хос хусусиятидир. Ушбу гурӯҳлар гурӯҳ ташкилотчиси (раҳбари)га бевосита бўйсунади ёки уларнинг назорати остида ёхуд таъсирида бўлади.

Жиноий уюшма ташкил этиш:

1) жиноий уюшма ташкил этиш ёки унга ёхуд унинг бўлинмаларига раҳбарлик қилиш;

2) жиноий уюшма ёки унинг бўлинмалари мавжуд бўлиши ва ишлаб туришини таъминлашта қаратилган фаолиятда намоён бўлади.

Жиноий уюшмани тузиш дейилганда, икки ёки ундан ортиқ уюшган гурӯҳларнинг ягона раҳбарлик остида бирлашиши, уюшманинг жиноий фаолияти режаси тузилиши, вазифаларнинг уюшган гурӯҳлар ёки уларнинг таркибий бўлинмалари ўртасида тақсимланиши, муайян жиноят тайёрланиб амалга оширилишини ва ҳ.к.ларни тушуниш зарур.

Жиноий уюшманинг мавжуд бўлиши ва ишлаб туришини таъминлашта қаратилган фаолият жиноий уюшма аъзоларини моддий таъминлашда, жиноий уюшмани ҳар қандай йўл билан қўллаб-қувватлашда, масалан, транспорт воситаларини, қалбаки хужжатларни бериш, техника воситалари билан таъминлаш, жиноий фаолият натижасида

Құлға кирилларнан пулларни ошкоралаштириш ва ҳ.к.ларда ифодала-ниши мүмкін.

Жиной уюшма ёки унинг бўлинмаларига раҳбарлик қилиш жиной фаолият режаларини ишлаб чиқиш, уюшма аъзолари орасида вазифаларнинг тақсимланиши, жиной тажовуз обьектларининг таңланиши, уюшманинг бошқа аъзоларига кўрсатма ва топшириклар беришда ифодаланади.

Жиной уюшма ёки унинг бўлинмаларининг мавжуд бўлиши ёки ўз вазифаларини бажаришига қаратилган фаолият деганда, жиной уюшмага ҳар қандай транспорт воситалари, сохта ҳужжатлар, қурол-яроғ, алоқа воситалари, милиция ходимлари формаси билан таъминлаш, жиной фаолиятдан олинган даромадларни ошкорлаштириш ва ҳ.к. ёрдам кўрсатиш тушунилади.

ЖК 242-моддаси 1-қисмида назарда тутилган жиноят жиной уюшма ёхуд унинг бўлинмалари тузилган ёки уларга раҳбарлик қилинган пайтдан эътиборан тугалланган деб ҳисобланади.

ЖК 242-моддаси 1-қисмида жавобгарлик белгиланган жиноят субъектив томондан тўғри қасд билан содир этилади. Айбдор жиной уюшма мавжуд бўлиши ва ўз олдига қўйган вазифаларни бажариш мақсадида жиной уюшма тузган ёки раҳбарлик қилаётганлигини англайди.

Жиной фаолият билан шуғулланиш жиной уюшма ташкил этишнинг мақсади ҳисобланади.

Жиной уюшма ёки унинг бўлинмаларига раҳбарлик қилишнинг мақсади жиной уюшманинг барқарорлиги ва жисплигини таъминлаш, унинг аъзолари орасида вазифаларни аниқ тақсимлаш ва ҳ.к.да ифодаланади. Жиной уюшма мавжудлиги ва ўз вазифаларини бажаришнинг мақсади ушбу уюшмага жиной фаолият юритиши учун ёрдам бериш, йўл-йўриқ кўрсатишдан иборат.

Жиноятнинг мотивлари турлича бўлиб, кўпинча моддий манфаат кўришга қаратилади. Қилмишнинг мотиви ва мақсади унинг квалификациясига таъсир қилмайди.

ЖК 242-моддаси 1-қисмида жавобгарлик белгиланган жиноятнинг субъекти 16 ёшга тўлган, ақли расо шахс бўлади.

Қилмишнинг субъекти жиной уюшма ташкилотчиси, жиной уюшма бўлинмалари раҳбарлари ёки унинг мавжудлигини ёки вазифаларининг бажарилишини таъминлашга қаратилган фаолият билан шуғулланаётган бошқа шахслар ҳисобланади.

Жиной уюшма ташкилотчиси ушбу уюшма аъзолари томонидан содир этилган бошқа жиноятлар учун ҳам жавобгардир, бажарувчнинг экцесси бундан мустасно. Жиной уюшма оддий иштирокчилари эса содир этган конкрет жиноятлари учун жавобгар қилинадилар.

Агар 14 ёшдан 16 ёшгача бўлган шахс жиной уюшмани ташкил қилиш ёки унинг фаолиятида иштирок этишда қатнашган бўлса, агар уларнинг қилмишида муайян жиноят таркибининг аломатлари бўлса, уларнинг қилмишини ЖК тегишли моддаси билан квалификация қилинади.

ЖК 242-моддаси 2-қисмидаги қилмишнинг объектив томони уюшган куролли жиной гуруҳни тузиш, шунингдек, бундай гуруҳга раҳбарлик қилиш ёки унда иштирок этишда ифодаланади.

ЖК 29-моддаси тўртинчи қисмига мувофиқ, икки ёки ундан ортиқ шахснинг биргаликда жиной фаолият олиб бориш учун олдиндан тил биринтириб, бир гуруҳга бирлашиши уюшган гуруҳ, деб топилади.

Уюшган жиной гуруҳнинг ўзига хос белгиларидан бири ана шундай гуруҳларнинг барқарорлигидир.

Гуруҳнинг барқарорлиги деганда, гуруҳ аъзолари ўртасида мустаҳкам, доимий алоқалар мавжудлиги, гуруҳ аъзолари зиммасига муайян вазифалар юклитилганлиги, улар ўртасида ролларнинг тақсимланганлигини тушуниш зарур.

Таркибининг доимийлиги, унинг аъзолари ўртасида мустаҳкам алоқанинг мавжудлиги, ҳаракатларининг аввалдан келишилганлиги, жиной фаолият кўриниши ва усусларнинг бир хиллиги, узоқ вақт иш кўриши, содир этилган жиноятларнинг миқдори каби белгилар гуруҳнинг турғунлигидан далолат беради.

Жиной гуруҳнинг барқарорлиги, шак-шубҳасиз, унинг юқори даражада уюшганлигидан далолат беради. Бундай жиҳат барча жиной ишларнинг режалашибилишида, мустаҳкам интизомда, мартаба даражасига мувофиқ мутлақ тобеликда ва ҳ.к.ларда намоён бўлади.

Жиной фаолият амалга оширилганида гуруҳ томонидан бир қатор жиноятларнинг содир этилиши режалашибилилади.

Гуруҳнинг қуролланганлиги деганда, муайян жиноят содир этилгунга қадар уюшган гуруҳ аъзоларида ҳеч бўлмаганида бир дона ўқотар, совуқ ёки газ қуроли, шунингдек, турли портлатувчи мосламаларнинг борлиги тушунилади.

«Ўқотар қуроли», «портлатиш воситаси» ва ҳ.к.га ЖК 247-моддаси таҳлилида алоҳида тўхталамиз.

Жиноят предметини совуқ қурол, деб топиш учун асосий мезон бўлиб, унинг тирик нишонга зарар етказишга мўлжалланганлиги ҳисобланади. Кўп ҳолларда, ушбу мезон мазкур предметлар сифатида фақат жанговар қурол, яъни ханжар, найза, қилич ва ҳ.к.нинг ишлатилишига асосланади.

Санаб ўтилган предметлар ўз табиатига кўра фақат шахснинг ҳаёти ёки соғлиғига зарар етказиш учун тайёрланади.

Совуқ қурол криминалистика нуқтаи назаридан аҳамиятга эга бўлган асосларга кўра таснифланади.

Мақсадига кўра, совуқ қурол жанговар (ҳарбий, полиция, махсус), фуқаровий (спорт, ов, миллий либосга тақиладиган) ва криминал қуролга бўлинади.

Тузилишининг хусусиятта кўра эса, совуқ қурол найзали, уриб-майдаловчи, аралаш ва маскировка қилинган бўлиши мумкин.

NOTA BENE!

Совуқ қурол – 1) одамнинг мушаклари кучидан фойдаланиб бевосита жабрланувчининг танасига тегишли киритиш йўли билан тирик нишонни йўқ қилиш учун махсус мўлжалланган предметлар бўлиб, уларга совуқ, найзали қуроллар (найзалар, жанговар пичоқлар, миллий ва ов пичоқлари каби қуроллар; найза-пичоқлар, қиличлар ва ҳ.к.); бошқа кесувчи, тешувчи, чопувчи ёки арралаш хусусиятга эга бўлган (жанг болталари, найзалар ва ҳ.к.); шунингдек, уриб синдирувчи қуроллар (кастетлар, нунчаклар ва ҳ.к.);

2) нишонга масофадан туриб заар етказишга мўлжалланган одамнинг мушак кучи ёрдамида ҳаракат йўналишига эга бўладиган қуроллар (нишонга отиладиган пичоқлар, болталар ва ҳ.к.) ёхуд механик қурилмалар (қамчилар, арбалетлар ва ҳ.к.) киради.

Совуқ қурол **тайёрланиш усулига** кўра, завода, касаначилик ҳолда ишлаб чиқарилган ёки айборнинг ўзи ясаган бўлиши мумкин.

Тайёрланган жойига кўра, совуқ қурол ўз юртимиизда ёки хорижда ишлаб чиқарилади.

Муайян предметни совуқ қурол деб топиш учун, албатта, суд экспертизаси тайинланади ва унинг холосаси асосида мазкур предмет совуқ қурол деб топилади.

NOTA BENE!

Газ қуролига газ пистолетлари, газ баллончалари, заҳарли моддалар билан тўлдирилган, кўздан ёш оқизувчи ёки бошқача таъсир кўрсатувчи ва тирик нишонга вақтинча зарар етказиш учун мўлжалланган аэрозолли ва бошқа қурилмалар киради.

Шуни таъкидлаш жоизки, жиной уюшма аъзолари одам ҳаёти ёки соғлиги учун хавфли бўлган бирор-бир модда билан тўлдирилган газ қуролидан фойдалансалар, бундай жиной гуруҳ уюшган қуролли гуруҳ, деб топилиши керак. Газ қуролидаги модда шахснинг ҳаёти ёки соғлиги учун хавф туғдирмаса, қилмишни **ЖК 242-моддаси 2-қисми** билан квалификация қилиш учун асос ҳам бўлмайди.

Қурол ўқотар ёки совуқ қурол бўлиши мумкин. Гуруҳ жанговар аслаҳалар, портловчи моддалар билан жиҳозланган бўлса ҳам уни

куролланган гурух, деб эътироф этиш зарур. Жиноий гурухнинг куролланганлик аломатини белгилаш учун гурух аъзоларидан бирида ҳеч бўлмаганда бир дона қурол мавжудлиги, бундан гурухнинг бошқа аъзолари хабардор эканлиги аниқланиши зарур.

Уюшган қуролли гурух **тузиш** деганда, уюшган қуролли гурухни тузиш, унга раҳбарлик қилишга қаратилган ҳар қандай ҳаракат (босқинчи гурух аъзоларини танлаш, улар ўргасида ролларни тақсимлаш, жиноий фаолият режаларини тузиш, жиноий гурухни қуроллантириш ва ҳ.к.лар)ни тушуниш зарур. Уюшган қуролли гурухга **раҳбарлик қилиш** деганда, мавжуд уюшган қуролли гурух фаолиятига бошчилик қилишга қаратилган ҳар қандай ҳаракатни тушуниш зарур.

Уюшган қуролли гурухда **иштирок** этиш нафақат қуролли гурух томонидан содир этиладиган ҳужумларда иштирок этиш, балки уюшган қуролли гурух таркибида бошқа вазифаларни, шу жумладан молиялаштириш, қурол билан таъминлаш, ҳужум қилиш учун объексларни танлаш, транспорт билан таъминлаш, ҳуқуқни муҳофаза қилувчи ва бошқа органларнинг ходимлари билан алоқаларни ўрнатиш каби ҳаракатларда ўз ифодасини топади.

Уюшган қуролли гурух томонидан содир этиладиган **ҳужумларда иштирок** этиш деганда, уюшган гурухнинг «доимий» аъзоси бўлмаган шахснинг гурух томонидан содир этилаётган жиноятда иштирок этиши (ушбу иштирокни англаган ҳолда) тушунилади.

Уюшган қуролли гурух тузиш ёки унга раҳбарлик қилиш, гурух томонидан жиноят содир этилгани ёки содир этилмаганидан қатъи назар, уюшган қуролли гурух тузилган ёхуд уюшган қуролли гурухга қиришга розилик билдирилган пайтдан эътиборан **туталланган** жиноят деб эътироф этилади.

Уюшган қуролли гурух таркибиға кирмаган ва ушбу гурух томонидан содир этилган ҳужумларда иштирок этмаган, бироқ унга ёки унинг айрим аъзоларига жиноий фаолиятини амалга оширишда бир марталик ёрдам кўрсатган шахсларнинг ҳаракатлари тегишли жиноятларда иштирокчилик сифатида квалификация қилиниши лозим. Уюшган қуролли гурухга ёрдам кўрсатиш қуролни сотишида, транспорт билан таъминлашда, ҳужум қилиш объектини кўрсатишда ўз ифодасини топиши мумкин. Мазкур ҳаракатлар бир марталик тусга эга бўлишлари лозим, чунки улар муттасил равища содир этилаётган бўлса, шахс жиноий уюшма аъзосига айланади.

Уюшган гурух таркибида қуролли ҳужум қилишга далолат қилиш уюшган гурух аъзоларини муайян муассаса ёки муайян шахсларга ҳужум қилишга қизиқтиришда ўз ифодасини топади.

Субъектив томондан ЖК 242-моддаси 2-қисмида жавобгарлик белгиланган жиноят **қасддан** содир этилади. Субъект уюшган қуролли гурух тузатганлигини ёки унинг таркибиға кираётганлигини англайди

ва буни хоҳлайди. Жиноятнинг содир этилиш мотиви ва мақсади ҳар хил бўлиши мумкин, аммо улар жиноятни квалификация қилишга таъсир этмайди.

Жиноятнинг **субъекти** 16 ёшга тўлган, ақлирасо уюшган қуролли гуруҳни тузган, унга раҳбарлик қилган ёки унинг аъзоси бўлган ҳар қандай шахс ҳисобланади.

Уюшган қуролли гуруҳ таркибига кирадиган ёки гуруҳ томонидан содир этилган ҳужумларда иштирок этган 13 ёшдан 16 ёшгача бўлган вояга етмаганлар улар томонидан аниқ содир этилган ва ЖК тегишли моддаларида назарда тутилган жиноятлар (масалан, одам ўлдириш, қасдан баданга оғир шикаст етказиш, босқинчилик ва ҳоказолар) учун жавобгар бўладилар.

Жиноий уюшма таркибига жиноят содир этган, бундай гуруҳ тузган, унга раҳбарлик қилган ва жиноят содир этган шахсларнинг қилмиши ушбу модда билан қамраб олинади ва ЖК бошқа моддалари билан қўшимча равиша квалификация қилинмайди.

2-§. Жиноий фаолиятдан олинган даромадларни легаллаштириш (ЖК 248-моддаси)

Мазкур жиноятнинг **бевосита объекти** республика иқтисодий фаолияти соҳасида вужудга келадиган ижтимоий муносабатлар, шунингдек, жамоат хавфсизлитетини таъминловчи ижтимоий муносабатлардир.

Жиноий фаолият натижасида айборд қўлга киритган даромадлар, яъни мулк (пул маблағлари ёхуд бошқа ашёлар) жиноятнинг **предмети ҳисобланади**.

Одатда мазкур қилмишнинг предмети талон-торож қилиш, контрабанда, товламачилик, гиёҳвандлик воситалари ёки психотроп моддалар билан қонунга хилоф равиша муомала қилиш, фоҳиша-хона очиш ёки сақлаш, порнография материалларини тайёрлаш ёки тарқатиш каби жиноятларни содир этиш оқибатида олинган ашёлардир.

Объектив томондан жиноят жиноий фаолиятдан олинган даромадларни легаллаштириш, яъни мулк (пул маблағлари ёхуд бошқа мол-мулк) жиноий фаолият натижасида топилган бўлса, уни ўтказиш, мулкка айлантириш ёхуд алмаштириш йўли билан унинг келиб чиқишига қонуний тус бериш, худди шунингдек, бундай пул маблағлари ёки бошқа мол-мулкнинг асл хусусиятини, манбанини, турган жойини, тасарруф этиш, кўчириш усулини, пул маблағларига ёки бошқа мол-мулкка бўлган ҳақиқий эгалик ҳуқуқларини ёки унинг кимга қарашлилигини яшириш ёхуд сир сақлаш каби ҳаракатларда ифодаланади.

NOTA BENE!

Жиноий фаолиятдан олинган даромадларни легаллаштириш – мулк (пул маблағлари ёки бошқа мол-мулк) жиноий фаолият натижасида топилган бўлса, уни ўтказиш, мулкка айлантириш ёхуд алмаштириш йўли билан унинг келиб чиқишига қонуний тус бериш, худди шунингдек, бундай пул маблағлари ёки бошқа мол-мулкнинг асл ҳусусиятини, манбайни, турган жойини, тасарруф этиш, кўчириш усулини, пул маблағларига ёки бошқа мол-мулкка бўлган ҳақиқий эгалик ҳукуқларини ёки унинг кимга қарашлиигини яшириш ёхуд сир сақлашдир.

Ўтказиш деганда, жиноий фаолиятдан олинган даромадлар билан банкларда банк билан тузилган омонат шартномасига кўра бирон-бир молиявий операция ўтказилиши тушунилади.

Айлантириш деганда, жиноий фаолиятдан олинган мол-мулкка қонуний тус бериш мақсадида унга эгалик қилиш, фойдаланиш, тасарруф қилиш учун олди-сотди, алмаштириш, совға қилиш ва фуқаролик ҳукуқий битимлар тузиш, қонуний тадбиркорлик ёки ишлаб чиқариш тузилмасини ташкил этиш ёхуд улар фаолиятнинг ишлаб туришини таъминлашга сарфланиши тушунилиши керак.

Алмаштириш деганда, жиноий фаолиятдан ўзбек сўмида олинган даромадларни бошқа чет эл валютасига конвертация қилиш тушунилади.

ЖК 243-моддасида назарда тутилган жиноят шу модда диспозициясида санаб ўтилган ҳаракатлардан биронтаси содир этилган пайтдан эътиборан тугалланган деб эътироф этилади.

Субъектив томондан жиноят тўғри қасд билан содир этилади. Жиноятни содир этиш **мотиви** ва ундан кўзланган мақсад жиноятнинг квалификациясига таъсир этмайди.

Жиноятнинг **мақсади** жиноий фаолиятдан олинган даромадларни ошкорлаштиришидир.

Ушбу жиноятнинг **субъекти** 16 ёшга тўлган, ақли расо ва жиноий фаолият натижасида олинган даромадларни ошкорлаштиришда иштирок этган жисмоний шахс ҳисобланади.

3-§. Оммавий тартибсизликлар (ЖК 244-моддаси)

Мазкур қилмишнинг **бевосита асосий обьекти** жамоат хавфсизлиги, жамоат тартибини таъминловчи ижтимоий муносабатлардир. Кўшимча **бевосита обьекти** эса, фуқароларнинг ҳаёти, соғлиги ва ўзгалар мулкини муҳофаза қилувчи ижтимоий муносабатлар ҳисобланади.

Объектив томондан жиноят қурол ёки қурол сифатида фойдаланилалиган бошқа нарсаларни ишлатиб ёхуд ишлатиш билан қўрқитиб шахсга нисбатан зўрлик ишлатиш, қирғин солиш, ўт қўйиш, мулкка шикаст етказиш ёки уни нобуд қилиш, ҳокимият вакилига қаршилик кўрсатиш орқали оммавий тартибсизликларни ташкил этиш, оммавий тартибсизликларда фаол қатнашишда ифодаланади.

NOTA BENE!

Оммавий тартибсизликлар – жамоат жойларида белгиланган тартиб ва хавфсизлик чораларини бузишда ифодаланувчи кўплаб одамлар (тўда)нинг бошқариш қийин бўлган, стихияли ҳаракатлари.

Оммавий тартибсизликларни **ташкил этиш** деганда, оммавий тартибсизликларни тайёрлашга қаратилган ҳар қандай ҳаракат, масалан, оммавий тартибсизликлар фаол иштирокчиларини тайёрлаш, раҳбарлар ўзагини ташкил этиш, режа тузиш, оммавий тартибсизликлар ўюстириладиган жой ва вақтни танлаш, плакатлар, шиорлар, варақалар тайёрлаш ва ҳ.к. тушунилиши зарур.

Кўриб чиқилаётган модданинг диспозициясига мувофиқ, оммавий тартибсизликлар шахсга нисбатан зўрлик ишлатиш, қирғин солиш, ўт қўйиш, мулкка шикаст етказиш ёки уни нобуд қилиш, қурол ёки қурол сифатида фойдаланиладиган бошқа нарсаларни ишлатиб ёхуд ишлатиш билан қўрқитиб, ҳокимият вакилига қаршилик кўрсатиш билан биргаликда содир этилган бўлиши лозим.

Ушбу жиноятни содир этишда **шахсга нисбатан зўрлик ишлатиш** деганда, жабрланувчига нисбатан ҳам руҳий, ҳам жисмоний таъсир кўрсатиш тушунилиши зарур.

Руҳий зўрлик ишлатиш ўлдириш, баданга шикаст етказиш, мулкни нобуд қилиш ёки унга зарар етказиш билан қўрқитишида ифодаланиши мумкин. Оммавий тартибсизликлар вақтида руҳий зўрлик ишлатишда айборд бўлган шахсларнинг ҳаракати фақат кўриб чиқилаётган модда бўйича квалификация қилинади, ўлдириш ёки зўрлик ишлатиш билан қўрқитганлик учун жавобгарлик назарда тутилган модда бўйича қўшимча квалификация қилинмайди.

Жисмоний зўрлик ишлатиш деганда, қалтақлаш, дўпласлаш, баданга енгил ёки ўртача оғир шикаст етказиш тушунилиши зарур.

Оммавий тартибсизликларни содир этиш вақтида одам ўлдирилганида, қилмиш жиноятлар жами бўйича квалификация қилиниши тушунилиши зарур.

Қирғин солиш деганда, фуқароларга нисбатан зўрлик ишлатилиши, моддий бойликлар (транспорт, уйлар, иншоотлар ва ҳ.к.)нинг яксон қилиниши тушунилиши керак.

Ўт қўйиш – бирон-бир мулк, иншоот, транспорт ёки бошқа нарсаларнинг ёқиб юборилиши.

Мулкка шикаст етказиш – қисман яроқсиз ҳолга келтирилган мулкни муайян сарф-харажатлар эвазига тиклаш имкониятининг мавжудлиги.

Мулкни нобуд қилиш деганда, уни батамом яроқсиз ҳолга, яъни мулкдан кўзланган мақсадда фойдаланиб бўлмайдиган ҳолга келтирилишини тушуниш зарур.

Курол ишлатиш деганда, бевосита вазифасидан келиб чиқиб, куролдан (жонли нишонни нобуд қилиш мақсадида ўқ отиш, иншоотлар, уйлар, транспортни яксон қилишда) фойдаланиш тушунилиши зарур. Куроллар ўқ отувчи ёки совуқ курол бўлиши мумкин.

Курол сифатида фойдаланиладиган бошқа нарсалар деганда, физикавий хусусиятларига кўра, улардан фойдаланилганида шахсга зиён етказиши мумкин бўлган ҳар қандай жисм тушунилиши керак.

Оммавий тартибсизликларда **фаол қатнашиш** деганда, айборднинг шахсга нисбатан зўрлик ишлатиши, қирғин солиши, ўт қўйиши, мулкка шикаст етказиши ёки уни нобуд қилиши, курол ёки қурол сифатида фойдаланиладиган бошқа нарсаларни ишлатиб, ҳокимият вакилига қаршилик қўрсатишида бевосита иштирокини тушуниш зарур.

Таҳлил этилаётган модда диспозицияда назарда тутилган ҳаракат содир этилган пайтдан эътиборан қилмиш **туталланган** ҳисобланади.

Субъектив томондан жиноят қасдан содир этилади, қилмишнинг **мотиви** ва ундан кўзланган **мақсад** унинг **квалификацияси**га таъсир этмайди.

Жиноятнинг мотиви миллатчилик, ҳокимиятни эгаллашга интилиш, гараз, безорилик ва ҳ.к. бўлиши мумкин.

Жиноятнинг субъекти 16 ёшга тўлган оммавий тартибсизликларнинг ташкилотчилари ва фаол қатнашчилари бўлган ақли расо жисмоний шахслар ҳисобланади.

Оммавий тартибсизликларнинг бошқа иштирокчилари оммавий тартибсизликлар жараёнида содир этган муайян жиноятлари учун жавобгар бўладилар.

Агар оммавий тартибсизликларнинг ташкилотчилари ёки фаол қатнашчилари 16 ёшга тўлмаган бўлса, у ҳолда улар оммавий тартибсизликлар вақтида фақат ўзи содир этган муайян жиноятлари учун, масалан, қасдан одам ўлдириш, ўзгалар мулкини нобуд қилиш, зўрлаб номусга текканлик учун жавобгар қилинадилар.

4-§. Жамоат хавфсизлиги ва жамоат тартибига таҳдид соладиган материалларни тайёрлаш ёки тарқатиш (ЖК 244¹-моддаси)

Жиноятнинг бевосита объекти жамоат хавфсизлиги ва жамоат тартибини муҳофаза қилувчи ижтимоий муносабатлар ҳисобланади.

Мазкур қилмишнинг предмети диний экстремизм, сепаратизм ва ақидапарастлик ғоялари билан йўғрилган, қирғин солиш ёки фуқароларни зўрлаб кўчириш ёхуд аҳоли орасида ваҳима тарқатишга даъват этувчи материаллар ҳисобланади.

Материаллар деганда, варақалар, плакатлар, адабиётлар, видео-кассеталар ва ҳ.к. тушунилади.

NOTA BENE!

Диний экстремизм – қатъий диний нуқтаи назарга эга эканлик, динга оид сиёсат ва мафкурада ашаддий, фавқулодда усуслар йўл тутишга, кескин чоралар кўришга тарафдорлик.

«Ўзининг шак-шубҳасиз ҳақлигига, ҳақиқатни фақат ўзи билишига ишонч ҳисси сўнгги чораларга – зўравонлик ҳаракатларига мойиллиги билан ажралиб турадиган диний экстремизмнинг пайдо бўлишига замин яратади. Бунда муайян шахс ҳам, бошқа динга мансуб ижтимоий гуруҳ ҳам ёки шу диннинг ўз вакиллари томонидан рад этилаётган мазҳабга мансуб вакиллар ҳам таъсир кўрсатиш обьекти сифатида танлаб олиниши мумкин»¹.

NOTA BENE!

Сепаратизм – лотинча «сепаратус» (алоҳида) сўзидан олинган бўлиб, алоҳидаликка интилиш, давлатнинг бир қисмини ажратиб олиш ва янги давлат тузиш ёки мамлакатнинг бир қисмига автономия берилишига эришишга ҳаракат қилиш.

NOTA BENE!

Диний ақидапарастлик – лотинча «қатъий» сўзидан олинган, мавжуд динлар пайдо бўлган даврдаги шарт-шароитларга қайтишга интилиш.

Объектив томондан ЖК 244¹-моддаси 1-қисмida назарда тутилган жиноят, биринчидан, диний экстремизм, сепаратизм ва ақидапарастлик ғоялари билан йўғрилган, қирғин солишшга ёки фуқароларни зўрлик билан кўчириб юборишга даъват этадиган ёхуд аҳоли орасида ваҳима чиқарицга қаратилган материалларни тайёрлаш, иккисинчидан, шу хилдаги материалларни тарқатиш мақсадида сақлашаша ифодаланади.

¹ Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. – Т., «Ўзбекистон», 1997, 37–38-б.

Жамоат хавфсизлиги ва жамоат тартибига таҳдид соладиган материалларни тайёрлаш деганда, ҳар қандай кўринишдаги шундай материалларнинг яратилиши тушунилади.

Жамоат хавфсизлигига ва жамоат тартибига таҳдид соладиган материалларни тайёрлаш шу хилдаги материалларнинг бир нусхаси тайёрланган пайтдан эътиборан, бу материал тарқатилгани ёхуд тарқатиш мақсадида сақланганидан қатъи назар **тұғалланған** деб эътироф этилади.

Кўриб чиқилаётган модда нуқтаи назаридан **сақлаш** деганда, юқорида кўрсатилган материаллар уларни тарқатиш мақсадида айбдорнинг фактик зотигида (ўзи билан, уй-жойида, пана жойда ва бошқа жойларда) бўлиши билан боғлиқ бўлган ҳар қандай ҳаракатлар тушунилади.

Диний мазмундаги материалларни сақлаш ягона узоққа чўзилган жиноятдир, унинг ўзига хос хусусияти қуйидагилардан иборат. Мазкур қилмиш узоқ вақт давомида жиноий-хукукий муҳофаза объектига тажовуз қиласидан иборат бўлади ва жиноят тўхтатилган ёки айбдор ўз айбини бўйнига олиб арз қиласан ва унда юқорида кўрсатилган жиноят предметларини тарқатиш мақсади аниқланган пайтдан эътиборан **тұғалланған** деб ҳисобланади. Агарда айбдор унда сақланыётган диний мазмундаги материалларни учинчи шахс фойдасига мусодара қиласа, сақлаш кўриб чиқилаётган жиноят объектив томонининг иккинчи шакли – тарқатишга ўтади.

ЖК 244¹-моддаси 1-қисми маъмурий юрисдикцияга эга, яъни шундай ҳаракати учун маъмурий жазо қўлланилганидан кейин бир йил ичida яна шундай қилмиш содир этилган бўлса, жиноий жавобгарлик вужудга келади.

ЖК 244¹-моддаси 2-қисмида назарда тутилган қилмиш **объектив томондан** диний экстремизм, сепаратизм ва ақидапарастликоялари билан йўғрилган, қирғин солишга ёки фуқароларни зўрлик билан кўчириб юборишга даъват этадиган ёхуд аҳоли орасида ваҳима чиқаришга қаратилган маълумотлар ва материалларни ҳар қандай шаклда тарқатиш, шунингдек, фуқароларнинг тутувлигини бузиш, вазиятни беқарорлаштирувчи туҳматона уйдирмалар тарқатиш ҳамда жамиятда қарор топган аҳлоқ қоидаларига ва жамоат хавфсизлигига қарши қаратилган бошқа қилмишларни содир этиш мақсадида диндан фойдаланишдан иборатдир.

Айтиб ўтилган материалларни **тарқатиш** деганда, уларни осиб қўйиш, оммавий аҳборот воситаларида эълон қилиш, кўпчилик олдида, телевидение, радио ва ҳ.к. орқали айтиш, яъни шу материалларнинг оғзаки ёки ёзма шаклда ҳеч бўлмаганда бир шахсга ошкор этилишини тушуниш зарур.

Тұхматона уйдирмалар деганда, ёлғонлиги олдиндан маълум бўлган, ҳақиқатга тўғри келмайдиган маълумотларнинг тарқатилишини тушуниш зарур.

Вазиятни бекарорлаштирувчи уйдирмалар деганда, жамоат тартибининг бузилишига, корхона, муассаса, ташкилотлар фаолиятининг вақтингча тўхтаб қолишига, қўрқув, ваҳима, ишончсизлик ва ҳ.к.ларнинг пайдо бўлишига олиб келиши мумкин бўлган ёлғон далиллар, ахборотлар тушунилади.

ЖК 244¹-моддаси 2-қисмида назарда туттилган жиноят кўрсатиб ўтилган маълумотлар ёки материаллар тарқатилган пайтдан эътиборан, оқибати рўй берган ёки бермаганлигидан қатъи назар **тугалланган** ҳисобланади.

Субъектив томондан ушбу қилмиш тўғри қасд билан содир этилади.

Жиноятни содир этишдан кўзланган **мақсад** – диний экстремизм, сепаратизм, ақидапарастлик фоялари билан йўғрилган материалларни тарқатиш, қирғин солиш, фуқароларни зўрлик билан кўчириб юбо-риш, аҳоли орасида ваҳима туғдириш, фуқаролар тотувлигини бузиш, тұхматона, вазиятни бекарорлаштирувчи уйдирмалар тарқатиш жиноятнинг зарурий белгиси ҳисобланади.

Жиноятнинг **субъекти** 16 ёшга тўлган ақли расо жисмоний шахс бўлиши мумкин.

ЖК 244¹-моддаси 3-қисмида:

- а) олдиндан тил бириктириб ёки бир гурӯҳ шахслар томонидан;
- б) хизмат мавқеидан фойдаланиб;

в) диний ташкилотлардан, шунингдек, чет эл давлатлари, ташкилотлари ва фуқароларидан олинган молиявий ёки бошқа моддий ёрдамдан фойдаланиб жазони оғирлаштирувчи ҳолатларда содир этилган жамоат хавфсизлиги ва жамоат тартибига таҳдид соладиган материалларни тайёрлаш ёки тарқатганлик учун жавобгарлик назарда тутилган.

Олдиндан тил бириктириш қилмишда аввалдан келишиб олган бир неча шахснинг жиноятни содир этишда иштирок этиши ҳисобланади.

ЖК 244¹-моддаси 2-қисми «а» бандини қўллаш учун жиноят тартиби объектив томонига кирувчи ҳаракатларнинг бирортаси содир этилгунга қадар ҳеч бўлмаганида икки кишининг аввалдан тил бириктирганлиги аниқланиши даркор. Бунда жиноятнинг биргаликда бажарилганлиги (оддий иштирокчилик) ёки вазифаларнинг тақсимланганлиги (мураккаб иштирокчилик) аҳамиятга эга эмас. Иштирокчиларнинг жиноий ҳаракатларни биргаликда амалга оширишни аввалдан келишиб олгани муҳимdir.

Қилмишни ЖК 244¹-моддаси 2-қисми «а» банди билан бир гурӯҳ шахслар томонидан содир этилган, деб квалификация қилиш учун,

ҳақиқатдан ҳам икки ёки ундан ортиқ шахснинг аввалдан тил биритирмай (оддий иштирокчилик) жиноят объектив томонига кирувчи ҳаракатларни қисман ёки тўлиқ бажарғанлиги аниқланиши керак.

Хизмат мавқеидан фойдаланиш, кенг маънода шахснинг ўз хизмат вазифасига кирувчи ваколатлари, мажбуриятларини бузишда ифодаланади. **ЖК 244¹-моддаси 2-қисми «б» бандида** назарда тутилган қилмишни хизмат мавқеидан фойдаланиб содир этиш, масалан, нашриёт ходими томонидан жамоат хавфсизлиги ва жамоат тартибига таҳдид солувчи материалларни ўз ходимлари ва ҳ.к. орасида тарқатишида ифодаланади.

Жиноят субъекти мансабдор шахс бўлса, иш ҳолатларидан келиб чиқсан ҳолда қилмиш жиноятлар жами тариқасида ЖК 244¹-моддаси ва 205- (Ҳокимият ёки мансаб ваколатини суистеъмол қилиш) ёки 206- (Ҳокимият ёки мансаб ваколати доирасидан четга чиқиш) моддалари билан квалификация қилиниши мумкин.

Жиноятни **ЖК 244¹-моддаси 2-қисми «в» банди** билан квалификация қилиш учун чет эл давлатлари, диний ташкилотлар, фуқаролардан олинган молиявий ёки бошқа моддий ёрдамнинг қандай усулда олингандарни аҳамият касб этмайди, бундай ҳомийликнинг муайян жиноий мақсадни кўзлаб амалга оширилганлиги етарлидир.

5-ғ. Диний экстремистик, сепаратистик, фундаменталистик ёки бошқа тақиқланган ташкилотлар тузиш, уларга раҳбарлик қилиш, уларда иштирок этиш (ЖК 244²-моддаси)

Жиноятнинг **объекти** жамоат хавфсизлиги, жамоат тартиби ҳисобланади.

Объектив томондан жиноят диний экстремистик, сепаратистик, фундаменталистик ёки бошқа тақиқланган ташкилотлар тузишида, уларга раҳбарлик қилишда, уларда иштирок этишда ифодаланади.

Диний экстремистик, сепаратистик, фундаменталистик ёки бошқа тақиқланган ташкилотлар тузиш деганда, ана шундай ташкилотларга аъзоларнинг танланиши ва жой-жойига қўйилиб чиқилиши ва ҳ.к.ларни тушуниш зарур.

Юқоридаги ташкилотларга раҳбарлик қилиш деганда, шундай хусусиятдаги ташкилотлар фаолиятини таъминлаш, ташкилот аъзолари ўргасида хизмат вазифаларини тақсимлаш, уларга тавсияномалар, кўрсатмалар бериш, улардан ҳисобот талаб қилиш ва ҳ.к.га қаратилган ҳар қандай ҳаракатнинг бажарилишини тушуниш зарур.

Иштирок этиш деганда, бундай ташкилотларнинг мавжудлиги қонунга хилоф эканлигини англаб туриб, ушбу ташкилотлар доирасида ҳамкорлик қилиш ҳақида ҳар қандай кўринишида (ёзма ёки оғзаки) розилик берилишини тушуниш зарур.

Жиноят диний экстремистик, сепаратистик, фундаменталистик ёки бошқа тақиқланган ташкилот тузилган ёки уларга раҳбарлик қилинган ёхуд уларда иштирок этилган пайтдан эътиборан тугалланган деб эътироф этилади.

Субъектив томондан жиноят қасдан содир этилади. Айбдор диний экстремистик, сепаратистик, фундаменталистик ёки бошқа тақиқланган ташкилотлар тузатганлиги, уларга раҳбарлик қилаётганлиги ёхуд уларда иштирок этишга розилик берадиганлигини англайди ва шуни хоҳлайди. Жиноятнинг содир этилиш мотиви ва мақсади уни квалификация қилишда аҳамиятга эга эмас.

Жиноятнинг **субъекти** 16 ёшга тўлган ҳар қандай ақли расо жисмоний шахс бўлиши мумкин.

Жиноят содир этилиши натижасида оғир оқибатларнинг келиб чиқсанлиги жавобгарликни оғирлаштирувчи ҳолат ҳисобланади (**ЖК 244²-моддаси 2-қисми**).

Одамлар ўлими, кўп кишиларнинг баданига оғир шикаст етказилиши **оғир оқибатлар** деб ҳисобланиши мумкин.

ЖК 244²-моддаси 3-қисмида башарти шахс тақиқланган ташкилотлар мавжудлиги тўғрисида ўз ихтиёри билан хабар қилган, жиноятни очишга ёрдам берган бўлса, шахсни жиноий жавобгарликдан озод этилишини назарда тутувчи рағбатлантирувчи норма мавжуд.

Айбдор томонидан ҳар икки шартнинг бажарилиши жавобгарликдан озод қилишнинг зарурый шарти ҳисобланади.

6-§. Диний мазмундаги материалларни қонунга хилоф равища тайёрлаш, сақлаш, олиб кириш ёки тарқатиш (ЖК 244³-моддаси)

Ушбу жиноятнинг **ижтимоий хавфилилиги** шундаки, диний мазмундаги материалларни тайёрлаш ва уларнинг назорат қилинмайдиган муомаласи давлатдаги ижтимоий барқарорликни издан чиқариши, хусусан, давлатнинг диний мазмундаги ва динга оид бошқа ахборотларни ишлаб чиқариш ва тарқатиш, хорижда чоп этилган диний адабиётларни Ўзбекистон Республикаси ҳудудига олиб кириш ва тарқатиш (сотиш), шунингдек, диний ташкилотлар марказий органларининг ўз ваколатларини амалга ошириши устидан назоратни ҳам сусайтиради. Ундан ташқари, диний мазмундаги материалларни қонунга хилоф равища тайёрлаш, сақлаш, тарқатиш мақсадида Ўзбекистон Республикасига олиб кириш нолегал диний фаолият (прозелитизм, яъни бир конфессияга мансуб диндорларни бошқасига ёки бошқа миссионерлик фаолиятига жалб этиш) каби реал хавфни вужудга келтиради. Бу эса, ўз навбатида диний экстремизм, ақида-парастлик ва сепаратизмнинг янги шакллари пайдо бўлиши хавфини түгдиради. Сўнгти йилларда мамлакатимизда бундай ҳолларнинг кўпайганлиги қайд этилмоқда.

Жиноятнинг турдош (махсус) объекти жамоат хавфсизлигини тартибиға солувчи, таъминловчи ижтимоий муносабатлардир.

Бевосита асосий объекти Ўзбекистон Республикаси қонунларида белгиланган диний мазмундаги материалларни тайёрлаш, сақлаш, мамлакат ҳудулига олиб кириш ёки тарқатиш тартибиға риоя қилиши соҳасидаги ижтимоий муносабатлар ҳисобланади. **Бевосита қўшимча объекти** эса, жамиятдаги нормал ахлоқий муҳит, фуқароларнинг ахлоқий ва жисмоний соғлигидир.

Бундан келиб чиқиб, жиноятнинг **предмети** диний мазмундаги материаллар, яъни диний мақсадга қаратилган буюмлар, диний адабиётлар ва ахборот берувчи бошқа материаллардир.

NOTA BENE!

Диний мазмундаги предметлар – ибодат учун мўлжалланган бино ва иншоотлар (масжид, черков, синагог, монастир, ибодат уйлари ва ҳ.к.) ва маҳсус диний таълимот бериш, ибодат қилиш ва бошқа удумлар (чўқинтириш, никоҳлаш, жаноза ўқиш ва ҳ.к.)ни амалга ошириш учун зарур бўлган ашёлардир.

Диний адабиётларга диний мазмундаги китоблар, журнал, рисола ва босма равишда чоп этилган бошқа материаллар киради.

Диний мазмундаги ахборот берувчи бошқа материаллар деганда, варақалар, плакатлар, маҳсус календарлар, диний нашрларнинг ксеронусхалари, кино, фото, аудио, видео маҳсулотлар, Интернетдаги диний сайтлар ва ҳ.к. тушунилиши керак.

ЖК 244³-моддасида назарда тутилган жиноятнинг предметларида диний экстремизм, сепаратизм, ақидапарастлик гоялари бўлмаслиги керак, акс ҳолда қўлмиш ушбу модда билан квалификация қилинмайди.

Диний экстремизм, сепаратизм ва ақидапарастлик гоялари билан йўғрилган асарлар, кино, фото, аудио, видео маҳсулотлар ва бошқа материалларни тайёрлаш, сақлаш, Ўзбекистон Республикаси ҳудудига олиб кириш айбордора уларни кейинчалик тарқатиш мақсадининг бор ёки йўқлигидан қатъи назар, шунингдек, уларни тарқатиш ЖК 244¹-моддаси (Жамоат хавфсизлиги ва жамоат тартибиға таҳдид соладиган материалларни тайёрлаш ёки тарқатиш) ёки ЖК 246-моддаси (Контрабанда) сифатида квалификация қилинади.

Жиноятнинг **объектив томони** гайриқонуний равишда диний мазмундаги материалларни тарқатиш мақсадида қонунга хилоф равишида тайёрлаш, сақлаш, Ўзбекистон Республикаси ҳудудига олиб кириш ёки тарқатишида ифодаланади. **ЖК 244³-моддасининг** тузилиши маъмурий преюдицияга эга бўлиб, айбор шундай ҳаракатлари учун шахс маъмурий жавобгарликка тортилганидан кейин бир йил ичida яна шундай қўлмишни содир этса, жиноий жавобгарликка тортилади.

Диний мазмундаги материалларни қонунга хилоф равишида тайёрлаш деганда, бундай фаолият юритишга ҳуқуқи бўлмаган шахс томонидан кейинчалик тарқатиш мақсадила шундай материалларни яратиш бўйича мақсадга мувофиқ ҳаракат қилиниши тушунилади.

Ўзбекистон Республикасининг «Виждан эркинлиги ва диний ташкилотлар тўғрисида»¹ги Қонунига¹ мувофиқ, диний мазмундаги материалларни ишлаб чиқариш, экспорт қилиш, импорт қилиш ва тарқатиш ваколати диний ташкилотларни бошқариш бўйича марказий идораларга берилган, хусусан, ушбу фаолият юритишга лицензияси бўлган идоралар диний удумларни амалга ошириш учун зарур бўлган предметларни чоп этиш ва тарқатиш ҳуқуқига эгалирлар.

Диний мазмундаги материалларни тайёрлаш ушбу материалларнинг бир донаси тайёрланган вақтдан **тугалланган** деб ҳисобланади.

Диний мазмундаги материалларни қонунга хилоф равишида сақлаш деганда, юқорида кўрсатилган материаллар айборнинг эгалигида бўлиши (чўнтағида, бинода, хуфия ва бошқа жойда) ва тарқатиш мақсадида сақланиши тушунилади.

Диний мазмундаги материалларни қонунга хилоф равишида сақлаш узоққа чўзилган жиноят ҳисобланади ва қилмиш тўхтатилганда ёки айбор айбини бўйнига олиб келганида **тугалланган** ҳисобланади. Агар айбор бундай материалларни учинчи шахсларга берса, қилмиш таҳтил этилаётган жиноят объектив томонининг бошқа шакли – гайриқонуний равишида тарқатиш, деб топилади.

Диний мазмундаги материалларни қонунга хилоф равишида **Ўзбекистон Республикасига олиб кириш** ушбу материалларни хориждан мамлакатимиз ҳудудига қонунда белгиланган тартибни бузиб, тарқатиш мақсадида олиб кирилишида ифодаланади.

Хорижда чоп этилган диний мазмундаги материалларни олиб келиш ва тарқатиш ҳуқуқига уларнинг мазмуни қонунда белгиланган тартибда экспертиза қилинганидан кейин факат диний ташкилотларни бошқариш бўйича марказий идоралар эгадир (Ўзбекистон Республикасининг «Виждан эркинлиги ва диний ташкилотлар тўғрисида»¹ги Қонуни, 19-модда).

Диний мазмундаги материалларни қонунга хилоф равишида **Ўзбекистон Республикасига олиб кириш** жиноятнинг мазкур предметлари республика давлат чегарасидан ўтказилган ва айбордада уларни тарқатиш мақсади аниқланган пайтдан бошлаб **тугалланган** жиноят сифатида эътироф этилади.

¹ Қаранг: Ўзбекистон Республикасининг 1991 йил 14 июндаги «Виждан эркинлиги ва диний ташкилотлар тўғрисида»¹ги Қонуни (Ўзбекистон Республикаси 1998 й. 1 майдаги 618-I-сон Қонуни таҳририда). 19-модда // Ўзбекистон Республикаси Олий Мажлисининг Ахборотномаси, 1998 й., 5-6-сон, 99-модда; Ўзбекистон Республикаси қонун ҳужжатлари тўплами, 2008 й., 52-сон, 513-модда.

Диний мазмундаги материалларни қонунга хилоф равища тарқатиш уларни учинчи шахслар фойдасига ҳар қандай шаклда (сотиш, уйларнинг эшиги тагига ташлаб кетиш, кӯчада тарқатиш ва ҳ.к.) бериш ёки уларнинг мазмунини етказиш (варақалар осиш, оммавий ахборот воситаларида чоп этиш, аудиторияларда чиқишилар қилиш, электрон почтадан фойдаланиш ва бошқ.) да ифодаланади.

Диний мазмундаги материалларни қонунга хилоф равища тарқатиш ушбу материаллар ёки уларнинг мағмуни бир шахсга ошкор қилинган пайтдан тутгалланган ҳисобланади.

Субъектив томондан ЖК 244³-моддасида назарда тутилган жиноят тўғри қасд билан содир этилади, шахс ушбу модда диспозициясида назарда тутилган гайриқонуний ҳаракатларни содир этаётганини англайди ва диний мазмундаги материалларни тарқатишни хоҳлайди.

Диний мазмундаги материалларни қонунга хилоф равища тайёрлаш, сақлаш ёки Ўзбекистон Республикаси ҳудудига олиб кириш ҳолларида таҳчилил этилаётган жиноят субъектив томонининг зарурый белгиси тарқатиш **мақсадининг** мавжудлиги ҳисобланади.

Айборда бундай мақсаднинг бўлганилигидан бир қатор объектив омиллар, хусусан, тайёрланаётган, сақланаётган ёки олиб кирилаётган диний мазмундаги материалларнинг миқдори, шунингдек, тайёрлаш усули ва ҳ.к.лар далолат беради. Шахса диний адабиёт муайян бир турининг анча кўп миқдорда ва ўралган ҳолда сақланиши шахса мазкур адабиётни тарқатиш мақсади мавжудлигидан далолат беради. Шахса диний мазмундаги материалларни тарқатиш мақсади йўқлиги кўрсатилган материалларни тайёрлаш, сақлаш ёки республика ҳудудига олиб кириши учун **ЖК 244³-моддаси** бўйича жавобгарликни истисно қиласи

Қилмишнинг мотивлари турлича бўлиши мумкин ва улар жиноятнинг квалификациясига таъсир кўрсатмайди.

Ушбу жиноятнинг **субъекти** 16 ёшга тўлган, ақли расо жисмоний шахс бўлали.

Агарда мансабдор шахс ўзининг хизмат ваколатларидан фойдаланиб, диний мазмундаги материалларни тарқатиш мақсадида қонунга хилоф равища тайёрлаган, сақлаган, Ўзбекистон Республикаси ҳудудига олиб кирган бўлса, қилмиш ҳолатларидан келиб чиқиб, ЖК 205- (Хокимият ёки мансаб ваколатини сунистеъмол қилиш) ёки 206- (Хокимият ёки мансаб ваколати доирасидан четга чиқиш) моддаси билан жавобгарликка тортилади.

7-§. Шахсни гаров сифатида туткунликка олиш (ЖК 245-моддаси)

Ушбу жиноятнинг **бевосита обьекти** жамоат хавфсизлиги, жамоат тартиби, фуқароларнинг эркин ҳаракат қилиши, ҳаёти ёки соғлигини таъминловчи ижтимоий муносабатлар ҳисобланади.

Объектив томондан жиноят терроризм ёки товламачилик аломатлари бўлмаган ҳолда гаров сифатида тутқунликка олинган шахсни озод қилиш шарти билан давлат, халқаро ташкилот, жисмоний ёки юридик шахсдан бирон-бир ҳаракат содир этиш ёки бирон-бир ҳаракатни содир этишдан ўзини тийиб туришни талаб қилиш мақсадида шахсни гаров сифатида тутқунликка олиш ёки тутқунликда ушлаб туришда ифодаланади.

NOTA BENE!

Гаровга олинган шахс – ўз хоҳиш-иродасига зид равишида ҳаракат қилиш эркинлигидан маҳрум этилган шахс.

Шахсни гаров сифатида тутқунликка олиш деганда, гайриқонуний равишида зўрлик ишлатиб, ошкора ёки яширин равишида шахсни ҳаракат қилиш эркинлигидан маҳрум қилишни тушуниш зарур.

Шахсни гаров тариқасида тутқунликда ушлаб туриш деганда, гайриқонуний равишида тутқунликка олинган шахснинг хоҳлаган жойига кетишига зўрлик ишлатиб тўскىнлик қилишни тушуниш зарур.

Аксарият ҳолларда, шахсни гаров сифатида тутқунликка олиш вақтида айборлар жисмоний ёки руҳий зўрлик ишлатадилар.

Руҳий зўрлик ишлатиш ўлдириш, баданга шикаст етказиш, мулкини нобуд қилиш ёки унга заرار етказиш билан қўрқитишида ифодаланиши мумкин.

Жисмоний зўрлик ишлатиш деганда, тутқуннинг калтакланиши, дўппосланиши, баданига енгил ёки ўртacha оғир шикаст етказилиши тушунилиши зарур.

Тутқунликка олиш вақтида гаровга олинаётган шахснинг баданига снгил ёки ўртacha оғир шикаст етказилганида айборнинг қилмиши **ЖК 245-моддаси 1-қисми** билан қамраб олинади ва қўшимча ЖК тегишли моддалари билан квалификация қилинмайди.

Шахсни гаров сифатида тутқунликка олиш – муайян мақсадга эришиш йўлидаги, яъни давлат, халқаро ташкилотлар, жисмоний ёки юридик шахсларни бирор-бир ҳаракатни содир этишга мажбур қилиш ёки содир этишдан тийиб туришга қаратилган жиноят ҳаракатнинг оралиқ босқичидир.

Гаровга олинган шахсларни озод қилиш шартлари турлича бўлиши мумкин. Дунё миқёсида гаровга олинганлар билан боғлиқ суд-тергов амалиётини ўрганиш шуңдан далолат берадики, айборлар кўпинча ўзлари турган мамлакатдан чиқиб кетиш имконини бериш, хукumat қарорининг бекор қилинишига эришиш, маҳкумларни озод қилиш, пул, курол, гиёхвандлик моддаларининг берилиши ва ҳ.к. талабларни қўйганилар. Мазкур талаблар ҳар қандай давлат (жиноятчи фуқароси бўлган ёхуд бошқа бир давлат) олдига қўйилиши мумкин.

NOTA BENE!

Шахсни гаров сифатида тутқунликка олиш – жиноятчиларнинг ўз мақсадига эришиш учун давлат, халқаро ташкилот, жисмоний ёки юридик шахсни бирон-бир ҳаракат содир этиш ёки бирон-бир ҳаракат содир этишдан ўзини тийиб туришга мажбур қилиши.

Мазкур талабларнинг адресати жиноятчи фуқароси бўлган давлат ҳам, бошқа бирон давлат ҳам бўлиши мумкин. Субъект томонидан қўйиладиган талабларнинг мазмуни, шунингдек, гаровга олинган шахслар томонидан улар гаров сифатида тутқунликка олингандигини ёки тутқунликда ушлаб турилганлигини тушунишлари жиноятнинг кўриб чиқилаётган модда бўйича квалификациясига таъсир қилмайди.

Жиноят шахс гаровга олинган пайтдан эътиборан, унинг озод этилиш шартлари қандай бўлганлиги ва қанча вақт ушлаб турилганидан қатъи назар, **тугалланган** деб ҳисобланади.

Субъектив томонидан жиноят **тўғри қасд** билан содир этилади, **махсус мақсаднинг** мавжудлиги унинг ўзига хос хусусияти, яъни гаровга олинган шахсни озод қилиш учун муайян шарт (масалан, муайян шахсни жиноий жавобгарликка тортмаслик, ердан дастурда кўрсатилган мақсадларда фойдаланмаслик, бино ёки маълум иншоотни бузмаслик ва бошк.)ларни қўйиб, давлат, халқаро ташкилот, жисмоний ёки юридик шахсдан бирор-бир ҳаракатни содир этишни ёки бирор-бир ҳаракат содир этишдан ўзини тийишни талаб қилинади.

Жиноятни содир этиш **мотивлари** турлича (масалан, ўч олиш, ҳасадгўйлик, моддий манфаатдорлик, жавобгарликдан қутулиб қолиш ва бошк.) бўлиши мумкин ва улар жиноятнинг квалификациясига таъсир кўрсатмайди.

Жиноятнинг **субъекти** 16 ёшга тўлган ақли расо жисмоний шахс бўлиши мумкин.

ЖК 245-моддаси 2-қисмida:

- вояга стмаган шахсга нисбатан;
- икки ёки ундан ортиқ шахсга нисбатан;
- оғир оқибатлар келиб чиқишига сабаб бўлган шахсни гаров сифатида тутқунликка олиш учун жавобгарлик белгиланган.

Қилмишни **ЖК 245-моддаси 2-қисми «а»** банди билан квалификация қилиш учун жабрланувчининг жиноят содир этиш вақтида 18 ёшга тўлмаганлиги аниқланиши зарур.

Икки ёки ундан ортиқ шахсни гаров сифатида тутқунликка олишда айборнинг икки ёки ундан ортиқ шахсни гаров сифатида тутқунликка олиши ягона қасд билан қамраб олинган бўлади ва одатда, қисқа муддат-ичида содир этилади.

Гаровга олинганларнинг баданига оғир шикаст етказилиши, уларнинг ўз жонига қасд қилиши, гаровга олинган кўпчиликка азоб берилиши, уларнинг қийноққа солиниши гаровга олиш ёки тутқунликда сақлашнинг оғир оқибатлари ҳисобланади.

Гаровга олинган шахс ўлдирилса, айборнинг қилмиши Ўзбекистон Республикаси ЖК 97- ва 245-моддалари билан жиноятлар жами тарикасида квалификация қилинади.

8-§. Контрабанда (ЖК 246-моддаси)

Мазкур жиноятнинг бевосита обьекти қонунда белгиланган тартибда фуқаролик муомаласидан чиқарилган, Ўзбекистон Республикаси божхона чегараларидан ўтказиш тақиқланган товарларни олиб ўтишин тартибга солувчи, давлат, юридик ва жисмоний шахсларнинг қонуний ҳукуқ ва манфаатларни муҳофаза қилувчи ижтимоий муносабатлар ҳисобланади.

Қаттиқ таъсир қилувчи, заҳарли, заҳарловчи, радиоактив, портловчى моддалар, портлатиш қурилмалари, қурол-яроғ, ўқотар қуроллар, ўқ-дорилар, гиёхвандлик воситалари, психотроп моддалар, диний экстремизм, сепаратизм, ақидапарастликни тарғиб қилувчи материаллар, ядроий, кимёвий, биологик ва оммавий қирғин қуролларнинг бошқа турлари, оммавий қирғин қуролларини яратишида фойдаланилиши мумкин бўлган материал ва мосламалар контрабанда жиноятнинг предмети бўлиши мумкин.

(Ушбу предметларнинг тушунчалари ЖК 247, 251, 252, 270, 271-моддаларининг таҳлилида тўлиқ берилади.)

Қурол-яроғлар рўйхатига: турли кўринишдаги қуролларнинг комплекслари ва уларни жангда фойдаланадиган воситалар, мўлжалга олиш, бошқариш ва ҳ.к. тизимлар; қуролли кучларни таъминлашга мўлжалланган маҳсус техник воситалар; ўқ-дорилар ва уларнинг компонентлари, эҳтиёт қисмлар, ўкув қуроллари (макетлар, тренажёрлар ва турли қуроллар ҳарбий техниканинг имитаторлари); жанговар ракеталар учун ракета ёнилгиси, уларни ишлаб чиқиш учун мосламалар; алоқа тизими ва ҳ.к. киради.

Диний экстремизм, сепаратизм, фундаметализм ғояларини тарғиб қилувчи материаллар деганда, шундай информацияни ўзида акс эттирган китоблар, видеоёзувлар, варақалар, плакатлар, шиорлар ва ҳ.к.ларни тушуниш зарур.

(«Диний экстремизм», «диний сепаратизм», «Диний ақидапарастлик» тушунчалари тўғрисида ЖК 244²-моддасининг таҳлилига қаранг.)

ЖК 246-моддаси 2-қисмидаги назарда тутилган контрабанда **предмети** ядроий, кимёвий, биологик ва оммавий қирғин қуролининг бошқа турлари, шундай қуролларни яратишида фойдаланилиши аён бўлган материал ва мосламалар, шунингдек, кўп миқдордаги гиёхвандлик воситалари ёки психотроп моддалардир.

(Ядрорий, кимёвий, биологик ва оммавий қирғин қуроли тушунчаси ЖК 255¹-моддасининг таҳлилида берилган.)

Оммавий қирғин қуролларини яратишда фойдаланилиши аён бўлган материал ва мосламалар деганда, ўз хусусиятига кўра, оммавий қирғин қуролларини яратишда ишлатиладиган хом ашё, материаллар, мосламалар, икки хил мақсадда ядрорий мақсадларда кўлланиладиган, экспорти назорат қилинадиган хом ашё, материаллар, мосламалар тушунилди. Бундай предметлар сирасига Хўмиявий қуролни ишлаб чиқиш, ишлаб чиқариш, тўплаш ва қўллашни тақиқлаш ҳамда уни йўқ қилиш ҳақидаги Конвенциянинг¹ иловасидаги 1-, 2-, 3-рўйхатга кирувчи кимёвий моддалар киради. Ушбу жиноятнинг предметига инсон, ҳайвонлар, ўсимликлар касалликларини қўзғатувчи генетик ўзгартирилган микроорганизмлар, токсинлар, шунингдек, оммавий қирғин қуролини яратиш, ишлаб чиқаришга имкон берувчи мосламалар ҳам киради.

Гиёҳвандлик воситалари ёки психотроп моддаларнинг контрабандасида ҳар бир муайян ҳолатда **кўп миқдор** тегишли давлат органининг хуласаси асосида аниқланади.

Гиёҳвандлик воситалари ёки психотроп моддаларининг кўп миқдорига ЖК 271-моддаси таҳлилида батафсил тўхталамиз.

Объектив томондан контрабанда юқорида номлари келтирилган предметларни божхона назоратини четлаб ёки божхона назоратидан яшириб ёхуд божхона ҳужжатлари воситаларига ўхшатиб ясалган ҳужжатлардан алдаш йўли билан фойдаланиб, декларациясиз ёки бошқа номга ёзилган декларациядан фойдаланиб Ўзбекистон Республикасининг божхона чегарасидан ўтказишида ифодаланади.

«Жиноят кодексининг 246-моддасида жавобгарлик кўзда тутилган контрабанда божхона қонунларини бузиш турларидан бири бўлиб, жамият учун кўпроқ хавф тугдиришини, шу сабабли Жиноят кодексининг 182-моддаси билан қўшимча таснифлашни талаб қилмаслигини судларга тушунирилсин»².

Контрабанда учун жиноий жавобгарлик Жиноят кодекси 246-моддаси диспозициясида кўрсатилган ашёлар Ўзбекистон Республика-

¹ Қаранг: Химиявий қуролни ишлаб чиқиш, ишлаб чиқариш, тўплаш ва қўллашни тақиқлаш ҳамда уни йўқ қилиш ҳақидаги Конвенция (Париж, 1993 й. 13 январь, Ўзбекистон Республикаси Олий Мажлиси 1996 й. 26 дебрдаги 236-1-сон қарорига мувофиқ ратификация қўлинган, Ўзбекистон Республикаси учун 1997 й. 29 апрелда кучга кирган).

² Қаранг: Ўзбекистон Республикаси Олий суди Пленумининг 1998 йил 28 дебрдаги «Ўзбекистон Республикаси Олий Мажлиси томонидан 1997 йил 26 дебрдабра тасдиқланган Божхона кодексининг қабул қилиниши муносабати билан суд амалиётидаги вуждага келган айрим масалалар тўгрисида»ги 30-сонли қарори (Ўзбекистон Республикаси Олий суди Пленумининг 2002 йил 14 июнядаги 10-сонли ва 2002 йил 25 октябрдаги 28-сонли қарорларига асосан киритилган ўзгартириш ва қўшимчалар билан) // Тўплам, 1-жилд. – 210-6.

сининг божхона чегарасидан қонунга хилоф равишида ўтказилган тақдирда, бу ашёлар ўзга МДҲ мамлакатларига ёки МДҲга кирмаган мамлакатларга ўтказилганинидан қатъи назар вужудга келади¹.

Контрабанда предметларини божхона назоратини четлаб Ўзбекистон Республикасининг божхона чегарасидан қонунга хилоф равишида ўтказиш деганда, «уларни божхона органи бўлмаган жойдан ёки божхона расмийлаштируви ва назорати амалга ошириладиган вақтдан ташқари вақтда ўтказишни тушунмоқ лозим»².

Республика худудида эркин божхона зоналари ва эркин омборхоналар жойлашган бўлиши мумкин, уларнинг худуди агар қонунларда бошқа ҳолат назарда тутилмаган бўлса, Ўзбекистон Республикасининг божхона ҳудудидан ташқарида жойлашган, деб ҳисобланади.

Божхона ҳудудининг сарҳадлари, шунингдек, эркин божхона зоналари ва эркин омборхоналар чегаралари Ўзбекистон Республикасининг божхона чегараси ҳисобланади.

Божхона кодексининг 7-моддасига мувофиқ, божхона чегарасидан олиб ўтиш деганда, товар ёки транспорт воситаларини ҳар қандай усул билан божхона ҳудудига олиб кириш ёхуд олиб чиқиш, шу жумладан халқаро почта йўлланмалари орқали жўнатиш, қувур ўтказгич транспорти ёки электр узатиш линияларидан фойдаланишга қаратилган ҳаракатларнинг содир этилиши тушунилади.

Бу ҳаракатлар жумласига:

товарлар ёки транспорт воситалари божхона ҳудудига олиб кирилганда, шу жумладан эркин божхона зоналари ва эркин омборлар ҳудудидан олиб кирилганда – божхона чегарасидан амалда ўтиш;

товарлар ёки транспорт воситалари божхона ҳудудидан олиб чиқилганда, шу жумладан, эркин божхона зоналари ва эркин омборлар ҳудудидан олиб чиқилганда – божхона декларациясини тақдим этиш ёки товар ёхуд транспорт воситаларини олиб чиқиш мақсадини амалга оширишга бевосита қаратилган ўзга ҳаракатни бажариш киради.

Божхона назорати деганда, қонун ҳужжатлари ва халқаро шартномаларга риоя этилишини таъминлаш мақсадида божхона органлари томонидан амалга ошириладиган тадбирлар мажмуи тушунилади.

Контрабанда предметларини божхона назоратини четлаб ўтказиш деганда, контрабанда предметлари уларнинг ўтказилиши учун зарур бўлган тегишли ҳужжатларни божхона органлари ходимларига текширитирмасдан ёхуд божхона органлари белгиламаган бошқа жойлардан ўтказилишини англаади.

¹ Қаранг: Ўзбекистон Республикаси Олий суди Пленумининг 1996 йил 27 февралдаги «Контрабанда ва божхона қонунларини бузиш тўғрисидаги ишлар бўйича суд амалиёти ҳақида»ги 2-сонли қарори (Ўзбекистон Республикаси Олий суди Пленумининг 2002 йил 14 июндаги 10-сонли қарорига асосан киритилган ўзгартириш ва қўшимчалар билан) // Тўплам, 1-жилд. – 42-б.

² Ўша жойда.

Божхона назоратидан яшириш деганда, контрабанда предметларини ўтказишда турли хуфия жойлардан, уларнинг топилишини қийинлаштирадиган бошқа усууллардан фойдаланилиши ва ҳ.к.ларни тушуниш зарур.

«Махсус сақлаш жойлари деб, хуфия жойларни, шунингдек, контрабанда мақсадларида транспорт воситаларига олдиндан қайта ишланиб, йигилиб ва шунга ўхшаш йўллар билан жиҳозланган ва мослаштирилган конструктив сифимли идишларни ва бошқа ашёларни ҳисобламоқ керак»¹.

Хужжатлардан алдаш йўли билан фойдаланиш деганда, ашёларни, товар ва бошқа қимматликларни божхона чегарасидан ўтказиш учун асос тариқасида қалбаки ҳужжатларни, қонунга хилоф йўллар билан олинган ҳужжатларни ёхуд ёлғон маълумотлар ёзилган ҳужжатларни божхона назоратига тақдим этишни тушунмоқ лозим².

Била туриб қалбаки ҳужжат тузган ёки ҳужжаттага ёхуд била туриб олган қалбаки ҳужжатига соxта маълумотлар киритган ва уни божхона органларига ҳақиқий ҳужжат сифатида тақдим этган шахс жиноятлар мажмуйи бўйича Ўзбекистон Республикаси ЖК 209- (Мансаб соxтакорлиги) ёки 228-моддаси (Ҳужжатлар, штамплар, муҳрлар, бланкалар тайёрлаш, уларни қалбакилаштириш, сотиш ёки улардан фойдаланиш) билан жинойи жавобгарлика тортилади.

«Божхона идентификация воситаларидан алдаш йўли билан фойдаланиш деганда, шахсларнинг Ўзбекистон Республикаси ёки ўзга давлатлар божхона органлари томонидан татбиқ этилган идентификация воситаларини ўзгартириши, йўқ қилиши, бузиши ёхуд ўқотиши билан боғлиқ ҳаракатлари тушунилмоғи лозим»³.

Бунда божхона идентификация воситалари деганда, сўрғичлаш, муҳрлаш, рақамли, ҳарфли ва бошқача тамғалар, идентификация белгиларини қўйиш, штамплаш, намуна ва нусхалар олиш, товарларни, бошқа қимматликларни хатлаш, чизмалар тузиш, миқёсни тасвирлаш, фотосуратлар, расмлар тайёрлаш, товарлар билан бирга юбориладиган ва бошқа ҳужжатлардан фойдаланиш ва ҳоказолар тушунилади.

Декларациялаш товар ёки бошқа қимматликлар, уларга қўйилиши лозим бўлган божхона режимлари тўғрисида, шунингдек, божхона мақсадлари учун зарур бўлган бошқа аниқ маълумотларни арз қилишни назарда тутади. Божхона декларацияси, ўз навбатида, ушбу декларациянинг божхона органи томонидан олинганлиги расмийлаш-

¹ Қаранг: Ўзбекистон Республикаси Олий суди Пленумининг 1996 йил 27 февральдаги «Контрабанда ва божхона қонунларини бузиш тўғрисидаги ишлар бўйича суд амалиёти ҳақида»ги 2-сонли қарори (Ўзбекистон Республикаси Олий суди Пленумининг 2002 йил 14 июндаги 10-сонли қарорига асосан киритилган ўзгартириш ва қўшимчалар билан) // Тўплам, 1-жилд. – 43-б.

² Ўша жойда.

³ Ўша жойда.

тирилган вақтдан бошлаб юридик аҳамиятга эга бўлган фактлардан далолат беради.

Ўзбекистон Республикаси ЖК 246-моддасида қайд қилинган контрабанда ашёларини декларациясиз ёки бошқа номга ёзилган декларациядан фойдаланиш деганда, шахсларнинг чегарадан ўтказилиши лозим бўлган контрабанда ашёларини ёхуд товар ёки бошқа қимматликларни декларация қилиш тартибини бузиши билан боялиқ ҳаракатлари, яъни божхона қонунлари томонидан ўрнатилган декларация қилиш формаси ва жойи тўғрисидаги, уни амалга ошириш тартиби тўғрисидаги, декларация ва бошқа кўшимча хужжатлар тақдим этиш муддатлари тўғрисидаги талабларга риоя этмаслик, шунингдек, Ўзбекистон Республикаси ҳудудига олиб кирилаётган ёки унинг ҳудудидан олиб чиқилаётган контрабанда ашёлари, товар ёки бошқа қимматликларнинг тури, сони хусусида декларацияга соxта маъlумотлар киритиш тушунилади¹.

Контрабанда предметлари Ўзбекистон Республикаси божхона чегараси орқали ҳақиқатда қонунга хилоф равища ўтказилган пайтдан эътиборан контрабанда туталланган жиноят деб эътироф этилади.

Субъектив томондан жиноят қасдан содир этилади. Жиноятни квалификация қилишда унинг содир этилиш мотиви ва кўзланинг мақсад аҳамиятга эга эмас.

Жиноятнинг субъекти 16 ёшга тўлган, ақли расо жисмоний шахс бўлиши мумкин.

9-§. Ўқотар қурол, ўқ-дорилар, портловчи моддалар ёки портлатиш курилмаларини қонунга хилоф равища эгаллаш (ЖК 247-моддаси)

Мазкур жиноятнинг бевосита асосий обьекти ўқотар қурол, ўқ-дорилар, портловчи моддалар ёки портлатиш курилмаларини ишлаб чиқариш, сотиш, сотиб олиш, сақлаш, фойдаланиш тартибини белгиловчи ижтимоий муносабатлар ҳисобланади.

Агар ғайриқонуний равища эгаллаш зўрлик ишлатиш ёки зўрлик ишлатиш билан кўрқитиши орқали амалга оширилган бўлса, ушбу жиноятнинг бевосита кўшимча обьекти фуқароларнинг ҳаёти ва соғлиги дахлсизлигини таъминлашга қаратилган ижтимоий муносабатлардир.

Ўқотар қуроллар, ўқ-дорилар, портловчи моддалар ва портлатиш курилмалари эса жиноятнинг предмети ҳисобланади.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Контрабанда ва божхона қонунларини бузиш тўғрисидаги ишлар бўйича суд амалиёти ҳақида»ги 2-сонли қарори (Ўзбекистон Республикаси Олий суди Пленумининг 2002 йил 14 июнданги 10-сонли қарорига асосан киритилган ўзgartариш ва кўшимчалар билан) // Тўплам, 1-жилд. – 43-б.

Ўқотар қуроллар деганда, хўжалик-маиший мақсадларда қўлланмайдиган снаряд ёки ўқни отиш учун мўлжалланган, фақат жонли нишонни маҳв этиш ёхуд спорт тадбирларини ўтказиша порох газидан фойдаланиладиган қуролларнинг барча турларини тушуниш лозим.

Айни вақтда, порох ёки бошқа портловчи модданинг аланга олиши воситасида ўқ отишни амалга оширадиган яна бир қанча турли мосламалар мавжуддир. Масалан, сигнал ракетницилар, мусобақаларда ва қурилишда қўлланмайдиган пистолетлар ва ҳ.к.лар шулар жумласидан бўлиб, уларни ўқотар қуроллар сирасига киритиб бўлмайди, чунки улар хўжалик-маиший ёхуд ишлаб чиқариш мақсадлари учун мўлжаллангандир.

Снаряд (ўқ)нинг порох гази энергияси воситасида отилиши, яъни ўқ узилиши ўқотар қуролнинг ўзига хос белгиларидан бири ҳисобланади. Мазкур белги кенг бўлиб, мавжуд ўқотар қуролларнинг барча турлари ва тизимларини қамраб олади. Қурол ҳисобланмайдиган бошқа отувчи мосламалар (курилиш, старт, газ пистолетлари, баллончалар, пневматик қуроллар) да айнан мана шу белги мавжуд эмас.

Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида қуролга эгалик қилиш тўғрисидаги ишлар бўйича суд амалиёти ҳақида»ги 3-сонли қарори 2-бандида: «пневматик милтиқ, сигнал, старт, газ пистолетлари ёки газ баллонлари, ракетницилар ва бошқа имитация-пиротехник ва ёритгич воситалари қурол жумласига кирмайди», деб таъкидланади.

Бундан ташқари, ўқотар қуролнинг муҳим белгилари сонига қўйидагилар киради: снарядга йўналган ҳаракатни бериш учун стволнинг мавжудлиги; стволни кулфлайдиган қурилманинг ҳамда зарядни аланга олдириш учун мўлжалланган қурилманинг (термик, учқун, механик ёки электр) мавжудлиги; снаряднинг шикастлайдиган етарли кучи (мазкур мезон фақат бошқа типик бўлмаган қуролдан қайтадан қилинган ясама қурол учун зарур); тузилишнинг мустаҳкамлиги, яъни битта бўлса ҳам ўқ отишни амалга ошириш имконияти борлиги.

Предметни ўқотар қурол, деб эътироф этиш учун унинг қандай усулда (заводда ёки кўлда) ясалганлиги аҳамиятга эга эмас. Ўқотар қуроллар ўзининг вазифаси, хусусиятлари, тузилиши, калибри ва бошқа сифатларига кўра ниҳоятда ранг-барангдир.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида қуролга эгалик қилиш тўғрисидаги ишлар бўйича суд амалиёти ҳақида»ги 3-сонли қарори (Ўзбекистон Республикаси Олий суди Пленумининг 2002 йил 14 июнлаги 10-сонли ва 2003 йил 19 декабрдаги 20-сонли қарорларига асосан киритилган ўзгартириш ва қўшимчалар билан) // Ўзбекистон Республикаси Олий суди Пленуми қарорлари тўплами 1991–2006, 1-жилд. – Т.: «O'qituvchi» НМИУ, 2007 – 46-б. (кейинги ўринларда – Тўплам, 1-жилд).

Ўқотар қуролнинг эътироф этилган белгилари ўқотар қурол мавжуд бўлган ёки унинг қўлланилиши зарурий белги ҳисобланган ёхуд жавобгарликни оғирлаштирувчи ҳолатлар сифатида кўрсатилган жиноятлар учун жавобгарликни назарда тутувчи қонуналарда бир хилда бўлиши лозим.

NOTA BENE!

Ўқ-дорилар деганда, қурол учун лозим бўлган ўқлар, артиллерия снарядлари, бомбалар, миналар, гранаталар, ракеталарнинг жанговар қисмлари, шунингдек, ўқотар қуролдан отиш учун мўлжалланган ашёлар тушунилади.

Умуман олганда, ўқ-дориларда ўқотар қуролларга хос бўлган белгилар йиғиндиси мавжуддир. Бу, биринчидан, уларнинг фақат жонли нишонни маҳв этиш, вайрон қилиш ва ҳ.к. лар учун мўлжалланганлиги бўлса, иккинчидан, рухсатнома олиш зарурлиги тўғрисидаги қоидаларнинг уларга ҳам таатлуқли эканлигидир.

Ўқ-дориларнинг: артиллерия замбараклари ва ўқотар қуроллар учун ўқ-дорилар (снарядлар, ўқлар); кичик калибрли, ўйма ва силлиқ стволли ов қуроллари, қўлда ясалган қуроллар учун ўқлар; портлаш хусусиятига эга ўқ-дорилар (миналар, бомбалар, гранаталар ва ҳ.к.лар) каби турлари мавжуддир.

Машқ ғранаталари ёки миналари портловчи моддаси йўқлиги, жонли нишонни маҳв этиш ва вайрон қилиш учун эмас, фақат ўкув мақсадлари учун мўлжалланганлиги сабабли уларга эгалик қилиш жамоат хавфсизлигига хавф туғдирмаслиги муносабати билан, улар ўқ-дори сифатида кўриб чиқилиши мумкин эмас.

Ўзбекистон Республикаси Олий суди Пленуми қарорида: «Ўқ-дорининг бўлаги (масалан, ғранатанинг запали), агар унинг ўзи ўқ-дорининг барча хусусиятларига эга бўлса, мустақил равишда ўқ-дори, деб тан олиниши мумкин»¹ деб қайд этилади.

NOTA BENE!

Портловчи моддалар деганда, порох, динамит, тротил, нитроглицерин ва кислородли ҳаво етишмаган вазиятда портлаш хусусиятига эга бўлган кимёвий моддалар ва аралашмалар тушунилади.

¹ Қаранг: Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида қуролга эгалик қилиш тўғрисидаги ишлар бўйича суд амалиёти ҳақида»ги 3-сонли қарори (Ўзбекистон Республикаси Олий суди Пленумининг 2002 йил 14 июндаги 10-сонли ва 2003 йил 19 декабрдаги 20-сонли қарорларига асосан киритилган ўзгартириш ва кўшичмалар билан) // Ўзбекистон Республикаси Олий суди Пленуми қарорлари тўплами 1991–2006, 1-жилд. – Т.: «O'qituvchi» НМИУ, 2007 – 46-б. (кейинги ўринларда – Тўплам, 1-жилд).

Ташқи омиллар таъсири остида портлаш хусусиятига эга ва рұхсатнома олиниши зарур бўлган табиий ва сунъий моддалар портловчи моддалар ҳисобланади. Ёндириш, зарба, детонация, қизиш, ҳаво билан бирикиш ва ҳ.к.лар натижасида портлаш хусусиятига эга бўлган табиий ва сунъий бирикмалар, аралашмалар ҳам шулар жумласидандир.

Кимё саноатининг жадал ривожланганини муносабати билан портловчи моддаларнинг минглаб турлари кашф этилган ва мавжуддир. Масалан, порох, тротил, пироксилин, натригликоль, нитроглициерин, динамит, аммонит ва ҳ.к.лар шулар жумласига киради.

Қонун чиқарувчи томонидан ана шу моддаларнинг ўта хавфли хусусиятта эга эканлигини инобатга олиниб, уларни қўлга киритиш, сақлаш, улардан фойдаланиш, ташибининг маҳсус тартиби жорий этилиб, рұхсатнома олиниши зарур бўлган воситалар қаторига киритилган.

Портловчи моддалар мустақил тарзда, шунингдек, ўқ-дориларда, уларнинг таркибий қисмларида, портлатиш воситаларида зарядлар сифатида ишлатилиши мумкин. Шунга кўра, ташаббускор, парчаловчи (яңчадиган), отиш (порох) ва пиротехника таркиблари фарқланади.

NOTA BENE!

Портлатиш қурилмалари – конструкцияси тузилишига кўра портловчи моддани ўзида сақладиган ва портлашни амалга ошириш учун мўлжалланган саноатда ишлаб чиқарилган ёки қўлбола ишланган (запал, портлатгич, детонатор ва ҳ.к.лар) маҳсус мосламалар.

Имитация-пиротехник ва ёриттич воситалари портловчи моддалар ва портлатиш қурилмалари жумласига кирмайди.

Ўқотар қурол, ўқ-дорилар, портловчи моддалар ёки портлатиш қурилмалари ғайриқонуний равишида эгалланган вақтда уларнинг объектив жиҳатдан яроқли эканлиги шахсни мазкур модда билан жиноий жавобгарликка тортишнинг зарурий шарти ҳисобланади.

Ўзбекистон Республикаси Олий судининг тушунтиришига кўра, «Судлар Жиноят кодексининг 247-, 248-моддалари бўйича жавобгарлик ишлатишга яроқли бўлган ўқотар қурол, ўқ-дориларни, портловчи моддаларни ёки портлатиш қурилмаларини ёхуд айбордor яроқли ҳолатга келтириш учун аниқ имкониятларга эга бўлса, бузук қуролни ёки ўқув қуролини қонунга хилоф равишида эгallаганда, олганда, олиб юрганда, сақлаганда ёки ўтказганда юзага келишини эътиборга олишлари шарт»¹.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида... – Тўплам, 1-жилд). 46-б.

Яроқли қурол деганда, деталлари, механизмларининг баллистик сифати ва техник тавсифи давлат стандартларига мос келадиган қуроллар тушунилади. Қуролдан фойдаланишга имкон бермайдиган нуқсонлари бўлган қурол **яроқсиз қурол** ҳисобланади. Қуролда ундан фойдаланишга халақит бермайдиган кичик нуқсонларнинг борлиги уни ЖК 247–249-моддаларида назарда тутилган жиноят предмети, деб топиш учун тўсқинлик қилмайди.

Башарти шахс яроқсиз ўқотар қурол, ўқ-дорилар, портловчи моддалар ёки портлатиш қурилмаларини яроқли деб ўйлаб ҳаракат қилган бўлса, унинг қилмиши жиноятга суюқасд сифатида ЖК 25-моддаси 2-қисми ва **247-моддаси** билан квалификация қилинади. Айбдор томонидан билмаган ҳолда ўқотар қурол, ўқ-дорилар, портловчи моддалар ёки портлатиш қурилмалари деб ўйлаб буюмларни қонунга хилоф равишида эгаллаш ўхшаш ҳолда квалификация қилинади. Шу билан бирга, агар шахс аслида ўқотар қурол, ўқ-дорилар, портловчи моддалар ёки портлатиш қурилмалари бўлган буюмларни қонунга хилоф равишида эгаллаган бўлса, бироқ уларга бошқа (масалан, хўжалик-маиший) маъно бериб, уларнинг ҳақиқий хусусиятини билмаган бўлса, унинг қилмиши **ЖК 247-моддасида** назарда тутилган жиноят таркибини ташкил қилмайди ва иш ҳолатларига қараб ўзгалар мулкига қарши жиноят сифатида квалификация қилинади.

Бошқа ҳолларда, ишлатишга яроқсиз бўлган қуролни ёки унинг таркибий қисмларини қонунга хилоф равишида эгаллаш (уни яроқли ҳолатта келтириш учун имконият йўқлигига) иш ҳолатларига қараб ўзгалар мулкини талон-торож қилиш учун жавобгарликни назарда тутувчи ЖК моддалари бўйича квалификация қилиниши лозим. «Ўқотар қуролнинг таркибий бўлаклари ва қисмлари ишлатишга яроқли бўлган қуролни йиғиш учун бут бўлган ҳолларда, содир этилган қилмиш Жиноят кодексининг 247- ёки 248-моддаси билан квалификация қилинмоғи керак.

Ўқотар қуролнинг таркибий бўлаклари ва айрим қисмларини қонунга хилоф равишида эгаллаш кейинчалик отишга яроқли бўлган қуролни йиғиш учун зарур бўлган етишмайдиган қисмларини тайёрлаш билан боғлиқ бўлган тақдирда, ўзганинг мулкини талон-торож этиш ва ўқотар қурол тайёрлаш мажмуи билан квалификация қилиниши лозим»¹.

Объектив томондан ЖК 247-моддаси 1-қисмидаги назарда тутилган жиноят ўқотар қурол, ўқ-дорилар, портловчи моддалар, портлатиш қурилмаларини ўғрилик ёки фирибгарлик йўли билан қонунга хилоф равишида эгаллашдан иборатdir.

¹ Қаранг: Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида... – Тўплам, 1-жилд). 47-бет.

Ўзбекистон Республикаси Олий суди Пленуми қарорида «ўқотар курол, ўқ-дорилар, портловчи моддалар ёки портлатиш қурилмаларини қонунга хилоф равишида ҳар қандай усулда эгаллаш, айблорнинг улардан ўз дохиши бўйича фойдаланиши ёки тасарруф этиш имкониятлари бор-йўқтигидан ютти назар, улар олинган вақтдан боштаб туғалдамаган жиноят ҳисобланиши керак»¹, дейилган.

Талон-торож қилинган қуролдан гайриқонуний ҳаракатларни амалга оширишида фойдалангандан сўнг уни йўқ қилиш, жиноят жойида қолдириш ёки қайтариб бериш шахсни жиномий жавобгарликдан озод қилиш учун асос бўлмайди.

Ўқотар курол, ўқ-дорилар, портловчи моддалар ёки портлатиш қурилмаларининг тасодифан (масалан, табиий оғат натижасида) шахснинг эгалитигига тушиб қолиши ушбу модда билан квалификация қилинмайди, мазкур қилмиш ЖК 248-моддаси билан баҳоланади. Шу билан бирга эгаси қаровсиз қолдирган қуролни олиш субъектив томон белгилар мавжуд бўлса, талон-торож таркибини ташкил этади.

Ўқотар курол, ўқ-дорилар, портловчи моддалар ёки портлатиш қурилмаларини уларга қонуний ёки қонунга хилоф равишида эгалитик қилаёттан корхона, ташкилот, муассаса, шунингдек, фуқаролардан олиб қўйиш ҳам ушбу моддада назарда тутилган жавобгарликни келтириб чиқаради.

ЖК 247-моддасида жавобгарлик белгиланган қилмиш субъектив томондан тўғри қасд билан содир қилинади. Айблор ўқотар курол, ўқ-дорилар, портловчи моддалар ёки портлатиш қурилмаларини қонунга хилоф равишида эгаллаётганligини билади, талон-торож қилинган предметларни ўз дохишига кўра тасарруф этишни хоҳлайди.

Кўриб чиқилаётган жиноятнинг мотив ва мақсади туряича: гараз, эгалланган нарсалардан бошқа жиноятни содир этишида, овда, ўзини мудофаа қилишида фойдаланиш ва ҳ.к. лар бўлиши мумкин.

Жиноянинг субъекти 14 ёшга тўлган, ақли расо жисмоний шахс бўлади.

ЖК 247-моддаси 2-қисмida:

- а) такроран;
- б) бир гуруҳ шахслар томонидан олдиндан тил бириктириб;
- в) ўтказтириш, растрата қилиш ёхуд мансаб мавқеини суиистеъмол қилиш йўли билан;
- г) талончилик йўли билан;
- д) товламачилик йўли билан ўқотар курол, ўқ-дорилар, портловчи моддалар ёки портлатиш қурилмаларини қўлга киритиш учун жавобгарлик назарда тутилган.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида... – Тўплам, 1-жилд). 47-6.

Айбдор турли вақтда ягона қасд билан қамраб олинмаган икки ёки ундан ортиқ үқотар қурол, ўқ-дорилар, портловчи моддалар, портлатиш қурилмаларини қонунга хилоф равища эгаллашни содир этган ва олдинги жиноят учун жиноий жавобгарликка тортилмаган ҳолларда жиноят **ЖК 247-моддаси 2-қисми «а»** банди бўйича квалификация қилинади. Қоида тариқасида, такроран жиноят содир этилишида жиноятлар содир этилиши ўртасида анча катта вақт ўтади.

Жиноятни содир этишда биргалашиб қатнашишни олдиндан тил биринкирган икки ёки ундан ортиқ шахслар кўриб чиқилаёттан жиноят содир этилишида қатнашган, шу билан бирга, уларнинг ҳар бири мазкур жиноятнинг объектив томонини тўлиқ ёки қисман бажарган бўлса (иштирокчилик) **ЖК 247-моддаси 2-қисми «б»** банди қўлланилади. Роллар тақсимланган ҳолларда ижрочи (ижрочилар) ҳаракатлари ЖК 247-моддасининг тегишли қисми бўйича, бошқа иштирокчилар ҳаракатлари эса, ижрочи ҳаракатлари билан бир хил тарзда ЖК 28-моддасининг тегишли қисмига ҳавола қилинган ҳолда квалификация қилиниши керак.

ЖК 247-моддаси 3-қисмida кўрсатилган предметларга:

- босқинчилик йўли билан;
- ўта хавфли рецидивист томонидан;
- уюшган гуруҳ томонидан ёки унинг манфаатларини кўзлаб эгалик қилганлик учун жавобгарлик белгиланган.

Ўқотар қурол, ўқ-дорилар, портловчи моддалар ёки портлатиш қурилмаларига ўғирлиқ, фирибгарлик, ўзлаштириш ёки растрата қилиш, ҳокимият ёки мансаб ваколатини суиистеъмол қилиш, талончилик, товламачилик, босқинчилик йўли билан эгалик қилиш **ЖК 247-моддаси** ва ўзгалар мулкини талон-торож қилганлик учун жавобгарлик белгиланган жиноят қонунининг тегишли моддалари бўйича жиноятлар жами сифатида квалификация қилиниши зарур.

ЖК 247-моддаси 3-қисми «б» бандини қўллаш учун айбдор ушбу жиноятни содир қилгунга қадар суднинг қонуний кучга кирган ҳукмига кўра ўта хавфли рецидивист, деб топилган бўлиши керак.

Икки ёки ундан ортиқ шахснинг биргаликда жиноий фаолият олиб бориши учун олдиндан бир гуруҳга бирлашиб жиноят содир этиши қилмиш **уюшган гуруҳ** томондан амалга оширилган дейиш учун асос бўлади (**ЖК 29-моддаси 2-қисми**).

Иштирокчиликнинг хавфли шакли бўлган **уюшган гурухнинг** қуидаги хусусиятлари мавжуд:

- жиноятни содир этиш учун аввалдан бирлашиш;
- юқори даражада **уюшганлик**;
- барқарорлик ва бошқ.

Қилмишни **ЖК 247-моддаси 3-қисми «в»** бандига кўра **уюшган гуруҳ манфаатларини** кўзлаб содир этилган, деб квалификация қилиш учун жиноят оқибатида **уюшган гуруҳ** аъзолари ўзларининг қандайдир

манфаатларига эришганлигини аниқлаш зарур, жиноятнинг бажарувчи си уюшган гуруҳ аъзоси бўлмаслиги ҳам мумкин. Айборда уюшган гуруҳ манфаатларини кўзлаб ўқотар қурол, ўқ-дорилар, портловчи моддалар ёки портлатиш қурилмаларини эгаллаш қасдининг мавжудлигини аниқлаш муҳимдир.

10-§. Қурол, ўқ-дорилар, портловчи моддалар ёки портлатиш қурилмаларига қонунга хилоф равишида эгалик қилиш (ЖК 248-моддаси)

Жиноятнинг **бевосита обьекти** қурол, ўқ-дорилар, портловчи моддалар ва портлатиш қурилмаларини сақлаш ва улар билан муюмала қилиш хавфсизлигини таъминловчи ижтимоий муносабатлар ҳисобланади.

Мазкур жиноятнинг предмети ЖК 247-моддасида назарда тутилган қилмишнинг предмети билан бир хилдир.

ЖК 248-моддаси 1-қисмидаги назарда тутилган жиноятнинг обьекти томони тегишли рухсатномасиз ўқотар қурол, шунингдек, ўқ-дорилар, портловчи моддалар ёки портлатиш қурилмаларини тайёрлаш, олиш, олиб юриш, сақлаш, олиб ўтиш ёки жўнаташдан иборатdir.

«Жиноий жавобгарликка тортиш учун асос бўладиган ўқотар қурол, ўқ-дорилар, портловчи моддалар ёки портлатиш қурилмаларини тайёрлаш деганда, – деб тушунтирилди, Ўзбекистон Республикаси Олий суди Пленумининг 1996 йил 27 февралдаги қарорида, – уларни ясаш ёки шикаст етказиш хусусиятларини тиклаш, шунингдек, қандайдир ашё (масалан, ракетница, старт ва қурилиш пистолетлари)ни қайта ишлаш натижасида уларни ўқотар қурол хусусиятига келтириш тушунилиши лозим. Ашёга шикаст етказиш хусусиятларини беришга қаратилган ҳаракатлар айборга боғлиқ бўлмаган ҳолатларга кўра охиригача етказилмаган бўлса, ўқотар қурол, ўқ-дорилар, портловчи моддалар ёки портлатиш қурилмаларини қонунга хилоф равишида тайёрлашга суиқасд қилиш тариқасида квалификация қилинмоғи лозим».¹

Қурол вазифасига кўра бевосита фойдаланиш имконини берадиган даражада тайёр ҳолга келган пайтдан эътиборан жиноят тугалланган ҳисобланади.

Ўқотар қурол, ўқ-дорилар, портловчи моддалар ёки портлатиш қурилмаларини олиш деганда, уларнинг ҳар қандай усул билан олинишини тушунмоқ лозим. ЖК 247-моддасида кўзда тутилган усуллар бундан мустаснодир.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида... – Тўплам, I-жилл). 47–48-б.

Қонунга хилоф равища олиш құйидагилар орқали амалға оширилиши мүмкін: сотиб олиш, ҳада сифатида, бошқа нарсаларға алмаштириб олиш, қарз әвазига олиш, вақтінча фойдаланишга олиш, топиб олиш. Қуролға әгалик бошланған пайтдан әထиборан жиноят **тұгалланған** деб әထироф этилади.

Айтиб ўтилган ашёларни **олиб юриш** деганда, айбдорнинг ана шу ашёларнинг соҳиби эканлиги ва бу ашёларнинг унинг ёнида бўлишини тушунмоқ лозим.

Айбдорнинг ана шу ашёларни ўзи билан ёки бирор нарсанинг ичидә (чемоданда, кутида, портфелда, халтада, автомашина салони ёки унинг юхонасида) яшириб ёки уларни яшириш чораларини кўрмай олиб юрганлиги аҳамиятта эга эмас, муҳими ана шу ашёлар ҳар қандай вазиятда айбдорнинг «Қўл остида» бўлганлигидир.

Сақлаш деганда, айтиб ўтилган ашёлар, айбдорнинг бевосита ёнида эмас, балки унинг квартирасида, ҳовлисида, омборида ёки бошқа жойда сақланганлигини тушуниш лозим. Суд амалиётида айтиб ўтилган ашёлар айбдорнинг уйида ёки унга маълум бўлган бошқа ерда сақланган, яшириб қўйилган ёки ошкора сақланган, улардан хўжалик-рўзгор буюми сифатида фойдаланилганлигидан қатын назар, улар қонунга хилоф равища сақланган, деб ҳисобланади.

Субъектнинг мазкур ашёларни танишлариникда сақлагани сақлаганлик учун жавобгарлиқи ѹистисно қилмайди, чунки айбдор сақлаш жойи ва усулини танлайди холос, аммо қурол унга маълум, ўзи танлаган ерда сақланаверади ва унинг ихтиёрида қолаверади.

Қайд қилинган ашёлар шахс томонидан тегишли рухсатнома бўлгани ҳолда, аммо бу рухсатноманинг муддати ўтган ёки ўқотар қуролни ҳисобга қўйиш қоидалари бузилган вазиятда сақланадиган бўлса, айбдор маъмурий ҳуқуқбузарлик учун жавобгарликка тортилиши лозим.

Қуролни қонунга хилоф равища сақлаш жиноятнинг узлуксиз таркибини бажариш билан таърифланадиган узоқча чўзилган жиноятдир. Мазкур жиноят кўрсатилган обьектлар шахснинг гайриқонуний әгалигига тушган пайтдан бошланади ва жиноят содир этилиши тўхтатилган пайтдан, яъни қурол ҳуқуқни муҳофаза қилувчи органлар томонидан топилган, талон-торож қилинган, йўқотиб қўйилган, айбдор томонидан ўз ихтиёри билан топширилган пайтдан әထиборан **тұгалланған** деб әထироф этилади.

Олиб ўтиш деганда, ҳар қандай транспортдан фойдаланиб, айтиб ўтилган ашёларнинг бир ердан бошқа ерга ташилиши, олиб ўтилиши ва ҳамиша айбдорнинг ёнида бўлишини тушуниш лозим.

Жўнатиш деганда, қуролни контейнер, посилка ва бошқа мослаштирилган предметларда бошқа жойга кўчиришни тушуниш лозим.

Қайд этилган ашёларни олиб ўтиш ва жўнатиш шундай ҳаракат содир этилган пайтдан әထиборан **тұгалланған** деб әထироф этилади.

Субъектив томондан жиноят түгри қасддан ва гараз ният билан содир этилади. Айни вақтда айбдор ўзи олиб юрган, сақлаёттан, күлгө киритаёттан, олиб ўтаёттан, ўтказаёттан ашёлари ўқотар қурол, ўқ-дори, портловчи модда ва портлатиш қурилмаси эканлигини билиши, айтиб ўтилган ҳаракатларни бунга рухсатномаси бўлмагани ҳолда содир этилаётганини англаши лозим. Айбдорнинг гаразли нияти тегишли ашёларнинг соз, қўллаш учун яроқли ҳолатда эканлигини ёки фойдаланиш учун яроқли ҳолга кўлтириш мумкин бўлган даражадалигини қамраб олиши керак.

Жиноятнинг **субъекти** жиноят содир этилган вақтда 16 ёшга тўлган, ақли расо жисмоний шахслар бўлиши мумкин.

ЖК 248-моддаси 2-қисмидаги ўқотар қурол, ўқ-дорилар, портловчи моддалар ёки портлатиш қурилмаларини тайёрлаш, олиш, олиб юриш, сақлаш, олиб ўтиш ёки жўнатиш; такроран ёки хавфли рецидивист томонидан жавобгарликни оғирлаштирувчи ҳолатларда содир этилганлиги учун жавобгарлик назарда тутилади.

(Жиноят такроран содир этилишининг ўзига хос хусусиятлари тўғрисида ЖК 247-моддасининг таҳлилига қаранг.)

Айбдор илгари қурол, ўқ-дорилар, портловчи моддалар ёки портлатиш қурилмаларига қонунга хилоф равишида эгалик қилиш учун ҳукм қилинган бўлса ва илгари содир этилган жиноят учун судланганлик тугалланмаган ёки қонунда белгиланган тартибда олиб ташланмаган бўлса, жиноят **ЖК 248-моддаси 2-қисми – хавфли рецидивист томонидан** содир этилган сифатида квалификация қилинади.

Бунда қўлмишни **ЖК 248-моддаси 2-қисмининг** мазкур белгиси бўйича квалификация қилиш учун айбдор илгари тамом бўлган қотиллик жинояти ёки жиноятга суюқасд содир этганлигининг, жиноятнинг бажарувчиси ёки бошқа иштирокчиси бўлганлигининг аҳамияти йўқ.

ЖК 248-моддаси 3-қисмидаги ўқотар қурол, ўқ-дорилар, портловчи моддалар ёки портлатиш қурилмаларини тарқатганлик учун жавобгарлик назарда тутилади.

Қайд этилган ашёларни **ўтказиши** ҳар қандай кўринишида, уларни доимий эгалик қилиш учун бошқа шахсларга тарқатилиши, масалан, сотилиши, совға қилиниши, алмашинишини, қарз эвазига берилиши, қарзга бериб турилиши ва ҳ.к.ларни англатади.

Қайд этилган ашёларни **ўтказиши** киритувчи тегишли ашёларни ўз эгалигига қабул қилиб олган пайтдан эътиборан, уларга қанча вақт эгалик қилганидан қатъи назар, **тугалланган** деб эътироф этилади.

ЖК 248-моддаси 4-қисмидаги «ушбу моддада назарда тутилган ашёларни ўз ихтиёри билан топширган шахс жавобгарликдан озод қилинади», деб белгилаб қўйилган.

Шахснинг, биринчидан, қурол топширилгунга қадар ундан жиноят содир этишда фойдаланмаганилиги; иккинчидан, қонунга хилоф равишида сақланаётган ҳамма ўқотар қурол, ўқ-дорилар, портловчи моддалар, портлатиш қурилмаларини топширганлиги; учинчидан, қонунга хилоф равишида сақланаётган ашёларни ҳуқуқни муҳофаза қилиш органларининг бирон-бир талабисиз ўз ихтиёри билан топширганлиги уни жиноий жавобгарликдан озод қилишининг шартлари ҳисобланади.

Шу муносабат билан Ўзбекистон Республикаси Олий суди Пленуми қарорида «Шахс Жиноят кодекси 248-моддасида қайд этилган ашёларни эркин тарзда ўз ихтиёри билан топшириш тўғрисида қарорга келса ва унинг ўзи бу ашёларни топшириш ҳақида тегишли органларга ёзма ёки оғзаки равишида мурожаат қилса, у ашёларни ўз ихтиёри билан топширган ҳисобланади.

Шахс тинтуб жараёнида ёки унда қурол борлиги ҳақида далиллар келтирилиши натижасида қуролни топшириш тўғрисидаги холосага келса, у қуролни ўз ихтиёри билан топширган ҳисобланмайди¹ деб тушунтириш берилган.

11-§. Ўқотар қурол ёки ўқ-дориларни бепарвоник билан сақлаш (ЖК 249-моддаси)

Мазкур жиноятнинг бевосита асосий обьекти ўқотар қурол ёки ўқ-дорилардан бегоналар фойдалана олмайдиган шароитларда сақлаш тартибини белгиловчи ижтимоий муносабатлардир. Жиноятнинг бевосита қўшимча обьекти одамларнинг ҳаёти ёки соғлиғи, мулкий муносабатлар ҳисобланади.

Жиноятнинг предмети ўқотар қурол ёки ўқ-дорилардир.

(«Ўқотар қурол», «ўқ-дорилар» тушунчалари тўғрисида ЖК 247-моддасининг таҳлилига қаранг.)

Қайд этилган предметлар гайриқонуний равишида айбдор ихтиёрида бўлган ва уларни сақлаш қоидаларининг бузилиши туфайли одам ўлишига ёки бошқа оғир оқибатлар рўй берган ҳолларда айбдорнинг қилмиши жиноятлар мажмуи бўйича ЖК 248-моддаси ва ЖК 249-моддаси билан квалификация қилиниши зарур.

Кўриб чиқилаётган жиноятнинг обьектив томони ўқотар қурол ёки унга мўлжалланган ўқ-дориларни бепарвоник билан сақлаш одам ўлишига ёки бошқа оғир оқибатлар сабаб бўлишида ифодаланади.

Ўқотар қурол ёки унга мўлжалланган ўқ-дориларга эгалик қилиш ҳуқуқининг мавжудлиги шахсни ЖК 249-моддаси бўйича жавобгарликка тортишнинг зарурий белгиси ҳисобланади.

¹ Қаранг. Ўзбекистон Республикаси Олий суди Пленумининг 1996 йил 27 февралдаги «Қонунга хилоф равишида... – Тўплам, 1-жилл). 49-6.

Шахснинг қонуний эгалигига бўлган ўқотар қурол ёки ўқ-дорилар уларнинг бутунлигини, сақлаш хавфсизлигини таъминлайдиган ва улардан бегона шахслар фойдаланиш имкониятини истисно қиладиган шароитларда сақланиши шарт (қулфланадиган сейф ёки металл шкафларда, мустаҳкам материаллардан қилинган тортма ёки темир билан қопланган ёғоч тортмаларда).

NOTA BENE!

Қайд этилган предметларни **бепарвоник билан сақлаш** деганда, бегона шахсларга ҳеч қандай тўсиқсиз қайд этилган ашёларни қўлга киритиш имконини берадиган сақлаш шароитларининг яратилишини тушуниш зарур.

Масалан, ўқланган қуролни бошқа шахслар учун очиқ бўлган умумий фойдаланиш жойларида, сақлаш учун мўлжалланмаган жойларда сақлаш ва ҳ.к.

Ўқотар қурол ва ўқ-дориларни бепарвоник билан сақлаш қўпинча ана шу ашёлар бутлигини таъминлаш учун зарур чора-тадбирларни кўрмаган айборларнинг жинояткорона лоқайдлигига ифодаланади. Аммо баъзан бундай қиммиш фаол ҳаракат қилиш йўли билан ҳам содир этилиши мумкин. Айборлар ана шу ашёларни сақлаш учун зарур шароитларни таъминлаш мақсадида маълум чора-тадбирларни кўрган, аммо бу чора-тадбирлар етарли бўлмаганлиги сабабли қурол ёки ўқ-дориларни бегона шахслар эгаллаб олган ва бу одам ўлишига ёки бошқа оғир оқибатларга олиб келган ҳоллар шулар жумласидандир.

Таҳиъл қилинаёттан жиноят моддий таркибли жиноятлар сирасига киради.

Жиноят қонунида кўзда тутилган ижтимоий хавфли оқибатлар: одам ўлиши ёки бошқа оғир оқибатлар келиб чиқсан пайтдан эътиборан **тугалланган ҳисобланади**.

Ўзбекистон Республикаси Олий суди Пленуми қарорида «бошқа оғир оқибатлар» аломати ҳар бир муайян ҳолатда ишнинг тафсилотлари мажмуудан (иморатнинг портлаши, катта миқдордаги заарли моддаларнинг атмосферага тарқалиши ва шу кабилар) келиб чиқсан ҳолда тергов ва суд томонидан ҳал қилинади»,¹ деб қайд этилган.

Бир неча кишига ўртача оғир ва оғир шикаст етказилиши, ўз жонига қасд қилиш ва ҳ.к.лар ҳам **бошқа оғир оқибатлар** сирасига киритилиши лозим.

Ўқотар қурол ёки ўқ-дориларни бепарвоник билан сақлаш **субъектив томондан** эҳтиёtsизлик билан тавсифланади, у эса **жиноий**

¹ Қаранг: Ўзбекистон Республикаси Олий суди Пленумининг 1996 йил 27 февральдаги «Қонунга хилоф равишда... – Тўплам, 1-жилд). 49-6.

ўз-ўзига ишониш ёки жиеной бепарволикда ифодаланади. Агар шахс ўқотар қурол ёки ўқ-дориларни бепарволик билан сақлаш одам ўлиши ёхуд бошқа оғир оқибатларни келтириб чиқариши мүмкінлігіга күзи ета туреб, бундай оқибатлар келиб чиқмаслыгига ассоциз равища умид қылган бўлса, жиноят ўз-ўзига ишониш оқибатида содир этилган деб топилади.

Агар шахс ўқотар қурол ёки ўқ-дориларни бепарволик билан сақлаш одам ўлиши ёхуд бошқа оғир оқибатларни келтириб чиқариши мүмкінлігіга күзи етмаса-да, лекин зарур синчковлик ва эҳтиёткорликда кўзи етиши лозим ва мумкин бўлса, жиноят бепарволик орқасида содир этилган деб топилади.

Айбдорнинг эгалигида бўлган ўқотар қурол ва унга мўлжалланган ўқ-дориларни бепарволик билан сақлаш туфайли ундан ўзга шахс фойдаланиши натижасида одам ўлса ёхуд бошқа оғир оқибатлар рўй берса, қилмиш ЖК 249-моддаси билан квалификация қилиниб, жиноят қонунининг бошқа моддаларини қўллаш талаб этилмайди.

Жиноятнинг **субъекти** ўқотар қурол ёки ўқ-дориларга қонуний равища эгалик қилаётган 16 ёшга тўлган ақли расо жисмоний шахс ҳисобланади.

12-§. Портлаш хавфи бўлган моддалар ёки пиротехника буюмларидан фойдаланиш қондаларини бузиш (ЖК 250-моддаси)

Бу жиноятнинг **бевосита ёки объекти** портлаш хавфи бўлган моддаларни ёки пиротехника буюмларини ҳисобга олиш, сақлаш, ташиб, жўнатиш, фойдаланиш қондаларига риоя қилиш орқали таъминланадиган ижтимоий муносабатлардир. **Бевосита қўшимча объекти** фуқароларнинг ҳаёти ёки соғлиги ёхуд ўзгалар мулкининг дахлсизлигини таъминловчи ижтимоий муносабатлардир.

Портловчи, тез аланталанувчи, ўювчи моддалар ёки пиротехника буюмлари жиноятнинг **предмети** ҳисобланади.

Портловчи моддалар деганда, кислород, ҳаво бўлмаса ҳам тезда ва ўз-ўзидан парчаланиб ўзгариш (портлаш) хусусиятига эга бўлган ва рухсатнома талаб этиладиган табиий ёки сунъий моддалар, кимёвий бирикмалар ва аралашмалар тушунилиши лозим. Масалан, порох, динамит, тротил, нитроглицерин, водород ва кислород аралашмаси, пироксилин ва ҳ.к.лар.

Қонун чиқарувчи томонидан портловчи моддаларнинг хавфли хусусиятларини инобатга олиниб, уларни қўлга киритиш, сақлаш, фойдаланиш, ташиб ва ҳ.к.ларнинг маҳсус тартиби жорий этилган, бошқача қилиб айтганда, улар рухсатнома олиниши зарур бўлган фаолият доирасига киради.

NOTA BENE!

Тез алангаланувчи моддалар – қурол сифатида фойдаланиш учун мұлжалланған ёки шу мақсадға мослаштирилған, келиб чиқиши табиий ёхуд сұнъий бўлган, синтез қилинган, қаттиқ, суюқ, газсимон материаллар ва ёнувчи аралашмалардир.

Шуни назарда тутиш керакки, тергов ёки суд мұхокамаси вақтида у ёки бу модданинг тез алангаланувчи моддалар сирасига киришига шубҳа туғилса, иш бўйича суд ёнғин-техника экспертизасини ўtkазиши зарур.

NOTA BENE!

Ўювчи моддалар деганда, емирувчи таъсир кўрсатадиган кимёвий моддаларни тушуниш лозим.

Масалан, карбол, олтингугурт, азот, сирка кислотаси, нашатир спирти, формалин, ишқорлар, ўювчи натрий ва ҳ.к.лар.

NOTA BENE!

Пиротехника буюмлари деганда, жанговар ва тинч мақсадлар учун мұлжалланған, таркибида портловчи ва тез ёнувчи моддалар бўлган ёритиш, тутун чиқариш, аланга олдириш воситаларини тушуниш зарур. Масалан, сигнал мосламалари, мушакбозлиқда ишлатиладиган турли иллюминациялар ва ҳ.к.

Объектив томондан ЖК 250-моддасида назарда тутилган жиноят портловчи, тез алангаланувчи, ўювчи моддаларни ёхуд пиротехника буюмларини сақлаш, ҳисобга олиш, фойдаланиш, ташиш, жўнатиш қоидаларини бузиш натижасида баданга ўртacha оғир ёки оғир шикаст етказилишидан иборатdir.

Мазкур жиноятнинг объектив томони баданга ўртacha оғир ёки оғир шикаст етказилишига ёки одам ўлишига сабаб бўлган портлаш хавфи бўлган моддалар ёки пиротехника буюмларидан фойдаланиш қоидаларини бузиш билан боғлиқ **фаол ҳаракатларда ҳам** (хусусан, эҳтиёт чораларига бепарво қараб, пиротехника буюмларидан фойдаланиш ва бошқалар); портловчи, тез алангаланувчи, ўювчи моддаларни ёхуд пиротехника буюмларини хавфсиз сақлаш, ҳисобга олиш, улардан фойдаланиш, уларни ташиш, жўнатишни таъминловчи тегишли қоидаларининг кўрсатмасига мувоғиқ, шахс амалга ошириши шарт бўлган ҳаракатни амалга оширмаслик билан боғлиқ бўлган **ҳаракатсизликда ҳам** (масалан, тез алангаланувчи моддаларни ўз-

ўзидан ёниши мумкин бўлган ёнувчи материаллар билан бирга мослаштирилмаган жойга жойлаш) ўз ифодасини топади.

ЖК 250-моддаси бланкет хусусиятга эга, чунки қилмишни тўғри квалификация қилиш учун бошқа қонунлар ва норматив-хукуқий ҳужжатлар қоидаларига мурожаат қилиш лозим. ЖК 250-моддаси бўйича жавобгарликка тортиш учун портлаш хавфи бўлган моддалар ёки пиротехника буюмларидан фойдаланиш қоидаларининг қайси банди бузилганлигини аниқлаш зарур.

Кўриб чиқилаётган модда нуқтаи назаридан, **сақлаш** деганда, портлаш хавфи бўлган моддалар ёки пиротехника буюмларининг аниқ бир шахсга тегишли бўлган омборхонада бевосита тўпланиши тушунилади.

Портловчи, тез алангаланувчи, ўювчи моддаларни ёхуд пиротехника буюмларини **ҳисобга олиш** – бу норматив-хукуқий ҳужжатларда белгиланган модда ва буюмларнинг миқдори, ҳаракати устидан тегишли журналлар, реестрлар ва бошқа ҳисобга оловчи ҳужжатлар орқали назорат қилиш тартиби.

Портловчи, тез алангаланувчи, ўювчи моддалардан ёхуд пиротехника буюмларидан **фойдаланиш** – бу кўрсатилган модда ва буюмларни бевосита қўллашдир (қонуний ва ғайриқонуний бўлиши мумкин).

Қайд этилган модда ва буюмларни **ташиш** деганда, уларни бир жойдан бошқа жойга ҳар қандай транспорт воситалари орқали кўчириш тушунилади.

Кўриб чиқилаётган модда нуқтаи назаридан, **жўнатиш** – бу портловчи, тез алангаланувчи, ўювчи моддаларни ёхуд пиротехника буюмларини почтага ёки бошқа транспорт ташкилотига жўнатиш учун топшириш ва уларнинг бевосита жўнатилишидир.

Таҳлил қилинаётган жиноят ижтимоий хавфли қилмиш натижасида қонунда белгиланган жиноий оқибатлар юз берган пайтдан бошлаб тутталланган ҳисобланади. Жиноятни **ЖК 250-моддаси** бўйича тўғри квалификация қилишининг шартларидан бири портловчи, тез алангаланувчи, ўювчи моддаларни ёхуд пиротехника буюмларини сақлаш, ҳисобга олиш, улардан фойдаланиш, уларни ташиш, жўнатиш аниқ қоидаларини бузиш ҳамда ушбу бузилиш натижасида эҳтиёtsизлик оқибатида тегишли оқибатлар юз бериши ўртасида сабабий боғланишни аниқлашдир.

Субъектив томондан жиноят эҳтиёtsизлик орқасида содир этилади.

Жиноятни квалификация қилишда унинг содир этилиш **мотивлари** ва кўзланган **мақсад аҳамият** касб этмайди.

Шахсни ЖК 250-моддаси бўйича жавобгарликка тортиш учун портловчи моддалар ёки пиротехника буюмлари билан муомалада бўлиш қоидаларининг қайси банди бузилганлигини аниқлаш зарур.

Жиноятнинг субъекти 16 ёшга тўлган ақли расо ҳар қандай шахс бўлиши мумкин.

ЖК 250-моддаси 2-қисмидаги портловчи моддалар ёки пиротехника буюмлари билан муомала қилиш қоидаларининг бузилиши одам ўлишига, бошқа оғир оқибатларга олиб келганлиги учун жавобгарлик назарда тутилган.

Бошқа оғир оқибатлар деганда, икки ёки ундан ортиқ шахсларнинг баданига ўртacha оғир ёки оғир шикаст ўтказилишини, экологик ҳалокат рўй бериши ва ҳ.к.ларни тушуниш зарур.

13-§. Пиротехника буюмларининг қонунга хилоф муомаласи (ЖК 250¹-моддаси)

Жиноятнинг асосий бевосита обьекти сифатида пиротехника буюмларини ишлаб чиқариш, тайёрлаш, сақлаш, ташиш, жўнатиш, улардан фойдаланиш, уларни Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказиш тартибини таъминлайдиган ижтимоий муносабатлар тушунилади. **Қўшимча бевосита обьекти** фуқароларнинг ҳаёти ёки соғлиғи ёхуд ўзгалар мулкининг дахлиизлигини таъминловчи ижтимоий муносабатлардир.

Пиротехника буюмларини ишлаб чиқариш, тайёрлаш, сақлаш, ташиш, жўнатиш, улардан фойдаланиш, уларни Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказишга оид ҳуқуқий масалалар Ўзбекистон Республикаси Вазирлар Маҳкамасининг 2004 йил 6 майдаги «Портловчи моддалар ва портлатиш воситаларини Ўзбекистон Республикаси олиб кириш, транспортда ташиш, сақлаш ва улардан фойдаланиш тартибини такомилластириш чора-тадбирлари тўғрисида»ги 213-сон¹ ҳамда 2009 йил 10 декабрдаги «Ўзбекистон Республикаси худудида пиротехника воситалари айланисини тартибга солиш чора-тадбирлари тўғрисида»ги 309-сон қарорлари², Портловчи моддаларни ишлаб чиқариш, сотиб олиш, сақлаш, транспортда ташиш, улардан фойдаланиш ва уларни ҳисобга олиш тўғрисидаги йўриқнома³ (Ўзбекистон Республикаси Адлия вазирлиги томонидан 2005 йил 8 июля 1491-сон билан давлат рўйхатидан ўтказилган), Ўзбекистон Республикаси худудида портловчи материалларни автомобиль транспортида ташиш қоидалари⁴ (Ўзбекистон Республикаси Адлия вазирлиги томонидан 2005 йил 8 июля 1492-сон билан давлат рўйхатидан ўтказилди) ҳамда кўплаб бошқа норматив-ҳуқуқий ҳужжатлар билан тартибга солинади.

¹ Ўзбекистон Республикаси қонун ҳужжатлари тўплами, 2004 й., 19-сон, 219-модда.

² Ўша жойда, 2009 й., 50-51-сон, 537-модда.

³ Ўша жойда, 2005 й., 27-сон, 199-модда.

⁴ Ўша жойда, 2005 й., 27-сон, 200-модда.

ЖК 250¹-моддасида назарда тутилган жиноятнинг предмети пиротехника буюмлариdir. («Пиротехника буюмлари» умумий тушунчаси ҳақида ЖК 250-моддаси таҳлилига қарант. Шу билан бирга, қонун ҳужжатларида «пиротехника буюмлари» тушунчасининг бошқа, янада маҳсус таърифлари ҳам берилган.)

NOTA BENE!

Пиротехника буюмлари деганда, таркибий жиҳатдан пиротехника моддаларидан иборат бўлган ҳамда детонация қилинмай-диган экзотермия реакциялар натижасида ташқи эффектларни (ўт, овоз, газ ёки тутун ёхуд уларнинг комбинациялари) вужудга келтириш учун мўлжалланган воситалар тушунилиши лозим¹.

Таъкидлаш жоизки, Ўзбекистон Республикаси ҳудудида портловчи материалларни автомобиль транспортида ташиш қоидаларида пиротехника буюмлари тегишли тоифалари кўзда тутилган. Ҳусусан, хавфлилик даражасига кўра пиротехника буюмларининг қуйидаги тоифалари ажратилади: бутун массаси билан портлаши мумкин бўлган; бутун массаси билан портламайдиган, бироқ портлашда тартибсиз сочилиши мумкин бўлган ҳамда атрофдаги предметларга жиҳий зиён етказиш хавфини туғдирадиган; ёнганида катта ҳажмда иссиқлик энергиясини ажратадиган ёхуд катта портлаш эффектини вужудга келтирмаган ҳолда кетма-кет портлайдиган; алангаланиш ёки бошқа ташаббускор ҳолатлардагина портлашнинг катта бўлмаган хавфини вужудга келтирадиган².

Хозирги кунда Ўзбекистон Республикаси Вазирлар Маъжкамасининг 2009 йил 10 декабрдаги «Ўзбекистон Республикаси ҳудудида пиротехника воситалари айланишини тартибига солиш чора-тадбирлари тўғрисида»ги 309-сон қарорининг 1-банди билан Ўзбекистон Республикаси ҳудудида пиротехника воситаларини олиб кириш, ишлаб чиқариш, ташиш, сақлаш, сотиш ва улардан фойдаланиш вақтинча тақиқланган. Қарорнинг 3-бандида барча пиротехника воситалари олиб қўйилиши ва кейинчалик белгиланган тартибда йўқ қилиниши кераклиги белгиланган.

Объектив томондам таҳлил қилинаёттан жиноят анча миқдорда ёхуд шундай ҳаракатлар учун маъмурий жазо қўлланилганидан кейин содир этилган пиротехника буюмларини қонунга хилоф равиша ишлаб чиқариш, тайёрлаш, сақлаш, ташиш, жўнатиш, улардан фойдаланиш, худди ўзинингдек уларни қонунга хилоф равиша Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказишдан иборат.

¹ Ўзбекистон Республикаси қонун ҳужжатлари тўплами. 2005 й., 27-сон, 200-модда.

² Ўша жойда.

Ишлаб чиқариш пиротехника буюмларини келгусида истемолга чиқариш учун уларни тұлық технологик түркүм ёки унинг айрим босқычлари бўйича бевосита ишлаб чиқариш фаолиятини амалга оширишда намоён бўлади. Қайд этиш лозимки, пиротехника буюмларини (ҳарбий мақсаддаги маҳсулотлардан ташқари) яратиш, ишлаб чиқариш, ташиб, сақлаш, реализация қилиш, улардан фойдаланиш, уларни йўқ қилиш ва утилизация қилиш Ўзбекистон Республикаси Олий Мажлисининг 2001 йил 12 майдаги 222-II-сон қарори¹ билан тасдиқланган Амалга оширилиши учун лицензиялар талаб қилинадиган фаолият турларининг рўйхатига киритилган. Шу туфайли, турли корхоналар томонидан тегишли лицензиясиз пиротехника буюмларини ишлаб чиқариш ҳолатлари пиротехника буюмларини қонунга хилоф равишида ишлаб чиқариш сифатида эътироф этилиши лозим.

Пиротехника буюмларини ишлаб чиқаришда ишлаб чиқарувчилар пиротехника буюмлари Ўзбекистон Республикаси Вазирлар Маҳкамасининг 2004 йил 6 июлдаги 318-сон қарори² билан тасдиқланган Мажбурий тартибда сертификатланадиган маҳсулот турлари рўйхатига киритилганлигини инобатга олишлари керак.

Кўриб чиқилаётган модда нуқтаи назаридан **тайёрлаш** деганда, пиротехника буюмларини пиротехника моддаларидан ва турли ёрдамчи воситаларидан тайёрлашга йўналтирилган айбор шахснинг барча хатти-ҳаракатлари тушунилади. Ихтисослашмаган корхоналар (маиший ёки кичик цехлар шароитида) томонидан қонунда белгиланган тартибда рўйхатдан ўтмасдан пиротехника буюмларини тайёрлаш мазкур буюмларни қонунга хилоф равишдá тайёрлашга мисол бўлади. Бундан ташқари, пиротехника буюмларини тайёрлашда тегишли шахслар пиротехника воситалари айланишига оид фаолият билан шуғулланиш ҳуқуқини берувчи лицензиянинг талаблари ва шартларини, шунингдек пиротехника воситаларини яратишда мажбурий бўлган хавфсизликнинг умумий талабларини белгилайдиган давлат стандартларини бажаришлари шарт.

Сақлаш деганда, пиротехника буюмларининг маҳсус мўлжалланган жойда (тайёр маҳсулот омбори ва бошқалар) вақтинча жойлаштирилишига қаратилган айбор шахснинг ҳар қандай қасддан содир этилган ҳаракатлари тушунилиши лозим. Кўплаб ҳолларда пиротехника буюмлари қонунга хилоф равишида бозорлар ва савдо комплексларининг тегишли омборхоналарида сақланади. Шунинг учун, Ўзбекистон Республикаси Вазирлар Маҳкамасининг 2009 йил 10 декабрдаги «Ўзбекистон Республикаси худудида пиротехника воситалари айланишини тартибга солиш чора-тадбирлари тўғрисида»ги 309-сон қарорининг 4-бани билан бозорлар, савдо комплекслари ва корхоналарининг

¹ Ўзбекистон Республикаси қонун ҳужжатлари тўплами, 2002 й., 2-сон, 14-модда.

² Ўша жода. 2004 й., 27-сон, 315-модда.

раҳбарлари ўз ҳудудларида пиротехника воситалари сақланиши ҳолатларига йўл қўйилганлиги учун жиноий жавобгарликка тортишгача шахсан жавоб бериши тўғрисида қатъий огоҳлантирилганлар.

Ташиб – пиротехника буюмларини ҳар қандай усулда бир жойдан иккинчи жойга (масалан, ишлаб чиқарувчи корхонадан бозорга) транспортда ташишдир. Ўзбекистон Республикаси Вазирлар Маҳкамасининг 2004 йил 6 майдаги «Портловчи моддалар ва портлатиш воситаларини Ўзбекистон Республикаси олиб кириш, транспортда ташиш, сақлаш ва улардан фойдаланиш тартибини такомиллаштириш чора-тадбирлари тўғрисида»ги 213-сон қарорининг 2-бандига мувофиқ портловчи моддалар (шу жумладан, сигнал ракеталари, ёмғир ёддириладиган ракеталар, туманга қарши сигналлар ва бошқа пиротехника буюмлари) маҳсус жиҳозланган автотранспорт воситалари ва темир йўл вагонларида фақат Ўзбекистон Республикаси Ички ишлар вазирлигининг қуролланган бўлинмалари соқчилиги остида ташилади.

Шу билан бирга, портловчи моддаларни (шу жумладан, пиротехника буюмлари) Ўзбекистон Республикаси ҳаво кенглигидаги фуқаро авиациясининг ҳаво кемалари билан ташиб қатъиян тақиқланади. Истисно ҳолларда бундай ташиб фуқаро авиациясининг ҳаво кемалари билан хавфсизликнинг зарур чора-тадбирларига риоя қилинган ҳолда Ўзбекистон Республикаси Вазирлар Маҳкамасининг алоҳида қарори бўйича амалга оширилиши мумкин.

Жўнатиш деганда, пиротехника буюмларини контейнер, посилка ва бошқа мослаштирилган предметларда бошқа жойга кўчиришни тушуниш лозим. Пиротехника буюмларини почтага ёки бошқа транспорт ташкилотига жўнатиш учун топшириш ҳам жўнатиш сифатида эътироф этилиши лозим.

Юқорида кўрсатиб ўтилганидек, **пиротехника буюмларидан фойдаланиш** билан боғлиқ фаолият Ўзбекистон Республикаси Олий Мажлисининг 2001 йил 12 майдаги 222-II-сон қарори билан тасдиқланган Амалга оширилиши учун лицензиялар талаб қилинадиган фаолият турларининг рўйхатига киритилган. Пиротехника буюмларидан фойдаланиш – бу мазкур буюмларни бевосита қўллашдир. Таъкиллаб ўтишимиз лозим, ЖК 250-моддасида назарда тутилган жиноятдан фарқли ўлароқ, мазкур ҳолда пиротехника буюмларидан айнан қонунга хилоф равишда фойдаланилади. Аксарият ҳолларда ушбу буюмлардан турли оммавий тадбирларни ўтказишда, ҳар хил саноат ишларини бажаришда фойдаланилади.

Пиротехника буюмларини қонунга хилоф равишда Ўзбекистон Республикаси олиб кириш ушбу буюмларни хориждан мамлакатимиз ҳудудига қонунда белгиланган тартибни бузуб олиб кирилишида ифодасланади. Ўзбекистон Республикаси Вазирлар Маҳкамасининг 2004 йил 6 майдаги 213-сон қарори билан тасдиқланган Саноат

мақсадидаги портловчи материалларни Ўзбекистон Республикасига олиб кириш тартиби тұғрисидаги Низомга асосан портловчи материалларни (шу жумладан, сигнал ракеталари, ёмғир ёғдириладиган ракеталар, туманға қарши сигналдар ва бошқа пиротехника буюмларини) Ўзбекистон Республикасига олиб кириш Ўзбекистон Республикаси Ички ишлар вазирилгі томонидан бериладиган рухсатномалар асосида амалга оширилади.

Ўзбекистон Республикасига портловчи материаллар жисмоний шахслар томонидан олиб кирилиши, шу жумладан күзатиб борилмайдын багажда олиб кирилиши тақиқланади. Портловчи материалларни ташиёттан транспорт воситалари (олиб киришта рухсатнома мавжуд бўлган тақдирда) Ўзбекистон Республикаси Давлат чегарасидан ўтказиш манзиллари орқали устувор тартибда ўтказиб юборилади. Портловчи материалларнинг божхона текшируви фақат маҳсус жиҳозланган жойларда (портловчи материаллар сақланадиган омборларда) амалга оширилади.

Бундан ташқари, Ўзбекистон Республикаси Вазирлар Маҳкамасининг 2004 йил 6 июлдаги «Маҳсулотларни сертификатлаштириш тартиботини соддалаштиришга доир қўшимча чора-тадбирлар тұғрисида»ги 318-сон қарорига биноан пиротехника буюмлари Мажбурий тартибда сертификатланадиган маҳсулот турлари рўйхатига киритилганлиги сабабли, уларни Ўзбекистон Республикасига олиб киришда тегишли сертификатлар тақдим қилиниши шарт.

Пиротехника буюмларини қонунга хилоф равишида Ўзбекистон Республикасидан олиб чиқиши деганда, мазкур буюмларнинг мамлакатимиз ҳудудидан хорижий давлатларга қонунда белгиланган тартибни бузиб олиб чиқилиши тушунилади. Инобатга олиш лозимки, пиротехника буюмлари Ўзбекистон Республикаси Вазирлар Маҳкамасининг 2002 йил 21 февралдаги 62-сон қарори¹ билан тасдиқланган Ўзбекистон Республикаси ҳудуди орқали фақат маҳсус рухсатнома мавжуд бўлган тақдирда транзит қилинадиган қурол-яроғ, ҳарбий техника ва ҳарбий мол-мулк рўйхатига киритилган. Кўрсатилган қарорга асосан Давлат божхона қўмитаси маҳсус юклар сифатида эътироф этилган пиротехника буюмлари Ўзбекистон ҳудудидан амалда олиб чиқиб кетилиши ва белгиланган тартибда божхона расмийлаштирувидан ўтказилиши устидан назоратни амалга оширади.

Пиротехника буюмларини ўтказиш уларни товариға чиқариш ёки истеъмолчиларга бевосита реализация қилиш (сотиш) орқали амалга оширилади. Пиротехника буюмларини ўтказиш фақат мазкур буюмларни реализация қилиш билан шуғуланиш ҳуқуқини берувчи лицензияга эга бўлган шахслар томонидангина амалга оширилиши мумкин. Акс ҳолда мазкур фаолият гайриқонуний деб эътироф этилади.

¹ Ўзбекистон Республикаси қонун ҳужжатлари тұплами, 2002 й., 3-4-сон, 34-модда.

ЖК 250¹-моддаси 1-қисмидә назарда тутилган жиноят мазкур модданинг диспозициясида назарда тутилган ҳаракатлардан бири содир этилган вақтдан бошлаб, ижтимоий оқибатлар рўй беришидан қатъи назар, **туғалланган** деб топилади.

Жиноят қонунининг талабларига асосан айбдор шахснинг юқорида таҳлил қилинган ҳаракатлари анча миқдорда ёки мазкур шахсга шундай ҳаракатлари учун маъмурий жазо қўлланилганидан кейин содир этилган бўлса, у жиноий жавобгарликка тортилиши мумкин.

Субъектив томонидан жиноят **тўғри қасддан** содир этилади. Айбдор пиротехника буюмларини қонунга хилоф равища ишлаб чиқаришини, тайёрлашини, сақлашини, ташишини, жўнатишини, улардан фойдаланишини, уларни қонунга хилоф равища Ўзбекистон Республикасига олиб киришини (Ўзбекистон Республикасидан олиб чиқишини) ёки ўтказишини англайди ва мазкур ҳаракатларни содир этишни истайди.

Жиноятнинг **субъекти** пиротехника буюмларини қонунга хилоф равища ишлаб чиқариш, тайёрлаш, сақлаш, ташиш, жўнатиш, улардан фойдаланиш, уларни қонунга хилоф равища Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказиш билан шуғулланадиган 16 ёшга тўлган шахс ҳисобланади.

Пиротехника буюмларини қонунга хилоф равища ишлаб чиқариш, тайёрлаш, сақлаш, ташиш, жўнатиш, улардан фойдаланиш, худди шунингдек уларни қонунга хилоф равища Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказиш:

- а) кўп миқдорда;
- б) бир гурӯҳ шахслар томонидан олдиндан тил бириктириб;
- в) такроран ёки хавфли рецидивист томонидан;
- г) мансаб мавқеини сунистельмол қилиш йўли билан содир этилган бўлса;
- д) баданга ўртacha оғир ёки оғир шикаст етказилишига сабаб бўлса, шахснинг ҳаракатлари **ЖК 250¹-моддаси 2-қисми** бўйича квалификация қилинади.

Пиротехника буюмларини қонунга хилоф равища ишлаб чиқариш, тайёрлаш, сақлаш, ташиш, жўнатиш, улардан фойдаланиш, худди шунингдек уларни қонунга хилоф равища Ўзбекистон Республикасига олиб кириш (Ўзбекистон Республикасидан олиб чиқиш) ёки ўтказиш:

- а) жуда кўп миқдорда;
- б) уюшган гурӯҳ томонидан ёки унинг манфаатларини кўзлаб содир этилган бўлса;
- в) одам ўлишига сабаб бўлса, шахснинг ҳаракатлари **ЖК 250¹-моддаси 3-қисми** бўйича квалификация қилинади.

Пиротехника буюмларини қонунга хилоф равища ишлаб чиқариш, тайёрлаш, сақлаш, ташиш, жўнатиш, улардан фойдаланиш, худди

шунингдек уларни қонунга хилоф равиша Ўзбекистон Республика-сига олиб кириш (Ўзбекистон Республикасидан олиб чиқиш) ёки ўтказиш:

- а) одамлар ўлимига;
- б) бошқача оғир оқибатларнинг келиб чиқишига сабаб бўлса, шахснинг ҳаракатлари **ЖК 250¹-моддаси 4-қисми** бўйича квалификация қилинади.

Мазкур квалификацияловчи (алоҳида квалификацияловчи) белгилар ўз мазмуни бўйича юқорида бошқа жиноятларнинг таҳлили доирасида кўриб чиқилган белгилардан фарқ қilmайди.

14-§. Кучли таъсир қилувчи ёки заҳарли моддаларни қонунга хилоф равиша эгаллаш (ЖК 251-моддаси)

Жиноятнинг бевосита асосий обьекти кучли таъсир қилувчи ёки заҳарли моддаларни ишлаб чиқиш, сотиш, олиш, сақлаш, ташиш, фойдаланиш қондадарига риоя қилиш орқали таъминланадиган ижтимоий муносабатлардир.

Жиноятнинг бевосита қўшимча обьекти одамларнинг ҳаёти ва соғлиғи ҳисобланади.

Кучли таъсир қилувчи ёки заҳарли моддалар жиноятнинг предмети ҳисобланади.

NOTA BENE!

Кучли таъсир қилувчи моддалар – кўпроқ дозада қабул қилинганида одамлар ҳаёти ва соғлиғига хавфли таъсир кўрсатадиган, истеъмол қилинганида салбий оқибатлар келтириб чиқариши эҳтимоли бор моддалардир.

Тиббий нуқтаи назардан, бу одам соғлиғига катта зарар етказиши мумкин бўлган моддалардир. Кучли таъсир қилувчи моддалар гиёхвандлик воситалари ёки психотроп моддалар сифатида расмий эътироф этилмаганлиги ва Ўзбекистон Республикасида назорат қилиниши лозим бўлган гиёхвандлик воситалари, психотроп моддалар ва прекурсорлар рўйхатларига киритилмаганлиги кучли таъсир қилувчи моддаларнинг юридик белгисидир (қаранг: ЖК 270-моддасининг таҳлили).

NOTA BENE!

Одам организмига токсикологик (захарловчи) таъсир кўрсатувчи моддалар заҳарли моддалар ҳисобланади.

Тиббий нұқтаи назардан, зақарлы моддаларнинг ҳатто кичкина дозаларда истеъмол қилиниши одам ўлишига ёки унинг соғлигига оғир оқибатларнинг келиб чиқишига сабаб бўлиши мүмkin.

Модданинг кучли таъсир этувчи ёки зақарлы эканлигини аниқлаш учун эксперт холосаси талаб қилинади.

Объектив томондан ЖК 251-моддаси 1-қисмида назарда тутилган жиноят кучли таъсир қилувчи ёки зақарлы моддаларни ўғрилик ёки фирибгарлик йўли билан қонунга хилоф равища эгаллашдан иборатdir.

ЖК 251-моддаси 1-қисмида назарда тутилган жиноятнинг тугалланганлиги кучли таъсир қилувчи ёки зақарлы моддаларни эгаллаш ва айборда унинг эгалигига тушган моддалардан ўзининг ихтиёрига кўра фойдаланиш учун ҳақиқий имконият пайдо бўлган вақтга тўғри келади.

Субъектив томондан ЖК 251-моддасида назарда тутилган жиноят тўғри қасддан содир этилади. Айбор шахс кучли таъсир қилувчи ёки зақарлы моддаларни қонунга хилоф равища эгаллашини англайди (айбор шахс ушбу моддаларга нисбатан, уларнинг хавфлилигидан келиб чиқиб, ҳисобга олиш, рўйхатдан ўтказиш, сақлашнинг маҳсус қоидалари амал қилишини англайди) ва шундай қилмишни содир этишини истайди.

Жиноятнинг содир этилиш **мотивлари** ва кўзланган **мақсад** ҳар хил бўлиши мумкин, аммо улар жиноятнинг квалификациясига таъсир этмайди.

Жиноятнинг **субъекти** 16 ёшга тўлган ақли расо жисмоний шахс бўлиши мумкин.

ЖК 251-моддаси 2-қисмида кучли таъсир қилувчи ёки зақарлы моддани қонунга хилоф равища эгаллаш:

- а) такроран ёки хавфли рецидивист томонидан;
- б) бир гуруҳ шахслар томонидан олдиндан тил бириктириб;
- в) ўзлаштириш, растрата қилиш ёки мансаб мавқенини сунистеъмол қилиш йўли билан;
- г) талончилик йўли билан;
- д) тамагирлик йўли билан содир этилганлиги учун жавобгарлик назарда тутилган.

ЖК 251-моддаси 2-қисмида назарда тутилган жиноятнинг тугалланган вақти дифференциацияланган ҳолда аниқланади. Жиноятни «а», «б» ва «г» бандларининг белгилари бўйича содир этишда жиноятнинг тугаллаған вақти кучли таъсир қилувчи ёки зақарлы моддаларни эгаллаш ва айборда улардан ўзининг ихтиёрига кўра фойдаланиш учун ҳақиқий имконият пайдо бўлган вақтга тўғри келади.

Ўзлаштириш, растрата қилиш ёки мансаб мавқенини сунистеъмол қилиш ҳолларида эса тугалланган вақти эгаллаш вақтига тўғри кел-

майди, чунки мазкур моддалар, қоида тариқасида, айбдор шахсларнинг эгалигида бўлади. Кўрсатилган ҳолларда тугалланган вақти мансаб мавқенини сунистемол қилиб ёки сунистемол қилмасдан ушбу моддаларни ўзлаштириш ёки растрата қилиш бўйича аниқ амалга оширилган ҳаракатлардан келиб чиқиб аниқланади.

Талончиликда жиноятнинг тугалланган вақти сифатида айрим ҳаракатларни амалга ошириш билан қўрқитиб мулк топширишни талаб қилиш вақти эътироф этилади.

ЖК 251-моддаси 3-қисмида кучли таъсир қилувчи ёки заҳарли моддаларни:

а) босқинчилик йўли билан;

б) кўп миқдорда;

в) уюшган гуруҳ ёки унинг манфаатларини кўзлаб содир этилгани учун жавобгарлик назарда тутилган.

Мазкур ҳолда **кўп миқдор ишнинг аниқ ҳолатларидан** келиб чиқиб, кучли таъсир қилувчи ёки заҳарли моддаларнинг миқдорини, унинг одам организмига таъсир қилиш даражасини ва ҳоказоларни инобатта олиб аниқланади. Айрим ҳолатларда гиёхандлик воситалари устидан назорат қилиш қўмитаси томонидан бу ҳолат бўйича тавсиялар берилади.

ЖК 251-моддаси 3-қисми «а» бандида назарда тутилган жиноят кўрсатилган моддаларни эгаллаш мақсадида ҳужум қилинган вақтдан эътиборан тугалланган деб эътироф этилади.

Юқорида айтиб ўтилган оғирлаштирувчи ҳолатларнинг барчасини ЖК 247-моддаси таҳлил қилинганида кўриб чиқсан эдик.

15-§. Кучли таъсир қилувчи ёки заҳарли моддаларни қонунга хилоф равишда муомалага киритиш (ЖК 251¹-моддаси)

Жиноятнинг бевосита обьекти кучли таъсир қилувчи ёки заҳарли моддалар муомаласининг норматив ҳужжатларда белгиланган тартибига риоя этилишини таъминловчи ижтимоий муносабатлардир.

Ушбу жиноятнинг предмети гиёхандлик воситаси ва психотроп моддалар ҳисобланмайдиган, шунингдек, ушбу моддаларни тайёрлаш ёки қайта ишлашда ишлатилмайдиган кучли таъсир қилувчи ва заҳарли моддалар ҳисобланади.

(«Кучли таъсир қилувчи моддалар» ва «захарли моддалар» тушунчаларининг тўлиқ таҳлили ЖК 251-моддасида келтирилган.)

Кучли таъсир қилувчи ва заҳарли моддаларни **тайёрлаш ва қайта ишлаб чиқаришга мўлжалланган мослама** дейилганда, ушбу моддаларни тайёрлаш, қайта ишлаб чиқариш мақсадида фойдаланилган асбоблар, приборлар, механизmlарни тушуниш керак.

ЖК 251¹-моддаси 1-қисмида назарда тутилган жиноятнинг объектив томони гиёхвандлик воситалари ёки психотроп моддалар ҳисобланмайдиган кучли таъсир қилувчи ёки заҳарли моддаларни ўтказиш мақсадида қонунга хилоф равиша тайёрлаш, қайта ишлаш, олиш, сақлаш, ташиш ёки жўнатиш, шунингдек, уларни қонунга хилоф равиша ўтказиш каби ҳаракатларда ифодаланади.

Кўриб чиқилаётган модданинг диспозициясида назарда тутилган ҳаракатлар, белгиланган қоидаларни бузиб ёки илмий, тиббий ва бошқа мақсадларда юқоридаги моддаларни ишлаб чиқишини давлат органлари томонидан бериладиган рухсатномасиз амалга ошириш **ғайриқонуний** ҳисобланади.

Ушбу моддаларни **тайёрлаш** деганда, айбор шахснинг кучли таъсир қилувчи ёки заҳарли моддаларни табиий хом ашё ёки одий, зарар етказмайдиган моддалардан кимёвий тажрибалар ўтказиш йўли билан ёхуд ушбу моддаларни тайёрлаш учун мавжуд аппаратлар, агрегатларни қайта ишлаш, янги аппаратлар яратишга қаратилган ҳаракатлари тушунилади.

Тайёрлаш жойи (квартира, фабрика, кимёвий лаборатория), шунингдек, айбор шахсининг малакаси (тажрибаси, билими) қилмишнинг квалификация қилинишида аҳамият касб этмайди. лекин айборга жазо тайинлаётган вақтда эътиборга олиниши керак.

Ушбу жиноят концентрацияси, микдори ва таркибига кўра инсон ҳаёти ва соғлиги учун ҳавф түғдирадиган кучли таъсир қилувчи ва заҳарли моддалар тайёрланган (ишлаб чиқарилган) ёки уларни тайёрлаш ва қайта ишлаб чиқариш учун мослама тайёрланган вақтдан **тутталсанган** ҳисобланади. Кучли таъсир қилувчи ва заҳарли моддаларни тайёрлашга қаратилган ҳаракатлар амалга оширилган, аммо тайёр препарат олинмаган ҳолатлар жиноятга суиқасд сифатида ЖК 25-моддаси 2-қисми ва **251¹-моддаси** билан квалификация қилинади.

Қайта ишлаш – кучли таъсир қилувчи ва заҳарли моддаларнинг концентрациясини ошириш мақсадида уларнинг бирламчи таркиби ва тавсифини ўзgartириш, шунингдек, уларни бошқа қўшимчалардан тозалаш.

Кучли таъсир қилувчи ва заҳарли моддаларнинг тегишли таркиби кўлга киритилган вақтдан қайта ишлаш **тутталсанган** леб ҳисобланади.

Кучли таъсир қилувчи ва заҳарли моддаларни **олиш** – айборнинг ушбу моддаларни ёки уларни тайёрлаш ёки қайта ишлаш учун мўлжалланган мосламаларга хақиқатдан ўз эгалигига олишга қаратилган ҳар қандай ҳаракатлариидир. Бундай ҳаракатлар сотиб олиш, бошқа ашёларга алмаштириш, қарзга ёки мукофот сифатида олиш, топиб олинган нарсани ўзлаштириш ва бошқа кўринишида бўлиши мумкин.

Кучли таъсир қилувчи ва заҳарли моддаларни талон-торож (қонунга хилоф равиша эгаллаш) қилиш ЖК 251-моддаси билан квалификация қилинади.

Ушбу жиноий ҳаракат жиноят предмети эгалланган ва шахсда ундан реал фойдаланиш имконияти вужудга келган вақтдан **тугалланган** ҳисобланади.

Кучли таъсир қилувчи ва заҳарли моддаларни тайёрлаш жараёни учун алоҳида компонентларини ёки уларни тайёрлаш ва қайта ишлаб чиқариш учун мосламанинг алоҳида деталларини қонунга хилоф равишда олиш ушбу жиноятга тайёргарлик кўриш деб ҳисобланади.

Ушбу моддада назарда тутилган жиноят предметини **сақлаш** деганда, гайриқонуний равишда эгалланган кучли таъсир қилувчи ва заҳарли моддаларни ёки уларни тайёрлаш ёки қайта ишлаш учун мўлжалланган мосламаларни хуфия ёки қийин топиладиган жойларда сақлашга қаратилган хар қандай қасддан содир этилган ҳаракатлар тушунилади.

Кўрсатилган предметларни сақлаш узоқча чўзилган жиноят бўлиб, кучли таъсир қилувчи ёки заҳарли моддаларни ўхуд уларни тайёрлаш ёки қайта ишлаш учун мўлжалланган ускуналарни сақлашга қаратилган ҳаракатларнинг амалга оширилиши бошланган вақтдан **тугалланган** ҳисобланади.

Кучли таъсир қилувчи ва заҳарли моддаларни ёки уларни тайёрлаш ёки қайта ишлаш учун мўлжалланган мосламаларни **ташиш** – шахснинг қасддан ушбу моддаларни бир жойдан иккинчи жойга олиб ўтишига қаратилган ҳаракатлар. Транспорт ва ташиш воситаси жиноятнинг квалификациясига таъсир қилмайди, кўпинча ушбу предметлар маҳсус мосламаларда ташилади.

Ташиш ушбу моддаларнинг эгаси ёй бошқа шахслар томонидан амалга оширилиши мумкин. Агар шахс (ташувчи) ташилаётган нарсанинг нима эканлигини билмаган бўлса, у жиноий жавобгарликка тортилмайди, шахс иш ҳолатларидан келиб чиқиб, бу ҳақида билиши мумкин бўлган ҳолатлар бундан мустасно.

Транспортировка бошланган пайтдан бу қилмиш **тугалланган** ҳисобланади.

Юқоридаги моддаларни почта, багаж кўринишидаги жўнатмалар ёки бошқа йўл билан **жўнатиш** деганда, жўнатувчининг иштирокисиз уларни кўрсатилган манзилга транспортировка қилиш ва олиб бориш тушунилади.

Қилмиш посилка, бандерол, багаж, контейнер ва ҳ.к. лар жўнатиш учун топширилган вақтдан **тугалланган** ҳисобланади.

Кучли таъсир қилувчи ва заҳарли моддаларни ёки уларни тайёрлаш ёки қайта ишлаш учун мўлжалланган мосламаларни **ўтказиш** – уларни тарқатишга қаратилган ҳар қандай ҳаракат. Бунда ушбу моддалар бошқа шахснинг эгалигига ўтади. Истеъмолчи (олувчи)лар билан келишилганлик, моддалар миқдорининг анча эканлиги, тегишли мосламалар, хом ашё ва бошқа ўтказиш мақсадининг борлигидан далолат беради.

Үтказиш жиноятнинг предмети бир кишига берилган вақтдан тугалланган ҳисобланади.

ЖК 251¹-моддаси 1-қисмида назарда тутилган қилмишнинг **субъектив томони тўғри қасд** бўлиб, айбор кучли таъсир қилувчи ва заҳарли моддаларни ўтказиш мақсадида қонунга хилоф равишида ҳаракат қилаётганини билади ва уни хоҳлади.

Бунда қилмишни квалификация қилишнинг зарурий шарти кучли таъсир қилувчи ва заҳарли моддаларнинг гайриқонуний муомаласи **ўтказиш мақсадини** кўзлаб амалга оширилишидир. Агар кўрсатилган моддалар шахсий истеъмол учун тайёрланган, сақланётган, жўнатилаётган, сотиб олинган бўлса, жиноят таркиби мавжуд бўлмайди.

Қилмишнинг мотиви жиноятнинг квалификациясига таъсир этмайди.

Жиноятнинг **субъекти** 16 ёшга тўлган ақли расо жисмоний шахс бўлиши мумкин.

ЖК 251¹-моддаси 2-қисмида назарда тутилган қилмиш **объектив томондан** такроран ёки бир гуруҳ шахслар томонидан олдиндан тил бириктириб юқоридаги ҳаракатларни содир этишда ифодаланади.

Жиноятнинг такроран ёки бир гуруҳ шахслар томонидан олдиндан тил бириктириб содир этилишига ЖК 247-моддаси таҳлил қилинганда алоҳида тўхталганимиз.

ЖК 251¹-моддаси 3-қисмида ушбу модданинг 1-қисмида назарда тутилган ҳаракатларнинг уюшган гуруҳ томонидан ёки кўп миқдорда содир этиш учун жавобгарлик белгиланган.

Кучли таъсир қилувчи ва заҳарли моддаларнинг **кўп миқдори** муайян нормаларда белгиланмаган, ушбу миқдор кучли таъсир қилувчи ва заҳарли модданинг миқдори унинг инсон организмига таъсиридан келиб чиқиб, эксперт хуносаси асосида аниқланади.

ЖК 251¹-моддаси 4-қисмида назарда тутилган жиноятнинг **объектив томони** кучли таъсир қилувчи ва заҳарли моддаларни ишлаб чиқариш, олиш, сақлаш, ҳисобга олиш, бериш, ташиш ёхуд жўнатиш қоидаларини бузиш, эҳтиётсизлик орқасида уларнинг ўтирганишига ёки жиддий зарар етказилишига олиб келган ҳаракатларда ифодаланади.

Ушбу норма диспозициясининг бланкет хусусиятта эга эканлигини эътиборга олиб, шахснинг айборлигини ва конкрет жиноятнинг содир этилганлиги фактини аниқлаш учун белгиланган қоидаларга мурожаат қилиш керак бўлади.

Ушбу ҳолатда **қоидаларни бузиш** деганда, кучли таъсир қилувчи ва заҳарли моддалар билан муомала қилишга оид бўлишнинг белгиланган қоидаларини бажармаслик ёки уларга риоя қилмаслик тушунилади. Бунда жиноий жавобгарлик ишлаб чиқариш, сақлаш ва ҳ.к. қоидаларни бузганлик учун эмас, балки унинг оқибатлари, яъни кучли таъсир қилувчи ва заҳарли моддаларни талон-торож қилганлик туфайли жиддий зарар етказганлик учун вужудга келади.

Құлмишни квалификация қытиш учун айнан ушбу моддаларни иштаб чиқариш, сақлаш, ҳисобға отыш ва ҳ.к. қоидаларни бузғанлық туфайты турлы усулдарда талон-торож қытиш имконияты туғилғантыгын аниқташ зарур.

Юқоридаги қоидаларни бузиш оқибатида одамтарнинг оммавий равишда касалтаниши, атроф-табиий мұхиттің ифлюстланиши, күчті таъсир қытувчи ва заһарлы моддалар, мұлк объектларининг йүқ қытаниши ва ҳ.к.лар жаиддий зарап, деб ҳисобланиши мүмкін. Ҳар қандай зарап етказилганида қоидаларни бузиш ва рўй берган оқибаттага ўргасида сабабий боғланишнинг мавжудлиги аниқтаниши зарур.

ЖК 251-моддасы 4-дисциплина назарда тутылған құлмиш ушбу норма диспозициясыда күрсатылған оқибатлар рўй берган пайтдан туталғанда ҳисобланади.

Субъектив томондан мазкур құлмиш айбнинг мураккаб шакти, яъни кучли таъсир қытувчи ва заһарлы моддалар билан мумомала қилиш қоидаларини бузиш қасддан ва унинг натижасида рўй берган оқибатта нисбатан эҳтиётсизлик орқасида содир этилади.

Мазкур құлмишнинг **субъекти** маҳсус субъект бўлиб, кучли таъсир қытувчи ва заһарлы моддалар иштаб чиқариш, олиш, сақлаш, ҳисобға олиш, бериш, ташиш ёхуд жўнатиш қоидаларини бузган мансабдор шахс ёки хизмат вазифасига кўра уларга риоя қилиши лозим бўлган бошқа шахслар жавобгар бўладилар. 16 ёшга тўлган шахс жиноятнинг субъекти бўлади.

16-§. Радиоактив материалларни қонунга ҳилоф равишда эгаллаш (ЖК 252-моддаси)

Жиноятнинг бевосита объекти радиоактив материалларнинг муюмаласини белгиловчи ижтимоий муносабатлар ҳисобланади. **Бевосита қўшимча объект** – ўзгалар мулки фуқароларнинг ҳаёти ва соғлиғи дахлсизлигини таъминловчи ижтимоий муносабатлар.

Фуқароларнинг радиациявий хавфсизлигини тартибга солувчи асосий норматив актларга Ўзбекистон Республикасининг 2000 йил 31 августдаги «Радиациявий хавфсизлик тўғрисида»ги 120-II-сон¹, 1992 йил 9 декабрдаги «Табиатни муҳофаза қилиш тўғрисида»ги 754-XII-сон Қонуллари² ва бошқа қонун актлари киради.

¹ Ўзбекистон Республикаси Олий Мажлисинген Ахборотномаси, 2000 й., 7-8-сон, 212-модда; Ўзбекистон Республикаси қонун ҳужжатлари тўплами, 2007 й., 50-51-сон, 512-модда.

² Ўзбекистон Республикаси Олий Кенгашининг Ахборотномаси, 1993 й., 1-сон, 38-модда; Ўзбекистон Республикаси Олий Мажлисинген Ахборотномаси, 1995 й., 6-сон, 118-модда; 1997 й., 4-5-сон, 126-модда; 1999 й., 1-сон, 20-модда; 2000 й., 5-6-сон, 153-модда; 2000 й., 7-8-сон, 217-модда; 2002 й., 9-сон, 165-модда; 2003 й., 9-10-сон, 149-модда; Ўзбекистон Республикаси қонун ҳужжатлари тўплами, 2004 й., 25-сон, 287-модда; 51-сон, 514-модда; 2006 й., 41-сон, 405-модда.

Радиоактив материаллар, яъни ион нурлари чиқарувчи (радиация манбалари) чиқиндилар, шунингдек, иссиқлик чиқарувчи ядервий реакторларининг қурилмалари, радиоактив манбалар, ядро материаллари, радиоактив моддалар, радиоактив чиқиндилар жиноятнинг предмети ҳисобланади.

Радиоактив материаллар тушунчаси қонунда берилмаган бўлсада, «Радиациявий ҳавфсизлик тўғрисида»ги Қонуннинг 2-моддаси мазмунига кўра, радиоактив материаллар ион нурларининг манбалари билан бир хилдир. Ушбу қонунда моҳиятан ион нурларининг манбалари радиоактив материаллар ва радиоактив моддалар тушунчасини бирлаштиради. Ядро қурилмалари ҳам ион нурлари манбай ҳисобланади, шунинг учун ҳам ядро қурилмаларидан қонунга хилоф равишида фойдаланиш (эксплуатация қилиш) ҳам ЖК 255-модасида назарда тутилган жавобгарликни келтириб чиқаради.

Ион нурлари тарқатувчи манба (радиоактив манба) – ион нурлари чиқарувчи ёки чиқариши мумкин бўлган қурилма ва (ёхуд) радиоактив модда.

Ион нурларининг манбалари ядро қурилмаларига кирмайдиган қурилмалар, аппаратлар, мослама ва буюмлар бўлиб, уларда радиоактив моддалар мавжуд бўлади ёки ион нурлари йигилади.

Ядро материаллари – таркибида бўлинувчи (парчаланувчи) ядро моддалари бўлган ёки ўнгай моддаларни ҳосил қилиш хусусиятига эга материаллардир. Масалан, цезий – 137, уран – 233, уран – 235, плутоний – 238 ва ҳ.к.

Радиоактив моддалар – ядро материалларига алоқаси бўлмаган, ион нурларини тарқатувчи моддалар (радий – 236, полоний – 210, кобальт – 60 ва бошқ.).

Радиоактив чиқиндилар – кейинчалик фойдаланилиши назарда тутилмаган, бир маротаба ишлатилган ядро материаллари ва радиоактив моддалар.

Иссиқлик чиқарувчи ядро реакторларининг қурилмалари – ядро реакторида назорат қилинадиган ядервий реакция ҳисобига иссиқлик энергиясини олиш учун мўлжалланган ядро материаллари бўлган машинасозлик маҳсулотлари.

Нурланган иссиқлик чиқарувчи ядро реакторларининг қурилмалари – таркибида ишлатилган ядро ёқилғиси бўлган ядро реакторида нурланган ва ундан олинган иссиқлик чиқарувчи қурилмалари.

Объектив томондан ЖК 252-моддасида назарда тутилган жиноят радиоактив материалларни қонунга хилоф равишида эгаллашдан иборатdir.

Қонунга хилоф равишида эгаллаш деганда, ҳар қандай кўринишдаги радиоактив материалларнинг турли ғайриқонуний усуллар орқали қўлга киритилишини тушуниш зарур.

Радиоактив материалдар босқынчилек, тоғзаманытис ва ҳ.к. Ыстықар билан әгалланган қамла ана шу жиностар учун ЖК 252-моддаси 1-қисмінде назарла түгилған жағдайдағы оғирроқ бұлған жағо назарда түгилған бўлса, айборнинг килмиши жиностар жами бўйича квалификация қилиниши зарур.

Жиност әгаллаш усулидан қатын назар, радиоактив материалдар кўлта киритилган пайдалан зытиборан түгалаётган леб эътироф этилади.

Субъектин томонидан жиност қаддас содир этилади. Жиностнинг солир этилиш мотиви ва ундан кўзланган мақсад қилмишини квалификация қилишла аҳамиятта эга эмас.

Жиностнинг субъекти 14 ёшга тўлган, ақли расо жисмоний шахс булиши мумкин.

ЖК 252-моддаси 2-қисмидаги радиоактив материалларни:

- а) тақрордан ёки хавфли рецидивист томонидан;**
- б) бир гуруҳ шахслар томонидан олдиндан тил биринчириб;**
- в) мансаб мавқедидан фойдаланган ҳолда әгаллаганлик учун жиоябгарлик назарда тутилган.**

ЖК 252-моддаси 3-қисмидаги радиоактив материаллар:

- а) укишан гуруҳ томонидан ёки унинг манфаатларини кўзлаб;**
- б) уга хавфли рецидивист томонидан содир этилиши учун жиоябгарлик белгиланган.**

ЖК 252-моддаси 2-қисми «в» бўлиди нуқтаи назаридан мансаб мавқедидан фойдаланган ҳолда әгаллаганлик деганда, шахснинг радиоактив материалларни ғайриқонучий равишда әгаллаш учун ўчининг ҳокимият ёки бошқа ваколатларидан фойдаланиши тушунилади. Ушбу норманинг тузилиши ва мазмунидан келиб чиқиб, айтиш мумкинки унинг субъекти фақат мансабдор, яъни ташкилий-бошқарув ёки маъмурий-хўжалик ваколатлари берилган шахс бўла олили. Маткур ҳолда, қилмиш ЖК 205-моддаси (Ҳокимият ёки мансаб ваколатини сунистъемол қилиш) ёки 206-моддаси (Ҳокимият ёки мансаб ваколати доирасидан четга чиқиши) билан қўшимча равишда квалификация қилинмайди.

(Кўриб чиқиляётган модданинг иккинчи ва учинчи қисмларида назарда түгилған бошқа белгилар бўйича радиоактив материалларни қонунги хилоф равинида әгалашни квалификация қилиннинг ўзига хос хусусиятлари тўғрисида ЖК 247-моддасининг таҳлилига қаранг.)

17-Ф. Радиоактив материаллардан фойдаланиш комдларини бузиш (ЖК 253-моддаси)

Жиностнинг бевосита обьекти радиоактив материаллар билан муомилади булиш тартибини белгиловчи жамоат хавфсизлиги ҳисобланади. Бевосита қўшимча обьекти ўзгалар мулки, фуқароларнинг ҳёти ва соғлигининг дахлсизлигини таъминловчи ижтимоий муносабатлардир.

Жиноятнинг предмети радиоактив материаллар ҳисобланади.
«Радиоактив материаллар» тушунчаси тўғрисида ЖК 252-модда-
сининг таҳлилига қаранг.)

Объектив томондан жиноят радиоактив материалларни сақлаш,
ҳисобга олиш, фойдаланиш, ташиш, жўнатиш ва улар билан муомалада
бўлишнинг бошқа қоидаларини бузиш натижасида баданга ўртача
оғир ёки оғир шикаст етказилишидан иборатdir.

Ушбу модда бланкет диспозицияли бўлиб, ҳар бир алоҳида ҳолда
радиоактив материаллар билан муомалада бўлиш қоидаларининг қайси
банди бузилганлигини аниқлаш зарур.

Радиоактив моддалар билан муомала қилишнинг асосий қоидалари
«Радиациявий хавфсизлик тўғрисида»ги Қонуннинг II бўлимида,
шунингдек, радиациявий хавфсизликни тъминлаш соҳасида назорат,
контроль ва лицензиялаш фаoliyatini амалга оширувчи давлат орган-
ларининг идоравий актлари билан тартибга солинади.

Масалан, Ўзбекистон Республикаси Вазирлар Маҳкамасининг
2002 йил 21 февралдаги «Ўзбекистон Республикаси ҳудуди орқали
махсус юклар ва ҳарбий таркибларнинг транзитини давлат томонидан
тартибга солиш ва назорат қилиш тўғрисида»ги 62-сонли қарорида¹
радиоактив материалларни олиб ўтишнинг алоҳида тартиби белги-
ланган. Шунингдек, ушбу қарорда Ўзбекистон Республикасининг
2001 йил 11 майдаги «Махсус юклар ва ҳарбий таркибларнинг тран-
зити тўғрисида»ги 213-II-сон Қонунига² ҳавола қилинади. Ушбу қонун
актларида алоҳида юк сифатида радиоактив материалларни олиб
ўтиш ва Божхона кодексида алоҳида юкларни божхонада расмий-
лаштиришнинг тартиби белгиланган.

Мазкур материалларни **сақлаш** деганда, таҳлил қилинаётган модда
мазмунидан келиб чиқиб, радиоактив материаллар бевосита аниқ
шахсга тегишли бўлган омборларда сақланиши тушунилади.

Радиоактив моддаларни **ҳисобга олиш** деганда, радиоактив мате-
риалларнинг миқдор ва сифат таркибининг ҳисоб-китоби олиб бори-
лишини тушуниш лозим. **Ҳисобга олишни бузиш** – радиоактив мате-
риалларни бошқа жойга ўтказилганлиги, уларнинг рўйхатдан чиқа-
рилганлиги, кўмилганлиги тўғрисида ўз вақтида маълумот бермаслик,
нотўғри ахборотни тарқатиш, мавжуд ахборотни яшириш ёки бузиб
тақдим этиш.

Радиоактив материаллардан **фойдаланиш** деганда, қандай мақсадга
мўлжалланганлиги (ион нурларининг манбаи сифатидаги)ни инобатта
олиб, уларнинг кўлланилишини тушуниш зарур.

¹ Ўзбекистон Республикаси қонун ҳужжатлари тўплами, 2002 й., 3-4-сон, 34-
модда; 2004 й., 28-сон, 321-модда, 30-сон, 345-модда; 2005 й., 8-9-сон, 67-модда.

² Ўзбекистон Республикаси Олий Мажлисининг Ахборотномаси, 2001 й., 5-сон,
82-модда; Ўзбекистон Республикаси қонун ҳужжатлари тўплами, 2004 й., 25-сон,
287-модда.

Радиоактив материалларни ташиш деганда, уларнинг ҳар қандай транспорт воситасида бир жойдан иккинчи жойга ўтказилиши тушунилади. **Ташиш қоидаларини бузишга** транспорт ҳодисалари, аварияларнинг олдини олиш, ушбу материалларни жойлаштириш, маркировкалаш ва бошқа хавфсизлик чораларини кўрмаслик киради.

Жўнатиш деганда, радиоактив материалларнинг қандайдир алоқа каналлари (посилкалар, бандероллар, контейнерлар ва ҳ.к.) воситасида бир жойдан бошқа жойга ўтказилишини тушуниш керак.

Радиоактив материаллар билан **муомалада бўлишнинг бошқа қоидалари** таркибига ушбу материалларни бирорвга ўтказиш ёки бузишни киритиш мумкин. Масалан, радиоактив материалларни **бирорвга ўтказиш** – ушбу материалларни уларга мулк ҳуқуқига асосан эгалик қилган шахс томонидан мусодара қилиш ёки ушбу материалларнинг бирорвнинг эгалигига мулк ҳуқуқисиз ўтиши (ҳадя, вақтинча фойдаланиш учун топшириш ва бошқалар).

Радиоактив материалларни **бузиш** деганда, рухсатсиз жисмоний таъсир оқибатида уларнинг ўзгариши, уларга шикаст етказилиши ёки нобуд қилиниши тушунилади.

Мазкур жиноят моддий таркибли бўлиб, баданга ўртача оғир ёки оғир шикаст етказилган пайтдан эътиборан **туталланган** деб эътироф этилади.

Субъектив томондан ушбу нормада назарда тутилган жиноят айбнинг мураккаб шакли билан тавсифланади, яъни айбдор радиоактив материаллар билан муомалада бўлиш қоидаларини қасдан бузади, рўй берган оқибатга нисбатан эса эҳтиётсиз бўлади.

Жиноятнинг **субъекти** 16 ёшга тўлған, ақли расо жисмоний шахс бўлиши мумкин, шунингдек, радиоактив материаллар билан муомалада бўлиш бўйича муайян мажбуриятлар зиммасига юклатилган мансабдор ёки бошқа шахслар ҳам бўлиши мумкин.

ЖКК 253-моддаси 2-қисмида радиоактив моддалар билан муомалада бўлиш қоидаларининг бузилиши:

а) одам ўлимига;

б) бошқа оғир оқибатларга олиб келганлиги учун жавобгарлик назарда тутилган.

Ушбу ҳолатда **бошқа оғир оқибатлар** деганда, кўплаб кишиларнинг соғлиғига зарар этиши, экологик вазиятнинг ёмонлашуви, жуда кўп миқдорда моддий зарар етказилиши ва ҳ.к. тушунилиши керак.

18-§. Радиоактив материаллардан қонунга хилоф равишида фойдаланиш (ЖКК 254-моддаси)

Жиноятнинг бевосита асосий обьекти радиоактив материаллар билан муомалада бўлиш тартибини белгиловчи жамоат хавфсизлиги хисобланади. **Бевосита қўшимча обьекти** экологик хавфсизлик,

фуқароларнинг ҳаёти ва соғлиғи, ўзгалар мулкининг дахлсизлигини таъминловчи ижтимоий муносабатлардир.

Радиоактив материаллар – ион нурлари тарқатувчи манбалар, турли физикавий ҳолатда, ҳар қандай қурилма ёки буюм кўринишидаги радиоактив моддалар ёки ядро материаллар жиноятнинг предмети ҳисобланади.

Объектив томондан жиноят радиоактив материаллар билан қонунга хилоф равиша мумомалада бўлиш, яъни радиоактив материаллар (қурилмада ёки буюм таркибида ҳар қандай физик ҳолатда ёинки бошқа кўринишда турган ион нурлари тарқатувчи манбалар)га, радиоактив модда ёки ядро материалларига қонунга хилоф равиша эга бўлиш, уларни сақлаш, улардан фойдаланиш, уларни бирорга ўтказиш, уларни бузиш натижасида баданга ўртacha оғир ёки оғир шикаст етказилишида ифодаланади.

Ушбу жиноятнинг объектив томони радиоактив материаллар билан мумомалада бўлиш қоидаларига зид бўлган ҳаракат ёки ҳаркатсизликда ифодаланади.

Ушбу норма бланкет диспозицияли бўлиб, қилмишни **ЖК 254-моддаси** билан квалификация қилиш учун тегишли қонунлар ва норматив актларга мурожаат қилиш керак бўлади. Шахси жиноий жавобгарликка тортиш учун радиоактив материаллар билан гайриқонуний мумомала қилишнинг аниқ усули аниқланиши шарт. **ЖК 254-моддаси 1-қисми** диспозициясига мувофиқ, бундай ҳаракатлар сирасига радиоактив материалларни қонунга хилоф равиша олиш, сақлаш, фойдаланиш, бирорга ўтказиш ёки бузиш киради.

Кўрсатилган ҳаракатларнинг **гайриқонунийлиги** уларнинг ўзбошимчалик билан қонунда белгиланган тартибни бузиб, тегишли рухсатномасиз эгалланишини билдиради.

Эга бўлиш деганда, эгаллаш учун қўлланилган ҳар қандай усуслни (**ЖК 252-моддасида** назарда тутилган қонунга хилоф равиша эгаллаш бундан истисно) тушуниш зарур, бу – сотиб олиш, алмашиш, қарз эвазига ҳисоб-китоб қилиш, тортиқ этиш ва ҳ.к.лар бўлиши мумкин.

Сақлаш деганда, радиоактив материалларнинг аниқ бир шахсга тегишли бўлган омборхонада бевосита тўпланиши тушунилади.

Фойдаланиш – бу радиоактив материалларни уларнинг фойдали хусусиятларини чиқариш мақсадида қўллаш.

Бирорга ўтказиш деганда, радиоактив материалларнинг бошқа шахсга сотилишини, совға қилинишини ва ҳ.к. усуслар орқали иккинчи шахсга ўтказилишини тушуниш зарур.

Радиоактив материалларни **бузиш** деганда, уларнинг нобуд қилиниши (таркибида радиоактив материаллар бўлган дастгоҳларга, асбоб-ускуналарга, мосламаларга шикаст етказиш)ни тушуниш зарур.

Радиоактив материаллар билан қонунга хилоф равиша мумомалада бўлишнинг бошқа кўринишилари (қонунга хилоф равиша сақлаш,

фойдаланиш), радиоактив материаллар билан мұомала қилиш қоидаларининг бузилиши ЖК 252-моддаси таҳлил этилганида күриб чиқылғанлыги сабабли уларга тұхталмаймиз.

Ушбу құлмиш бағандың үртаса оғир ёки оғир шикаст етказиш тарзидаги оқибатлар келиб чиққан пайтдан эътиборан тұгалланған (ЖК 254-моддаси 1-қисми) деб ҳисобланады.

Жиноят субъектив томондан мұраккаб айбли бўлиб, радиоактив материаллардан фойдаланиш, уларни сақлаш қоидаларини бузишига нисбатан қасдан, рўй берган оқибатларга нисбатан эса эҳтиётсизлик шаклида бўлади. Жиноятнинг содир этилиш мотиви ва ундан кўзланган мақсад құлмишни квалификация қилишда аҳамият касб этмайди.

Жиноятнинг субъекти 16 ёшга тўлган, ақли расо жисмоний шахс бўлиши мумкин.

ЖК 254-моддаси 2-қисмидаги радиоактив моддалар билан қонунга хилоф равишда мұомалада бўлиш:

- 1) одам ўлишига;
- 2) бошқа оғир оқибатларга олиб келғанлыги учун жавобгарлик назарда тутилган.

Бошқа оғир оқибатлар деганда, икки ёки ундан ортиқ шахснинг баданига үртаса оғир ёки оғир шикаст етказилиши, атроф мухитга зарар етказилиши, экологик фалокат ва ҳ.к.ларни тушуниш зарур.

Алоҳида олинган ҳар бир ҳолда суд содир этилган жиноятдаги иш ҳолатларини инобатга олиб, бағанды етказилган бошқа оғир шикастни аниқлайди.

19-§. Ядро қурилмаларидан фойдаланиш қоидаларини бузиши (ЖК 255-моддаси)

Жиноятнинг бевосита асосий обьекти ядро энергиясидан фойдаланиш билан боғлиқ обьектларни эксплуатация қилиш хавфсизлиги қоидаларига риоя қилинишини тартибга солувчи ва таъминловчи ижтимоий муносабатлар ҳисобланади. **Бевосита қўшимча обьекти** экологик хавфсизлик, фуқароларнинг ҳаёти ва соғлиғи, ўзгалар мулкининг дахлсизлигини таъминловчи ижтимоий муносабатлардир.

Жиноятнинг предмети ядро энергиясидан фойдаланиш билан боғлиқ обьектлар ҳисобланади. Улар жумласига ядро қурилмалари, радиация манбалари, шунингдек, ядро материаллари ва радиоактив моддаларни сақлаш пунктлари, радиоактив чиқындилярнинг омборлари киради.

Ядро қурилмалари – ядро реакторлари бўлган қурилма ва комплекслар, шунингдек, атом станциялари, пароходлари ва бошқа сузувчи воситалар, космик ва учиш аппаратлари бошқа транспорт

воситалари, ядро реакторларига эга бўлган саноат, экспериментал ва илмий текшириш комплекслари; тинч мақсадларда фойдаланиш учун мўлжалланган ядровий зарядли мосламалар ва ҳ.к.

Радиация манбалари – радиоактив моддалари бўлган ёки радиоактив нурлар тўғланадиган ядровий қурилмалари бўлмаган комплекслар, қурилмалар, аппаратлар, мослама ва буюмлар.

Ядро материалларини ва радиоактив моддаларни сақлаш пунктлари, радиоактив чиқиндилярнинг омборлари – ядро қурилмалари ва радиация манбалари бўлмаган ҳамда ядро материалларини ва радиоактив моддаларни сақлаш, радиоактив чиқиндилярни сақлаш ва кўмиш учун мўлжалланган стационар объект ва иншоотлар.

Объектив томондан ЖК 255-моддасида назарда тутилган жиноят ядро энергияси билан боғлиқ объектлардан фойдаланиш қоидаларининг бузилиши натижасида баданга ўртача оғир ёки оғир шикаст етказилишида ифодаланади.

Ушбу модда ҳам бланкет диспозицияли бўлиб, ҳар бир алоҳида ҳолда ядро энергияси билан боғлиқ объектлардан фойдаланиш қоидаларининг айнан қайси банди бузилганлигини аниқлаш зарурдир.

Баданга ўртача оғир ёки оғир шикаст етказилиши кўринишидаги оқибатнинг келиб чиқсанлиги мазкур жиноятнинг зарурий белгиси ҳисобланади.

Объектив томондан ушбу жиноят фаол **ҳаракат** билан, шунингдек, **ҳаракатсизлик** билан ҳам содир этилиши мумкин. Ядро энергияси билан боғлиқ объектларни эксплуатация қилиш деганда, улардан аниқ мақсадга эришиш учун фойдаланиш тушунилади.

Ядро энергиясидан фойдаланиш билан боғлиқ объектларни эксплуатация қилишнинг хавфсизлик чоралари бундай объектларни куриш ва фойдаланишда ядро материаллари, объектлари ва радиоактив моддаларнинг бузилишига йўл қўймасликка қаратилган чоралардир.

Ядро қурилмаларидан фойдаланиш қоидаларини бузиш баданга ўртача оғир ёки оғир шикаст етказилган вақтдан бошлаб **туғалланган** (ЖК 255-моддаси I-қисми) ҳисобланади.

Субъектив томондан ушбу нормада назарда тутилган жиноят айбнинг мураккаб шакли билан тавсифланади. Жиноятнинг содир этилиш **мотив** ва **мақсадлари** қилмишни квалификация қилишда аҳамиятга эга эмас.

Жиноятнинг **субъекти** ядро энергиясидан фойдаланиш, объектларни эксплуатация қилиш вақтида хавфсизлик қоидаларига риоя қилиш масъулияти юклатилган 16 ёшга тўлган, ақли расо жисмоний шахс бўлиши мумкин. Буларга хавфсизлик қоидаларига риоя қилишига масъул бўлган мансабдор шахслар, хизматчи ходимлар ва бошқалар киради.

ЖК 255-моддаси 2-қисмида ядро қурилмаларидан фойдаланиш қоидаларини бузганлик:

- а) одам ўлишига;
- б) бошқа оғир оқибатларга сабаб бўлган ҳолатлар учун жавобгарлик назарда тутилган.

Бошқа оғир оқибатлар дейилганида, икки ёки ундан ортиқ шахснинг баданига ўртacha оғир ёки оғир шикаст етказилиши, экологик фалокат, жиддий моддий зарар етказиш ва ҳ.к.ларни тушуниш зарур.

Алоҳида олинган ҳар бир ҳолда суд сөдир этилган жиноятдаги иш ҳолатларини инобатга олиб, баданга бошқа оғир шикаст етказилганлиги тарзидаги оқибатнинг рўй берган ёки рўй бермаганлигини аниқлайди.

20-ғ. Бактериологик, кимёвий ва бошқа хил ялпи қирғин қуроллари турларини ишлаб чиқиш, ишлаб чиқариш, тўплаш, олиш, бирорвга ўтказиш, сақлаш, қонунга хилоф равишда эгаллаш ва улар билан бошқа ҳаракатларни содир этиш (ЖК 255¹-моддаси)

Жиноятнинг бевосита ясосий обьекти жамоат хавфсизлиги ва инсоният хавфсизлигини таъминловчи ижтимоий муносабатлар ҳисобланади. Бевосита қўшимча обьекти экологик хавфсизлик ва фуқароларнинг ҳаёти ва соғлиғи дахлсизлигини таъминловчи ижтимоий муносабатлардир.

Ўзбекистон Республикасида ратификация қилинган ҳалқаро шартномаларда тақиқланган, бактериологик (биологик), кимёвий ва бошқа хил ялпи қирғин қуроллари жинӣятнинг предмети ҳисобланади.

NOTA BENE!

Ялпи қирғин қуроли – атом бомбаси ёки бошқа шунга ўхшаш қурол хусусиятига эга бўлган портлатиш ёки радиоактив материяллар, ўлимга сабаб бўлувчи бактериологик ва кимёвий ёки бошқа турдаги қуроллар.

Бактериологик (биологик) ялпи қирғин қуроллари – микробиологик ёки бошқа биологик агентлар ёхуд заҳарлардан қуролли конфликтлар ёки бошқа душманлик мақсадида фойдаланиш учун мўлжалланган қуроллар¹. Бошқача қилиб айтганда, бактериологик (биологик) воситаларга эга бўлган жанговар захиралар ва жанговар қурилмалардир.

¹ Қаранг: Бактериологик (биологик) ва токсик қурол-яроғларни ишлаб чиқиш, тайёрлаш ва тўплашни ман этиш ҳамла уларни тугатиш тўгрисидаги Конвенция (Лондон, Вашингтон, Москва, 1972 й. 10 апрель, Ўзбекистон Республикасининг қўшилиши ўзбекистон Республикаси Олий Мажлиси 1995 й. 22 декабрдаги 185-1-сон қарорига мувофиқ, Ўзбекистон Республикаси учун 1996 й. 26 январда кучга кирган), 1-моъда.

Бактериологик (биологик) воситалар, яъни **микробиологик** ёки бошқа **биологик агентлар** ёки **токсинлар** тирик организмлар, микроорганизмлар, вируслар бўлиб, инсоният ёки бошқа тирик организмнинг ишлаб туриши, касалланиши, атроф мухит, сув, озиқ-овқат ва бошқа моддий объектларнинг зарарланишига сабаб бўлади. Бундай агентлар ёки заҳарлар сирасига вабо, холера, мохов, чечак, энcefалит ва бошқа касалликларнинг қўзғатувчилари киради. Тинч мақсадларда ёки профилактика, ҳимояга мўлжалланган микробиологик ёки бошқа агентлар ёхуд токсинлар келиб чиқиши ёки ишлаб чиқариш усули, тури, миқдоридан қатъи назар ушбу жиноятнинг предмети бўлмайди.

Кимёвий ялпи қирғин қуроли – заҳарли химикатлар ва уларнинг прекурсорлари; химикатларнинг заҳарли ҳусусиятлари ҳисобига ўлдириш ёки зарар етказишга маҳсус мўлжалланган ўқ-дорилар ва қурилмалар; қўрсатилган ўқ-дорилар ва қурилмалардан фойдаланиш учун маҳсус мўлжалланган ҳар қандай мослама¹. Бошқача қилиб айттандা, ушбу қуроллар айрим кимёвий моддаларнинг заҳарли ҳусусиятларига асосланиб ишлаб чиқилади. Кимёвий қурол деганда, жанговар заҳарловчи моддалар (асабни фалажловчи, терига зарар етказувчи, умуман заҳарли ва бўғувчи) психотроп моддалар (инкапаситантлар) ва қўзғатувчи моддалар (ирритантлар), уларни қўллаш воситалари (кимёвий ўқ-дорилар), кимёвий қуролни нишонга етказишида қўлланиладиган бошқарув мосламалари-тушунилади.

Заҳарли дейилганида, ўзининг кимёвий ҳусусиятларига кўра ҳаётий жараёнларни тўхтатадиган (ўлим), вақтингча бузадиган, одам ёхуд ҳайвонларга доимий зарар етказадиган ҳар қандай химикат тушунилади. Улар сирасига, зарин, зоман, табун, тиофосфонат ва бошқалар киради. (1993 йилги Химиявий қуролни ишлаб чиқиш, ишлаб чиқариш, тўплаш ва қўллашни тақиқлаш ҳамда уни йўқ қилиш ҳақидаги Конвенциянинг биринчи иловасидаги рўйхатга қаранг.)

NOTA BENE!

Прекурсорлар – заҳарли химикатни ишлаб чиқишининг ҳар қандай босқичида, ҳар қандай усулда қўлланиладиган турли кимёвий реагент. Булар сирасига яратилган маҳсулотнинг заҳарли ҳусусиятларини белгиловчи, муҳим роль йўновчи ҳар қандай асосий компонент киради.

¹ Қаранг: Химиявий қуролни ишлаб чиқиш, ишлаб чиқариш, тўплаш ва қўллашни тақиқлаш ҳамда уни йўқ қилиш ҳақидаги Конвенция (Париж, 1993 й. 13 январь, Ўзбекистон Республикаси Олий Мажлиси 1996 й. 26 апрелдаги 236-1-сон қарорига мувофиқ ратификация қилинган, Ўзбекистон Республикаси учун 1997 й. 29 апрелда кучга кирган), 2-модда.

Масалан, хлорзарин, хлорзоман, метилфосфонит ва Конвенция-нинг иловасига киритилган бошқа реагентлар прекурсорлар ҳисобланади. Ушбу рўйхатта киритилмаган, аммо инсон организмида турли бузилишларни вужудга келтирувчи химикатлар мазкур жиноят таркибининг предмети ҳисобланмайди.

Ўзбекистон Республикасининг халқаро шартномаларида тақиқланган ялпи қирғин қуролларининг бошқа ғурларига ядрорий ва ялпи қириш хусусиятига эга бўлган барча турдаги (заҳарли, нур, инфратовуш, ирсий, психотроп ва бошқа) қуроллар киради.

Ядрорий ялпи қирғин қуроли – назорат қилинмайдиган бўлиниш ёки синтез занжир реакцияси жараёнида ажралиб чиқадиган ядро ичидаги энергиядан фойдаланишга асосланган қурол. Ядро қуролига турли ядрорий ўқ-дорилар (ракета ва торпедалар, чукур кирадиган бомбаларнинг жанговар қисмлари, ядро зарядли артиллерия снарядлари ва фугаслари) киради. Фойдаланилаётган заряднинг типидан келиб чиқсан ҳолда термоядрорий, нейтрон, водород қуроли деган атамалар ишлатилади.

Объектив томондан ЖК 255¹-моддасида жавобгарлик белгиланган жиноят бактериологик, кимёвий ва бошқа хил ялпи қирғин қуроллари ишлаб чиқиши, ишлаб чиқариши, тўплаш, олиш, бировга ўтказиш, сақлаш, қонунга хилоф равишда эгаллаш ва улар билан бошқа ҳараткларни содир этишдан иборатдир.

Ишлаб чиқиши деганда, ялпи қирғин қуролларини яратишга қаратилган ҳар қандай хатти-ҳаракатнинг содир этилишини тушуниш лозим.

Ишлаб чиқариши деганда, ялпи қирғин қуролларининг ясалиши ёки ишлаб чиқарилиши тушунилади.

Тўплаш маълум бир ҳудудда ҳар қандай ялпи қирғин қуролларининг жамланишини англатади.

Ялпи қирғин қуролини олиш деганда, уларнинг сотиб олиниши, алмашиб йўли билан қўлга киритилиши ва шундай бошқа хатти-ҳаракатлар тушунилади.

Бировга ўтказиш деганда, ялпи қирғин қуролининг бошқа шахс ихтиёрига берилиши тушунилади.

Ялпи қирғин қуролини сақлаш ялпи қирғин қуролларининг маҳсус хоналарда, хилват жойларда ҳамда уларнинг бутлигини таъминловчи бошқа жойларда сақланишидан иборатдир.

Конунга хилоф равишида эгаллаш ўғирлаш, ўзлаштириш, мансаб мавқеини сунистеъмол қилиш йўли билан ялпи қирғин қуролини эгаллашнинг ҳар қандай усулини англатади. Талон-торож усулларидан бирини қўллаб, қонунга хилоф равишида қўлга киритиш содир этилганлиги қўлмишни таҳлил этилаётган модда билан квалификация қилиш учун-етарлидир.

Ялпи қирғин қуролларини ишлатишга ҳарбий тайёргарлик кўриш ва уларни ишлатиш таҳлил қилинаётган жиноят таркибини ташкил қилмайди. Мазкур ҳаракатлар босқинчилик урушига тайёргарлик кўриш (ЖК 151-моддаси 1-қисми), халқаро ҳуқуқ билан тақиқланган уруш олиб бориш воситаларини қўллаш (ЖК 152-моддаси) сифатида квалификация қилиниши керак.

ЖК 255¹-моддаси 1-қисмидаги назарда тутилган жиноят ҳар қандай ҳаракат содир этилган пайтдан эътиборан тугалланган ҳисобланади.

Субъектив томондан ЖК 255¹-моддаси 1-қисмидаги назарда тутилган қилмиш тўғри қасд билан содир этилади. Уни квалификация қилишда жиноятнинг содир этилиш мотиви ва ундан кўзланган мақсад аҳамиятга эга эмас.

16 ёшга тўлган ҳар қандай ақли расо шахс жиноятнинг **субъекти бўлиши мумкин**.

ЖК 255¹-моддаси 2-қисмидаги:

а) одам ўлишига;

б) бошқа оғир оқибатларга сабаб бўлган оғирлаштирувчи ҳолатлар учун жавобгарлик назарда тутилган.

Кўп миқдордаги одамларнинг ҳалок бўлиши, бир неча шахсларга оғир ёки ўртача оғир тан жароҳати, жуда кўп миқдорда моддий зарар етказилиши, экологик ҳалокат ва ҳ.к.лар **бошқа оғир оқибатлар** сифатида баҳоланиши мумкин.

Субъектив томондан ушбу нормада назарда тутилган жиноят айбнинг мураккаб шакли билан тавсифланади, яъни жиноят қилмиш қасдан содир этилади, оқибатга нисбатан эҳтиёtsизлик шаклида бўлади.

21-§. Тадқиқот фаолиятини амалга оширишда хавфсизлик қоидаларини бузиш (ЖК 256-моддаси)

Ушбу жиноятнинг **бевосита асосий обьекти** хавфсизлик талабларига жавоб берадиган шароитларда тадқиқот фаолиятини амалга ошириш ҳуқуқини таъминловчи ижтимоий муносабатлардир. Жиноятнинг **бевосита қўшимча обьекти** одамларнинг ҳаёти ва соғлигини таъминловчи ижтимоий муносабатлар ҳисобланади.

ЖК 256-моддаси 1-қисмидаги назарда тутилган жиноятнинг объектив томони илмий тадқиқот ёки синов тажриба фаолиятини амалга ошириш вақтида хавфсизлик қоидаларини бузиш натижасида баданга ўртача оғир ёки оғир шикаст етказилишида ифодаланади.

ЖК 256-моддаси блайкет диспозицияли бўлиб, шахсни мазкур модда бўйича жиноят жавобгарликка тортиш учун мазкур турдаги фаолиятнинг хавфсизлик техникаси бўйича маҳсус норматив қоидаларига риоя этиш лозим. Одатда, ушбу қоидалар ижро этувчи ҳокимиётнинг ҳуқуқий ҳужжатларида, маҳаллий давлат ҳокимиётни орган-

ларининг ҳужжатларида, идоралараро тусга эга бўлган норматив ҳужжатларда, шунингдек, локал ҳужжатларда ва вазирлик, қўмита, идора, корхоналар раҳбарларининг тадқиқот фаолиятини амалга ошириша хавфсизлик қоидаларига риоя этилишини таъминлаш бўйича мажбуриятларни аниқ шахсларга юклатиш тўғрисидаги индивидуал ҳуқуқий ҳужжатларда ўз ифодасини топади. Локал ҳужжатлар тадқиқот фаолиятининг айрим соҳаларида ҳамда юқорироқ хавфсизлик чораларини тақозо этган илмий тадқиқот ёки синов тажриба фаолиятининг айрим турларини амалга оширишда хавфсизлик қоидаларига риоя этилиши учун шахсий масъул бўлган шахсларнинг номларини ва рўйхатини белгилайди.

Кўриб чиқилаётган жиноятнинг объектив томони ҳаракат орқали ҳам, яъни хавфсизлик чораларини онгли равища бузиш, ҳаракатсизлик орқали ҳам, яъни ушбу қоидалар талабларини субъект онгли равища бажармайди ёки у томонидан уларга риоя этиш бўйича чоралар кўрилмайди.

Ушбу қилмиш моддий таркибли жиноят бўлиб, баданга ўртacha оғир ёки оғир шикаст етказиш тарзидағи оқибат юз берган пайтдан ётиборан тугалланган деб ҳисобланади.

Илмий тадқиқот ишларини амалга ошириш вақтида хавфсизлик қоидаларининг бузилиши туфайли рўй берган оқибат ва баданга ўртacha оғир ёки оғир шикаст етказилиши ўртасида **сабабий боғланишнинг** мавжудлиги жиноятни квалификация қилишнинг зарурий белгиси ҳисобланади.

Субъектив томондан жиноят қасдан ёки илмий тадқиқот ёхуд синов тажриба фаолиятини амалга ошириш вақтида хавфсизлик қоидаларини бузишга нисбатан **эҳтиётсизлик** орқасида ҳамда юзага келган оқибатларга нисбатан ўз-ўзига ишониш ёки беспарволик шаклидаги **эҳтиётсизлик** орқасида содир этилади. Субъект норматив кўрсатмаларни бузган пайтда ижтимоий хавфли оқибатлар юзага келиши мумкинлигига кўзи ета туриб, бироқ бундай оқибатлар келиб чиқмаслигига асоссиз равища умид қиласидан ҳолларда ўз-ўзига **ишониш** ўз ифодасини топади. Шахс кўрсатилган талабларни бажармасдан, ижтимоий хавфли оқибатлар келтириб чиқариши мумкинлигига кўзи етмаса-да, лекин кўзи етиши лозим ва мумкин бўлса, жиноят **бепарволик** орқасида содир этилган деб топилади.

Жиноятнинг **мотиви** ва ундан кўзланган **мақсад** қилмишнинг квалификациясига таъсир қилмайди.

Жиноятнинг **субъекти** маҳсус субъект бўлиб, зиммасига илмий-тадқиқот ёки экспериментал фаолият олиб борища хавфсизлик қоидаларига риоя қилиш мажбурияти юклатилган 16 ёшга тўлган, ақли расо шахс бўлиши мумкин. Бундай мажбуриятлар хизмат ваколати ёки маҳсус фармойиш асосида вужудга келади.

ЖК 256-моддаси 2-қисми билан квалификация қилиш учун илмий тадқиқот олиб борилаётган вақтда хавфсизлик қоидаларининг бузилиши:

а) хавфсизлик қоидаларига риоя қилиниши учун масъул шахс томонидан содир этилган;

б) кўп миқдорда зарар етказилишига сабаб бўлган бўлиши керак.

ЖК 256-моддаси 2-қисми «а» бандида назарда тутилган қилмишнинг **субъекти** хавфсизлик қоидаларига риоя қилиниши учун жавобгар бўлган шахс, яъни эгаллаб турган лавозими, мавқеига кўра (хавфсизлик бўйича муҳандис) ёхуд буйруққа мувофиқ илмий тадқиқот ёки синов тажрибаларини амалга ошириш вақтида хавфсизлик қоидаларига риоя қилинишига масъул бўлган шахс ҳисобланади.

ЖК «Атамаларнинг ҳуқуқий маъноси» берилган 8-бўлимига мувофиқ, **кўп миқдордаги зарар** деганда, энг кам ойлик иш ҳақининг юз бараваридан уч юз бараваригача бўлган миқдордаги зарар тушунилади.

ЖК 256-моддаси 3-қисмидаги илмий тадқиқот фаолиятини амалга ошириш вақтида хавфсизлик қоидаларининг бузилиши:

а) одам ўлишига;

б) бошقا оғир оқибатларга сабаб бўлганлиги жавобгарликнинг оғирлаштирувчи ҳолати сифатида кўрсатилган ва уларни содир этганлик учун жазо белгиланган.

Икки ёки ундан ортиқ шахснинг ҳалок бўлиши, уларга оғир ёки ўртача оғир тан жароҳати, жуда кўп миқдорда моддий зарар етказилиши ва ҳ.к.лар **бошца оғир оқибатлар** сифатида баҳоланиши мумкин.

22-§. Меҳнатни муҳофаза қилиш қоидаларини бузиш (ЖК 257-моддаси)

Ўзбекистон Республикаси Конституциясининг 37-моддасида: «ҳар бир шахс меҳнат қилиш, эркин касб танлаш, адолатли меҳнат шароитларида ишлаш ва қонунда кўрсатилган тартибда ишсизликдан ҳимояланиш ҳуқуқига эгадир»¹, деб мустаҳкамлаб қўйилган.

Ушбу жиноятнинг **бевосита асосий обьекти** мулкчилик шаклидан қатъи назар, корхоналар, муассасалар, ташкилотларда ишлаётган шахсларнинг меҳнат шароитларини тартибга солувчи ижтимоий муносабатлар ҳисобланади. **Бевосита кўшумча обьекти** одамларнинг ҳаёти ва соғлигини таъминловчи ижтимоий муносабатлардир.

¹ Ўзбекистон Республикасининг Конституцияси: Ўн иккинчи чақириқ Ўзбекистон Республикаси Олий Кенгашининг ўн биринчи сессиясида 1992 йил 8 декабрда қабул қилинган. – Т.: «Ўзбекистон», 2009. – 9-б.

Корхоналар, муассасалар, ташкилотларда нафақат доимий ишлаётгандан шахслар, балки вақтнинча ишлаётгандан шахслар ҳам жабрланувчи бўлишлари мумкин.

Объектив томондан ЖК 257-моддаси 1-қисмида назарда тутилган қылмиш ўртача оғир ёки оғир тан жароҳати етказилишига сабаб бўлган техника хавфсизлиги, саноат санитарияси, меҳнатни муҳофаза қилувчи бошқа қоидаларнинг бузилишидан иборатдир.

NOTA BENE!

Меҳнатни муҳофаза қилиш – меҳнат фаолияти жараёнида ишчиларнинг ҳаёти ва соғлигини сақлаш тизими. Бу тизимга ҳуқуқий, ижтимоий-иқтисодий, тиббий-профилактик, реабилитацион ва бошқа чоралар киради.

Ушбу модда бланкет диспозицияли бўлиб, шахсни жиноий жавобгарликка тортиш учун айбдор шахс томонидан меҳнатни муҳофаза қилиш қоидаларининг қайси банди бузилганлигини аниқлаш зарур. Умуман олганда, қонун ҳужжатлари томонидан меҳнатни муҳофаза қилиш бўйича мажбуриятлар иш берувчига юклатилади, у эса меҳнатни муҳофаза қилиш чора-тадбирларидан ташқари, унга бўйсунадиган шахслар сонидан аниқ участкаларда шахсий масъулиятни таъминлаши шарт. Шунинг учун бунда вазирлик, қўмита, идора, корхоналар раҳбарларининг техника хавфсизлиги, саноат санитарияси ёки меҳнатни муҳофаза қилишнинг бошқа қоидаларига риоя этилишини таъминлаш бўйича мажбуриятларни аниқ шахсларга юклатиш тўғрисида индивидуал ҳуқуқий ҳужжатлар, шунингдек, ишлаб чиқаришнинг айрим соҳаларида ва ишларнинг аниқ участкаларига, шу жумладан юқорироқ хавфсизлик чораларини тақозо этадиган айрим ишлар турларини бажаришда техника хавфсизлиги, саноат санитарияси ёки меҳнатни муҳофаза қилишнинг бошқа қоидаларига риоя этилишини таъминлаш учун шахсий масъул бўлган шахсларнинг номларини ва рўйхатларини белгилайдиган локал ҳуқуқий ҳужжатлар катта аҳамиятга эга.

Жиноятнинг объектив томони фаол ҳаракат, яъни қасдан хавфсизлик қоидаларни бузиш, шунингдек, шахс ушбу қоидаларга риоя қилиш чораларини қўлламаганлиги – ҳаракатсизликда ифодаланади.

Қонунда кўрсатилган баданга ўртача оғир ёки оғир тан жароҳати етказилиши кўринишидаги ижтимоий хавфли оқибатлар рўй берган вақтдан меҳнатни муҳофаза қилиш қоидаларини бузиш жинояти тугалланган деб ҳисобланади.

Меҳнатни муҳофаза қилиш қоидаларини бузиш тўғрисидаги ҳар бир жиноят ишини кўришда ушбу бузилишлар ва юзага келган ижтимоий хавфли оқибатлар ўртасида **сабабий боғланишни** пухта ва

ҳар томонлама күриб чиқишига алоҳида эътибор қаратиш лозим, ушбу боғланиш ҳукмда асослантирилиши керак.

Субъектив томондан жиноят **қасддан** ёки меҳнатни муҳофаза қилиш қоидаларини бузишга нисбатан **эҳтиётсизлик** билан ҳамда юзага келган оқибатларга нисбатан ўз-ўзига ишониш ёки бепарвонлик шактидаги **эҳтиётсизлик** билан содир этилади. Субъект норматив кўрсатмаларни бузган пайтда ижтимоий хавфли оқибатлар юзага келиши мумкинлигига кўзи ета туриб, бироқ бундай оқибатлар келиб чиқмаслигига асосиз равишда умид қиладиган ҳолларда **ўз-ўзига ишониш** ўз ифодасини топади. Шахс кўрсатилган талабларни бажармасдан, ижтимоий хавфли оқибатлар келтириб чиқариши мумкинлигига кўзи етмаса-да, лекин кўзи етиши лозим ва мумкин бўлса, жиноят **бепарвонлик** орқасида содир этилган деб топилади.

Жиноятнинг содир этилиш **мотиви** ва ундан кўзланган **мақсад** жиноятнинг квалификациясига таъсир этмайди.

Жиноятнинг **субъекти** 16 ёшга тўлган, **ЖК 257-моддаси 1-қисми** диспозициясида назарда тутилган техника хавфсизлиги, саноат санитарияси ёки меҳнатни муҳофаза қилиш қоидаларига риоя этиш зиммасига юклатилган ёхуд маҳсус фармойиш билан маълум иш участкасида меҳнат муҳофазаси ва техника хавфсизлиги қоидаларига риоя этилиши ёки шу қоидаларнинг ижроси бўйича масъулият юкланган жисмоний шахс бўлиши мумкин.

Меҳнатни муҳофаза қилиш қоидалари мазкур жиноят субъекти бўлмаган шахс томонидан бузилган ва ушбу модда диспозициясида кўрсатиб ўтилган оқибатлар келиб чиқсан ҳолларда айборд эҳтиётсизлик натижасида зарар етказганлик учун жавобгар бўлади.

ЖК 257-моддаси 2-қисмида меҳнатни муҳофаза қилиш қоидаларининг бузилиши натижасида

а) одам ўлиши;

б) бошқа оғир оқибатлар рўй бериши каби жавобгарликни оғирлаштирувчи ҳолатлар учун жавобгарлик назарда тутилади.

Бир неча шахсларга ўртача оғир ёки оғир тан жароҳати, жуда кўп микдорда зарар етказилиши ва ҳ.к.ларни **бошқа оғир оқибатлар** сифатида тушуниш мумкин.

23-§. Санитарияга оид қонун хужжатларини ёки эпидемияга қарши кураш қоидаларини бузиш (ЖК 257¹-моддаси)

Жиноятнинг **бевосита асосий обьекти** санитарияга оид қонун хужжатлари ва эпидемияга қарши кураш қоидалари билан қўриқланадиган жамоат хавфсизлиги ҳисобланади. **Қўшимча бевосита обьекти** одамлар ҳаёти ва соғлигини таъминловчи ижтимоий муносабатлардир.

Объектив томондан жиноят одамларнинг оммавий касалланишига ёки заҳарланишига олиб келган санитарияга оид қонун хужжатлари, эпидемияга қарши кураш қоидаларининг бузилишида ифодаланади.

Ушбу модда бланкет диспозицияли бўлиб, ҳар бир ҳолда айборд томонидан санитарияга оид қонун ҳужжатлари ёки эпидемияга қарши кураш қоидаларининг қайси банди бузилганлиги аниқланиши лозим.

Кўриб чиқилаётган жиноятнинг объектив томони мамлакатнинг санитарияга оид қонун ҳужжатларига ёки кўрсатилган қоидаларига зид бўлган ҳаракатлардан, шунингдек, тегышли қонун ҳужжатларига ёки тегишли қоидаларга асосан бажариш лозим бўлган ҳаракатларни бажармасликда ўз ифодасини топган ҳаракатсизликдан иборатdir.

Ушбу модда диспозициясида келтириб ўтилган, инсонларнинг оммавий касалланиши ёки заҳарланиши каби оқибатлар келиб чиқсан вақтдан жиноят туталланган ҳисобланади (**ЖК 257¹-моддаси 1-қисми**).

Оммавий касалланиш ёки заҳарланиш деганда, маълум бир ҳудуддаги кўпчилик кишиларнинг бир вақтнинг ўзида ёхуд қисқа вақт ичida касалланишини тушуниш зарур.

Субъектив томондан жиноят қасдан ёки санитарияга оид қонун ҳужжатларини ёки эпидемияга қарши кураш қоидаларини бузишга нисбатан **эҳтиёtsизлик** билан ҳамда юзага келган оқибатларга нисбатан ўз-ўзига ишониш ёки бепарвоник шаклидаги **эҳтиёtsизлик** билан содир этилади. Субъект тегишли қонун ҳужжатларини ёки тегишли қоидаларни қасдан бузган пайтда ижтимоий хавфли оқибатлар юзага келиши мумкинлигига кўзи ета туриб, бироқ бундай оқибатлар келиб чиқмаслигига асоссиз равишда умид қиласидан ҳолларда ўз-ўзига ишониш ўз ифодасини топади. Шахс кўрсатилган талабларни бажармасдан, ижтимоий хавфли оқибатлар келтириб чиқариши мумкинлигига кўзи етмаса-да, лекин кўзи етиши лозим ва мумкин бўлса, жиноят **бепарвоник** орқасида содир этилган деб топилади.

Жиноятнинг **мотиви ва мақсади** унинг квалификациясига таъсир кўрсатмайди.

Айборд одамларнинг оммавий касалланишига ёки заҳарланишига олиб келувчи ҳаракатларни давлат идоралари фаолиятини ёки ижтимоий-сиёсий вазиятни бекарорлаштириш ёхуд Ўзбекистон Республикаси иқтисодиётини издан чиқариш мақсадида содир эттан ҳолларда, ЖК 161-моддаси (**Кўпорувчилик**) бўйича жавобгарликка тортилади.

Жиноятнинг **субъекти** санитарияга оид қонун ҳужжатлари ва эпидемияга қарши кураш қоидалари нормаларига риоя қилишга масъул бўлган, 16 ёшга тўлган ақли расо жисмоний шахс бўлиши мумкин.

Санитарияга оид қонун ҳужжатларининг ёки эпидемияга қарши кураш қоидаларининг бузилиши одам улишига сабаб бўлган ҳолларда, айборнинг ҳаракатлари **ЖК 257¹- маддаси 2-қисми** билан квалификация қилинади.

Худди шундай қилмишлар одамларнинг ўлимига сабаб бўлса, айборд **ЖК 257¹-маддаси 3-қисми** бўйича жиноий жавобгарликка тортилади.

24-§. Төг-кон, қурилиш ёки портлатиш ишлари хавфсизлиги қоидаларини бузиш (ЖК 258-моддаси)

Жиноятнинг бевосита асосий объекти жамоат хавфсизлиги, төг-кон, қурилиш ёки портлатиш ишлари хавфсизлиги қоидаларини белгилаш орқали муҳофаза қилинадиган жамоат хавфсизлигидир. Одамларнинг ҳаёти ва соғлиги, ўзганинг мулки жиноятнинг қўшимча бевосита обьекти ҳисобланади.

Ушбу жиноятнинг **жабрланувчиси төг-кон**, қурилиш ёки портлатиш ишларини бажараётган, шунингдек, ушбу ишларни бажармаётган шахслар (масалан, қурилиш обьектини ажратиб турувчи панжара бўлмаганлиги сабабли тасодифан ушбу худудга кириб қолган бола) ҳам бўлиши мумкин.

Объектив томондан жиноят баданга ўртача оғир ёки оғир шикаст етказилишига сабаб бўлган төг-кон, қурилиш ёки портлатиш ишларидаги хавфсизлик қоидаларининг бузилишидан иборат.

Ушбу модда бланкет диспозицияли бўлиб, шахсни жиноий жавоб-гарликка тортиш учун төг-кон, қурилиш ёки портлатиш ишларидаги олиб бориш қоидаларининг қайси банди бузилганлигини аниқлаш зарур.

Төг-кон ишлари деганда, кон бойитиш саноатида олиб бориладиган ишлар тушунилади. Бу ишларга пармаловчи қурилмаларни, шахтадарни, ер ости қурилмаларини қуриш, реконструкция, эксплуатация қилиш ва таъмирлаш киради.

Қурилиш ишлари деганда, саноат корхоналари, омборлар, майший, жамоат, маъмурӣ, турар жой ва бошқа биноларни бунёд этиш ёхуд таъмирлаш, бузиш юзасидан амалга оширилаётган ишларни тушуниш зарур. Масалан, қурилиш майдончасида амалга ошириладиган ер ковлаш, бетон куйиш, тош ташлаш, монтаж, демонтаж қилиш, пардозлаш ва бошқалар шулар жумласидандир.

Портлаш хавфи бўлган ишлар деганда, портлатиш жараёнида ёнувчи газ ёки буғларнинг ҳаво ёхуд кислород ёки бошқа моддалар билан аралашиши натижасида портлаш хавфининг мавжудлиги тушунилади.

Баданга ўртача оғир ёки оғир шикаст етказилиши тарзидаги оқибатларнинг келиб чиқиши мазкур жиноят обьектив томонининг зарурий белгиси ҳисобланади.

Ушбу қилмиш **ҳаракат** (кўрсатилган қоидаларга зид бўлган ҳаракатларни содир этиш) ёки **ҳаракатсизлик** (тегишли қоидаларнинг кўрсатмаларига мувофиқ бажариши лозим бўлган ҳаракатни бажар-маслик) билан содир этилиши мумкин.

Баданга ўртача оғир ёки оғир шикаст етказилишидан иборат бўлган қонунда кўрсатилган оқибатлар юзага келган пайтдан бошлаб жиноят тугалланган ҳисобланади (**ЖК 258-моддаси 1-қисми**).

Субъектив томондан жиноят қасддан ёки тегишли ишлар хавфсиз-лиги қоидаларини бузишга нисбатан **эҳтиётсизлик** билан ҳамда юзага келган оқибатларга нисбатан ўз-ўзига ишониш ёки бепарвоник шаклидаги **эҳтиётсизлик** билан содир этилади. Субъект норматив талабларни қасддан бузган пайтда ижтимоий хавфли оқибатлар юзага келиши мүмкинлигига кўзи ета туриб, бироқ бундай оқибатлар келиб чиқмаслигига асоссиз равишда умид қиласидиган ҳолларда **ўз-ўзига ишониш** ўз ифодасини топади. Шахс кўрсатилган талабларни бажармасдан, ижтимоий хавфли оқибатлар келтириб чиқариши мүмкинлигига кўзи етмаса-да, лекин кўзи етиши лозим ва мумкин бўлса, жиноят **бепарвоник** орқасида содир этилган деб топилади.

Жиноятнинг **мотиви** ва **мақсади** қилишининг квалификациясига таъсир кўрсатмайди.

Жиноятнинг **субъекти** тоғ-кон, қурилиш ёки портлатиш ишлари хавфсизлиги қоидаларига риоя қилиш зиммасига юқлатилган 16 ёшга тўлган ақли расо жисмоний шахс бўлиши мумкин.

ЖК 258-моддаси 2-қисмида тоғ-кон, қурилиш ёки портлатиш ишлари хавфсизлиги қоидаларининг бузилиши:

а) одам ўлишига;

б) бошқа оғир оқибатлар келиб чиқишига сабаб бўлган ҳоллар учун жавобгарлик назарда тутилган.

Мазкур ҳолда **бошқа оғир оқибатлар** деганда, икки ёки ундан ортиқ шахсларнинг ўлиши, жуда кўп миқдорда зарар етказилиши ва ҳоказолар тушунилади.

25-§. Ёнгин хавфсизлиги қоидаларини бузиш (ЖК 259-моддаси)

Жиноятнинг бевосита асосий **объекти** ёнгин хавфсизлигини, яъни одамлар, жамоат ва давлат мулкини ёнгиндан муҳофаза қилишни таъминловчи ижтимоий муносабатлар ҳисобланади. **Бевосита қўшимча объекти** эса, шахснинг ҳаёти, соғлиги ва мулкидир.

Объектив томондан жиноят ёнгин хавфсизлиги қоидаларининг ушбу қоидалар бажарилиши учун масъул бўлган шахс томонидан бузилиши оқибатида баданга ўртacha оғир ёки оғир шикаст етказилишида ифодаланади.

NOTA BENE!

Ёнгин хавфсизлиги қоидалари – ёнгиннинг олдини олиш, уни ўчириш ва ёнгин рўй берган ҳолларда одамлар ва объектлар хавфсизлигини таъминлашга қаратилган талаблар, месъёрлар ва стандартларга риоя қилиши тартибини белгиловчи муайян қоидалар мажмуи.

Таҳлил қилинаётган модда ҳам бланкет диспозицияли бўлиб, шахсни жиноят жавобгарликка тортиш учун, тегишли қоидаларнинг айнан қайси банди бузилганлигини аниқлаш мақсадида, тегишли норматив-хукуқий хужжатларга, хусусан, ёнгин хавфсизлигининг стандартларига, нормаларига ва соҳавий қоидаларига, ёнгинларга йўл қўймасликка ва ёнгин чиқишида одамлар ва объектларнинг хавфсизлигини таъминлашга йўналтирилган йўриқнома ва бошқа хужжатларга мурожаат қилиш лозим.

Ёнгин хавфсизлиги қоидаларини бузиш – бу тегишли норматив хужжатда кўрсатилган кўплаб нормалардан бирини бажармаслиkdir. Ёнгин хавфсизлиги қоидалари сонига ёнгин хавфи бўлган моддаларнинг ёниб кетишига йўл қўймасликка йўналтирилган нормалар (нитроасосда, бензин ва бошқа тез алангаланувчи суюқликлар асосида қопламаларни кўплаб бўёқларни ишлаб чиқишида ёки деталларни локлашда бир вақтнинг ўзида очиқ олов манбасидан фойдаланишининг тақиқланиши ва ҳ.к.), шунингдек, мумкин бўлган ёнгинлар оқибатида юзага келадиган зарарли оқибатларнинг оғирлигини пасайтиришга қаратилган нормалар (олов тарқалишининг олдини олиш, ёнгин хавфли факторларининг таъсир зонасидан одамларни эвакуация қилишни таъминлаш бўйича талаблар ва бошқалар) киради.

Мазкур жиноят **ҳаракат** орқали ҳам (ёнгин хавфсизлиги қоидаларини бузадиган оғзаки буйруқлар ва ёзма фармойишлар), **ҳаракат-сизлиқ** орқали ҳам (пайвандлаш-ишларини амалга оширишнинг ёнгинга қарши режимини таъминлаш, электр симлар тармоғини таъмирлаш, ёнгинга қарши узилишларни жиҳозлаш бўйича зарур чораларни кўрмаслик ва бошқалар) содир этилиши мумкин.

Агарда ёнгин атом энергетика объектларида, портлатиш объектларида, тог-кон, курилиш ёки портлатиш ишларини амалга ошириша ёнгин хавфсизлиги қоидаларини бузиш ёки портловчи, тез алангаланувчи, пиротехника буюмларини сақлаш, ҳисобга олиш, улардан фойдаланиш, уларни жўнатиш қоидаларини бузиш туфайли келиб чиқса, қилмиш ЖК маҳсус моддалари билан қамраб олинади ва унинг **ЖК 259-моддаси** бўйича қўшимча квалификация қилиниши тақозо қилинмайди.

Ёнгин хавфсизлиги қоидаларини (1-қисм) бузиш баданга ўртacha оғир ёки оғир шикаст етказилиши шаклидаги қонунда кўрсатилган оқибатлар юзага келган пайтдан бошлаб **тугалланган** ҳисобланади.

Субъектив томондан ЖК 259-моддасида назарда тутилган жиноят эҳтиёtsизлиқ билан ўз-ўзига ишониш ёки бепарволик шаклида содир этилади.

Жиноятнинг **субъекти** эгаллаб турган лавозимига кўра ёнгин хавфсизлиги қоидаларининг бажарилиши учун масъул бўлган ёхуд ана шу қоидаларининг бажарилиши учун масъул этиб тайинланган шахслар бўлиши мумкин. Масалан, корхона, муассасаларнинг ва

уларнинг таркибий бўлинмаларининг раҳбарлари, бош мутахассислар ва ёнгин хавфсизлиги қоидалари ишларнинг аниқ участкаларида бажарилиши учун масъул бўлган бошқа мансабдор шахслар.

Агарда жиноят субъекти мансабдор шахс бўлса, қилиш мансаб жинояtlари учун жавобгарликни назарда тутувчи ЖК тегишли моддалари билан бирга жинояtlар мажмуи бўйича квалификация қилинади.

ЖК 259-моддаси 2-қисмидаги ёнгин хавфсизлиги қоидаларининг бузилиши:

- а) одам ўлишига;
- б) бошқа оғир оқибатлар келиб чиқишига сабаб бўлган ҳоллар учун жавобгарлик назарда тутилган.

Бошқа оғир оқибатлар деганда, икки ёки ундан ортиқ шахсларнинг ўлимига сабаб бўлиш, икки ёки ундан ортиқ шахсларнинг баданига оғир ёки ўртacha оғир шикаст етказиш, жуда кўп микдорда зиён етказиш кабилар тан олиниши мумкин.

«Жамоат хавфсизлигига қарши жинояtlар» мавзуси бўйича якуний саволлар

1. Жиноий уюшма нима?
2. Куролланган жиноий уюшманинг қандай белгилари мавжуд?
3. Куролланган жиноий уюшма ташкил қилганлик учун жавобгарликка тортишнинг қандай зарурий ўартлари мавжуд?
4. Жиноий фаолиятдан олинган даромадларни ошкорлаштириш нимала ифодаланади? Бундай жинояtlарни квалификация қилишнинг ўзига хос қандай хусусиятлари бор?
5. Оммавий тартибсизликлар деганда нима тушунилади?
6. Оммавий тартибсизликларни уюштириш ва уларда фаол иштирок этиш нимада ифодаланади?
7. Жамоат хавфсизлиги ва жамоат тартибига таҳдид солалиган материаллар нима?
8. Диний, фундаменталистик ёки Ўзбекистон Республикасида фаолияти тақиқланган ташкилотларни тузиш, уларга раҳбарлик қилиш ва аъзоси бўлганлик учун жиноий жавобгарликнинг вужудга келиш асослари қандай?
9. Шахсни гаров сифатида тутқунликка олишнинг қандай белгилари бор?
10. Шахсни гаров сифатида тутқунликка олишнинг одам ўғирлаш ёки шахсни гайриқонуний озодликдан маҳрум қилишдан қандай фарқи бор?
11. Контрабанда жиноятини юридик таҳлил қилиб беринг. Уни содир этишнинг ва жиноий жавобгарликнинг вужудга келишининг қандай усуllари бор?

12. Қурол, ўқ-дорилар, портловчи моддалар ёки портлатиш қурилмалариға қонунга хилоф тарзда әгалік қилишнинг қандай шакллари бор?

13. Ўқотар қурол ёки ўқ-дориларни портлатиш қурилмаларини қонунга хилоф равишида әгаллаш шакллари қандай ҳаракатларда ифодаланади?

14. Ўқотар қурол ёки ўқ-дориларни портлатиш қурилмаларини қонунга хилоф равишида әгаллашнинг портлаш хавфи бўлган моддалар ёки пиротехника буюмларидан фойдаланиш қоидаларини бузишдан қандай фарқи бор? Ушбу жиноятлар предметларининг ўзига хос хусусиятлари ва қилмишнинг квалификациясига кўрсатадиган таъсири?

15. Ўқотар қурол ёки ўқ-дориларни бепарволик билан сақлаш нималарда ифодаланади? Мазкур қилмиш содир этилиши натижасида қандай оқибатлар келиб чиқиши мумкин?

16. Портлатиш хавфи бўлган моддалар ёки пиротехника буюмларидан фойдаланиш қоидаларини бузиш қандай ҳаракатларда ифодаланади? Портлаш хавфи бўлган моддаларга нималар киради?

17. Кучли таъсир қилувчи ёки заҳарли моддаларни қонунга хилоф тарзда әгаллаш қандай усулда амалга оширилади? Бундай буюмлар сирасига нималар киради?

18. Радиоактив материаллар нима?

19. Радиоактив материаллардан фойдаланиш қоидаларини бузиш нималарда ифодаланади? Ушбу жиноят учун жавобгарлик вужудга келишининг зарурий шартини айтинг.

20. Ядро қурилмаларидан фойдаланиш қоидаларини бузишни квалификация қилишнинг ўзига хос хусусияти нимада? Ушбу жиноят учун жавобгарлик вужудга келишининг зарурий шартини кўрсатинг.

21. Оммавий қирғин қуролига нималар киради? Унинг қандай турлари мавжуд?

22. Тадқиқот фаолиятини амалга оширишда хавфсизлик қоидаларини бузиш учун жиноий жавобгарлик вужудга келишининг зарурий шартини аниқланг.

23. ЖК 256-моддасида (Тадқиқот фаолиятини амалга оширишда хавфсизлик қоидаларини бузиш) назарда тутилган жиноятнинг маҳсус субъектини аниқланг.

24. Мехнатни муҳофаза қилиш қоидаларини бузиш нимада ифодаланади? Ушбу жиноятнинг субъектини аниқланг.

25. Санитарияга оид қонун ҳужжатларини ёки эпидемияга қарши кураш қоидаларини бузганлик учун жавобгарлик вужудга келиши шартларини аниқланг.

26. Төғ-кон, қурилиш ёки портлатиш ишлари деганда нимани тушунмоқ лозим? Қайси ҳолларда ушбу ишларни ўтказиш қоидаларини бузганлик учун жиноий жавобгарлик вужудга келади?

27. Ёнғин хавфсизлиги қоидаларини бузиш нималарда ифодаланади?

Кўшимча адабиётлар

Раҳбарий адабиётлар

Каримов И.А. Асосий вазифамиз – ватанимиз тараққиёти ва халқимиз фаронлигини янада юксалтиришдир. – Т.: «Ўзбекистон», 2010. – 80 Б.

Ўқув қўлланмалар, маҳсус адабиётлар

Белозеров Ю.Н., Нагаев Е.А. Незаконный оборот огнестрельного оружия, боеприпасов, взрывчатых веществ и взрывных устройств. Научно-практическое пособие. – М.: 2000.

Бойко А.И., Родина Л.Ю. Контрабанда. – СПб.: «Юридический центр Пресс», 2002. – 297 Б.

Гаухман Л.Д., Максимов С.В. Уголовная ответственность за организацию преступного сообщества (преступной организации). Комментарий. – М.: Учебно-консультационный центр «ЮрИнфоР», 1997. – 32 Б.

Ефимов М.А. Борьба с преступлениями против общественного порядка, общественной безопасности и здоровья населения. – Минск: Высшая этнографическая школа, 1971.

Каплунов А.И., Милюков С.Ф. Применение и использование огнестрельного оружия. – СПб.: «Юридический центр Пресс». 2003. – 363 Б.

Комиссаров В.С. Терроризм, бандитизм, захват заложника. – М.: 1997.

Корецкий Д.А., Землянухина Л.М. Личность вооруженного преступника и предупреждение вооруженных преступлений. – СПб.: «Юридический центр Пресс». 2003. – 189 Б.

Михайлов В.И. Противодействие легализации доходов от преступной деятельности. – СПб.: «Юридический центр Пресс». 2002. – 427 Б.

Овчинникова Г.В., Павлик М.Ю., Коршунова О.Н. Захват заложника (уголовно-правовые, криминологические и криминалистические аспекты) . – СПб.: «Юридический центр Пресс». 2001. – 259 Б.

Овчинникова Г.В. Расследование захвата заложников. Уголовно-правовые и криминалистические вопросы. Учебное пособие. – СПб. 1997.

Рустамбаев М.Х. Закон и общественная безопасность. – Т.: «Ўзбекистон», 1989.

Рустамбаев М.Х. Законодательство УзССР об ответственности за незаконное владение оружием и его применение. – Нукус, 1991. – 114 Б.

Рустамбаев М.Х., Коняев В. Квалификации преступлений, предметом которых являются оружие, боеприпасы, взрывчатые, легковоспламеняющиеся вещества и горючие смеси.. – Т.: ВШМ МВД, 1993.

Тихий В.П. Ответственность за преступления против общественной безопасности. – Харьков: Хар ЮИ, 1984.

Илмий мақолалар

Абдурасулова Қ.Р. Диний экстремизмнинг моҳияти ва унга қарши кураш // Инсон ва қонун. 2007 й. 23 июнь.

Беляева Н., Орешкина Т., Мурадов Э. Квалификация захвата заложников // Ж. Законность. 1994. № 7.

Быков В. Признаки организованной преступной группы // Ж. Законность. 1998. № 9.

Кабулов Р. Уголовная ответственность за нарушение санитарного законодательства или правил борьбы с эпидемиями // Ж. Ҳуқуқ-Право-LAW. 2000. № 4. – 67–68-б.

Кабулов Р. Ўқотар қуролларни файриқонуний эгаллашга қарши жиной-ҳуқуқий курашиш чоралари // Ж. Ҳуқуқ-Право-LAW. 2000. 4-сон. – 58–60-б.

Ниёзова С. Жиной йўл билан олинган даромадларни ошкоралаштириш // Қонун ҳимоясида. 2002. № 4. – 35-б.

Ниёзова С., Раҳмонов Ж. Контрабанда жинояти қандай жиноят? // Инсон ва қонун. 2004 й. 25 май.

Рустамбаев А.М. Анализ состояния групповой и организованной преступности в Узбекистане и некоторые меры по совершенствованию борьбы с ней. Тез.докл.научно-практ.конференции. – Т.: Академия МВД Республики Узбекистан, 2005. – 190–192-б.

Рустамбаев А.М. Криминологическая характеристика личности преступника, совершающего преступления в группе // Ж. Адвокат. 2006. № 2. – 46–47-б.

Рустамбаев А.М. Общие черты и различия уголовно-правовых признаков групповой и организованной преступности // Ж. Давлат ва ҳуқуқ. 2005. № 5 (27). – 39–43-б.

Рустамбаев А.М. Типичные недостатки практики привлечения к уголовной ответственности лидеров, организаторов преступных группировок // Ж. Вестник ТГЮИ, 2-вып., 2006. – 55–58-б.

Рустамбаев М.Х. Значение последствий для квалификации нарушений правил безопасного движения и эксплуатации транспортных средств // Совершенствование мер борьбы с преступностью и ее профилактика. Сборник научных трудов ТашГУ – Т.: Изд-во ТашГУ, 1988. – 73–75-б.


Рустамбаев М.Х. Некоторые вопросы квалификации хищения огнестрельного оружия, боевых припасов или взрывчатых веществ. «Криминалистика и вопросы борьбы с преступностью». Сборник научных трудов ТашГУ. – Т., 1985.

Сотниев И.А. Ўзбекистон Республикасининг янги Жиноят кодекси бўйича жиной уюшма ташкил эттанилик учун жавобгарлик // Ўзбекистонда ижтимоий фанлар. 2000. 1-сон. – 60–62-б.

Шелковникова Е.Д. Проблемы усиления борьбы с незаконным оборотом оружия // Ж. Государство и право. 1999. № 7.

II БОБ. ТРАНСПОРТ ҲАРАКАТИ ВА УНДАН ФОЙДАЛАНИШ ХАВФСИЗЛИГИГА ҚАРШИ ЖИНОЯТЛАР

3-схема



1-§. Темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузиш (ЖК 260-моддаси)

Ушбу жиноятнинг **бевосита асосий обьекти** темир йўл, денгиз, дарё ёки ҳаво транспортининг ҳаракатланиши ва эксплуатация қилиш хавфсизлиги шартларини таъминловчи ижтимоий муносабатлар ҳисобланади. **Бевосита қўшимча обьекти** одамларнинг ҳаёти, соғлиги,

ўзгалар мулкининг хавфсизлиги ва сақланишини таъминловчи ижтимоий муносабатлардир.

ЖК 260-моддасида назарда тутилган жиноятнинг предмети темир йўл, сув (денгиз ва дарё) ёки ҳаво транспортига оид ўзи ҳаракатланувчи техник воситалардир.

NOTA BENE!

Темир йўл транспорти – магистрал темир йўллар, кириш йўлари ва метрополитенда фойдаланиладиган, пўлат излар бўйлаб қатнайдиган транспорт воситалари (трамвай бундан мустасно)дир.

Агар кириш йўллари умумий темир йўллар тармоғи билан боғланмаган бўлса, улар темир йўл транспорти ихтиёрида бўлмай, маҳкамаларга қарашли бўлади.

Шахталар, цех ичida фойдаланиладиган транспорт воситалари (электровозлар, вагонеткалар ва бошқалар) технологик жараён билан боғлик бўлган ишлаб чиқариш функциясини бажариши туфайли кўриб чиқилаётган транспорт турига кирмайди.

Ушбу транспорт воситаларида белгиланган меҳнатни муҳофаза қилиш, муайян ишларни бажариш, техника хавфсизлиги қоидалари бузилиши туфайли жиноят содир этилган бўлса, айборнинг қилмиши ЖК 257-моддаси (Меҳнатни муҳофаза қилиш қоидаларини бузиш) билан квалификация қилинади.

NOTA BENE!

Сув (денгиз ва дарё) транспортига кимнинг ихтиёрида бўлишидан қатыназар, ҳавза сув транспорти инспекциялари ресстраида рўйхатга олиниши лозим бўлган барча кемалар, яъни ўзи ҳаракатланувчи сузиш воситалари (йўловчилар ташийдиган, транспорт кемалари, қазиб оловчичи, қайта ишловчичи, спорт кемалари ва ҳ.к.) киради.

Идоравий норматив ҳужжатларга кўра сув транспорти ҳисобланадиган, ўзи юрмайдиган транспорт воситалари мазкур жиноятнинг предмети бўла олмайди. Ушбу сузувлар воситалар (ўз аксариятида баржа, плашкоутлар) мустақил транспорт аҳамиятига эга эмас, ўзи юрар транспорт воситалари билан биргаликдагина қўлланилиши мумкин. Ўзи юра олмайдиган сузувлар воситалар қўлланилишидан зарарли оқибатлар фақатгина ўзи юрар кемадан фойдаланиш қоидаларини бузиш натижасидагина юзага келиши мумкин.

NOTA BENE!

Ҳаво транспорти – бу ҳавода ҳаракатланиш учун фойдаланылған үйретілген аппараттар, яғни фуқаро авиацияси ва фуқаролик парвоз воситалари: самолётлар, вертолётлар, планерлар, аэростатлар, дирижабллар ва ҳ.к.

Юриш учун эмас, балки фақат күтарилиш учун мұлжалланған ҳаво воситалари (масалан, ҳаво зондлари) мазкур жиноятнинг предметига кирмайды.

Авиация техникаси соҳасида синов тажриба ёки илмий тадқиқот ишларини амалға ошириш учун мұлжалланған ҳаво кемалари – синов тажрибали ҳаво кемалари – күриб чиқылаёттан жиноятнинг предметига кирмайды. Мазкур кемалардан фойдаланышда хавфсизлик қоидаларини бузиш ҳолларыда шахс ЖК 256-моддаси бўйича (Тадқиқот фаолиятини амалға оширишда хавфсизлик қоидаларини бузиш) жавобгарликка тортилиши лозим.

Ҳаво транспорти воситаларидан, масалан, осмонўпар иморатларни куришда ва ҳоказоларда фойдаланиш мумкин. Махсус ишларни (масалан, куриш ишларини) амалға оширишда тегишли қоидаларни бузиш **ЖК 260-моддасида** назарда тутилган жиноят таркиби билан қамраб олинмайды.

Кўриб чиқылаёттан модда доирасида транспорт воситаси сифатида механик бўлмаган транспорт воситаси эътироф этилмайди. Хусусан, мазкур воситалар сонига автодрезина ва автомотрислар, от-улов транспорти кирмайды. Бундан ташқари, ҳаво ёки сув кемасининг ёхуд Темир йўл транспортининг белгиларига эга бўлган, бироқ ўзининг хусусиятлари бўйича юқ ёки йўловчиларни ташишга лойиқ бўлмаган воситаларни, масалан, ҳаво зондини, автоматлаштирилган батискафи ва ҳ.к. ларни транспорт сифатида эътироф этиш мумкин эмас. Тегишли белгилар мавжудлигида мазкур предметлардан фойдаланиш учун айбордor шахс ЖК 256-моддаси бўйича жавобгарликка тортилиши мумкин.

Таъкидлаб ўтиш лозим, **ЖК 260-моддаси** нуқтаи назаридан, ҳарбий ҳаво кемалари, шунингдек, фуқароларга шахсий мулк ҳуқуқига асоссан тегишли бўлган камҳажмли кемалар транспорт воситалари сонига кирмайди.

ЖК 260-моддасида назарда тутилган жиноят **объектив томондан** баданга ўртача оғир ёки оғир шикаст етказилишига сабаб бўлган транспорт воситасининг ҳаракат қилиши ёки ундан фойдаланиш хавфсизлиги қоидаларининг темир йўл, дengiz, дарё ёки ҳаво транспортини бошқарувчи шахс томонидан бузилишида ифодаланади.

Мазкур модданинг диспозицияси бланкет хусусиятга эга бўлиб, уни қўллаш учун нафақат қонунларга, балки идоравий норматив ҳужжатларга ҳам мурожаат қилиш лозим бўлади.

Таҳлил қилинаётган жиноятнинг таркибини ташкил қилувчи норматив ҳужжатларнинг бузилишларига нафақат транспорт ҳаракати ва ундан фойдаланиш хавфсизлигининг қоидалари (йўриқномалари) деб номланадиган нормаларнинг бузилиши киради. Норматив ҳужжатнинг номи – бу фақатгина формал белги. Тегишли норма транспорт ҳаракати ва ундан фойдаланиш хавфсизлиги қоидасининг белгиланганлиги ёки белгиланмаганлигини аниқлаш учун унинг мазмунидан келиб чиқиш лозим.

Транспорт ҳаракати ва ундан фойдаланиш хавфсизлигининг қоидалари идоравий норматив ҳужжатларда ҳар хил тарзда белгиланган. Айримлари қатъий кўрсатмалардан, айримлари қатъий тақиқлардан иборат. Уларнинг бузилиши шахсни кўриб чиқилаётган модда бўйича жиноий жавобгарликка тортиш учун асос бўлиши мумкин. Айрим норматив ҳужжатларда кўрсатма ва тақиқлар билан бир қаторда тавсиялар ҳам мавжуд. Улар мажбурий тусга эга эмас, уларни аслида қоида сифатида ҳисоблаш мумкин эмас, шунинг учун мазкур тавсияларни бажармаслик ушбу жиноятнинг таркибини ташкил қилмайди.

Фақатгина ҳукукий нормаларда белгиланган қоидаларни бузишдан иборат қилмиш жиноят таркибини ташкил қилиши мумкин. «Ҳамма қабул қилган эҳтиёт чоралари» улар сонига кирмайди ва уларнинг бузилиши, юридик адабиётда мавжуд бўлган айрим тавсияларга қарамасдан, шахсни мазкур модда бўйича жиноий жавобгарликка тортиш учун асос бўлмайди. Транспорт ҳаракати ва ундан фойдаланиш хавфсизлиги қоидаларини бузиш ҳолатлари бўйича тергов органлари ва суд жиноятнинг мавжудлигини шахс томонидан «эҳтиёт чоралари кўрилмаганлиги» билан асослантиришлари мумкин эмас. Ҳар бир иш бўйича куйидаги ҳолатлар аниқланиши лозим: а) транспорт ҳаракати ва ундан фойдаланиш хавфсизлиги қоидаларининг қайси банди бузилган; б) тегишли қоидани бузиш нимада ўзининг аниқ ифодасини топган.

Транспорт ҳаракати ва ундан фойдаланиш хавфсизлиги қоидаларининг айримлари умумийроқ тусга, айримлари эса аниқроқ тусга эга. Дастребки тергов органлари ва суд уларнинг иккаласига ҳам ҳавола қилишлари лозим.

Таъкидлаб ўтиш лозим, транспорт ҳаракати ва ундан фойдаланиш хавфсизлиги қоидалари доимий ривожланиш ва ўзгариш жараёнида бўлади. Шунинг учун хавфсизлик қоидаларини бузиш фактини аниқлаш учун тергов ва суд органлари шахс бузилишида айбланаётган хавфсизлик қоидалари кучда бўлишини ёки ўз кучини йўқотганигини текширишлари шарт.

Транспорт ҳаракати хавфсизлиги қоидаларини бузиш – бу транспорт воқитасини бошқаришнинг ўрнатилган тартибидан турли четга чиқишилар.

Транспорт ҳаракати қоидаларини бузиш қуйидагиларда ўз ифодасини топиши мумкин:

төмір йўл транспортида – йўл бўш ёки банд бўлишини кузатмаслик, тезликни ошириб юбориш, перегонни ўзбошимчалик билан эгаллаш, семафорнинг тақиқловчи сигналида ўтиб кетиш ва ҳ.к.;

ҳаво транспортида – учиш схемаларини бажармаслик, учиш ва экипаж ишига қўйиладиган талабларни менсимаслик, самолётни бошқариш техникасига ва қоидаларига риоя қилмаслик ва ҳ.к.;

сув транспортида – қониқарсиз кузатиб бориш ва шу билан боғлиқ бўлган кеманинг ёки бошқа тўсиқнинг кечиккан аниқланиши, тезликни ошириб юбориш ёки муносиб бўлмаган шароитларда қувиб ўтиш, кемани бошқарувчи шахснинг асоссиз тахминлари ва у томонидан вазиятга нотўғри баҳо бериш, хавфли яқинлашишга йўл қўймаслик бўйича тегишли чораларни кўришда кечикиш ва ҳ.к.

Қонунда кўрсатилган бузилишлар ҳаракат шаклида ҳам, ҳаракатсизлик шаклида ҳам ўз ифодасини топиши мумкин. Ҳаракатсизлик учун шахс унинг зиммасига муайян ҳаракатларни бажариш мажбурияти юклатилган ҳолдагина жавобгар бўлади. Ушбу мажбурият қонуности норматив ҳужжатлар билан ўрнатилган. Чунки ҳаракатсизлик учун жиноий жавобгарликка тортишда мазкур жиноятнинг субъекти транспорт ҳаракати ва ундан фойдаланиш хавфсизлиги қоидалари билан тартибга солинган муносабатларнинг қисми сифатида кўрилади, чунки унинг фаолийти темир йўл транспорти, флот ва фуқаролик авиациясининг ишлашида хавфсизликни таъминлашга қаратилган.

Темир йўл, дарё ёки ҳаво транспортидан **фойдаланиш қоидаларини бузиш транспорт** воситасидан белгиланган мақсадлардан ташқари фойдаланишни кўзда тутади. Фойдаланиш қоидаларини бузиш темир йўл, дарё ёки ҳаво транспортининг авариясиз ишлаб туришини таъминловчи тизим ва агрегатлардан белгиланган мақсадлардан ташқари фойдаланишни ҳам ўз ичига олади. Ушбу қилмиш транспорт воситаси ҳаракатининг хавфсизлигини таъминловчи узел ва механизмларга техник жиҳатдан хизмат кўрсатиш талабларидан четга чиқиша, қўнишда ва туширишда, юкларни жойлашда ва туширишда йўловчиларнинг хавфсизлигини таъминлаш бўйича зарур чораларни кўрмаслик ва транспорт воситаларидан фойдаланишнинг хавфсиз шароитларни таъминловчи транспорт воситаларидан фойдаланиш белгиланган тартибининг бошқа бузилишларида ўз ифодасини топади.

Транспортдан фойдаланиш транспортнинг ҳаракатига қараганда кенгроқ тушунчадир. Агарда ҳаракат жараёни фойдаланиш билан чамбарчас бўлса-да, фойдаланиш ҳаракат соҳасида ҳам, ундан ташқарида ҳам амалга оширилиши мумкин (масалан, кеманинг рейдда тўхташида, портда, ҳаво кемасини учишдан олдин тайёрлашда ва ҳ.к.). Транспортнинг авариясиз ишлаши билан боғлиқ бўлмаган ундан

фойдаланиш хавфсизлиги қоидаларини бузиш таҳлил қилинаётган жиноятни ташкил қылмайди.

Транспортнинг ҳаракати ёки ундан фойдаланиш хавфсизлиги қоидаларини бузиш ҳаракат орқали ҳам, ҳаракатсизлик орқали ҳам содир этилиши мумкин.

ЖК 260-моддасида назарда тутилган жиноят (1-қисм) баданга ўртacha оғир ёки оғир шикаст етказилиши шаклидаги қонунда белгиланган оқибатлар юзага келган пайтдан бошлаб туталланган ҳисобланади.

Қоида тариқасида, темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузиш кўрсатилган оқибатлар билан бир қаторда ўзининг ижтимоий хавфлилик хусусияти ва даражаси бўйича қонунда мустаҳкамланган даражасига етмайдиган факультатив оқибатларга сабаб бўлади. Масалан, баданга енгил шикаст етказилиши ҳамда кўп миқдорда бўлмаган моддий заарар етказилиши ва ҳ.к. факультатив оқибат ҳисобланади. Улар юзага келган ҳолда жиноятлар мажмуй бўйича квалификация қилиш зарур эмас, чунки улар таҳлил қилинаётган тажовуз таркиби билан қамраб олинади. Мазкур оқибатлар жазони тайинлашда инобатта олиниши лозим.

Таҳлил қилинаётган қилмиш ва юзага келган оқибатлар ўртасида сабабий боғланишни аниқлаш керак. Бунда сабабий боғланиш оддий ҳаракат ёки ҳаракатсизлик билан эмас, балки ижтимоий хавфли оқибатлар юзага келишининг бевосита сабаби бўлган хавфсизликнинг тегишли қоидаларини бузиш билан аниқланиши зарур.

Оқибатлар битта ҳаракат ёки ҳаракатсизлик натижасида эмас, балки бир неча қилмишлар (уларнинг ҳар бири ўзи ёки бошқалар билан бир қаторда оғир оқибатларга сабаб бўлиши мумкин) натижасида юзага келган ҳолларда ҳам сабабий боғланиш мавжуд. Амалиётда қўйидаги ҳолатлар ҳам учрайди: бир шахс ҳаракатлари натижасида хавфли вазият юзага келади, иккинчи шахс эса ушбу вазиятга хотўгри баҳо бериб, ўзи транспорт хавфсизлигига қарши қилмишни содир этади. Мазкур вазиятда юзага келган заарарли оқибатлар транспорт ходимларининг иккаласи томонидан йўл қўйилган бузилишларнинг объектив натижасидир.

Субъектив томондан жиноят айбнинг мураккаб шакли билан содир этилади. Яъни, транспортни ҳаракатга келтириш ёки эксплуатация қилиш хавфсизлиги қоидалари қасдан бузилади, унинг оқибатларига нисбатан эҳтиётсизликнинг жиноий ўз-ўзига ишониш ёки жиноий беспарволик шаклидаги айб мавжуд бўлади. Айбдор транспортнинг ҳаракати ёки ундан фойдаланиш хавфсизлиги қоидаларини бузиш муайян ижтимоий хавфли оқибатлар келтириб чиқариши мумкинлигига кўзи ғта туриб, бундай оқибатлар келиб чиқмаслигига асоссиз

равишида умид қиласи ёхуд ижтимоий хавфли оқибатлар юзага келишига айборнинг қўзи етмайди, лекин қўзи етиши лозим ва мумкин бўлади.

Агар баданга ўргача оғир ёки оғир шикаст тўғри ёки эгри қасд билан етказилган бўлса, иш ҳолатларига қараб айбор шахс ЖК 104-моддаси (Қасддан баданга оғир шикаст етказиш) ёки 105-моддаси (Қасддан баданга ўргача оғир шикаст етказиш) бўйича жавобгарликка тортилиши мумкин.

ЖК 260-моддасида назарда тутилган жиноятнинг **субъекти** 16 ёшга тўлган, «фаолияти транспортни хавфсиз ҳаракатланишини ташкиллаштириш билан боғлиқ ходимлар (масалан, ҳаво транспортида ташкилотнинг ҳаракат хизмати, ҳаво ҳаракатини бошқариш маркази, ишлаб чиқариш диспетчерлик хизмати, катта диспетчер ва диспетчерлари, аэропорт штурманни, катта штурманни, учиш раҳбари) ва унинг ҳаракати ёки фойдаланиши билан боғлиқ ходимлар (учувчи капитан, штурман, машинист ва унинг ёрдамчиси, меҳаник ва унинг ёрдамчиси, радиооператор, радиост, шкипер ва ҳоказо)» ҳисобланади¹.

Агарда айбор транспорт воситасини бошқариш имкониятини бошқа жиноят содир этилиши, масалан, ҳаво кемасини олиб қочиш натижасида олган бўлса қўлмишни жиноятлар мажмую бўйича квалификация қилиш лозим.

ЖК 260-моддаси 2-қисмида одам ўлимига сабаб бўлган темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузиш учун жавобгарлик белгиланган.

ЖК 260-моддаси 3-қисмида:

а) одамлар ўлимига;

б) ҳалокатга;

в) бошқа оғир оқибатларга сабаб бўлган темир йўл, денгиз, дарё, ҳаво транспортидан фойдаланиш хавфсизлиги қоидаларини бузганлик учун жавобгарлик назарда тутилган.

ЖК 260-моддаси 3-қисми «а» банди нуқтаи назаридан, **одамлар ўлими** деганда, транспорт тегишли турларининг ҳаракати ёки улардан фойдаланиш хавфсизлиги қоидаларини бузиш сабабли юзага келган транспорт ҳодисаси натижасида рўй берган икки ёки ундан ортиқ одамлар ўлими тушунилади.

¹ Қаранг: Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки ундан фойдаланиш хавфсизлигига қарши жиноятларга оид ишлар юзасидан суд амалиёти тўғрисида»ги 32-сонлиқ қарори // Ўзбекистон Республикаси Олий суди Пленуми қарорлари тўплами 1991–2006, 2-жилд. – Т.: «O'qituvchi» НМИУ, 2007. – 59-6. (кейинги ўринларда – Тўплам, 2-жилд).

NOTA BENE!

Ҳалокат – кўп сонли одамларнинг ҳалок бўлиши, атроф-табиий муҳитта сезиларли зарар етказилиши, мулкни йўқ қилиш ёки унга жуда кўп миқдордан ҳам кўпроқ зарар етказиш ва ҳ.к. да ифодаланадиган кенг миқёсдаги авария. Ҳалокат табиий ёки техноген хусусиятга эга бўлиб, табиий кучлар (масалан, зилзила) ёки инсон фаолиятининг натижаси бўлиши мумкин (масалан, Чернобиль АЭС даги ҳалокат).

ЖК 260-моддаси 3-қисми «б» банди нуқтаи назаридан, «ҳалокат деганда, шундай ҳодиса туфайли атроф муҳитта, инсонларнинг соғлиги ва ҳаёти учун хавфли бўлган жиддий зиён етказилиши, инсонларнинг ҳалок бўлишига сабабчи бўлган темир йўл, денгиз, дарё ёки ҳаво транспортларининг, шунингдек, кўпчиликни ташишга мўлжалланган жамоат транспортлари (автобус, троллейбус ва шу сингарилар)нинг авария бўлиши»¹ тушунилади.

Темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузиш турли ҳалокатларга олиб келиши мумкин, уларнинг ҳар бири кўрсатилган умумий белгилар билан бир қаторда ўзига хос хусусиятларга эга. Хусусан, авиаҳалокатлар экипаж аъзолари ва йўловчиларнинг ўлими, ҳаво кемаларининг тўлиқ нобуд қилиниши ёки уларга оғир шикаст етказилиши билан таърифланади ҳамдá қидирув ва авария-кутқариш ишларини олиб боришини талаб қиласди; темир йўл транспортида ҳалокатлар ёнғин, портлаш, ҳаракатдаги состав бузилиши ҳамда темир йўл персонали, йўловчилар ва ҳалокат юз берган пайтида темир йўл платформаларида, вокзал ва шаҳар биноларида бўлган одамларнинг ўлими, шунингдек, ҳалокат жойига яқин бўлган ҳудуднинг кучли таъсир қилувчи заҳарли моддалар билан заҳарланиши билан таърифланади; денгиз ёки дарё транспортидан фойдаланиш билан боғлиқ ҳалокатлар экипаж аъзолари ва йўловчиларнинг ўлими, кемаларнинг нобуд қилиниши, шунингдек, ҳалокат жойига яқин бўлган сув юзасининг кучли таъсир қилувчи заҳарли моддалар билан заҳарланиши билан таърифланади.

ЖК 260-моддаси 3-қисми «в» банди нуқтаи назаридан, **бошқа оғир оқибатлар** деганда, «йўл-транспорт ҳодисаси натижасида одам ўлиши билан биргаликда яна бир қанча кишиларнинг оғир тан жароҳат олишлари, поезд, кема ёки самолётлар ҳаракати тизимининг узоқ муддатга издан чиқиши, ташиладиган юкларга жуда кўп миқдорда зиён етказилиши, атрофдаги уй-жой ва бошқа иншоотларнинг

¹ Узбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Тўплам, 2-жилд. – 56-6.

бузилиши, (портлаши, ёниб кетиши, вайрон бўлиши) бўлан боғлик жуда кўп миқдорда зиён етказилиши каби ҳолатлар тушунилади. (Шунингдек, судлар, ҳар бир аниқ иш ҳолати бўйича алоҳида ёндашиб, муайян вазиятни атрофлича ўрганиб, содир этилган жиноят қилмиш натижасини оғир оқибат сифатида ҳукуқий баҳолашлари мумкин. Бунда теран мулоҳаза ва кенг мушоҳадага таяниб иш кўрмоқ зарур)¹.

Таъкидлаб ўтиш лозим, ҳаёти ҳодиса натижасида хавф остида қолган ва ўзини ўзи ҳимоя қилиш имкониятидан маҳрум бўлган шахсга ёрдам кўрсатмаган айбдор шахснинг ҳаракатларини жиноятлар жами ЖК 117-моддасининг (Хавф остида қолдириш) тегишли қисми ва ЖК 260-моддаси бўйича квалификация қилиш керак.

«Башарти, йўл-транспорт ҳодисаси рўй бериши оқибатида жабрланувчининг ҳаёти учун хавфли бўлмаган соғлигининг бузилишига сабабчи бўлган енгил тан жароҳати етказилса ёки жабрланувчининг ўлими бевосита йўл-транспорт ҳодисаси рўй берган вақтда юз берганилиги аниқ кўриниб турган бўлса ёхуд шахснинг жабрланувчига ёрдам бериши шарт бўлса-да, бироқ унинг ўзининг ҳаёти ёки соғлиги учун ҳам яққол хавф туғилган бўлса, яъни ёрдам бериш имкониятига мутлақо эга бўлмаса, ЖКнинг 117-моддаси татбиқ этилмайди»².

Агарда транспортнинг ҳаракати ёки транспорт воситасидан фойдаланиш хавфсизлиги қоидаларини бузиш натижасида ЖК 260-моддасининг ҳар хил қисмларида назарда тутилган оқибатлар юзага келган бўлса, айб барча оқибатлар бўйича қўйилади, ҳаракатлар эса оғирроқ оқибатларни назарда тутувчи қисм бўйича квалификация қилинади.

Кўрсатилган турли оқибатларга сабаб бўлган ҳаракатлар турли вақтда содир этилган бўлса, оқибатлар эса транспортнинг ҳаракати ёки транспорт воситасидан фойдаланиш хавфсизлиги қоидаларини бир неча ўзаро боғлиқ бўлмаган бузилиши натижасида юзага келган бўлса, ушбу ҳаракатлар жиноятлар мажмуи бўйича квалификация қилинади.

2-§. Маст ҳолдаги шахснинг транспорт воситасини бошқаришига йўл қўйиш (ЖК 261-моддаси)

Мазкур жиноятнинг бевосита асосий обьекти темир йўл, денгиз, дарё, ҳаво, автомобиль ва бошқа транспорт воситаларининг хавфсиз ҳаракатланиши ва эксплуатация қилинишини таъминловчи ижтимоий муносабатлардир. **Бевосита қўшимча обьекти** фуқароларнинг

¹ Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Тўплам, 2-жилд. – 56–57-6.

² Ўша жойда. – 57-6.

ҳәёти ёки соғлиги хавфсизлигини таъминловчи ижтимоий муносабатлар ҳисобланади.

Жиноятнинг предмети темир йўл, денгиз, дарё, ҳаво, автомобиль ва бошқа транспорт воситалариридир.

(«Темир йўл транспорти», «денгиз транспорти», «дарё транспорти», «ҳаво транспорти» тушунчалари ЖК 260-моддаси таҳлилида берилган.)

Турли (юк, енгил, пассажир, спорт ва бошқ.) автомобиллар, мотоцикллар, трамвай, троллейбус ва тракторлар **автомобиль транспорти** ҳисобланади.

Бошқа транспорт воситаларига ўзиорар машиналар ва бошқа механик транспорт воситалари киради.

Йўл-ҳаракати қоидаларига биноан, **механик транспорт воситалари** двигатель ёрдамида ҳаракатга келтириладиган транспорт воситалари (мопеддан ташқари)дир¹. Бошқа транспорт воситалари категориясига фақат кўча ва йўлларда ҳаракат қилган вақтда транспорт воситаси ҳисобланадиган экскаваторлар, грейдерлар, бульдозерлар, автокранлар, скреперлар, комбайнлар ва ҳ.к.лар киради.

Транспорт воситалари деганда, двигателининг иш ҳажми 50 см³ бўлган барча кўринишдаги енгил, юк автомашиналари, автобуслар, маҳсус машиналар, трактор, троллейбус, трамвай, мотоцикллар, йўл, курилиш, қишлоқ ҳўжалигига ишлатиладиган ва бошқа ўзи ҳаракат қилиувчи машиналар (экскаватор, бульдозер, грейдер, автокран, скреперлар ва бошқ.) тушунилиши керак².

Иш ҳажми 50 см³ бўлган двигатель билан ҳаракатга келтириладиган ва максимал конструктив тезлиги 50 км/с бўлган транспорт воситалари (масалан, мопедлар, мотиклар ва ўхшаш хусусиятларга эга бўлган транспорт воситалари) ЖК 261, 262, 263, 266, 267-моддаларида назарда тутилган жиноятларнинг предмети сифатида эътироф этилмайди. Мазкур жиноятларнинг предметига двигателга эга бўлмаган транспорт воситалари (хусусан, велосипедлар ва ҳ.к.) ҳам кирмайди.

Объектив томондан ЖК 261-моддасида назарда тутилган жиноят транспорт воситасидан фойдаланиш учун масъуль шахснинг маст ҳолдаги ёки гиёҳвандлик воситалари, психотроп моддалар ёки шахснинг ақл-идрокига таъсир кўрсатувчи бошқа моддалар таъсири остида бўлган шахсни темир йўл, денгиз, дарё, ҳаво, автомобиль транс-

¹ Қаранг: Йўл ҳаракати қоидалари (Вазирлар Маҳкамасининг 2000 йил 11 декабрдаги 472-сон қарорига илова), 2-бўлим 22-қисми // Ўзбекистон Республикаси хукуматининг қарорлари тўплами, 2000 й., 12-сон, 75-модда; Ўзбекистон Республикаси қонун ҳужжатлари тўплами, 2006 й., 46-47-сон, 459-модда; 2007 й., 9-10-сон, 86-модда; 41-42-сон, 419-модда.

² Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Тўплам, 2-жилд. – 55–56-6.

порти ёки бошқа транспорт воситасини бошқаришига йўл қўйиши натижасида баданга оғир шикаст етказилиши ёхуд одам ўлишига сабаб бўлишида ифодаланади.

Транспорт воситасини бошқаришига йўл қўйиш деганда, алкоголь таъсири остида маст ҳолда бўлган ёки гиёхвандлик воситалари, психотроп моддалар ёки шахснинг ақл-идрокига таъсир кўрсатувчи бошқа моддалар таъсири остида бўлган шахснинг темир йўл, денгиз, дарё, ҳаво, автомобиль транспорти ёки бошқа транспорт воситаларини бошқаришига рухсат берилишини тушуниш зарур.

Йўл қўйиш ҳайдовчига ушбу модданинг диспозициясида кўрсатиб ўтилган транспорт воситаларини бошқариш билан боғлиқ бўлган бирон-бир ҳаракатни бажариш ҳақида кўрсатма бериш (одамларни элтиб қўйиш, юқ ташиш ва ҳ.к.), шунингдек, ҳайдовчининг ўз вазифасини бажаришига тўқинлик қўлмаслик (масалан, йўлга чиқишига қаршилик кўрсатмаслик ва ҳ.к.)дан иборат бўлиши мумкин.

Транспорт воситаларидан фойдаланиш учун масъул шахснинг маст ҳолатдаги ёхуд гиёхвандлик воситалари, психотроп моддалар ёки шахснинг ақл-идрокига таъсир этувчи бошқа моддалар таъсири остида бўлган шахсни билгани ҳолда темир йўл, денгиз, дарё, ҳаво, автомобиль ёки бошқа транспорт воситасини бошқаришига йўл қўйиши натижасида ЖКнинг 260-, 266-моддаларида назарда тутилган оқибатлар рўй берган бўлса, ЖКнинг 261-моддаси билан транспорт воситалари ҳаракати ёки ularдан фойдаланиш хавфсизлигига масъул шахслар, шунингдек, мулкчилик шаклидан қатъи назар, давлат ёки жамоат ташкилотларига қараашли транспорт воситаларининг ҳайдовчилари, шахсий транспорт воситаларининг эгалари ва ҳайдовчилари ҳам жавобгар бўлишлари мумкин¹.

Маст ҳолат ёки гиёхвандлик воситалари, психотроп моддалар ёки шахснинг ақл-идрокига таъсир кўрсатувчи бошқа моддалар таъсири остида бўлиш – оддий физиологик спиртли, гиёхвандлик ёки бошқа маст ҳолат, унда шахснинг вазиятни тушуниш ва ўз хулқини назорат қилиш имконияти йўқотилмайди, лекин чекланади.

Шахснинг ақл-идрокига таъсир кўрсатувчи бошқа моддалар қаторига онгни заҳарлайдиган турли моддалар киради. Клофелиннинг алкоголь билан ҳар қандай фоизларда аралашмаси, хлороформ, эфир, димедролнинг алкоголь билан аралашмаси, тропан гуруҳидаги алкалоидларни ўз ичига олган ўсимликларнинг спиртли экстрактлари ва бошқалар, шунингдек, буғларини тин олиш онгни заҳарлаштирувчи, яъни шахснинг ақл-идрокига таъсир кўрсатувчи ацетон, бўёқлар, локлар, елимнинг айрим турлари ва бошқа манший кимё буюмлари кўрсатилган моддаларнинг жумласидандир.

¹ Узбекистон Республикаси Олий суди Пленумининг 2000 йил 22 декабрдаги •Транспорт ҳаракати ёки... // Тўплам, 2-жилд. – 58-б.

Ушбу қилмиш моддий таркибли жиноят бўлиб, баданга оғир шикаст етказилиши, одам ўлиши тарзидаги оқибат келиб чиқсан пайтдан эътиборан **туталланган** деб эътироф этилади.

Субъектив томондан жиноят мураккаб айбли бўлиб, қасдан маст ҳолдаги шахснинг транспорт воситасини бошқаришига йўл қўйилади, оқибатига нисбатан эҳтиётизлик бўлади. Жиноятнинг содир этилиш мотиви ва кўзланган мақсад қилмишини квалификация қилишда аҳамиятга эга эмас.

Айбор шахснинг ҳайдовчи алкоголь таъсири остида маст ҳолда эканлигини ёки гиёхвандлик воситалари, психотроп моддалар ёки шахснинг ақл-идроқига таъсири кўрсатувчи бошқа моддалар таъсири остида эканлигини билиши жиноятни таҳлил қилинаётган модда бўйича квалификация қилишнинг зарурий белгиси ҳисобланади.

Жиноятнинг субъекти маҳсус ҳисобланади. Уларнинг сонига 16 ёшга тўлган ва «транспорт воситалари ҳаракати ёки улардан фойдаланиш хавфсизлигига масъул шахслар, шунингдек, мулкчилик шаклидан қатъи назар, давлат ёки жамоат ташкилотларига қарашли транспорт воситаларининг ҳайдовчилари, шахсий транспорт воситаларининг эгалари»¹ киради.

Ушбу мажбурият ўз хизмат мавқеи бўйича зиммасига юклатилган корхона, муассаса, ташкилотларнинг мансабдор шахслари кўриб чиқилаётган жиноятнинг субъектлари бўлиши мумкин. Масалан, бosh меҳаниклар, фойдаланиш бўлимининг бошлиғи, фойдаланиш бўйича муҳандис ва бошқалар.

3-ғ. Транспортни таъмирлаш ёки уни фойдаланишга чиқариш қоидаларини бузиш (ЖК 262-моддаси)

Жиноятнинг бевосита асосий обьекти темир йўл, денгиз, дарё, ҳаво, автомобиль ва бошқа транспорт воситаларидан фойдаланиш хавфсизлигини таъминловчи ижтимоий муносабатлардир. Бевосита қўшимча обьекти одамларнинг ҳаёти, соғлиғи ва мулкини муҳофаза қилувчи ижтимоий муносабатлар ҳисобланади.

Жиноятнинг предмети темир йўл, денгиз, дарё, ҳаво, автомобиль ва бошқа транспорт қурилмалари, сигнализация, алоқа воситаларидир.

(«Темир йўл транспорти», «денгиз транспорти», «дарё транспорти», «ҳаво транспорти» тушунчалари ЖК 260-моддаси, «автомобиль ва бошқа транспорт воситалари» тушунчалари ЖК 261-моддаси таҳлилида берилган.)

Темир йўл алоқа йўллари деганда, темир йўл (трамвай, метро) ҳаракати амалга ошириладиган рельслар, шпаллар, тўшамалар тушуни-

¹ Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Тўплам, 2-жилд. – 58–59-6.

лади. Темир йўлда поездлар ҳаракати хавфсизлигини таъминлаш мақсадида диспетчерлик хизмати, электррузатгич линиялари ва ҳ.к. мосламалар ўрнатилади. Ҳаракат хавфсизлигини таъминламайдиган мосламалар ушбу жиноятнинг предмети бўлмайди.

Ҳаво транспорти алоқа воситаларига учиш-қўниш йўлаклари, хавфсизлик йўлкалари ва ҳ.к.лар; сув транспортида кеманинг бир географик пункт (порт)дан океан ёки денгизлар, шунингдек, табиий ёки сунъий сув йўллари (кўрфаз, канал, дарё, кўллар) орқали бошқасига ўтишига мўлжалланган воситалар киради.

Сигнализация воситалари – шартли информация: команда бериш, хабар етказиш, бошқариш ва ҳ.к.ларни берувчи воситалар. Сигнализация овозли, визуаль (нурли ва ҳ.к.) бўлиши мумкин. Бундай воситалар сирасига семафорлар, маёқлар, йўл ва маркировка белгилари ва ҳ.к.лар киради.

Алоқа воситаларига турли хабарларни жўнатиш ва қабул қилишини таъминловчи техник қурилмалар киради. Алоқа жўнатиш воситаси ва муҳитига кўра: симли, радиоалоқа, радиорельели, симплекс, космик, оптик, лазер ва ҳ.к.ларга бўлинади. Ҳаракат узокqliлигига кўра узоқ ва яқин алоқа мавжуд.

Бошқа транспорт ускуналари деганда, темир йўл, авиация, денгиз ва дарё флоти эксплуатациясининг хавфсизлиги учун зарур бўлган сигнализация ва алоқа воситаларидан ташқари барча механизmlар, техник қурилмалар – асбоблар тушунилади. Бошқа транспорт қурилмалари масалан, темир йўл ва трамвай тупиларидағи ушлагичлар, дарё форматорини белгиловчи мосламалар ва ҳ.к.лар киради.

Мазкур транспорт иншоотлар ва воситалар, қурилмалар, механизmlар ва ускуналари ўзининг тузилишидаги хусусиятлари бўйича фарқланади, фақат уларга хос бўлган техник вазифаларни бажаради, бироқ уларнинг барчасини умумий белгилар таърифлайди:

1) ушбу транспорт қурилма ва элементларининг маҳсус вазифаларни бажаришга мўлжалланганлиги – темир йўл, авиация, денгиз ва дарё флотининг хавфсиз ҳолда ишлаб туришини таъминлаш. Ушбу белгиларга эга бўлмаган қурилма ва элементлар кўриб чиқилаётган жиноятнинг предметига кирмайди (масалан, ҳаво йўллари агентликлари ва кассалар, аэропорт ичидаги йўллар ва ҳ.к. ўргасидаги алоқани таъминловчи воситаларни ишдан чиқариш);

2) фойдаланишга, нормал ишлаб туришга яроқлилик, яни улардан белгиланган мақсадда фойдаланиш имконияти мавжудлиги. Шунинг учун яроқсиз, ҳаракатда бўлмаган (консервацияланган, эҳтиёт) қурилмалар **ЖК 262-моддасидда** назарда тутилган жиноятнинг предметига кирмайди;

3) мазкур жиноятнинг предмети ошиқча хавф манбаи ҳисобланади ёки ушбу манбаларнинг нормал ишлаб туришини таъминловчи тизимга киради;

4) қонунда күрсатилган предметларнинг алоҳида ҳуқуқий ҳолати, уларнинг ишлаб туриши транспортда амал қилган норматив хужжатлар билан тартибга солинади.

Ушбу барча белгилар бирликда бўлиши керак, битта белгининг йўқлиги **ЖК 262-моддасида** күрсатилган жиноятнинг предмети сифатида транспорт қурилмасини, элементини эътироф этилишини истисно қиласди.

Объектив томондан жиноят:

1) таъмираш ишларини бажараётган ёки транспорт воситасининг техник ҳолати ва ундан фойдаланиш учун масъул бўлган шахснинг темир йўл, денгиз, дарё, ҳаво, автомобиль ёки бошқа транспорт воситасини, алоқа йўллари, сигнализация, алоқа воситалари ёки бошқа транспорт ускуналарини сифатсиз таъмирашида;

2) транспорт воситасининг техник жиҳатдан бузуқлигини била туриб, уни йўлга чиқарилиши натижасида баданга ўртacha оғир ёки оғир шикаст етказилишида ифодаланади.

Таъмираш – белгиланган сифат нормативларига мувофиқ бузуқлигини била транспорт воситалари ва қурилмаларининг функционал вазифаларини тиклашлар.

Сифатсиз таъмираш деганда, кўрсатиб ўтилган транспорт воситалари ва улардан фойдаланиш техник тизими қисмларининг иш хавфсизлигига кафолат бермайдиган даражада таъмирланишини тушуниш зарур.

Транспорт воситаларининг техник жиҳатдан бузуқлигини била туриб, уларни **фойдаланишга чиқариш** деганда, муайян носозликлари бўлган транспорт воситаларидан фойдаланишга рухсат берилиши тушуниллади.

Ҳаракат хавфсизлигига ва транспорт воситаларидан фойдаланиш хавфсизлигига хавф туғдирувчи **транспорт воситалари техник ҳолати жиҳатдан бузук**, деб эътироф этилади.

Баданга ўртacha оғир ёки оғир шикаст етказилиши тарзидаги оқибатларнинг келиб чиқиши ушбу жиноят объектив томонининг зарурый белгиси ҳисобланади. Юқоридаги белгилар бўлмаганида айбор интизомий ёхуд маъмурий жавобгарликка тортилиши мумкин.

Сифатсиз таъмирланганлиги ёки техник жиҳатдан бузуқлиги олдиндан маълум бўлган транспорт воситасининг фойдаланишга чиқарилиши ва рўй берган баданга ўртacha оғир ёки оғир шикаст етказилиши тарзидаги оқибат ўртасидаги сабабий боғланишнинг мавжудлиги жиноят объектив томонининг зарурый белгиси ҳисобланади.

Конунда кўрсатилган оғир ёки ўртacha оғир тан жароҳати етказилиши тарзидаги оқибатлар рўй берган вақтдан **ЖК 262-моддасида** кўрсатилган жиноят **туталланган** ҳисобланади (1-қисми).

Субъектив томондан темир йўл, денгиз, дарё, ҳаво, автомобиль ёки бошқа транспорт воситаси, алоқа йўллари, сигнализация, алоқа воситалари ёки бошқа транспорт ускуналарининг сифатсиз таъмирла-

ниши эҳтиётсизлик орқасида ёки **мураккаб айбли** жиноят тарзида содир этилиши мумкин.

Транспорт воситасининг техник жиҳатдан бузуқлигини била туриб уни фойдаланишга чиқариш тўғри қасд билан содир этилади.

Сифатсиз таъмиглашнинг ёки техника ҳолати жиҳатидан бузуқ бўлган транспорт воситасини фойдаланишга чиқаришнинг **мотивлари** турли бўлиши мумкин, улар қўлмишнинг квалификациясига таъсир қўлмайди, лекин суд томонидан жазо тайинлашда инобатта олинади.

Жиноятнинг **субъекти** 16 ёшга тўлган, таъмилаш ишларини бажарувчи ёхуд транспорт воситаларининг техник ҳолати ва улардан фойдаланиш учун жавобгар шахсларгина бўлади.

«Судлар шуни эътиборга олишлари лозимки, таъмилаш ишларини бажараётган транспорт воситаларини техник жиҳатдан ва улардан фойдаланишга масъул шахсларнинг темир йўл, денгиз, дарё, ҳаво, автомобиль ёки бошқа транспорт воситасини, алоқа йўллари, сигнализация, алоқа воситалари ёки бошқа транспорт ускуналарини сифатсиз таъмилаш, шунингдек, транспорт воситасининг техник ҳолати жиҳатидан бузуқлигини била туриб, уни фойдаланишга чиқариши натижасида ЖКнинг 260-, 266-моддаларида назарда тутилган оқибатлар юз берган тақдирда, мулкчилик шаклидан қатъи назар, таъмилаш ишларини бажараётган ёки транспорт воситаларини таъмилаш ёхуд ундан фойдаланишга масъул шахсни ЖКнинг 262-моддаси билан жавобгарликка тортиш учун асос бўлади. Бунда техника воситалари, алоқа йўллари, сигнализация, алоқа воситалари ёки бошқа транспорт ускуналари учун масъул шахс, ушбу техник носозликни аниқ билган бўлиши шарт»¹.

Шахсни сифатсиз таъмилаш ёки техника ҳолати жиҳатидан бузуқ бўлган транспорт воситасини фойдаланишга чиқарганлик учун жиноий жавобгарликка тортиш кўрсатилган транспорт воситасини бошқардиган ёки сифатсиз таъмиланган транспортнинг техник тизимидан фойдаланган шахсни жавобгарликка тортиш масаласининг ҳал қилинишига боғлиқ эмас.

ЖК 262-моддаси 2-қисмида одам ўлишига сабаб бўлган транспортни таъмилаш ёки уни фойдаланишга чиқариш қоидаларини бузиш учун жавобгарлик назарда тутилган.

Агарда транспортни таъмилаш ёки уни фойдаланишга чиқариш қоидаларини бузиш:

- а) одамлар ўлимига;
- б) ҳалокатга;

в) бошқа оғир оқибатларга сабаб бўлса, айбдор шахснинг ҳаракатлари **ЖК 262-моддаси 3-қисми** бўйича квалификация қилинади.

¹ Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Туплам, 2-жилд. – 60-б.

ЖК 262-моддасида назарда тутылган жиноятнинг мазкур оғирлаштирувчи ҳолатлари темир йўл, денгиз, дарё ёки ҳаво транспортининг ҳаракати ёки улардан фойдаланиш хавфсизлиги қоидаларини бузишнинг (ЖК 260-моддаси) аввал таҳлил қилинган оғирлаштирувчи ҳолатлари билан бир хил. Улар мазкур ижтимоий хавфли қилмишга нисбатан ўзига хос хусусиятларга эга эмас ва алоҳида таҳлил қилишни талаб қилмайди.

**4-§. Темир йўл, денгиз, дарё, ҳаво транспорти воситаси ёки алоқа йўлларини яроқсиз ҳолатта келтириш
(ЖК 263-моддаси)**

Жиноятнинг бевосита асосий обьекти темир йўл, сув, ҳаво транспортини эксплуатация қилишнинг хавфсиз шарт-шароитларини таъминловчи ижтимоий муносабатлардир. Кўшимча бевосита обьекти одамларнинг ҳаёти ва соғлиғи, ўзгалар мулкидир.

Темир йўл, денгиз, дарё, ҳаво транспорти воситалари, алоқа йўллари, улардаги иншоотлар, сигнализация қурилмалари, алоқа ёки бошқа транспорт ускуналари мазкур жиноятнинг предмети ҳисобланади.

(Ушбу жиноятнинг предмети ЖК 260-, 262-моддалари таҳлили қилинганида батафсил кўриб чиқилган.)

Кўрсатилган барча предметларнинг темир йўл, денгиз, дарё, ҳаво транспорти воситаларини эксплуатация қилишнинг хавфсизлигини таъминлаш учун мўлжалланганлиги жиноятнинг зарурый белгиси ҳисобланади. Бундай белгига эга бўлмаган қурилмалар мазкур жиноятнинг предмети бўла олмайди.

Жиноятнинг яна бир зарурый белгиси қайд этиб ўтилган предметларнинг фойдаланиш ўнун яроқлилиги ҳисобланади. Фойдаланишга яроқсиз қурилмалар ҳам мазкур жиноятнинг предмети бўла олмайди.

Объектив томондан жиноят темир йўл, денгиз, дарё, ҳаво транспорти воситаларини, алоқа йўллари, улардаги иншоотлар, сигнализация қурилмалари, алоқа ёки бошқа транспорт ускуналарини қасдан бузиш, уларга шикаст етказиш, уларни кўзланган мақсадларда фойдаланиш мумкин бўлмаган, яъни таъмирлаб бўлмайдиган даражада яроқсиз ҳолда келтирилиши натижасида баданга оғир ёки ўртача оғир шикаст етказишда ифодаланади.

Бузиш деганда, техник қурилмаларни мақсадли фойдаланиш имкониятини қолдирмаган даражада яроқсиз аҳволга келтириш тушиналади. Уларни тиклаш мумкин бўлмайди ёхуд тиклаш самарасиз бўлади.

Шикаст етказиш деганда, техник қурилмалар тизими ва шаклидаги шундай ўзгаришлар тушуниладики, шикаст етказиш оқибатида

техник қурилма ўз вазифаларини бажариш имкониятларини тұлиқ ёки қисман йүқтәді, лекин уни мақсадлы фойдаланиш учун қайта тиклаш мүмкін бўлади.

Бошқа усулда яроқсиз ҳолатта келтириш деганда, шундай шароитлар яратиш назарда тутиладики, бунда техник қурилмалар бузилмайды ва уларга шикаст етказилмайды, аммо қайд этилган предметлардан хизмат мақсалларида фойдаланиш имконияти қолдирилмайды (масалан, алоқа йўлларида ҳар хил предметлардан тўсиқлар ташкил этиш, сигнализация қурилмаларини алмаштириш, сигнал белгилари ни бошқа ерларга кўчириш ва ҳ.к.).

Бу қилмиш моддий таркибли жиноят бўлиб, баданга ўртача оғир ёки оғир шикаст етказилган пайтдан эътиборан **тугалланган** деб ҳисобланади.

Темир йўл, денгиз, ҳаво транспорти воситалари, алоқа йўллари, улардаги иншоотлар, сигнализация қурилмалари, алоқа ёки бошқа транспорт ускуналарини бузиш, уларга шикаст етказиши ёхуд уларни фойдаланиб бўлмайдиган даражада яроқсиз ҳолатта келтириш натижасида баданга ўртача оғир ёки оғир шикаст етказилмаган бўлса, қилмиш мулкни қасдан нобуд қилиш ёки унга зарар етказиш учун жавобгарлик белгиланган ЖК 173-моддаси билан квалификация қилинади.

Субъектив томондан жиноят айбнинг мураккаб шакли билан содир этилади. **ЖК 263-моддаси** диспозициясига кўра, айбдорнинг ўзи содир этаётган ижтимоий хавфли қилмиши (темир йўл, денгиз, дарё, ҳаво транспорти воситаси ёки алоқа йўлларини яроқсиз ҳолатта келтириш)га нисбатан руҳий муносабати тўғри қасд шаклида, унинг оқибатларига нисбатан эса, жиноий ўз-ўзига ишониш ёки жиноий беларвоник қўринишида бўлади.

Бундай ҳолатда жиноятнинг содир этилиш **мотиви** ва **мақсади факультатив** белгилар ҳисобланади.

Жиноятнинг **субъекти** 14 ёшга тўлган ақли расо жисмоний шахс бўлиши мүмкін. Бу ҳолатда айбдорнинг транспорт ходими эканлиги ёки эмаслиги аҳамият касб этмайди.

ЖК 263-моддаси 2-қисмидә шундай ҳаракатлар одам ўлишига сабаб бўлгани учун жавобгарлик назарда тутилган.

ЖК 263-моддаси 3-қисмидә шу ҳаракатлар:

- одамлар ўлимига;
- ҳалокатга;
- бошқа оғир оқибатларга сабаб бўлганлиги учун жавобгарлик белгиланган.

Ушбу оғирлаштирувчи ҳолатлар ЖК 260-моддаси таҳлилида кўриб чиқилгани сабабли уларга тўхталмаймиз.

Таҳлил этилаётган жиноят ЖК 173-моддасида назарда тутилган қилмишдан тажовузнинг предметига кўра фарқланади. Транспорт

воситаси ҳисобланмайдиган воситалар, ускуналарга шикаст етказилганида құлмиш транспорт жиноятлари эмас, балки ўзгалар мулкига тажовуз сифатида квалификация қилиниши лозим.

Агарда күриб чиқилаётган жиноят предметининг фойдаланиш учун яроқсиз қолатга келтирилиши муайян узел ёки бүлакни талон-торож қилиш йўли билан амалга оширилган бўлса, құлмишни жиноятлар мажмуй ЖК тегишли моддаси бўйича талон-торож қилиш сифатида ва **ЖК 263-моддаси** бўйича квалификация қилиш керак.

5-§. Темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олиш (ЖК 264-моддаси)

Жиноятнинг бевосита асосий обьекти темир йўлнинг ҳаракатланадиган таркиби, ҳаво, денгиз, дарё кемаларидан фойдаланишининг белгиланган тартибини таъминловчи ижтимоий муносабатлардир. Чунки темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олиш нафақат транспортнинг нормал ишлашини бузади ёки издан чиқаради, балки экипаж аъзолари ва пассажирларнинг соғлиғи ва ҳаётини хавф остига қўяди, жамият ва давлатга кўп миқдорда моддий зарап етказади. **ЖК 264-моддаси 2-қисмидаги** назарда тутилган құлмишнинг **қўшимча бевосита обьекти** одамларнинг соғлиғи, ҳаёти ва мол-мulkни муҳофаза қилишга қаратилган ижтимоий муносабатлар ҳисобланади.

Темир йўлнинг ҳаракатланадиган таркиби, ҳаво, денгиз ёки дарё кемалари жиноятнинг **предмети** ҳисобланади.

Темир йўлнинг ҳаракатланадиган таркибига вагонлар, платформалар, цистерналар, яъни рельсда ҳаракатланадиган барча турдаги локомотивлар киради. (Трамвай бундан мустасно, трамвайнин олиб қочганлик учун ЖК 267-моддаси бўйича жавобгарлик вужудга келади.)

Ҳаво кемаси – двигатель, енгил газлар, ҳаво оқими ёрдамида ҳаракатланадиган пассажирлар, юклар ташишга мўлжалланган ҳар қандай учувчи транспорт воситаси (вертолёт, планер, дирижабль, ҳаво ёстиқчасига ўрнатилган аппаратлар).

Денгиз ёки дарё кемаси – двигателлар, елканлар ёрдамида ҳаракатланувчи, пассажирлар ва юкларни сув йўли орқали ташишга мўлжалланган, шунингдек, маҳсус буксиirlар, ер қаъридан қазиб олувчи, қайта ишловчи илмий, спорт ва ҳ.к. транспорт воситалари. Кеманинг қайси идорага тааллуқлилиги ва мулкчилик шакли құлмишнинг квалификациясига таъсир кўрсатмайди. Моторли қайиқлар, байдаркалар, сув ҳажми катта бўлмаган яхталар ушбу жиноятнинг предмети бўла олмайди. Бундай предметларни олиб қочиш транспорт воситасини олиб қочиш сифатида ЖК 267-моддаси билан квалификация қилинади.

Объектив томондан жиноят темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олишда ифодаланади.

Олиб қочиш деганда, темир йўлнинг ҳаракатланадиган таркиби, ҳаво, денгиз ёки дарё кемасининг бунга ҳуқуқи бўлмаган шахс томонидан, транспортнинг ана шу турлари учун масъул шахсларнинг рухсатисиз, ҳар хил усуllар билан бир ердан иккинчи ерга ўтказилиши тушунилади.

Олиб қочиш кўрсатилган предметларнинг жойини ҳар бир усул билан фазода ўзгартириш пайтидан бошлаб **тугалланган** ҳисобланади.

Ерда бўлган ҳаво кемасини олиб қочиш унинг учиши билан, бундан аввал кемани босиб олиш амалга оширилганлиги ёки оширилмаганлигидан қатъи назар, тугалланган ҳисобланади. Ҳавода кема у учун белгиланган йўналиш жиноятчиларнинг талабига асосан ўзгарган пайтдан бошлаб тугалланган ҳисобланади.

Транспорт воситасини олиб қочиш учун жавобгарлик кема жиноятчилар ёки экипаж аъзолари томонидан бошқарилишига боғлиқ эмас, аксарият ҳолларда, кемани жиноятчилар назорати остида бўлган экипаж бошқаради.

Қайд этилган предметларни эгаллаб олиш деганда, ана шу предметларни бир жойдан иккинчи жойга ўтказишни қўзлаб, амалда уларнинг устидан назорат ўрнатилиши тушунилади.

Эгаллаб олиш зўрлик ишлатиб ёки зўрлик ишлатилмасдан содир этилиши мумкин.

Кўрсатилган турдаги транспорт воситаларини экипаж аъзолари, пассажирлар, қоровуллар ва ҳ.к.ларга зўрлик ишлатиб ёки зўрлик ишлатилмасдан ёхуд уларни алдаш йўли билан қонунга хилоф равиша эгаллаш **эгаллаб олиш** деб тушунилади. Эгаллаб олиш транспорт воситасининг ҳаракатланиши устидан фактик назоратнинг ўрнатилишидир.

Темир йўлнинг ҳаракатланадиган таркибини, ҳаво, денгиз ёки дарё кемасини эгаллаб олиш қайд этилган воситаларга амалда эга бўлиш, айборнинг уларни ўз билганича идора қилиши бошланган пайтдан **тугалланган** деб ҳисобланади.

Темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олиш айборнинг ўз хусусий мулки бўлмаган ёки хизмат вазифасига кўра унга биринчирилмаган кўрсатилган транспорт воситаларининг бирига эгалик қилишини билдиради. Айбор ушбу транспорт воситасини тасарруф қилиш ҳуқуқига эга бўлмаслиги керак, акс ҳолда жиноят таркиби мавжуд бўлмайди.

Субъектив томондан ЖК 264-моддасида назарда тутилган қилмиш фақат тўғри қасд билан содир этилади. Айбор темир йўлнинг ҳаракатланадиган таркибини, ҳаво, денгиз ёки дарё кемасига тайри-

қонуний равища эгалик қилаёттандыгынан антейди ва құлмишни содир этишни истайди.

Жиноятнинг мотиви ва мақсады құлмишни квалификация қи-лиш учун ақамиятта эга эмес.

16 ёшта тұлған ақли расо жисмоний шахс жиноят субъекті бү-лиши мүмкін.

ЖК 264-моддасы 2-қисміда:

а) бир гурух шахслар томонидан олдиндан тил бириктириб;

б) зұрлык ишлатиб ёки зұрлык ишлатиш билан құрқитиб содир этилган темир йүлнинг ҳаракатланадиган таркибини, ҳаво, денгиз ёки дарә кемасини олиб қочиши ёки эгаллаб олиш учун жаобгарлик назарда тутилған.

(Бир гурух шахслар томонидан олдиндан тил бириктириб содир этилган жиноятни квалификация қилиш қоidalари қақыда ЖК 247-моддасы таҳлилиға қаранг.)

Транспорт воситасини зұрлык ишлаттан қолда ёки зұрлык ишлатиш билан құрқитиб олиб қочиши ёхуд эгаллаб олиш транспорт воситасини бошқараёттан ёки транспорт воситасида бүлған йүловчиларға нисба-тан транспорт воситасини олиб қочиши ёки эгаллаб олишга қарши реал ҳамда юз бериши мүмкін бүлған қаршиликни синдириш мақса-диды жисмоний ёки рұхий таъсир ўтказышнинг ҳар хил усууларини қамраб олади.

Зұрлык ишлатиши жисмоний азоб етказиши ва оқибаттар келтириб чиқармаслиги, лекин зұрлык ишлатиш натижасида баданга оғир, ўргача оғир ёки енгил шикаст етказилиши мүмкін. Шундай оқибаттар мавжуд бўлса, айборнинг ҳаракатлари **ЖК 264-моддасы 2-қисми «б»** банди билан қамраб олинади.

Агар зұрлык ишлатиши оқибатида ўлим юз берган бўлса, құлмиш жиноятлар мажмуй бўйича квалификация қилиниши лозим.

Зұрлык ишлатиши олиб қочиши воситаси бўлиб хизмат қилған тақдирдагина айборнинг ҳаракатлари **ЖК 264-моддасы 2-қисми «б»** банди билан квалификация қилинади. Жиноятчилар томонидан зұрлык ишлатилмаган қолда самолётни эгаллаб олиш ҳамда олиб қочиши қоллари юз бериши, сұнгра улар йүловчиларни ўлдириши ёки уларнинг соғлиғига шикаст етказиши ёхуд уларга қарши бошқа жиноий ҳаракатларни амалга ошириши мүмкін. Бундай ҳаракатлар жиноятлар мажмуйи **ЖК 264-моддасы 1-қисміда** назарда тутилған ҳаво кемасини олиб қочиши ва ЖК нинг шахснинг ҳәети ва соғлиғига қарши тегишли жиноят сифатида квалификация қилинади.

Зұрлык ишлатиши билан құрқитиши олиб қочишига қаршилик қилған шахсларга рұхий таъсир ўтказиш, уларни зұрлык ишлатиши, самолётни йўқ қилиб юбориш билан, курол ёки бошқа зарар етказувчи мосла-малар билан құрқитиши назарда тутади. Зұрлык ишлатиши билан құрқитиши нафақат олиб қочиши ёки эгаллаб олишга түсқинлик

қилаётгандарга, балки бошқа шахслар, масалан, йўловчиларга нисбатан бўлиши мумкин.

Кўрқитиша жиноятчи талабларини қондиришдан бош тортилганида, уни шу заҳоти амалга ошириш хавфи бўлиши керак. Келажакда «ҳисоб-китоб қилиш» билан кўрқитиши **ЖК 264-моддаси 2-қисми «б» бандида** назарда тутилган жиноят сифатида эътироф этилиши мумкин эмас. Агар айбдор ўлдириш билан кўрқитган бўлса, унинг ҳаракатлари жиноятлар мажмуи бўйича ЖК 112-моддаси (Ўлдириш ёки зўрлик ишлатиш билан қўрқитиши) ва **ЖК 264-моддаси 2-қисми «б» бандига** биноан квалификация қилиниши лозим, чунки ЖК 264-моддаси 2-қисмининг «б» бандида ўлдириш билан кўрқитиши назарда тутилмаган.

Масалан, жиноятчининг гаровга олингандарни ўлдириш билан қўрқитиб транспорт воситаси бериш тўғрисидаги талаби транспорт воситасини эгаллаб олиш усули бўлиши мумкин. Ана шундай йўл билан олингандарни транспорт воситаси зўрлик ишлатиш билан қўрқитиб эгаллаб олинганд, деб эътироф этилади ва ушбу ҳаракатлар **ЖК 264-моддаси 2-қисми «б» банди** бўйича квалификация қилинади. Кейинчалик уни олиб қочиш мақсадида транспорт воситасини беришини талаб этиб, одамларни гаровга олиш ЖК 25-моддаси 1-қисми, **264-моддаси** ва 245-моддаси (Шахсни гаров сифатида тутқунликка олиш) да назарда тутилган жиноятларга тайёргарлик кўриш сифатида квалификация қилинади.

Зўрлик ишлатиш ёки зўрлик ишлатиш билан қўрқитиши транспорт воситасини олиб қочиш ёхуд уни эгаллаб олиш билан якунланган бўлиши керак, акс ҳолда жиноят кўриб чиқилаётган ижтимоий хавфли қўлмишни содир этишга тайёргарлик кўриш сифатида баҳоланиши лозим.

Темир йўлнинг ҳаракатланадиган таркибини ёки кемани олиб қочиш мақсади билан боғлиқ бўлмаган зўрлик ишлатиш билан қўрқитиши **ЖК 112-моддасида** назарда тутилган жиноят таркибини ташкил этади.

6-§. Халқаро учиш қоидаларини бузиш (ЖК 265-моддаси)

Жиноятнинг бевосита обьекти ҳавода ҳаракатланиш, жумладан, халқаро учиш хавфсизлигидир.

NOTA BENE!

Халқаро учиш – ҳаво кемасининг Ўзбекистон Республикаси ва хорижий давлат билан ҳаво чегараларини кесиб ўтадиган парвози. Халқаро парвозлар мунтазам (жадвал бўйича), қўшимча, маҳсус, чартер (буортма) ва бир маротабалик бўлади.

Объектив томондан жиноят маршрутлар рухсатномасида кўрса-тилган учиш йўналишига, қўниш жойларига, ҳаво дарвозаларига, учиш баландлигига риоя қиласлик ёки халқаро учиш қоидаларини бошқача тарзда бузишда ифодаланади.

Халқаро учиш қоидалари – давлатнинг ҳаво ҳудудидан фойдаланиш қоидалари бўлиб, улар халқаро ҳукуқий ҳужжатлар, Ўзбекистон Республикасининг қонун ҳужжатлари билан тартибга солинади ва ҳаво транспорти ҳаракатининг ҳавфсизлитетини таъминлашга хизмат қилади.

Жиноят қонунида халқаро парвозларни амалга ошириш қоидаларини бузишнинг, айниқса, кўп учрайдиган усулларининг тахмий рўйхати берилган, холос.

Учиш йўналиши – бу давлатлар ўргасида келишилган ва тегишли орган томонидан белгиланган ҳаво кемаси ҳаракатининг траекторияси бўлиб, унда кема ҳаракати траекториясига хос бўлган силжиш йўналиши, кема тезлиги ва бошқа элементлар кўрсатилади.

Қўниш жойи Ўзбекистон Республикаси ҳудудининг (бунга Ўзбекистоннинг ҳаво ҳудудидан ташқари барча ҳудудлари киради) муайян белгиланган қисми бўлиб, унда Ўзбекистоннинг амалдаги қонун ҳужжатларига мувофиқ ҳаво кемалари қўнишига рухсат этилади. Ўзбекистон Республикасининг Ҳаво кодексига биноан халқаро парвозларда миллый ва хорижий ҳаво кемаларининг қўниши халқаро парвозлар учун очиқ аэроромларда амалга оширилади¹.

Ҳаво дарвозалари деганда, ваколатли органлар томонидан, шунингдек, мансабдор шахслар томонидан белгиланган ҳаво кемаси кўтарилиши ҳамда келиб қўниши рухсат этиладиган муайян вақт тушунилиши лозим.

Шундай қилиб, халқаро учиш қоидаларини бузиш муддати ўтган рухсатнома билан учишдан; Ўзбекистон Республикаси давлат чегарасини Ўзбекистон томонга ҳам, хорижий давлат томонга ҳам қонунга хилоф кесиб ўтиш; парвоз йўлакларига риоя этмаслик; узоқ билан боғловчи алоқа воситаларини узиб қўйиш; таниб олиш сигналларини бермаслик; халқаро парвозлар учун очиқ бўлмаган аэропортларга қўниш ёки бундай аэропортлардан парвоз қилиш ва бошқа шунга ўхшаш ҳаракатлардан иборатdir.

Қоидабузарнинг ҳаракатларида ЖК 265-моддасида назарда тутилган жиноят таркиби мавжудлиги тўғрисидаги масалани ҳал қилиш учун халқаро учиш қоидаларини белгиловчи норматив ҳужжатларга мурожаат қилиш керак.

¹ Қаранг: Ўзбекистон Республикаси Ҳаво кодекси, 1993 йил 7 май, 863-XII-сон, 76-модда 2-қисми // Ўзбекистон Республикаси Олий Кенгашининг Ахборотномаси, 1993 й., 6-сон, 247-модда; Ўзбекистон Республикаси Олий Мажлисининг Ахборотномаси, 1998 й., 3-сон, 38-модда; 2000 й., 5-6-сон, 153-модда; 2003 й., 5-сон, 67-модда; Ўзбекистон Республикаси қонун ҳужжатлари тўплами, 2008 й., 28-сон, 261-модда.

Халқаро парвозларни амалга ошириш қоидалари қуйидаги ҳужжатларда белгиланган:

- 1) Ҳаво кодексига асосланган ҳаво кемаларидан фойдаланиш ва парвозларни бажаришни тартибга солувчи умумий қоидаларда;
- 2) Ҳаво ҳудудидан фойдаланиш тұғрисидаги Низомда;
- 3) парвозни амалга оширишга оид маҳсус рухсатнома ёки халқаро шартномада¹.

Халқаро парвозларни амалга ошириш қоидалари Фуқаро авиацияси халқаро ташкилоти (ИКАО) томонидан тасдиқланган бундай парвозларни амалга оширишнинг халқаро стандартларида белгиланади².

Күрсатылған қоидалар ҳаво орқали алоқа хавфсизлиги ва давлат чегараларининг дахлсизлигини таъминлашға қаратылған. Уларнинг бузилиши мұайян шароитда күриб чиқылаёттан жиноятнинг «халқаро учиш қоидаларини бошқача тарзда бузиш» белгиси бүйіча таркиби-ни ҳосил қилиши мүмкін.

Халқаро учиш қоидаларини бошқача тарзда бузиш: мұддати ўтиб кетған рухсатнома билан Ўзбекистон ҳудудидан учеб кетиш ёки Ўзбекистон ҳудудига кириб келишдан; рухсатномада назарда тутилғандан бошқача турдаги кемада учеб кетиш ёки кириб келишдан; ерга юқ ва парашютчиларни ташлашдан; Ўзбекистон ҳудудида халқаро шартнома ва маҳсус рухсатномада назарда тутилмаган йүловчилар, юқ, бағаж ва почтани қабул қилишдан; давлат чегарасини радио-алоқасыз кесиб ўтиш ва ҳ.к. ҳаракатларда ифодаланиши мүмкін.

Бошқа қоидалар (йүловчиларни халқаро ташиш тарифлари, чипта сотиши, юқ хатларини бериш қоидалари ва ҳ.к.) га риоя қылmaslik мазкур жиноят таркибини ташкил қылмайды. Мұайян шароитда улар маъмурый жавобгарликка сабаб бўлиши мүмкін.

Парвозни амалга ошираёттан шахслар юқорида номи зикр этилған ҳужжатларда белгиланган халқаро парвозларни амалга ошириш қоидалари ва шартларини билишлари шарт. Ушбу қоида ва шартларнинг бузилғанлығы тұғрисидаги маълумотлар тергов ва судга топширилиши лозим; зарурият бўлганида экспертиза ўтказилади.

Мазкур жиноятни квалификация қилиш учун халқаро учиш қоидаларини бузган ҳаво кемасининг тури аҳамиятта эга эмас, бу самолёт, вертолёт, дирижабль ва бошқа учиш воситалари бўлиши мүмкін.

Күриб чиқылаёттан жиноят халқаро учиш қоидалари бузилған вақтдан бошлаб **тұгallанған** ҳисобланади.

¹ Қаранг: Ўзбекистон Республикаси Ҳаво кодекси, 1993 йил 7 май, 863-XII-сон, 76-модда 2-қисми... 74–76-моддалар.

² Ўзбекистон Республикаси 1992 йил 12 наябрдан бошлаб ИКАО аъзоси ҳисобланади. Қаранг: Халқаро фуқаро авиацияси тұғрисидаги Конвенция (Чикаго, 1944 йил 7 декабрь, Ўзбекистон Республикасининг күшилиши Ўзбекистон Республикаси Олий Мажлиси 1992 й. 3 июлдагы 666-XII-сон қарорига мувофиқ).

Халқаро учиш қоидалари мажбуран, масалан, мўлжалдан адашиш, техник носозлик, яхши кўра олмаслик, турли тўсиқлар таъсири, ярадорлар ва касалларни етказиш оқибатида бузилган бўлса, бу ҳаракатда жиноят таркиби мавжуд бўлмайди.

Субъектив томондан кўриб чиқилаётган жиноят қасддан ёки **эҳтиётизлик** орқасида содир этилиши мумкин.

Қилмишни квалификация қилиш учун үнинг мотиви ва мақсади аҳамиятга эга эмас.

16 ёшга тўлган, ҳаво кемаси экипажи аъзоси ва халқаро учиш қоидаларига риоя қилиниши учун масъуль бўлган Ўзбекистон Республикаси фуқароси, фуқаролиги бўлмаган шахс ёки хорижий давлат фуқароси кўриб чиқилаётган жиноятнинг **субъекти** бўлиши мумкин. Агар мазкур субъект мажбуран ҳаракат қилган (масалан, кема олиб қочилиши ёки эгаллаб олиниши оқибатида) бўлса, у жавобгарликка тортилмайди.

Халқаро учиш қоидаларини бузган ҳаво кемасининг бортида бўлган йўловчилар бу жиноят учун жавобгар бўлишлари мумкин эмас. Муайян шароитда улар ЖК 223-моддаси (Қонунга хилоф равишда чет элга чиқиши ёки Ўзбекистон Республикасига кириш)га биноан айбланиши мумкин.

Халқаро учиш қоидалари бузилган ва Ўзбекистон Республикасига қонунга хилоф равишда кирилган ҳолларда айборнинг ҳаракатлари жиноятлар мажмуи бўйича **квалификация** қилиниши лозим.

Агар халқаро учиш қоидаларини бузиш ҳаво кемасини олиб қочиш билан боғлиқ бўлса, айборнинг ҳаракатлари жиноятлар мажмуи бўйича ЖК 264-моддаси ва **ЖК 265-моддасига** биноан квалификация қилиниши лозим.

7-ғ. Транспорт воситалари ҳаракати ёки улардан фойдаланиш хавфсизлиги қоидаларини бузиш (ЖК 266-моддаси)

Жиноятнинг **асосий бевосита обьекти** йўл ҳаракати ва транспорт воситаларидан фойдаланиш хавфсизлигидир. **Қўшимча бевосита обьект** – фуқароларнинг ҳаётি ва соғлиги ҳисобланади.

Йўл ҳаракати деганда, одамлар ва юкларнинг транспорт воситалари ёрдамида ёки бундай воситаларсиз йўллар доирасида ҳаракатланиши жараёнида юзага келувчи муносабатлар мажмуини тушуниш лозим. У ҳаракати муайян қоидаларга бўйсунадиган пиёдалар, ҳайдовчилар, йўловчилар ва транспорт воситаларини ўз ичига олувчи ижтимоий-техник тизимдир. Ҳаракат, асосан, йўлларда ва баъзан йўлсизлик шароитида (кўчада, темир йўлларни кесиб ўтиш жойларида, қурилиш майдончаларида, корхоналарнинг ишлаб чиқариш зоналарида, ҳовлиларда, далада ва ш.к.) амалга оширилади.

NOTA BENE!

Ҳаракат хавфсизлиги деганда, фақат йўл ҳаракати хавфсизлиги, яъни йўл ҳаракати иштироқчиларининг йўл-транспорт ҳодисалари ва уларнинг оқибатларидан ҳимояланганлик даражасини акс эттирувчи йўл ҳаракати ҳолати тушунилади¹.

NOTA BENE!

Фойдаланиш хавфсизлиги – транспорт воситаларидан йўл ҳаракати иштироқчиларининг йўл-транспорт ҳодисалари ва уларнинг оқибатларидан ҳимояланганигини таъминлайдиган тарзда фойдаланиш.

Жиноятнинг предмети ҳар қандай транспорт воситалари – ҳар қандай автомобиллар (юк, йўловчи ташийдиган, енгил автомобиллар, спорт автомобиллари ва ҳ.к.), трамвайлар, троллейбуслар, тракторлар ва бошқа механик транспорт воситалари бўлиши мумкин.

(Мазкур предмет ҳақида батафсилоқ ЖК 261-моддаси таҳлилига қаранг.)

Механик транспорт воситалари ўзи юра оладиган, яъни мустақил двигателга эга бўлиши лозим. Агар машина двигатели ишдан чиқсан бўлса ва у қўл ёрламида (итариб) сиљкитилса, кўриб чиқилаётган жиноят предмети мавжуд эмас, амалда содир этилган қилимиш муайян шароитда транспортнинг хавфсиз ишлашини таъминлашга доир қоидаларни бузиш (ЖК 268-моддаси) сифатида баҳоланиши мумкин. Бироқ ана шундай машина бошқа транспорт воситаси томонидан тортиб кетилаётган бўлса, тортиб кетилаётган транспорт воситаси ҳайдовчисининг белгиланган қоидаларни бузиши **ЖК 266-моддасида** назарда тутилган жиноят таркиби белгиларига мос келади.

Айборд ҳаракатларини квалификация қилиш учун транспорт воситаси фойдаланишдаги ёки ўкув машинаси эканлиги аҳамиятга эта эмас, чунки ҳар қандай ҳолда у ошиқча хавф манбаи бўлиб қолади.

ЖК 266-моддасида назарда тутилган жиноят **объектив томондан** транспорт воситасини бошқарувчи шахс томонидан транспорт воситалари ҳаракати ёки улардан фойдаланиш хавфсизлиги қоидаларининг бузилиши ва бунинг оқибатида баданга ўртacha оғир ёки оғир шикаст етказилишида ифодаланади.

¹ Ўзбекистон Республикасининг 1999 йил 19 августрдаги «Йўл ҳаракати хавфсизлиги тўғрисида»ги 818-1-сон Конуни, 2-модда // Ўзбекистон Республикаси Олий Мажлисининг Ахборотномаси, 1999 й., 9-сон, 215-модда; Ўзбекистон Республикаси қонун ҳужжатлари тўплами, 2006 й., 14-сон, 113-модда; 2007 й., 14-сон, 131-модда.

Ўзбекистон Республикаси Олий суди Пленумининг тушунтиришига кўра, «транспорт воситалари ҳаракати ёки улардан фойдаланиш хавфсизлиги қоидаларини жиноий тарзда бузиш деганда, бундай ҳаракатларни бевосита ҳаракатланаётган транспорт воситасида йўлларда, кўчаларда, темир йўлларни кесиб ўтиш жойларида содир этиш тушунилади. Агар транспорт воситаси ёрдамида ишлаб чиқариш жараёнида, жумладан, транспортни юклаш – юк тушириш, транспорт воситаларини таъмирлаш, қурилиш, қишлоқ хўжалик ва бошқа турдаги ишларни бажариш чоғида хавфсизлик техникиаси қоидалари ёки меҳнатни муҳофаза қилишнинг бошқа қоидалари бузилиши натижасида баданга ўртача оғир ёки оғир шикаст етказиш, одам ўлими ёки бошқа оғир оқибатлар билан боғлиқ баҳтсиз ҳодисалар юз берган бўлса, айборнинг ҳаракатлари ЖК 257-моддаси бўйича квалификация қилинади, агар шахснинг ҳаёти, соғлиги ёки мол-мулкига тажовуз қилинган бўлса, бундай ҳаракатлар тегишли равиша инсон ҳаёти ва соғлиғига ёки унинг мол-мулкига қарши жиноятлар сифатида тавсифланади»¹.

ЖК 266-моддаси бланкет диспозициялидир. Йўл хавфсизлиги талаблари Ўзбекистон Республикасининг «Йўл ҳаракати хавфсизлиги тўғрисида»ги 1999 йил 19 августдаги 818-1-сонли Қонуни ҳамда ҳаракат иштирокчиларининг ҳуқуқ ва мажбуриятларини белгиловчи асосий норматив хужжат – Йўл ҳаракати қоидалари билан белгиланган².

Шахсни кўриб чиқилаётган модда бўйича жиноий жавобгарликка тортиш учун ҳар бир муайян ҳолда у томонидан ижтимоий хавфли оқибатлар келтириб чиқарган қоиданинг у ёки бу банди бузилганлиги аниқланиши лозим. Тергов органлари шахсни ишда айланувчи сифатида иштирок этишга жалб қилиш тўғрисидаги қарорда, айлов хулосасида, судлар эса ўз ҳукмида Йўл ҳаракати қоидаларининг бандлари бузилганига ишора қилиш билангина чекланмастиклари, балки бундай қоидабузарликлар нимадан иборат эканлигини аниқ кўрсатишлари лозим (масалан, транспорт воситасини маст ҳолда бошқариш, тезликни ошириш ва ҳ.к.).

Фойдаланиш қоидаларини бузиш, масалан, қўпол юкларни ташиш, автомашинани лозим бўлмаган жойга қўйиш, транспорт воситасини бошқаришни бундай ҳуқуққа эга бўлмаган шахста топшириш, машинани бўш тросда шатакка олиш, жиҳозланмаган транспорт машинасида йўловчи ташишда ифодаланиши мумкин.

¹ Қаранг: Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки ... // Тўплам, 2-жилд. – 60-б.

² Ушбу хулоса юқорида кўрсатилган Ўзбекистон Республикаси Олий суди Пленуми 2000 йил 22 декабрдаги 32-сонли қарорнинг 7-банд биринчи қисмининг таҳлилидан келиб чиқади.

Умумий эҳтиёт чораларининг бузилиши натижасида юзага келган, заарли оқибатлар келтириб чиқарган ҳайдовчининг нотуғри ҳаракатлари фойдаланиш қоидаларини бузиш деб эътироф этилмайди. Бундай ҳолларда айборнинг ҳаракатлари муайян ишларни амалга ошириш, хавфсизлик техникаси, меҳнатни муҳофаза қилиш қоидаларини бузиш сифатида ёки ҳаёт ва соғлиққа қарши жиноят сифатида квалификация қилинади. Масалан, машинага бензин куйишида ҳайдовчининг эҳтиётсизлиги туфайли бензин двигатель устига тўкилади ва бошқарув вақтида, электр ўт олдириш тизими бузуқлиги натижасида учқундан автомашина аланга ичидаги ҳолади ва йўловчи ҳалок бўлади. Бу ҳолда қилмиш ЖК 102-моддасига биноан эҳтиётсизлик орқасида одам ўлдириш сифатида квалификация қилиниши мумкин.

Агар шахс ихтисослашган транспорт воситаси (автокран, экскаватор ва ҳ.к.)да ишлай туриб, машинадан ўзга, транспортга хос бўлмаган мақсадда фойдаланганида заар етказган, масалан, автокранда электр линияси остида юк тушириш ишларини белгиланганидан яқинроқ масофада амалга ошириб, натижада ишчилардан бири электр токидан ҳалок бўлган ҳолда ҳам ЖК 266-моддасида назарда тутилган жиноят таркиби мавжуд бўлмайди.

Бундай хавфсизлик техникасини бузиш ҳоллари машина юриб кетаётганида ҳам юз бериши мумкин, масалан, автокран ҳайдовчиси илгакка илинган юкни бир жойдан бошқа жойга кўчираётганда уни силкитиб юборади ва ишчининг баданига оғир шикаст етказади. Бунда ҳаракат хавфсизлиги ва фойдаланиш хавфсизлиги қоидалари бузилмагани сабабли ЖК 266-моддаси бўйича жавобгарлик мавжуд бўлмайди, айборнинг ҳаракатлари ЖК 257-моддаси (Меҳнатни муҳофаза қилиш қоидаларини бузиш) деб квалификация қилинади.

Агар транспорт воситалари ҳаракати ёки улардан фойдаланиш хавфсизлиги қоидаларини бузиш қонунда белгиланган оқибатлар: баданга ўртача оғир ёки оғир шикаст етказиш сифатидаги оқибатлар юз берган бўлса, бу баҳтесиз ҳодиса сифатида эътироф этилиши лозим.

Транспорт воситалари ҳаракати ёки улардан фойдаланиш хавфсизлиги қоидаларини бузиш қонунда белгиланган оқибатлар: баданга ўртача оғир ёки оғир шикаст етказиш юз берган вақтдан эътиборан туталланган деб эътироф этилади (ЖК 266-моддаси I-қисми).

Транспорт воситалари ҳаракати ёки улардан фойдаланиш хавфсизлиги қоидаларини бузган шахс етказилган зарарли оқибатлар учун қитмиш ва рўй берган оқибатлар ўртасида сабабий боғланиш мавжуд бўлган ҳолдагина жавобтар бўлади. Қоида умуман бузилмаган тақдирда бундай боғланиш мавжуд бўлмайди (масалан, пиёда ўз эҳтиётсизлиги туфайли автомашинанинг орқа гидрираги остига тушиб қолади ёки ўзини ўзи ўлдириш мақсадида атайлаб ўзини машина тагига ташлайди). Ҳаракатланаётган транспорт билан жабрланган шахс

Үртасида жисмоний боғлиқлик мавжудлиги күриб чиқилаёттан жи-
ноялтар үртасида сабабий боғланиш мавжудлигидан далолат бер-
майды.

Сабабий боғланиш жисмоний боғлиқлик умуман рўй бермаган ҳолларда ҳам мавжуд бўлиши мумкин. Ҳайдовчи ўзининг нотўри ҳаракатлари билан тўғри ҳаракатланишга халақит бериши натижасида ҳаракатнинг бошқа иштирокчилари учинчи шахсларга зарар етка-
зишга мажбур бўлганида у етказилган зарар учун жавобгар бўлади.
Масалан, қарама-қарши йўналиш қаторига чиқиб олган ҳайдовчи рўпарадан келаётган транспорт ҳайдовчиси учун тўсиқ пайдо қиласди,
у тўқнашишнинг олдини олиш ёки тўхташ имкониятига эга бўлмай,
йўл четидаги пиёданни уриб юборади. Бунда биринчи ҳайдовчи рўй
берган оқибатлар учун жавоб берни лозим. Бу ҳолда иккинчи
ҳайдовчининг ҳаракатлари охирги зарурат қоидаларига кўра ёки айб-
сиз ҳолда зарар етказиш сифатида баҳоланади.

Баъзан ҳайдовчининг зарарли оқибатлар билан бевосита боғлиқ
бўлган ҳаракатлари ҳаракатнинг бошқа иштирокчилари қоидабузар-
лигига боғлиқ бўлишига қарамай, рўй берган оқибатларнинг сабаби
бўлиши мумкин. Йўл ҳаракати қоидаларида, хусусан, қоидабузар-
ликларнинг олдини олиш талаблари мавжуд. Масалан, қоидаларда
бошқа шахслар томонидан йўл кўйилган қоидабузарликлар натижасида
тўсиқлар пайдо бўлса, ҳайдовчининг қандай иш тутиши керак-
лиги кўрсатилган. Бу талаблар бузилган бўлса, айбдор етказилган
зарар учун жавобгар бўлади. Масалан, қарама-қарши транспорт
воситаси чирогидан кўзи қамашиб, пиёданни уриб юборган ҳайдовчи
ЖК 266-моддаси бўйича жавобгарликка тортилиши керак.

Сабабий боғланишнинг мавжудлиги тўғрисидаги масалани ҳал
қилишда ҳайдовчида зарарли оқибат рўй беришини олдини олиш-
нинг техник имконияти мавжуд ёки мавжуд бўлмагани аниқланади.
Бундай имконият бўлмаган ва хавфли вазиятни у эмас, балки ҳаракатнинг бошқа иштирокчилари келтириб чиқаргани аниқланган бўл-
са, ЖК 266-моддаси бўйича жавобгарлик истисно этилади. Ҳайдовчи кўзи қамашиб пиёданни уриб юборган ҳолда унинг ҳаракатлари,
агар у машинани тўхтатиш ёки четга буриб юбориш техник имко-
ниятига эга бўлмаган бўлса, юз берган оқибатларнинг сабаби ҳисоб-
ланмайди. Агар хавфли вазиятни унинг ўзи келтириб чиқарган
(ошиқча тезлик билан, тақиқловчи белгига қарамай ҳаракатланган)
бўлса, зарарли оқибатларнинг олдини олиш учун техник имконият
мавжуд бўлмагани юридик аҳамиятга эга эмас.

Кўриб чиқилаётган жиноят **субъектив томондан** юз берган оқи-
батларга нисбатан айбнинг эҳтиётсизлик шакли билан тавсифланади.
Шахс транспорт воситалари ҳаракати ёки улардан фойдаланиш
хавфсизлиги қоидаларини буза туриб, бу инсон соғлиғига оғир ёки
ўртача оғир шийкаст етказиши мумкинлигини англайди, бироқ улар-

нинг олдини олишига асоссиз равишда ишонади (**ўз-ўзига ишониш**); транспорт воситасини бошқараётган шахс транспорт воситалари ҳаракати ёки улардан фойдаланиш хавфсизлиги қоидаларини бузар экан, қонунда назарда тутилган ижтимоий хавфли оқибатлар келиб чиқиши мумкинлигига кўзи етмаган, лекин кўзи етиши лозим ва мумкин бўлган (**жиноий беларволик**). Бунда транспорт воситалари ҳаракати ёки улардан фойдаланиш хавфсизлиги қоидаларининг ўзи қасддан ёки эҳтиётизлик орқасида бузилиши мумкин.

Қасддан зарар етказиш (масалан, ўч олиш мақсадида пиёданни уриб юбориш) шахсга қарши жиноятни ташкил этади. Агар айборд транспорт воситасидан фойдаланиб жамоат тартибини бузган бўлса, қилмиш кўшимча тарзда безорилик сифатида квалификация қилиниши мумкин.

Жиноятнинг мотиви ва мақсади қилмишни квалификация қилиш учун аҳамиятта эга эмас.

Транспорт воситасини бошқараётган ва 16 ёшга тўлган ақли расо жисмоний шахс жиноят **субъекти** бўлиши мумкин. Бунда у транспорт воситасини ўзбошимчалик билан ёки бироннинг рухсати билан бошқаргани, унда транспорт воситасини бошқариш ҳукуқини берадиган гувоҳнома бор-йўқлиги аҳамиятга эга эмас¹. Аммо бу ҳолда транспортни бошқаришини бошқа шахсларга берилишига йўл қўйган автомашина эгалари жавобгарликка тортилиши керак².

Ҳарбий хизматчилар ҳам башарти, улар ноҳарбий транспорт воситаси ҳаракати ёки ундан фойдаланиш хавфсизлиги қоидаларини бузган бўлсалар, жиноят субъекти сифатида эътироф этилиши лозим, акс ҳолда уларнинг ҳаракатлари ЖК 298-моддаси (Машиналарни бошқариш ёки улардан фойдаланиш қоидаларини бузиш) бўйича квалификация қилиниши лозим³.

Суд-тергов амалиётида ҳайдовчи-инструктор ва шогирд томонидан транспорт воситаси ҳаракати ёки ундан фойдаланиш хавфсизлиги қоидалари бузилиши натижасида зарарли оқибатлар келиб чиқсан ҳолларни квалификация қилишда муайян қийинчиликлар туғилади. Умумий қоидага биноан амалиёт чоғида икки томонлама бошқариладиган автомобилда шогирд томонидан содир этилган авария учун инструктор жавобгар бўлади. Агар жиноят шогирд томонидан у инструктор кўрсатмаларини онгли тарзда бажармагани ва маҳсус қоидаларни қўпол равишида бузгани натижасида содир этилгани аниқланса, **ЖК 266-моддасига** биноан шогирд жавобгар бўлади.

Жабрланувчига йўл-транспорт ҳодисаси оқибатида ҳаёт учун хавфли бўлмаган енгил там жароҳати етказилган ёки у бевосита йўл-

¹ Қаранг. Ўзбекистон Республикаси Олий суди Пленумининг 2000 йил 22 деқабрдаги «Транспорт ҳаракати ёки... // Тўплам, 2-жилд. – 56-б.

² Ўша жойда. – 58-б.

³ Ўша жойда.

транспорт ҳодисаси вақтида ҳалок бўлган ёки айбдор унга ёрдам бериши шарт бўлгани ҳолда, унинг ўзининг ҳаёти ёки соғлиғи учун хавф туғилган бўлса, яъни у ёрдам кўрсатиш имкониятига эга бўлган бўлмаса, ЖК 117-моддасида назарда тутитган жавобгарлик келиб чиқмайди¹.

Транспорт воситаси ҳаракати ёки ундан фойдаланиш хавфсизлиги қоидаларини бузиш, агар у одам ўлумига олиб келган бўлса, айбдор ЖК 266-моддаси 2-қисмига биноан жавобгарликка тортилади.

Транспорт воситаси ҳаракати ёки ундан фойдаланиш хавфсизлиги қоидаларини бузиш:

а) одамлар ўлумига;

б) ҳалокатта;

в) бошқа оғир оқибатларга сабаб бўлган ҳолларда жиноят ЖК 266-моддаси 3-қисмига биноан квалификация қилинади.

ЖК 266-моддаси 3-қисми «б» бандида назарда тутитган ҳалокат деганда, атроф мухит, одамлар ҳаёти ва соғлиғи учун хавфли бўлган, одамлар ҳалок бўлишига сабаб бўлган темир йўл, денгиз, дарё, ҳаво, шунингдек, жамоат транспорти (автобус, троллейбус ва ҳ.к.) аварияси тушунилади².

Бошқа оғир оқибатлар деганда, йўл-транспорт ҳодисаси натижасида одам ўлиши билан бирга яна бир неча кишига оғир тан жароҳати етказилиши, поезд, кема ёки самолётларнинг узоқ муддатга ишдан чиқиши, ташилаётган юкларга жуда кўп миқдорда зиён етказилиши, атрофдаги турар жой бинолари ва бошқа иншоотларнинг бузилиши (портлаши, ёниб кетиши, қулаши), шунингдек, улар билан боғлиқ бўлган жуда кўп миқдорда зиён етказилиши тушунилади. (Судлар муайян иш ҳолатларидан келиб чиқиб, жиноий натижага оғир оқибатларга олиб келган деб ҳуқуқий баҳо бериши мумкин, бунда ўз хулосаларини ҳукмда асослантириш талаб этилади)³.

Шуни эътиборга олиш лозимки, ЖК бир моддаси турли қисмларида назарда тутитган, транспорт воситаси ҳаракати ёки ундан фойдаланиш хавфсизлиги қоидаларининг бузилиши натижасида содир этилган жиноят белгилари мавжуд бўлган тақдирда, айбдорнинг қилмиши ЖК 33-моддасининг оғирроқ жазони белгиловчи қисми талабларига мувофиқ квалификация қилиниши лозим.

Шу билан бир вақтда, жиноят муайян модда диспозициясида кўрсатилган оқибатлар рўй берганида тугалланган деб эътироф этилишини ҳисобга олиб, турли вақтда содир этилган транспорт ҳодисалари алоҳида-алоҳида квалификация қилиниши лозим.

¹ Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Туплаам, 2-жилд. – 57-6.

² Ўша жойда. – 56-6.

³ Ўша жойда. – 56-57-6.

Транспорт воситаси ҳаракати ёки ундан фойдаланиш хавфсизлиги қоидаларини бузган, бу ҳодиса натижасида ҳәёти хавф остида қолган ва ўзини ўзи асраш чораларини кўриш имкониятидан маҳрум бўлган жабрланувчига ёрдам кўрсатмаган шахснинг ҳаракатлари жиноятлар мажмуи бўйича ЖК 117-моддасининг тегишли қисмига биноан квалификация қилиниши лозим¹.

Агар шахс транспорт воситаси ҳаракати ёки ундан фойдаланиш хавфсизлиги қоидаларини бузмаган, лекин жабрланувчининг ҳәётини хавф остида қолдирган, ўзининг ҳайдовчилик вазифаларини бажармаган ва ҳодиса юз берган жойни тарк этган ёки ҳодиса юз берган жойда бўлган бошқа шахслар ҳәёти хавф остида қолган ва ўзини ўзи асраш чораларини кўриш имкониятидан маҳрум бўлган жабрланувчига ёрдам кўрсатишига умид қилиб, унга ёрдам кўрсатмасдан жўнаб кетган бўлса, бу ҳолатлар уни ЖК 117-моддаси (Хавф остида қолдириш)да назарда тутилган жавобгарлик ва жазодан озод қилиш учун асос бўлмайди².

Транспорт воситаси ҳаракати ёки ундан фойдаланиш хавфсизлиги қоидаларини бузишни ҳарбий машиналарни бошқариш ёки улардан фойдаланиш қоидаларини бузишдан фарқлаш лозим.

Ҳарбий-маиший, маҳсус ёки транспорт машинасини бошқариш ёки ундан фойдаланиш қоидалари ҳарбий хизматчи томонидан бузилган тақдирда, қилмиш ЖК 298-моддасига биноан квалификация қилиниши лозим. Агар ҳарбий хизматчи ноҳарбий транспорт воситаси ҳаракати ёки ундан фойдаланиш хавфсизлиги қоидаларини бузган бўлса ёки йўл-транспорт ҳодисаси ҳарбий бўлмаган шахснинг ҳарбий машинани бошқариш чоғида йўл ҳаракати қоидаларини бузиши натижасида юз берган бўлса, бу қилмиш ЖК 266-моддасига биноан квалификация қилиниши лозим³.

8-§. Транспорт воситасини олиб қочиш (ЖК 267-моддаси)

Жиноятнинг асосий бевосита обьекти механик транспорт воситаларининг йўл ҳаракати қоидалари соҳасидаги ҳаракат хавфсизлигидир. Қўшимча бевосита обьект сифатида ўзганинг мулки, шунингдек, транспорт воситасини олиб қочиш чоғида зўрлик ишлатилган ёки зўрлик ишлатиш билан қўрқитилган фуқароларнинг ҳәёти ва соғлиги хавфсизлигини таъминловчи ижтимоий муносабатлар ҳисобланади.

¹ Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки... // Тўплам, 2-жилд. – 57-б.

² Ўша жойда. – 57-б.

³ Ўша жойда. – 58-б.

ЖК 264-моддасида назарда тутилган транспорт воситаларидан ташқари, барча транспорт воситалари жиноят предмети ҳисобланади.

(Мазкур жиноятнинг предмети ҳақида батафсилоқ ЖК 261-моддасининг таҳлилига қаранг.)

ЖК 267-моддасида назарда тутилган жиноятнинг объектив томони транспорт воситасини олиб қочишдан иборат.

Олиб қочиши транспорт воситасини қонунга хилоф равища эгаллаб олиш, яъни ўғирлаш мақсадисиз кўлга киритиш ва бошқа жойга етказишидир.

Ўзбекистон Республикаси Олий суди Пленуми қарорида транспорт воситаларини ҳайдаб қочиши деганда, ўзига тегишли бўлмаган транспорт воситасини ўзлаштириш мақсадисиз уни турган жойидан бошқа жойга олиб қочиши тушуниш кераклиги қайд этилади¹.

Қонунга хилофлик шахснинг транспорт воситасидан фойдаланиш, унга эгалик қилиш ва уни тасарруф этишига оид ҳеч қандай ваколати йўқлигидан далолат беради. Олиб қочишига транспорт воситасига қонунга хилоф равища эгаллаш хос бўлиб, бунда ундан масъул бўлмаган субъектларнинг фойдаланиши имконияти түғилади.

Эгаллаб олиш яширин ёки очиқдан-очиқ бўлиши мумкин. Жиноятни квалификация қилишда эгалиб олиш усули аҳамиятта эга эмас. Олиб қочиши тушунчаси хусусияти ва энергия манбаидан қатъи назар, транспортда юришни, уни бир жойдан бошқа жойга кўчириши ҳам қамраб олади.

Транспорт воситаларини олиб қочиши транспорт воситаси ҳар қандай усулда (автомобилни бевосита бошқариш, итариш, шатакка олиш йўли билан ва ҳ.к.) ҳаракатга келтирилган пайтдан эътиборан туттагланган жиноят деб эътироф этилади. Бунда автомобилни бир жойдан бошқа жойга кўчириш учун сарфланган вақт ҳамда айбор транспорт воситасини кўчириб ултурган масофа жиноятни квалификация қилиш учун аҳамиятта эга эмас.

Айрим ҳаракатлар, масалан, шахс транспорт воситасининг кабинасида кириши, двигателни юргизишга ҳаракат қилиши транспорт воситасини олиб қочишига қасд қилиш сифатида квалификация қилиниши лозим.

Субъектив томондан жиноят тўғри қасд билан амалга оширилади. Айборд автобомиль ёки бошқа транспорт воситасини қонунга хилоф равища эгаллаб олаётганини англайди, бунинг ижтимоий хавфли оқибатларига кўзи етади ва унинг юз беришини истайди.

¹ Қаранг: Ўзбекистон Республикаси Олий суди Пленумининг 1996 йил 20 деқабрдаги «Транспорт воситаларини олиб қочиши ишлари бўйича суд амалиёти ҳақида»ги 37-сонли қарори (Ўзбекистон Республикаси Олий суди Пленумининг 2002 йил 14 июндаги 10-сонли ва 2006 йил 3 февралдаги 5-сонли қарорларига асосан киритилган ўзгартириш ва қўшимчалар билан) // Тўплам, 1-жилд. – 72-б.

Транспорт воситаларини олиб қочиш билан боғлиқ құлмишларни түгри квалификация қилиш учун жиноят мотивлари ва мақсадларини аниқлаш мұхым ажамиятта эга.

Судлар бундай жиноятларга доир ишларни күраётіб, ҳар бир муайян ҳолда олиб қочиш нима мақсадда амалга оширилганини аниқлашлари лозим. Агар транспорт воситасини ўғирлаш мақсади бўлгани исботланган бўлса, айбор шахснинг ҳаракатлари ЖК ўзгалар мулкини талон-торож қилиш учун жавобгарлик назарда тутилган тегишли моддалари бўйича квалификация қилинади. Бундай ҳолларда құлмишни жиноятлар мажмуи бўйича **ЖК 267-моддаси** билан бирга квалификация қилиш талаб этилмайди, чунки бунда олиб қочиш ўғирлаш усули (воситаси) ҳисобланади¹.

Транспорт воситасини олиб қочишни уни ўғирлашдан фарқлашда бир қанча ҳолатларни ҳисобга олиш лозим.

Жумладан, транспорт воситаси олиб қочилганда, ундан фойдаланиш имконияти бўла туриб, транспорт воситаси ташлаб кетилгани ва бошқа шунга ўхшаш ҳолатлар уни ўғирлаш мақсади мавжуд бўлмаганидан далолат берувчи ҳолатлар деб эътироф этилиши лозим.

Транспорт воситасини ўғирлаш мақсади мавжуд бўлганидан қуидаги ҳолатлар дарак бериши мумкин: транспорт воситасининг ташқи кўринишини ўзгартириш (устидан бўяш, рақамини ўзгартириш, қайтадан кузов қылдириш ва бошқа ўзгартиришлар), фойдаланишга оид қалбаки ҳужжатлар тайёрлаш; транспорт воситасини сотиб юбориш; баъзи қисмларини сотиш, узоқ вақт фойдаланиш ва ҳ.к.

14 ёшга тўлган, транспорт воситасига эгалик қилиш, ундан фойдаланиш ва уни тасарруф этиш ваколатларига эга бўлмаган ҳар қандай ақли расо жисмоний шахс транспорт воситасини олиб қочишнинг субъекти бўлиши мумкин.

ЖК 267-моддаси 2-қисмida:

- такроран ёки хавфли рецидивист томонидан;
- бир гуруҳ шахслар томонидан олдиндан тил бириктириб содир этилган транспорт воситасини олиб қочиш учун жавобгарлик назарда тутилган.

Мазкур тавсифловчи белгиларга эга бўлган жиноятларни квалификация қилиш хусусиятларини биз юқорида **ЖК 247- ва 248-моддаларининг таҳлилида** кўриб чиқдик.

ЖК 267-моддаси 3-қисмida:

- ўта хавфли рецидивист томонидан;
- уюшган гуруҳ томонидан;
- зўрлик ишлатиб ёки зўрлик ишлатиш билан қўрқитиб содир этилган транспорт воситасини олиб қочиш учун жавобгарлик назарда тутилган.

¹ Қаранг: Ўзбекистон Республикаси Олий суди Пленумининг 1996 йил 20 деқабрдаги «Транспорт воситаларини олиб қочиш... // Тўплам, I-жилд. – 73-б.

(Ўта хавфли рецидивист томонидан содир этилган жиноят ҳақида ЖК 247-моддаси таҳлилига қаранг.)

Ўзбекистон Республикаси Олий суди Пленумининг қарорига кўра, «уюшган гуруҳ» деганда, транспорт воситаларини олиб қочиш ёки бошқа жиноятларни содир этиш мақсадида икки ёки ундан кўп шахсларнинг барқарор бирлашмаси тушунилиши керак.

Жумладан, жиноий фаолиятнинг олдиндан режалаштирилганлиги, жиноий қасдни амалга ошириш учун зарур бўлган воситаларнинг тайёрланиши, иштирокчиларни танлаш, ёллаш ва улар ўртасида вазифаларнинг тақсимланиши, жиноятни яшириш чораларини таъминлаш, гурухда ўрнатилган интизомга ва ташкилотчининг кўрсатмаларига бўйсунишлик жиноий гуруҳнинг ўюшганлигидан далолат беради.

Айблов хулосасида ва суд ҳукмida айнан қандай асосларга кўра жиноий гуруҳ ўюшган деб топилганлиги кўрсатилган бўлиши шарт.

Уюшган гуруҳ таркибида транспорт воситасини олиб қочиша қатнашган шахсларнинг ҳаракатлари, уларнинг ҳар бирининг ролидан қатъи назар, иштирокчилик деб топилиши лозим¹.

ЖК 267-моддаси 3-қисми «в» банди маъносига кўра, зўрлик ишлатиш деганда, жабрланувчига ҳар қандай оғирликда тан жароҳати етказишни тушуниш лозим. Бунда айбор шахснинг ҳаракатлари шахсга қарши тегишли жиноятлар учун жавобгарлик назарда тутилган моддаларга биноан қўшимча квалификация қилишни талаб этмайди.

Зўрлик ишлатиш билан қўрқитиш деганда, жабрланувчига ҳар қандай оғирликда тан жароҳати етказиш билан қўрқитишни тушуниш лозим. Бунда ҳам қўлмишни жиноятлар мажмуи бўйича ЖК 112-моддаси (Ўлдириш ёки зўрлик ишлатиш билан қўрқитиш)га биноан квалификация қилиш талаб этилмайди.

9-§. Транспортнинг хавфсиз ишлашини таъминлашга доир қоидаларни бузиш (ЖК 268-моддаси)

Жиноятнинг **асосий бевосита обьекти** темир йўл, сув, ҳаво транспорти, автомототранспорт ва шаҳар электротранспортининг хавфсиз ишлашини таъминловчи ижтимоий муносабатлардир. Мазкур жиноятнинг қўшимча **бевосита обьекти** – фуқароларнинг ҳаёти ва соғлиғи, уларнинг мол-мулки хавфсизлигини таъминловчи ижтимоий муносабатлар ҳисобланади.

ЖК 268-моддасида назарда тутилган жиноят **объектив томондан** ЖК 261–263-, 265- ва 266-моддаларида белгиланган шахслардан

¹ Қаранг: Ўзбекистон Республикаси Олий суди Пленумининг 1996 йил 20 деқабрдаги «Транспорт воситаларини олиб қочиш... // Тўплам, I-жилд. – 73-б.

ташқари йўловчилар, пиёдалар, велосипед ҳайдовчилари, от-улов транспорти ҳайдовчилари ёки бошқа турдаги ҳаракат қатнашчилари томонидан барча турдаги транспорт воситалари ҳаракати ёки фойдаланиш хавфсизлигининг бузилиши натижасида баданга ўртacha оғир ёки оғир шикаст етказишдан иборат.

Транспортнинг хавфсиз ишлашини таъминлашга доир қоидаларга транспорт воситаларини бошқарувчи шахсларгина эмас, балки йўл ҳаракатининг бошқа иштирокчилари ҳам риоя қилишлари лозим.

ЖК 268-моддаси бланкет диспозицияли бўлиб, жиноят белгиларини аниқлаш учун транспорт воситалари ҳаракати ёки шу транспорт воситаларидан фойдаланиш жойларида (261–263-, 265- ва 266-моддаларида белгиланган шахслардан ташқари) йўловчилар, пиёдалар, ҳаракатнинг бошқа қатнашчилари ҳаракати қоидаларини белгиловчи маҳсус қоидаларга мурожаат қилиш зарур. Ушбу қоидалар темир йўл, сув, автомобиль ёки бошқа турдаги транспорт воситаларининг (кувур йўли транспортидан ташқари) идоравий норматив ҳужжатларида берилган.

Хавфсизлик қоидаларининг бузилиши ҳаракат қатнашчиларига тақдим этиладиган транспорт воситаларининг ҳаракати ва фойдаланиш хавфсизлигини таъминловчи талаблар бажарилмаганидан далолат беради.

ЖК 268-моддасига кўра, ҳаракат хавфсизлиги ёки барча турдаги транспортдан фойдаланиш қоидаларининг бузилиши темир йўл ёки бошқа йўлларни белгиланмаган жойларда кесиб ўтиш, тақиқловчи сигналлар остида йўловчининг ўзбошимчалик билан аэродромнинг учув-қўнув майдонига чиқиши, стоп-кранни юлиб олиш ва шу тарика темир йўлнинг ҳаракатланадиган таркибини тўхтатиш, транспортда ўзгалар учун кириш тақиқланган жойларга (масалан, пилот кабинасига) киришда ифодаланиши мумкин.

Кўриб чиқилаётган жиноятнинг аниқ кўринишлари турлича бўлиши мумкин, шу туфайли уларнинг тўлиқ рўйхатини беришнинг илложи йўқ. Қонунда белгиланган қоидалар кўпинча йўлларни белгиланмаган жойларда кесиб ўтувчи, ҳаракатланадиган транспортга яқин бўлган жойларда бирданига пайдо бўлувчи писдалар томонидан бузилади.

Транспортнинг хавфсиз ишлашини таъминлашга доир қоидаларни бузишга доир жиноят ишларини кўриб чиқиш ва тергов қилишда айбдор томонидан айнан қандай қоидалар бузилганини ва бу нимада ифодаланганини аңиқлаш лозим.

ЖК 268-моддасида назарда тутилган жиноят қонунда кўрсатилган баданга ўртacha оғир ёки оғир шикаст етказиш сифатидаги оқибатлар юз берган вақтдан эътиборан **туталланган** деб эътироф этилади (1-қисм).

Йўловчи, пиёда, велосипедчи, аравани бошқарувчи шахс томонидан ҳар қандай турдаги транспорт ҳаракати ёки ундан фойдаланиш хавфсизлигининг бузилиши билан ижтимоий хавфли оқибатларнинг юз бериши ўргасида сабабий боғланиш мавжудлиги жиноят объектив томонининг муқаррар белгисидир.

Субъектив томондан жиноят эҳтиётсизлик орқасида содир этилади ёки **айбнинг мураккаб шакли билан** тавсифланади. Шахс транспорт воситалари ҳаракати ва улардан фойдаланиш хавфсизлиги қоидаларининг бузилиши натижасида ижтимоий хавфли оқибатлар келиб чиқиши мумкинлигини англайди, бироқ уларнинг олдини олишига асоссиз равишда ишонади (**ўз-ўзига ишониш**) ёки ўз ҳаракатлари (ҳаракатсизлиги) натижасида ижтимоий хавфли оқибатлар келиб чиқиши мумкинлигига кўзи етмаса-да, лекин кўзи етиши лозим ва мумкин бўлади (**жиноий бепарволик**).

Транспортнинг хавфсиз ишлашини таъминлашга доир қоидалар қасдан ёки **эҳтиётсизлик орқасида** бузилиши мумкин.

Транспортнинг хавфсиз ишлашини таъминлашга доир қоидаларни бузишнинг **субъекти**, ушбу модда диспозициясида тўғридан-тўғри кўрсатилганидек, маҳсус субъектдир. Мазкур жиноятнинг субъекти, ЖК 261–263-, 265- ёки 266-моддаларида жавобгарлик назарда тутилган шахслардан ташқари, пиёдалар, арава ҳайдовчилари, велосипедчилар, тиркамали аравачалар, чана, болалар ва ногиронлар кажаваларини олиб юрган, 16 ёшга тўлган шахслар бўлиши мумкин¹.

Арава ҳайдовчиларининг ҳаракатлари кўриб чиқилаётган модда бўйича фақат улар томонидан ҳаракат хавфсизлиги қоидаларининг бузилиши механик транспорт воситаси билан йўл-транспорт ҳодисаси юз беришига олиб келгандагина квалификация қилиниши мумкин. Бошқа барча ҳолларда (масалан, пиёдани уриб кетиш) уларнинг **ЖК 268-моддаси** бўйича жавобгарлиги истисно этилади.

Агар транспорт воситалари ҳаракати ва фойдаланиш хавфсизлиги қоидаларининг бузилиши бир неча транспорт воситалари ҳайдовчилари ёки йўл ҳаракати бошқа қатнашчиларининг жиноий ҳаракатлари билан сабабий боғланишда бўлса, уларнинг барчаси **ЖК** тегишли моддаларига биноан жавобгарликка тортилиши лозим.

«Ҳаракат қатнашчиси» атамасини кенг талқин қилиш мумкин эмас. Уларга ҳаракатни назорат қилувчи милиция ходимларини, «назорат қилувчи» тушунчасини ўз ичига олувчи бошқа шахсларни, йўл қурилиши (ўтиш қисмини таъмирлаш, белгилар қўйиш, қор тозалаш ва ҳ.к.) билан боғлиқ бўлган шахсларни киритиш мумкин эмас. Бу шахсларнинг ҳукуқлари ва бурчлари тегишли идоравий

¹ Қаранг: Ўзбекистон Республикаси Олий суди Пленумининг 2000 йил 22 ле-кабрдаги «Транспорт ҳаракати ёки... // Тўплам, 2-жилд. – 59-б.

йўриқномалар билан белгиланади. Мазкур йўриқномаларнинг талаблари Йўл ҳаракати қоидаларига асосланган бўлиб, уларга зид келиши мумкин бўлмаса-да, лекин мустақил хусусият касб этади.

ЖК 268-моддаси 2-қисмида одам ўлишига сабаб бўлган транспортнинг хавфсиз ишлашини таъминлашга доир қоидаларни бузиш учун жавобгарлик назарда тутилган.

ЖК 268-моддаси 3-қисмида:

а) одамлар ўлимига;

б) бошқа оғир оқибатларга сабаб бўлган транспортнинг хавфсиз ишлашини таъминлашга доир қоидаларни бузиш учун жавобгарлик назарда тутилган.

Мазкур жавобгарликни оғирлаштирувчи ҳолатлар биз юқорида транспорт ҳаракати ва ундан фойдаланиш хавфсизлигига қарши бошқа жиноятларнинг таҳлили чоғида кўриб чиқсан **жавобгарликни оғирлаштирувчи ҳолатлар билан айнан бир хилдир.**

10-§. Автомобиль йўлларидан фойдаланиш ва уларни қўриқлаш қоидаларини бузиш (ЖК 269-моддаси)

Жиноятнинг асосий бевосита обьекти – автомототранспорт ва шаҳар электротранспортининг хавфсиз ишлашини таъминловчи ижтимоий муносабатлар. Жиноятнинг қўшимча бевосита обьекти – фуқароларнинг ҳаёти ва соғлири, уларнинг мол-мулки хавфсизлигини таъминловчи ижтимоий муносабатлар.

Кўриб чиқилаётган моддада назарда тутилган жиноятнинг предмети автомобиль йўлли – транспорт воситалари ҳаракатланиши учун мўлжалланган, уларнинг белгиланган тезликда, оғирликда, ўлчамларда муттасил ва хавфсиз ҳаракатланишини таъминлайдиган мухандислик иншоотлари мажмуаси, шунингдек, ушбу мажмуани жойлаштириш учун берилган ер участкалари ва мажмуа устидаги белгиланган доирадаги бўшлиқ¹.

Жиноят обьектив томондан автомобиль йўлларидан фойдаланиш ва уларни қўриқлаш қоидаларини бузишда ифодаланади, яъни ўртacha оғир ёки оғир шикаст етказилишига олиб келган автомобиль йўлларида ва шу йўллар учун ажратилган миңтақада ер ости ва ер усти коммуникацияларини тегишли рухсатсиз таъмирлаш, бу ишларни бажаришнинг белгиланган шартлари ва муддатларига риоя қилмаслик, ўзбошимчалик билан арқлар, тўсиқлар, шлагбаумлар ёки бошқа иншоотларни ўрнатиш, йўлларга материал ва бошқа нарсаларни уйиб қўйиш, йўл устини бузиш билан тавсифланади.

¹ Каранг: Ўзбекистон Республикасининг 2007 йил 2 октябрдаги «Автомобиль йўллари тўғрисида»ги 117-сон Конуни, 3-модда // Ўзбекистон Республикаси конун ҳужжатлари тўплами, 2007 й., 40-сон, 410-модда.

Шуни эътиборга олиш лозимки, ЖК 269-моддаси 1-қисмидаги келтирилган автомобиль йўлларидан фойдаланиш ва уларни қўриқлаш қоидаларини бузишлар рўйхати узил-кесил ҳисобланади.

ЖК 269-моддасида назарда тутилган жиноят қонунда кўрсатилган баданга ўртача оғир ёки оғир шикаст етказиш сифатидаги оқибатлар юз берган вақтдан эътиборан туталланган деб эътироф этилади (1-қисм).

Кўриб чиқилаётган модда диспозициясида назарда тутилган бирон-бир ҳаракатни амалга ошириш билан ижтимоий хавфли оқибатларнинг юз бериши ўргасида сабабий боғланиш мавжудлиги жиноятнинг зарурий белгисидир.

Субъектив томондан жиноят эҳтиётизлилорқасида содир этилади ёки **айбнинг мураккаб шакли** билан тавсифланади. Автомобиль йўлларидан фойдаланиш ва уларни қўриқлаш қоидаларини бузиш қасдан ёки эҳтиётизлилорқасида бузилиши мумкин. Бунинг натижасида юз берган ижтимоий хавфли оқибатларга айборнинг руҳий муносабати фақат жиноий **бепарволик** ёки **ўз-ўзига ишонишда** ифодаланиши мумкин.

16 ёшга тўлган ҳар қандай ақли расо жисмоний шахс жиноят субъекти бўлиши мумкин.

ЖК 269-моддаси 2-қисмидаги одам ўлишига сабаб бўлган автомобиль йўлларидан фойдаланиш ва уларни қўриқлаш қоидаларини бузиш учун жавобгарлик назарда тутилган.

ЖК 269-моддаси 3-қисмидаги:

а) одамлар ўлимига;

б) бошқа оғир оқибатларга сабаб бўлган автомобиль йўлларидан фойдаланиш ва уларни қўриқлаш қоидаларини бузиш учун жавобгарлик назарда тутилган.

Кўрсатилган жавобгарликни оғирлаштирувчи ҳолатлар биз юқорида ушбу бобга киравчи бошқа жиноятларнинг таҳлили чоғида кўриб чиқсан жавобгарликни оғирлаштирувчи ҳолатлар билан айнан бир хилдир.

«Транспорт ҳаракати ва ундан фойдаланиш хавфсизлигига қарши жиноятлар» мавзуси бўйича якуний саволлар

1. Транспорт воситалари ҳаракати ёки улардан фойдаланиш хавфсизлиги қоидаларини бузиш сифатида тавсифланадиган жиноий қилмишнинг объектив томони белгиларини айтиб беринг? Мазкур жиноят содир этилиши натижасида юз берган оғир оқибатларга нималар киради?

2. Кимлар ЖК 261-моддаси (Маст ҳолдаги шахснинг транспорт воситасини бошқаришига йўл қўйиш)да назарда тутилган жиноятнинг субъекти бўлади?

3. Транспортни таъмирлаш ёки уни фойдаланишга чиқариш қоидаларини бузиш қандай ҳаракатларда намоён бўлади? Мазкур жиноят субъекти маҳсус субъект ҳисобланадими?

4. Транспорт воситаси ёки алоқа йўлларини яроқсиз ҳолатга келтиришнинг қандай усуllibарини биласиз?

5. Темир йўлнинг ҳаракатланадиган таркибини, ҳаво, денгиз ёки дарё кемасини олиб қочиш ёки эгаллаб олиш деганда нима тушунилади? Мазкур жиноят қандай оғир оқибатларга сабаб бўлади?

6. Ҳалқаро учиш қоидаларини бузишнинг объектив томони қандай ҳаракатларда ифодаланади?

7. Қандай ҳолларда транспорт воситалари ҳаракати ёки улардан фойдаланиш хавфсизлиги қоидаларини бузиш жиноят қонунида назарда тутилган жазога лойиқ қилмиш ҳисобланади? Ҳаракат хавфсизлиги қоидаларини бузиш нимада намоён бўлади?

8. Транспорт воситасини олиб қочиш учун ким жиноий жавобгарликка тортилиши мумкин эмас?

9. ЖК 268-моддаси (Транспортнинг хавфсиз ишлашини таъминлашга доир қоидаларни бузиш)да назарда тутилган жиноятнинг субъекти кимлар бўла олади?

10. Автомобиль йўлларидан фойдаланиш ва уларни қўриқлаш қоидаларини бузиш нимадан иборат? Мазкур жиноят учун жиноий жавобгарликнинг келиб чиқиш шартлари қандай?

Қўшимча адабиётлар

Ўқув қўлланмалар, маҳсус адабиётлар

Глистин В.К. Транспортные преступления. – М.: 1981.

Жулев В.И. Транспортные преступления. Комментарий законодательства. – М.: «Спарт», 2001. – 190 Б.

Квашис В.Е. Ответственность за правонарушения на автотранспорте. – М.: 1974.

Коняев В.П. Борьба с управлением транспортными средствами в состоянии опьянения. – Т.: 1986.

Коняев В.П. Состояние опьянения – транспортные преступления – уголовная ответственность. – Т.: «Ўзбекистон», 1992.

Коробеев А.И. Транспортные преступления: квалификация, ответственность, предупреждение. – Владивосток: 1992.

Коробеев А.И. Транспортные преступления. – СПб.: «Юридический центр Пресс», 2003. – 406 Б.

Кременев И.Н. Уголовная ответственность за транспортные преступления. – Т.: 1990.

Кузьмина А.С. Борьба с автотранспортными преступлениями. – Омск: 1981.

Куринов Б.Л. Автотранспортные преступления. Квалификация и ответственность. — М.: «Юридическая литература», 1976.

Тяжкова И.М. Неосторожные преступления с использованием источников повышенной опасности / Под ред. д.ю.н., проф., зав. кафедрой уголовного права МГУ В.С. Комисарова. — СПб.: «Юридический центр Пресс», 2002. — 360 Б.

Шайбазян Л.Г. Правовые меры борьбы с угоном транспортных средств. — Т.: 1993.

Шайбазян Л.Г. Правовые нормы борьбы с угоном транспортных средств (уголовно-правовой и криминологический аспекты). Автореф. дисс. канд. юрид. наук. — Т.: 1997.

Илмий мақолалар

Ахроров Б.Ж. Ўзбекистон Республикасининг «Йўл ҳаракати хавфсизлиги тўғрисида»ги Конунига шарҳ // Ҳукуқий маърифат ахборотномаси. 2000. 10-сон. — 3—5-б.

Кабулов Р.К. Разграничение хищения транспортного средства от угона // Конституция — ҳуқуқий давлат қуришнинг асоси. Илмий-амалий анжуман материаллари. — Т.: ТДЮИ, 1996. — 54—57-б.

Рустамбаев А.М. Некоторые аспекты деятельности службы безопасности дорожного движения // Ж. Бюллетень Верховного суда Руз. 2004. № 3. — 63—64-б.

Рустамбаев М.Х. Значение последствий для квалификации нарушений правил безопасного движения и эксплуатации транспортных средств. Совершенствование мер борьбы с преступностью и ее профилактика // Сборник научных трудов ТашГУ, 1988. — 73—75-б.


Усмоналиев М. Некоторые вопросы ответственности пешеходов за нарушение правил дорожного движения. Проблемы совершенствования мер борьбы с преступностью // Сборник научных трудов ТашГУ. — Т.: ТашГУ, 1986.

Шайбазян Л.Г. Уголовно-правовые значение мотива и цели угона транспортного средства. Вопросы совершенствования деятельности правоохранительных органов // Сборник научных статей альянктов и соискателей ТГЮИ. — Т.: ТГЮИ, 1996. — 53—56-б.

Шайбазян Л.Г. Собственность — объект угона транспортного средства // Мустақиллик ва Ўзбекистон Республикасида ҳуқуқий демократик давлатни ва фуқаролар жамиятини шакллантириш муаммолари. Илмий-назарий конференция материаллари. — Т.: ТГЮИ, 1996. — 36—38-б.

III БОБ. ГИЁХВАНДЛИК ВОСИТАЛАРИ ЁКИ ПСИХОТРОП МОДДАЛАР БИЛАН ҚОНУНГА ХИЛОФ РАВИШДА МУОМАЛА ҚИЛИШДАН ИБОРАТ ЖИНОЯТЛАР

4-схема



ЖК бу бобига киритилган жиноятлар гиёхвандлик воситалари, психотроп моддалар ва прекурсорлар билан муомала қилиш соҳасидаги ижтимоий муносабатларни қўриқлашга қаратилган. Бу нормаларнинг мақсади улар билан қонунга хилоф равишида муомала қилишга қарши ҳаракат қилиш, фуқароларнинг соғлигини сақлаш ва давлат хавфсизлигини таъминлашдан иборат. Шуни қайд этиш лозимки, 1999 йил 19 августда Ўзбекистон Республикасининг «Гиёхвандлик воситалари ва психотроп моддалар тўғрисида»ги 813-I-сон Қонуни¹ қабул қилинган. Бу Қонун ЖК билан қўриқланадиган ижтимоий муносабатларни тартибга солади. Агар ушбу муносабатларни бузиш жиноий қилмиш (жиноят) даражасига етган бўлса, айбдор ЖК тегишли нормаларига мувофиқ жиноий жавобгарликка тортилади.

¹ Ўзбекистон Республикаси Олий Мажлисининг Ахборотномаси, 1999 й., 9-сон, 210-модда; 2001 й., 1-2-сон, 23-модда; 2003 й., 1-сон, 8-модда; Ўзбекистон Республикаси қонун хужжатлари тўплами, 2006 й., 41-сон, 405-модда.

1-§. Тақиқланган экинларни етиштириш (ЖК 270-моддаси)

Жиноятнинг бевосита объекти муомалада бўлиши Ўзбекистон Республикасида тақиқланган, гиёхвандлик воситалари рўйхати (I рўйхат)га¹ киритилган, таркибида гиёхвандлик моддаси бўлган ўсимликларни етиштиришга бўлган давлат монополиясини таъминловчи ижтимоий муносабатлар ҳисобланади. Жиноятнинг қўшимча обьекти – аҳолининг саломатлиги хавфсизлигидир.

Кўкнор ёки мойли кўкнор, каннабис ўсимлиги ёхуд таркибида гиёхвандлик воситалари ва психотроп моддалар бўлган бошқа экинлар ЖК 270-моддасида назарда тутилган жиноятнинг предмети ҳисобланади.

Кўкнорнинг икки шакли: уруғларида осон қурийдиган мой мавжудлиги учун етиштириладиган мойлик кўкнор ва гиёхвандлик воситалари бозорига маҳсулот берадиган кўкнор фарқланади.

Каннабис – нашанинг алоҳида гашиш олинадиган нави (нашанинг Ҳиндистон, Жанубий Чуй, Краснодар ва бошқа турлари) мавжуд. Ботаника соҳасидаги мутахассислар кўкнор ўсимликлари оиласида кўкнорнинг уч тури: оддий ёки экма кўкнор, ҳинд кўкнори ёки наша ва ёввойи кўкнор мавжуд деб ҳисоблайдилар. Бунда кўкнорнинг сўнгти икки тури гиёхвандлик воситаси хоссаларига эга (улар таркибида кўп миқдорда тетрагидроканнабинол (ТГК) бор)².

Таркибида гиёхвандлик воситалари ёки психотроп моддалар бўлган бошқа экинлар қаторига кока бутаси; кока барглари; кактус оиласига мансуб бўлган, мескалин қабилидаги изохинолин алкалоидлардан иборат ўсимликлар; эрголин гуруҳига киравчи алкалоидлардан иборат выонк оиласига мансуб ўсимликлар; хом ашёси эфедрин олиш учун ишлатиладиган эфедр оиласига мансуб ўсимликлар, шунингдек, таркибида психоцибин ва (ёки) психоцин мавжуд бўлган ҳар қандай турдаги замбуруғлар киради. Мутахассисларнинг ҳисоб-китобларига кўра, наркоген фаоллик билан тавсифланувчи ўсимликларнинг жами икки юздан ортиқ тури бор³.

Ҳар бир конкрет ҳолатда судлар таркибида гиёхвандлик воситалари ёки психотроп моддалар мавжуд ўсимликлар рўйхатига кишини аниқлаш учун наркотиклар устидан назорат қилиш бўйича Давлат комиссияси томонидан тасдиқланган Гиёхвандлик воситалари

¹ Қаранг: Ўзбекистон Республикасининг 1999 йил 19 августдаги «Гиёхвандлик воситалари ва психотроп моддалар тўғрисида»ги 813-I-сон Конуни, 4, 21-моддалар.

² Қаранг: Головкин Б.Н. Наркотикосодержащие растения: распространение, действие, социальная опасность. – М.: 2000. – 22-б.

³ Ўша жойда. –20–24-б.

ёки психотроп моддалар рўйхати¹ ва экспертиза хуносаларига таяниши керак.

«...гиёхвандлик воситалари ёки психотроп моддалар билан қонунга хилоф равища муомала қилишни назарда тутган жиноятлар тўғрисидаги ишлар бўйича суд-кимёвий экспертизаларни ўтказиш айблорликни исботловчи муҳим мезонлардан бири ҳисобланади.

Жиноят-процессуал кодексининг 173-моддасига мувофиқ бундай восига ёки моддани наркотик ёхуд психотроп леб эътироф этиш учун бундай экспертизалар қайд этилган туркумдаги барча ишлар бўйича ўтказилиши зарур.

Бу турдаги экспертизаларни ҳал этиш учун қуйидаги саволлар қўйилиши мумкин:

олинган модда наркотик ҳисобланадими ва қайси турга киради, зарур ҳолларда эса унинг ушбу моддадаги таркиби неча фоизни ташкил қиласди ва вазни қанча;

нарсада (қандай нарса эканлиги кўрсатилади) гиёхвандлик воситаларининг излари (микроскоп орқали кўринадиган нишоналари) борми;

ер майдонида (олинган жой кўрсатилади) ўсаётган ўсимликлар қайси турга мансуб ва у таркибida наркотик бўлган ўсимлик ҳисобланадими;

олинган моддалар бир бутуни (бир массани) ташкил этгани;

олинган моддалар тайёрлаш усули (технологияси), сақлаш шароити, фойдаланилган бошлангич хом ашёси, ўсимлик хом ашёсининг кўкариб турган жойи бўйича келиб чиқиши жиҳатидан умумий манбага эгами»².

Гиёхвандлик воситалари ва психотроп моддалари билан муомала қилишнинг маҳсус ҳуқуқий режими белгиланган. Бундай режим уч мезон: тиббий, ижтимоий ва норматив мезонлар йигиндиси билан тавсифланувчи воситалар ва моддаларга нисбатан амал қилиши лозим.

Тиббий мезон нуқтаи назаридан гиёхвандлик воситалари қаторига келиб чиқиши синтетик ёки табиий бўлган, марказий нерв системаси (МНС)га таъсиrlантирувчи ёки галлюциноген таъсиr кўрсатувчи, шу туфайли нотиббий мақсадларда истеъмол қилинувчи ва руҳий ва (ёки) жисмоний қарамлик вужудга келишига сабаб бўлувчи воситалар киритилади.

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки психотроп моддалар билан қонунга хилоф равища муомала қилишга оид жиноят ишлари бўйича суд амалиёти ҳақида»ги 21-сонли қарори (Ўзбекистон Республикаси Олий суди Пленумининг 2002 йил 14 июнданги 10-сонли ва 2006 йил 3 февралдаги 5-сонли қарорларига асосан киритилган ўзгартириш ва қўшимчалар билан) // Тўплам, I-жилд. – 39-6.

² Ўша жойда. – 38–39-б.

Муайян воситани гиёхвандлик воситалари қаторига киритишида ижтимоий мезонни ҳам ҳисобга олиш лозим. Бу мазкур воситалар қаторига нотиббий мақсадда истеъмол қилиш ҳажмлари кўпайиб ва янада кенг тус олиб бораётган ва унинг соғлиқ учун хавфлилиги туфайли у билан муомала қилишнинг алоҳида хуқуқий режимини белгилашни тақозо этадиган восита киритилиши лозимлигини англатади. Тиббий ва ижтимоий мезонлар биргаликда муайян моддани гиёхвандлик воситалари ёки психотроп моддалар қаторига киритиш ва буни маҳсус норматив ҳужжатда мустаҳкамлаш учун асос бўлиши норматив мезонни ташкил қиласди.

Ўзбекистон Республикасининг «Гиёхвандлик воситалари ва психотроп моддалар тўғрисида»ги Қонуни ана шундай ҳужжат ҳисобланади. Ушбу Қонуннинг 3-моддасида «гиёхвандлик (наркотик) воситалари», «психотроп моддалар», шунингдек, «прекурсорлар», «гиёхвандлик воситалари ва психотроп моддаларнинг аналоглари», «препарат» каби тушунчаларга таъриф берилган.

NOTA BENE!

Гиёхвандлик (наркотик) воситалари – гиёхвандлик воситалари рўйхатига киритилган ва Ўзбекистон Республикасида назоратга олинадиган, келиб чиқиши синтетик ёки табиий моддалар, таркибида гиёхвандлик моддаси бўлган препаратлар ва ўсимликлар.

ЖК Маҳсус қисми VIII бўлимига кўра, улар қаторига БМТнинг 1961 йилда қабул қилинган Гиёхвандлик воситалари тўғрисидаги Ягона Конвенцияси (унга «1961 йилги Гиёхвандлик воситалари тўғрисидаги Ягона Конвенцияга тузатишлар киритиш тўғрисида» 1972 йил Протоколига мувофиқ тузатишлар киритилган) I ва II рўйхатларига киритилган моддалар киради¹.

NOTA BENE!

Психотроп моддалар – психотроп моддалар рўйхатига киритилган ва Ўзбекистон Республикасида назоратга олинадиган, келиб чиқиши синтетик ёки табиий моддалар.

Психотроп моддалар патологик кўникиш уйғотиши ва одамнинг марказий нерв системасига рағбатлантирувчи ёки тушкунликка туширувчи таъсир кўрсатиб, галлюцинациялар уйғотиш ёки мотор

¹ Нью-Йорк, 1961 й. 25 марта, Ўзбекистон Республикаси Олий Мажлиси 1995 й. 24 февралдаги 30-1-сон қарорига мувофиқ ратификация қилинган, Ўзбекистон Республикаси учун 1995 й. 23 сентябрда кучга кирган.

функцияси, фикрлаш қобилияти, хулқ-атвор, идрок ёки кайфият-нинг бузилишига сабаб бўлиш қобилиятига эта. Уларга 1971 йилги Психотроп моддалар тўғрисидаги БМТ Конвенциясининг¹ I, II, III ёки IV рўйхатига киритилган моддалар киради.

NOTA BENE!

Прекурсорлар – прекурсорлар рўйхатига киритилган ва Ўзбекистон Республикасида назоратга олинадиган, гиёҳвандлик воситалари ва психотроп моддалар тайёрлаш учун фойдаланиладиган моддалар.

Уларга 1988 йилги БМТнинг Гиёҳвандлик воситалари ёки психотроп моддалар билан қонунга хилоф равишда муомалада бўлишига қарши кураш тўғрисидаги Вена Конвенциясининг² I ва II жадвалига киритилган моддалар киради.

NOTA BENE!

Гиёҳвандлик воситалари ва психотроп моддаларнинг аналоглари – кимёвий тузилиши ва хоссаларига кўра гиёҳвандлик воситалари ва психотроп моддаларга ўҳшаш, улар сингари руҳиятга фаол таъсир этувчи, келиб чиқиши синтетик ёки табиий моддалар.

NOTA BENE!

Препарат – моддаларнинг ҳар қандай физик ҳолатдаги, таркибида битта ёки бир неча гиёҳвандлик воситалари ёхуд психотроп моддалар бўлган аралашмаси.

Кўрсатилган Қонуннинг 4-моддасига биноан, «Ўзбекистон Республикасида назоратга олинадиган гиёҳвандлик воситалари, психотроп моддалар ва прекурсорлар қуидаги рўйхатларга киритилади:

Муомалада бўлиши Ўзбекистон Республикасида тақиқланган гиёҳвандлик воситалари рўйхати (бундан бўён матнда I рўйхат деб юритилади);

¹ Вена, 1971 й. 21 февраль, Ўзбекистон Республикасининг қўшилиши Ўзбекистон Республикаси Олий Мажлиси 1995 й. 24 февралдаги 31-I-сон қарорига мувофиқ, Ўзбекистон Республикаси учун 1995 й. 10 октябрда кучга кирган.

² Гиёҳвандлик воситалари, психотроп моддаларнинг қонунга хилоф равишида муомалада бўлишига қарши курашиш БМТнинг Конвеняси (Вена, 1988 й. 20 декабрь, Ўзбекистон Республикасининг қўшилиши Ўзбекистон Республикаси Олий Мажлиси 1995 й. 24 февралдаги 32-I-сон қарорига мувофиқ, Ўзбекистон Республикаси учун 1995 й. 22 ноябрда кучга кирган), Илова.

Муомалада бўлиши Ўзбекистон Республикасида чекланган гиёҳвандлик воситалари рўйхати (бундан бўён матнда II рўйхат деб юритилади);

Муомалада бўлиши Ўзбекистон Республикасида чекланган психотроп моддалар рўйхати (бундан бўён матнда III рўйхат деб юритилади);

Муомалада бўлиши Ўзбекистон Республикасида чекланган прекурсорлар рўйхати (бундан бўён матнда IV рўйхат деб юритилади).

Гиёҳвандлик воситалари, психотроп моддалар ва прекурсорлар рўйхатлари Ўзбекистон Республикаси Вазирлар Маҳкамаси томонидан белгиланган тартибда тасдиқланади ва матбуотда эълон қилинади.

Мазкур рўйхатлар Ўзбекистон Республикаси Вазирлар Маҳкамасининг «Гиёҳвандлик воситалари, психотроп моддалар ва прекурсорларни Ўзбекистон Республикаси ҳудуди орқали олиб кириш, олиб чиқиш ва транзит тарзида ўтказиш тўғрисида»ги 2000 йил 31 июль 293-сон қарорига¹ 2–5-иловаларда эълон қилинган.

Хусусан, I рўйхатга муомалада бўлиши Ўзбекистон Республикасида тақиқланган 159 номдаги гиёҳвандлик воситалари киритилган (2-илова). II рўйхат муомалада бўлиши Ўзбекистон Республикасида чекланган 61 номдаги гиёҳвандлик воситаларини ўз ичига олади (3-илова). III рўйхатдан муомалада бўлиши Ўзбекистон Республикасида чекланган 82 номдаги психотроп моддалар ўрин олган (4-илова). IV рўйхатта (5-илова) муомалада бўлиши Ўзбекистон Республикасида чекланган 26 прекурсор киритилган бўлиб, шулардан 23 таси – 1988 йилги БМТнинг Гиёҳвандлик воситалари ёки психотроп моддалар билан қонунга хилоф равишда муомалада бўлишга қарши кураш тўғрисидаги Вена Конвенциясининг I ва II жадвалига киритилган кимёвий моддалар, қолган 3 модда (қизил фосфор, пропион ангидрид, таркибида эфедрин бўлган эфедр ўти) мазкур Рўйхатта 1988 йилги БМТнинг Гиёҳвандлик воситалари ёки психотроп моддалар билан қонунга хилоф равишда муомалада бўлишга қарши кураш тўғрисидаги Конвенцияси 12-моддаси 10-бандининг қоидаларига мувофиқ кўшимча тарзда киритилган.

Шуни қайд этиш лозимки, Ўзбекистон Республикаси Вазирлар Маҳкамаси эълон қилган мазкур рўйхатлардан ташқари, 1995 йил 1 апрелда Ўзбекистон Республикасининг Гиёҳвандлик моддаларини назорат қилиш давлат комиссиясининг 13-4-1-сонли қарорига мувофиқ, Ўзбекистон Республикаси Соғлиқни сақлаш вазирлиги томонидан ишлаб чиқилган «1961, 1971, 1988 йилги БМТ Конвенциялари тавсияларига мувофиқ гиёҳвандлик воситалари, психотроп моддалар

¹ Ўзбекистон Республикаси қонун ҳужжатлари тўплами, 2002 й., 3-4-сон. 34-модда; 2003 й., 14-сон. 114-модда.

ва прекурсорлар таснифи (рўйхатлари)» (Гиёхвандлик моддаларини назорат қилиш давлат комиссиясининг қарорига 2-илова) маъқулланди. Бу таснифга қўйидагилар киритилган: халқаро рўйхатдан ўтказилмаган номлари ёки амаллаги халқаро конвенцияларда фойдаланиувчи номлари остидаги моддалар; уларнинг изомерлари, башарти улар барча ҳолларда аниқ ҷикарилган бўлмаса, бундай изомерлар мазкур моддаларнинг кимёвий формуласи доирасида мавжуд бўлиши мумкин бўлса; бу моддаларнинг мураккаб ва содда эфирлари, улар мавжуд бўлиши мумкин бўлган барча ҳолларда; бу моддаларнинг тузлари, шу жумладан мураккаб эфирлар, содда эфирлар ва изомерларнинг тузлари, бундай тузлар мавжуд бўлиши мумкин бўлган барча ҳолларда; бу моддаларнинг препаратлари, қонунда назарда тутилган ҳоллар бундан мустасно.

Рўйхат I, II, III ва IV жадваллардан иборат бўлиб:

I жадвалга ўта хавфли бўлган ва тиббий мақсадларда фойдаланимайдиган (гиёхвандлик ва психотроп) ўсимликлар ва моддалар, масалан, героин, каннабис, ЛСД ва фақат гиёхвандлар ишлатадиган бошқа моддалар киритилган.

II жадвалга ўта хавфли бўлган, лекин тиббий мақсадларда қўлланиладиган (гиёхвандлик ва психотроп) ўсимликлар ва моддалар, масалан, рак касаллигига йўлиққанларда оғриқни қолдириш учун қўлланиладиган оғриқ қолдирувчи жуда кучли воситалар (морфин, фортал, долозал, пальфиум ва ҳ.к.) киритилган. Уларнинг қаторига амфетаминлар ва айрим барбитуратлар ҳам киради. Улар кучли қарамликни вужудга келтириши билан жуда хавфли ҳисобланади.

III жадвалга маълум даражада хавфли бўлган ва тиббий мақсадларда қўлланиладиган (фақат психотроп) ўсимликлар ва моддалар киритилган. Булар транквилизаторлар, антидепрессантлар, тез таъсир кўрсатадиган барбитуратлар ва қарамликнинг вужудга келиши нуқтаси назаридан хавфлилик даражаси ўртacha бўлган бошқа кенг қўлланиладиган доривор моддалардир.

IV жадвалга прекурсорлар, яъни гиёхвандлик воситалари ва психотроп моддаларни тайёрлаш учун ишлатиладиган, 1988 йилги БМТнинг Гиёхвандлик воситалари ёки психотроп моддалар билан қонунга хилоф равишда муомалада бўлишга қарши кураш тўғрисидаги Конвенциясида ёки шу Конвенцияга мувофиқ таснифланган барча моддалар ва гиёхвандлик воситалари ёки психотроп моддаларни тайёрлаш жараёнида ишлатиладиган қолган барча кимёвий моддалар киради. Масалан: героин, кокаин ва ЛСДни тайёрлаш учун зарур бўлган ацстон ва тўрли кислоталар киради.

ЖК 270-моддасида назарда тутилган жиноятнинг **объектив томонини** тақиқланган экинларни, яъни кўкнор ёки мойли кўкнор, каннабис ўсимлиги ёхуд таркибида гиёхвандлик воситалари ёки психотроп моддалар бўлган бошқа экинларни қонунга хилоф равишда экиш ёки етиштириш ташкил этади.

Етиштириш – таркибидаги гиёхвандлик воситалари ва психотроп моддалар бўлган ўсимликларни экиш ва ўстириш.

Етиштиришнинг қонунга хилофлиги мазкур турдаги фаолият билан лицензиясиз шуғулланишдан иборат.

Ўзбекистон Республикасининг «Гиёхвандлик воситалари ва психотроп моддалар тўғрисида»ги Қонунга мувофиқ таркибидаги гиёхвандлик моддаси бўлган ўсимликларни етиштириш давлат монополияси ҳисобланади (6-модда) ва бунга рухсат маҳсус ваколатли орган белгилаган тартибда, давлат корхоналарига илмий мақсадларда мазкур фаолият тури учун лицензияси бўлган тақдирда берилади (21-модда).

Агар тақиқланган экинларни экиш ёки етиштириш маҳсус рухсатнома (лицензия)га биноан амалга оширилаётган бўлса, тақиқланган экинларни етиштириш учун жиноят жавобгарлик истисно этилади. Мазкур фаолият билан шуғулланиш учун лицензияни Ички ишлар вазирлиги беради. Бунда лицензиатга фаолиятни лицензия талаблари ва шартларига қатъий мувофиқ равишда амалга ошириш мажбурияти юкланади («Гиёхвандлик воситалари ва психотроп моддалар тўғрисида»ги Қонуннинг 21-моддаси).

Етиштирилиши тақиқланган ўсимликларни экиш деганда, тегишли рухсатсиз ҳар қандай ер майдонига, шу жумладан бўш ётган ерга ман этилган экин уругини сепиш ва кўчатини ўтказишини англамоқ лозим. Ушбу жиноят ўсимлик униб чиққан-чиқмаганлиги ёки ўстан-ўсмаганлигидан қатъи назар, экин экилган пайтдан бошлаб тугалланган ҳисобланади.

Уруғлар сотиб олиш, уларни етилиш босқичигача ўсмайдиган даражада тупроқдан ташқарида ёки кам миқдордаги тупроқда ундириш (кўчат етиштириш) тақиқланган экинларни етиштиришга тайёр гарлик кўриш сифатида баҳоланиши лозим.

Тақиқланган экинларни етиштириш деганда, экилган вақтдан бошлаб пишиш босқичигача бўлган давр ичидаги уларни парвариш қилиш (сугориш, чопик қилиш, ўғитлаш ва ҳ.к.)ни тушуниш керак¹. Бу ҳаракатлар ҳам экинлар пишиш босқичига етган-етмаганлиги, ҳосил ўриб олинган-олинмаганлигидан қатъи назар, тугалланган жиноят таркибини ташкил этади.

Тақиқланган экинларни экиш ва етиштириш деганда, таркибидаги гиёхвандлик моддалари бўлган экинларни етиштириш технологиясини такомиллаштириш, уларнинг ҳосилдорлигини ошириш, нокулай об-ҳаво шароитларига чидамлилигини кучайтириш, янги навлар

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки психотроп моддалар билан қонунга хилоф равишида муомала қилишга оид жиноят ишлари бўйича суд амалиёти ҳақида»ги 21-сонли қарори (Ўзбекистон Республикаси Олий суди Пленумининг 2002 йил 14 июндаги 10-сонли ва 2006 йил 3 февралдаги 5-сонли қарорларига асосан киритилган ўзартириш ва қўшимчалар билан) // Тўплам, 1-жилд. – 34-б.

ни яратиш, ёввойи ўсимликларни парвариш қилиш (сугориш, чопик қилиш) каби ҳаракатларни ҳам тушуниш лозим.

Шахс мазкур модда бўйича жавобгарликка тортилиши учун тақиқланган экин экилган жой (томорқа, корхона, ташкилот ери, эгасиз ерлар), айбдор бундай экинларни ўзи учун ёки ўзга шахслар учун етиширгани, шунингдек, экинларнинг кейинги тақдири (улардан истеъмол қилишга тайёр гиёхвандлик воситалари ёки психотроп моддалар тайёрлангани, тола, мой, хўжалик эҳтиёжлари учун уруғлар олингани ва ш.к.) аҳамиятга эга эмас.

Ўзбекистон Республикаси Олий суди Пленуми ўзининг «Гиёхвандлик воситалари ёки психотроп моддалар билан қонунга хилоф равишида муомала қилишга оид жиноят ишлари бўйича суд амалиёти ҳақида»ги қарорида шундай кўрсатма берган: «Айбдорнинг ҳаракатлари экин майдони ўлчамидан келиб чиқсан ҳолда ЖК 270-моддасининг тегишли қисмлари билан квалификация қилинади, бунда ушбу модданинг 1-қисми билан квалификация қилиш учун экин майдонининг ўлчами 250 квадрат метргacha бўлиши кўзда тутилади.

...Шахс етиширилиши тақиқланганган ўсимликларни турли майдонларда ўстираётган бўлса, унинг ҳаракатларини квалификация қилишда жами экин майдонидан келиб чиқмоқ лозим.

Агар етиширилиши тақиқланган ўсимликларни экиш ва етишириш келгусида наркотик моддаларни ўtkазиш мақсадини кўзлаб тайёрлаш, сақлаш, ташиш, жўнатиш, шунингдек, ўtkазиш билан боғлиқ бўлса, бундай ҳаракатлар ЖК 270-моддаси ва тегишли моддалирида назарда тутилган жиноятлар мажмуи билан квалификация қилинмоғи даркор¹.

Субъектив томондан жиноят тўғри қасд билан содир этилади. Айбдор таркибида гиёхвандлик моддалари бўлган экин ёки психотроп экинлар ёки ўсимликларни қонунга хилоф равишида етишираётганлигини англайди ва мазкур ҳаракатларни амалга оширишни хоҳлайди.

Жиноятни содир этиш мақсади айбдорнинг ҳаракатларини квалификация қилиш учун аҳамиятга эга эмас. Жиноятнинг мотивлари ҳам ҳил бўлиши мумкин ва қилмишни квалификация қилишга таъсир кўрсатмайди.

16 ёшга тўлган ҳар қандай ақли расо жисмоний шахс **ЖК 270-моддасида** назарда тутилган жиноят **субъекти** бўлиши мумкин. Бу хусусий шахс бўлиши ҳам, мансабдор шахс бўлиши ҳам (масалан, қишлоқ хўжалик ташкилбтлари, корхоналарнинг раҳбарлари) мумкин.

¹ Қаранг. Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, 1-жилд. – 34–35-6.

ЖК 270-моддаси 2-қисмida:

- а) илгари гиёхвандлик воситалари ёки психотроп моддалар билан қонунга хилоф равища мумомала қилишдан иборат жиноятни содир этган шахс томонидан;
- б) бир гуруҳ шахслар томонидан олдиндан тил бириктириб;
- в) ўртача катталиктаги экин майдонида тақиқланган экинларни етишириш учун жавобгарлик назарда тутилган.

Тақиқланган экинларни етиширган шахс илгари ЖК 127-моддаси (Вояга етмаган шахсни файриижтимоий хатти-ҳаракатларга жалб қилиш) 2-қисми «а», «б», «в» бандларида, ЖК 270–276-моддаларида жавобгарлик белгиланган жиноятлардан бирини содир этган бўлса, унинг бу қилмиши судланганлик факти, илгари содир этилган жиноят муддатининг ўтиш вақти тугамаганлиги, қонунда белгиланган тартибда судланганлик бекор қилинмаган ва олиб ташланмаганлигидан қатъи назар, **ЖК 270-моддаси 2-қисми «а» банди бўйича квалификация қилиниши лозим.**

Бир гуруҳ шахслар томонидан **олдиндан тил бириктириш** таркибида гиёхвандлик воситалари ёки психотроп моддалар бўлган экинларни қонунга хилоф равища экиш ёки етишириша икки ёки ундан ортиқ шахс қасдан иштирок этишини англаради, бунда тил бириктириш жиноий фаолиятта киришишдан олдин амалга оширилган бўлиши лозим.

Ўртача катталиктаги майдонда тақиқланган экинларни етишириш деганда, 250 квадрат метрдан 1000 квадрат метргача майдонда мазкур экинларни экиш ёки уларни ўстириш тушунилади. Бунда ер майдони ҳажми амалда фойдаланилган майдондан, яъни етиширилиши тақиқланган экинлар амалда ўсаётган ёки уруғи экилган майдоннинг ўзидан келиб чиқиб аниқланиши керак. Экинлар етиширилаётган ер майдонига гиёхванд ўсимликлар ёки уларнинг уруғлари мавжуд бўлмаган майдонларни қўшиш мумкин эмас, бу қонунга зиддир. Бундай ҳолда тақиқланган экин етиширилаётган умумий ер майдонини аниқлашда амалда экилган жами экин майдонидан келиб чиқиш лозим¹.

Агар айбланувчи тақиқланган экинларни турли майдонларда етиширган бўлса, тергов ва суд органлари таркибида наркотик модда бўлган ўсимликларни етишириш мақсадини аниқлаши керак. Агар айбланувчи камида икки марта шу ўсимликларни турли вақт, турли майдонларда эккан ёки етиширган бўлиб, яна жиноят содир этишга қасд қилган бўлса, унинг қилмиши **ЖК 270-моддаси 2-қисми «а» банди** билан ёки экин майдонига қараб шу майдоннинг тегишли банди ва қисми билан квалификация қилиниши лозим.

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, I-жилд. – 34-б.

Экин майдони ҳажмини аниқлашда нафақат охирги экин майдони ҳажми, балки бундан олдинги майдон ҳажмларини ҳам эътиборга олиш керак. Агар жиноят субъекти бир вақтда иккى ёки ундан ортиқ майдонларда тақиқланган экинларни экиб, булар ууң умумий қасдга эга бўлса, унинг қилмиши **ЖК 270-моддаси 2-қисми «а»** билан кўшимча квалификация қилинмайди, чунки у ягона давомий жиноятни ташкил этади ва унинг қилмиши экин майдони ўлчамидан келиб чиқиб квалификация қилиниши лозим.

Агар экин майдонининг умумий катталиги 250 квадрат метрдан кам бўлса, айланувчининг қилмиши таҳлил қилинаётгани модданинг биринчи қисми бўйича квалификация қилинади.

ЖК 270-моддаси 3-қисми:

а) ўта хавфли рецидивист томонидан;

б) ўюшган гурух ёки унинг манфеватларини кўзлаб;

в) катта экин майдонида содир этилган тақиқланган экинларни етиштириш учун жиобгарлик назарда тутилган.

Ўюшган гурух томонидан тақиқланган экинларни етиштириш жамият учун жиддий хиёф түғдирали, чунки режалаштирилган қилмишни самарали амалга ошириш ва айни вақтда шахс, жамият ва давлатга зарар етказиш имкониятини оширави.

«Жиноий гуруҳни ўюшган деб квалификация қилиш учун асосий мезон тариқасида, масалан, гуруҳнинг барқарорлигини, унда ташкилотчининг бўлишини, одатда, бир неча жиноятни содир этиш мақсадида тузилганлигини, жиноятни амалга ошириш режаси ва йўл-йўриғи ишланганлигини, ҳар бир иштирокчи ўртасида вазифалар тақсимланганлигини, техника билан таъминланганлигини, жиноятни яшириш чоралари кўрилганлигини, умумий интизомига ва жиноий гуруҳ гашкilogчисининг кўрсатмаларига итоат қилинишини ва шу кабиларни ҳисобга олиш лозим»¹.

Хукмда жиноий гуруҳ қайси белгисига кўра ўюшган деб топилиши кўрсатилган бўлиши керак.

Ўюшган гуруҳ иштирокчилари вазифаларини тақсимлашлари ва тақиқланган экинларни етиштириш билан ҳар қайсиси бевосита шуғулланмаслиги, балки бу фояолият бошқа шахслар томонидан бажарилишини таъминлаши мумкин (масалан, ер майдонини қўриқлаш).

Тақиқланган экинларни катта экин майдонида етиштириш деганда, **ЖК VIII** бўлимига мувофиқ, 1000 квадрат метр на ундан ортиқ экин майдонида экиш тушунилади.

Кўриб чиқилаётган модданинг қолган оғирлаштирувчи ва алоҳида оғирлаштирувчи ҳолатларининг мазмуни бошқад жиноят таркибларини таҳлил қилишда ёритилган.

¹ Қаранг: Ўзбекистон Республикаси Олий суди Пленумининг 1995 йил 27 октябрьаги «Гиёҳвандлик воситалари ёки... // Тўплам, I-жилл. – 35-б.

2-§. Гиёхвандлик воситалари ёки психотроп моддаларни қонунга хилоф равишида эгаллаш (ЖК 271-моддаси)

Айни ҳолда жиноятнинг бевосита асосий объектини гиёхвандлик воситалари, психотроп моддалар ва прекурсорларнинг муомалада бўлиши соҳасидаги ижтимоий муносабатлар ташкил этади. **Бевосита кўшимча объект** мулкий манфаатлар, мазкур жиноят талончилик ёки босқинчилик йўли билан содир этилган тақдирда эса, жабрланувчнинг жисмоний дахлисизлиги, унинг соғлиғидир. **Факультатив объект** сифатида аҳоли соғлиғининг хавфсизлигини таъминловчи жамоат муносабатлари тушунилиши лозим.

Гиёхвандлик воситалари ёки психотроп моддалар жиноятнинг предмети ҳисобланади. Мазкур воситалар ва моддалар қонуний муомалада бўлиши ҳам (таркибида гиёхвандлик моддалари бўлган дори препаратлари), кўлбала усулла тайёрланган ва нархи белгиланмаган бўлиши ҳам мумкин.

(«Гиёхвандлик воситалари» ва «психотроп моддалар» тушунчалари-нинг мазмуни ҳақида батағсилроқ ЖК 270-моддаси таҳлилига қаранг.)

ЖК 271-моддаси 1-қисмида назарда тутилган жиноятнинг объектив томонини гиёхвандлик воситалари ёки психотроп моддаларни қонунга хилоф равишида, ўғрилик ёки фирибгарлик йўли билан эгаллаш ташкил этади.

Қонунга хилоф равишида эгаллаш жиноятнинг кўрсатилган предметларини қасдан файриқонуний равишида қўлга киритиш ёки уларни шахсий истеъмол ёки ўзгача тарзда файриқонуний фойдаланиш мақсадида олиб қўйишидир.

Жиноят **ЖК 271-моддаси** бўйича квалификация қилиниши учун гиёхвандлик воситалари ёки психотроп моддалар айнан кимга – давлат ёки хусусий корхоналар, муассасалар, ташкilotлар ёки уларга қонуний ёки қонунга хилоф равишида эгалик қилувчи айrim фуқароларга қарашли бўлгани аҳамиятга эга эмас.

Таркибида гиёхвандлик моддаси бўлган ўсимликларни ёки бундай ўсимликларнинг қисмлари (кўкнор чаноги ва пояси, наша ўсимлиги пояси ва ҳ.к.)ни қишлоқ хўжалик корхоналарининг далаларида ёки фуқароларнинг ер майдонларида экинларнинг ҳақиқий эгаси розилигисиз териш, бундай ўсимликлар қонунга хилоф равишида этиширилган бўлса ҳам, файриқонуний эгалик қилиш деб тушунилиши лозим.

Гиёхвандлик воситалари ёки психотроп моддаларни ўғрилик йўли билан қонунга хилоф равишида эгаллаш гиёхвандлик воситаси ёки психотроп модда қўлга киритилган ва айбдор уларни тасарруф этиш ёки улардан ўз ихтиёрига кўра фойдаланиш имкониятига эга бўлган пайтдан эътиборан туталланган деб топилади.

Күрсатылган воситалар ва моддаларни фирибгарлик билан қонунга хилоф равища эгаллаш айбдор алдов ёки ишончни суистеъмол қилиш йўли билан гиёҳвандлик воситалари ёки психотроп моддаларни ўз тасарруфига олган пайтдан эътиборан **туталланган** жиноят ҳисобланади.

Субъектив томондан кўриб чиқилаётган жиноят тўғри қасд билан содир этилади. Айбдор гиёҳвандлик воситалари ёки психотроп моддаларни қонунга хилоф равища эгаллаётганини англайди ва шу тарзда иш кўришни истайди.

14 ёшга тўлган, ақли расо жисмоний шахс жиноят **субъекти бўлиши мумкин**.

ЖК 271-моддаси 2-қисмида:

- а) илгари гиёҳвандлик воситалари ёки психотроп моддалар билан қонунга хилоф равища муомала қилишдан иборат жиноятни содир этган шахс томонидан;
- б) бир гурӯҳ шахслар томонидан олдиндан тил бириктириб;
- в) ўзлаштириш ёки растрата қилиш йўли билан;
- г) талончилик йўли билан;
- д) мансаб мавқенини суистеъмол қилиб;
- е) тамагирлик йўли билан;
- ж) кўп миқдорда содир этилган гиёҳвандлик воситалари ёки психотроп моддаларни қонунга хилоф равища эгаллаш учун жавобгарлик назарда тутилган.

Шахс гиёҳвандлик воситалари ёки психотроп моддаларни сўнгти эгаллашидан аввал психотроп модда ёки гиёҳвандлик воситаларнинг қонунга хилоф равища муомалада бўлишини ташкил қилувчи жиҳатлардан бирини содир этган бўлса, бунинг учун илгари судланган-судланмаганигидан қатъни назар, айбдорнинг ҳаракатлари **ЖК 271-моддаси 2-қисми «а» банди** бўйича квалификация қилиниши лозим. Муҳими илгари содир этилган жиноят учун жавобгарликка тортиш муддати ўтмаган ёки судланганлик олиб ташланмаган ёки туталланмаган бўлиши керак.

Икки ёки ундан ортиқ шахслар томонидан олдиндан тил бириктириб содир этилган гиёҳвандлик воситалари ёки психотроп моддаларни қонунга хилоф равища эгаллаш **ЖК 271-моддаси 2-қисми «б» банди** билан квалификация қилинади.

Гиёҳвандлик воситадари ёки психотроп моддаларни ўзлаштириш ёки растрата қилиш йўли билан қонунга хилоф равища эгаллаш айбдорга ишониб топширилган ёки унинг ихтиёрида бўлган жиноят предметларини айбдор уларни ўз фойдасига айлантириш мақсадида ўзлаштирган (қонунга хилоф равища ўзида олиб қолган) пайтдан эътиборан ёки айбдорга ишониб топширилган ёки унинг ихтиёрида бўлган гиёҳвандлик воситалари ёки психотроп моддалар растрата

қилинган (сотилган, истеъмол қилинган, ўзга шахс фойдасига бошқа ҳар қандай тарзда ўтказилган) пайтдан эътиборан **туталланган** жиноят деб эътироф этилади.

Гиёхвандлик воситалари ёки психотроп моддаларни **талончилик йўли билан** қонунга хилоф равища эгаллаш жиноят предметларини очикдан-очиқ, шу жумладан ҳаёт ва соғлиқ учун хавфли бўлмаган зўрлик ишлатиб ёхуд шундай зўрлик ишлатиш билан қўрқитиб, айбдор гиёхвандлик воситалари ёки психотроп моддаларни эгаллаган ва унда мазкур жиноят предметларини ўз ихтиёрига кўра тасарруф этиш имконияти пайдо бўлган пайтдан эътиборан **туталланган** жиноят деб тушунилади.

Гиёхвандлик воситалари ёки психотроп моддаларни **мансаб мавқенини сунистеъмол қилиш йўли билан** қонунга хилоф равища ўз хизмат лавозимидан фойдаланиб, ўзи ёки бошқалар фойдасига эгальашини билдиради.

Гиёхвандлик воситалари ёки психотроп моддаларни **төвламачилик йўли билан** қонунга хилоф равища эгаллаш жабрланувчи ёки унинг яқин кишиларига зўрлик ишлатиш, мулкка шикаст етказиш ёки уни нобуд қилиш ёхуд жабрланувчи учун сир сақланиши лозим бўлган маълумотларни ошкор қилиш билан қўрқитиб ўзгадан бу воситаларни (моддаларни) топширишни талаб қилиш ёхуд жабрланувчини бу воситаларни (моддаларни) беришга мажбур қиладиган шароитга солиб қўйиш амалга оширилган пайтдан эътиборан **туталланган** жиноят деб тушунилади.

Қонунга хилоф сақлашдан ёки муомаладан олинган гиёхвандлик воситалари ва психотроп моддаларининг кўп бўлмаган, ўртacha ва кўп миқдорларга мансублиги рўйхати Наркотик моддалар устидан назорат қилиш бўйича Ўзбекистон Республикаси Давлат комиссиясининг 1998 йил 22 майдаги З-сонли қарори билан тасдиқланган. Бу рўйхатга мувофиқ **кўп миқдорга**, масалан, қуидагилар киради: қуритилган марихуана – 5,0 г дан ортиқ; қуритилмаган марихуана – 50,0 г ва ундан ортиқ; каннабис мойи (ҳар қандай) тўлдиргичлар мавжудлигидан қатъи назар – 0,5 г ва ундан ортиқ; гашиш мойи (ҳар қандай) тўлдиргичлар мавжудлигидан қатъи назар – 0,5 г ва ундан ортиқ; тетрагидроканнабиноллар (барча изомерлари) – 0,5 г ва ундан ортиқ; афьюон (шу жумладан тиббий афьюон) – 1,0 г ва ундан ортиқ ёки 0,01 граммдан 100 та таблетка (ҳар қандай) тўлдиргичлар мавжудлигидан қатъи назар; экстракт кўринишидаги афьюон – 1,0 г ва ундан ортиқ; қуритилган кўкнор (ҳар қандай) тўлдиргичлар мавжудлигидан қатъи назар – 10,0 г ва ундан ортиқ, қуритилмаган кўкнор – 50,0 г ва ундан ортиқ; героин – 0,005 г ва ундан ортиқ, йўлдош моддалар ва (ҳар қандай) тўлдиргичлар мавжудлигидан қатъи назар; кодсин, (асоси ва тузи) – 1,0 г ва ундан ортиқ (0,015 граммдан

66 та таблетка); кокаин (асоси ва тузи йўлдош моддалар ва (ҳар қандай) тўлдиргичлар мавжудлигидан қатъи назар) – 0,1 г ва ундан ортиқ ва ҳ.к.¹

ЖК 271-моддаси 3-қисмидаги:

- а) ўта хавфли рецидивист томонидан;
- б) уюшган гурух ёки унинг манфаатларини кўзлаб;
- в) босқинчилик йўли билан содир этилган гиёхвандлик воситалари ёки психотроп моддаларни қонунга хилоф равишида эгаллаш учун жавобгарлик назарда тутилган.

Жавобгарликни оғирлаштирувчи ҳолатлардан дастлабки иккита-сининг мазмуни юқорида ёритилган шундай белгилар билан бир хилдир.

Гиёхвандлик воситалари ёки психотроп моддаларни босқинчилик йўли билан қонунга хилоф равишида эгаллаш ўзганинг гиёхвандлик воситалари ёки психотроп моддаларини талон-торож қилиш мақсадида ҳужум қилиш, ҳаёт ёки соғлиқ учун хавфли бўлган зўрлик ишлатиш ёхуд шундай зўрлик ишлатиш билан қўрқитиш амалга оширилган пайтдан эътиборан тугалланган жиноят деб эътироф этилади.

«Гиёхвандлик воситалари ёки психотроп моддаларни ўғрилик, фирибгарлик, ўзлаштириш ёки растрата қилиш, талончилик, мансаб мавқенини сунистеъмол қилиш, товламачилик, босқинчилик йўли билан эгаллаш (Жиноят кодексининг 271-моддаси) ва ўзгалар мулкини талон-торож этишини назарда тутган тегишли моддаларида қўрсатилган жинояtlар мажмуи билан, фақат бу моддалар (моддалар қисмлари) санкцияси Жиноят кодексининг 271-моддасидагидан оғирроқ жазони кўзда тутган ҳоллардагина квалификация қилиниши лозим.

Тергов органлари ва судлар гиёхвандлик воситалари ёки психотроп моддаларни қонунга хилоф равишида эгаллашдан мақсад нима эканлигини аниқлашлари зарур. Эгаллаш келгусида ўтказиш ёки сотиш учун амалга оширилганлиги аниқланган тақдирда айборнинг ҳаракатлари қайд этилган жинояtlарга тайёргарлик кўриш деб ҳам квалификация қилиниши керак»².

¹ Қаранг: Наркотик моддалар устидан назорат қилиш бўйича Ўзбекистон Республикаси Давлат комиссиясининг 1998 й. 22 майдаги З-сонли қарори «Қонунга хилоф равишида сақлашдаги ёки муомаладаги топилган гиёхвандлик воситалари ва психотроп моддаларнинг ўлчамини оз, озгинадан кўпроқ ва кўп миқдорга мансублиги Рўйхати» // Ўзбекистон Республикасида гиёхвандлик воситалари, психотроп моддалар ва прекурсорларнинг айланиши бўйича норматив ҳужжатлар тўплами / Тузувчилари Т.К. Азизов, А.А. Туляганов. – Т.: 2005. – 231–239-6.

² Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, 1-жилд. – 35-б.

3-§. Гиёхвандлик воситалари ёки психотроп моддаларни ўтказиш мақсадини күзлаб қонунга хилоф равишида тайёрлаш, олиш, сақлаш ва бошқа ҳаракатлар қилиш, шунингдек, уларни қонунга хилоф равишида ўтказиш
(ЖК 273-моддаси)

Жиноятнинг асосий бевосита объекти гиёхвандлик воситалари, психотроп моддалар ва прекурсорларнинг муомалада бўлишини тартибга солувчи ижтимоий муносабатлардир. **Қўшимча объект – аҳолининг соғлиғи ҳисобланади.**

Ўзбекистон Республикасининг «Гиёхвандлик воситалари ва психотроп моддалар тўғрисида»ги Қонуни 3-моддаси 7-қисмига биноан, **гиёхвандлик воситалари, психотроп моддалар ва прекурсорлар билан муомала қилиш** деганда, гиёхвандлик воситалари, психотроп моддалар ва прекурсорларни олиб кириш (олиб чиқиш), транзит тарзида ўтказиш, сақлаш, бериш, сотиш, тақсимлаш, олиш, ташиш, жўнатиш, ишлаб чиқиш, ишлаб чиқариш, тайёрлаш, улардан фойдаланиш ва уларни йўқ қилиш, шунингдек, таркибида гиёхвандлик моддаси бўлган ўсимликларни етиштириш тушунилади.

NOTA BENE!

Гиёхвандлик воситалари билан қонунга хилоф равишида муомала қилиш – халқаро-хуқуқий ва давлат назорати остида бўлган гиёхвандлик воситалари ёки психотроп моддалар билан боғлиқ ижтимоий ҳавфли ва файриқонуний қилмишлар йигиндиси.

Жиноятнинг предмети гиёхвандлик воситалари ёки психотроп моддалар, шунингдек, прекурсорлардир. Мазкур жиноятнинг предмети ҳақида маълумотлар ЖК 270-моддаси таҳлил қилинганида батафсил берилган.

ЖК 273-моддаси 1-қисмидаги назарда тутилган жиноятнинг **объектив томонини** кўп бўлмаган миқдордаги гиёхвандлик воситалари ёки психотроп моддаларни ўтказиш мақсадини күзлаб қонунга хилоф равишида тайёрлаш, олиш, сақлаш, ташиш ёки жўнатиш, шунингдек, уларни қонунга хилоф равишида ўтказиш ташкил этади.

Тайёрлаш деганда, пировард натижада гиёхвандлик воситалари ёки психотроп моддалар ҳосил қилишга қаратилган ҳар қандай ҳаракат, шунингдек, тегишли рухсатномасиз наркотикларни тўйинтириш ва наркотик модданинг таъсир кучини ошириш мақсадида уларни қайта ишлаш ва тозалаш (бегона аралашмалардан холи қилиш) тушунилиши лозим. Фойдаланиш учун тайёр ҳолатдаги гиёхвандлик воситалари ва психотроп моддаларни сурункали равишида олишга қаратилган ҳаракатлар уларни ишлаб чиқариш ҳисобланади.

Тайёрлаш гиёхвандлик воситалари ёки психотроп моддаларнинг фойдаланиш учун тайёр бўлган, ҳеч бўлмаса битта дозаси яратилган пайтдан эътиборан **тугалланган** деб эътироф этилади.

ЖК 273-моддаси 1-қисмидаги назарда тутилган гиёхвандлик воситалари ёки психотроп моддаларни олиш деганда, уларни сотиб олиш, бошқа нарса ва буюмларга алмаштириш, қарзи эвазига ёки ҳадяга олиш, қарзга топиб олинган гиёхвандлик воситалари ёки психотроп моддаларни ўзлаштириш, айбдор олган моддаларининг наркотик эканлигини билган бўлса, ёввойи ҳолда ўсаётган наша ва кўкнор ўсимликлари ёки уларнинг бўлаклари, шунингдек, таркибида наркотик моддаси бўлган ўсимлик экинларининг қўриқланмаётган қолдиқларини йигиб-териб олиш тушунилади¹.

Гиёхвандлик воситалари ёки психотроп моддалар айбдорнинг ихтиёрига амалда ўтган пайтдан эътиборан олиш жинояти **тугалланган** деб ҳисобланади.

Сақлаш деганда, гиёхвандлик воситалари ёки психотроп моддаларни айбдорнинг эгалигида: ёнида, бинода, махфий ерда ва бошқа жойларда бўлиши билан боғлиқ ҳар қандай қасддан содир қилинган ҳаракатлар тушунилиши лозим².

Гиёхвандлик воситалари ёки психотроп моддаларни қонунга хилоф равища сақлаш давомли жиноят бўлгани ва қилмиш жиноят қонуни билан қўриқланадиган обьектта узоқ вақт мобайнида узлуксиз тажовузда ифодаланувчи бир неча айнан ўхшаш файриқонуний ҳаракатлардан иборат бўлганлиги боис, у жиноий қилмиш тўхтатилган ёки айбдор айбига икror бўлиб, арз қилган пайтдан эътиборан **тугалланган** деб эътироф этилади.

Ташиб деганда, ташиб усулидан қатъи назар, гиёхвандлик воситалари ёки психотроп моддаларни бир жойдан иккинчи жойга олиб ўтиш билан боғлиқ ҳар қандай қасддан қилинган ҳаракатлар тушунилиши лозим.

Гиёхвандлик воситалари ёки психотроп моддаларни қонунга хилоф равища ташибни уларни сафар чоғида қонунга хилоф равища сақлашдан фарқлаш учун айбдорнинг қасди нимага қаратилганлиги, транспорт воситасидан қандай мақсадда фойдаланилганлиги, гиёхвандлик воситалари ёки психотроп моддаларнинг миқдори ва жойланган ери ҳисобга олиниши лозим. Жумладан, ўзининг шахсий истеъмоли учун мўлжалланган гиёхвандлик воситалари ёки психотроп моддаларни сафар чоғида сақлаш қонунга хилоф равища ташиб деб топилиши мумкин эмас.

¹ Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки психотроп моддалар билан қонунга хилоф равища муомала қилишга оид жиноят ишлари бўйича суд амалиёти ҳақида»ги 21-сонли қарори // Тўплам, I-жилд. – 37-6.

² Уша жойда.

Ташиш гиёхвандлик воситалари ёки психотроп моддалар бир жойдан бошқа жойга күчирилган пайтдан эътиборан тугалланган деб эътироф этилади.

Жўнатиш деганда, гиёхвандлик воситалари ёки психотроп моддаларни ташиш жараёнида жўнатувчи иштирок этмаган вазиятда, алоқа бўлими жўнатмаси, багаж тариқасида ёки бошқа усулларда бир жойдан иккинчи жойга қонунга хилоф равишида юбориш тушунилиши лозим¹.

Жўнатиш гиёхвандлик воситалари ёки психотроп моддалар ҳар қандай усулда бир жойдан иккинчи жойга юборилган пайтдан эътиборан тугалланган деб эътироф этилади.

Гиёхвандлик воситалари ёки психотроп моддаларни қонунга хилоф равишида ўтказиш деганда, уларни турли усулда тарқатиш (ўзгага бериш, ҳадя этиш, бошқа шахсга укол қилиш, алмаштириш, қарзга ва қарзи эвазига бериш ҳамда сотиш ва ҳ.к.лар) тушунилади.

Айборда гиёхвандлик воситалари ёки психотроп моддаларни қонунга хилоф равишида ўтказиш ниятининг мавжудлиги ҳақида унинг мижоз билан келишганлиги; ушбу восита ёки модданинг анча миқдорда эканлиги ва ўтказишга қурай бўлган тарзда қадоқлангани; гиёхвандлик воситалари ёки психотроп моддаларни ўзи истеъмол қилмайдиган шахснинг олганлиги, тайёрлаганлиги ва ҳ.к.лар далолат бериши мумкин.

Ўтказиш гиёхвандлик воситалари ёки психотроп моддалар ўзга шахс ихтиёрига амалда ўтган пайтдан эътиборан тугалланган деб эътироф этилади. Бунда гиёхвандлик воситалари ёки психотроп моддаларни ўзга шахсга топшириш шакли қилмишни квалификация қилишга таъсир этмайди.

Айборга гиёхвандлик воситаси ёки психотроп модда эмаслиги аён бўлган бошқа бирон-бир ўзга моддалар ўтказилган бўлса, бундай ҳаракатлар фирибгарлик сифатида ЖК 168-моддаси билан, оловчининг ҳаракатлари эса, гиёхвандлик воситалари ёки психотроп моддаларни қонунга хилоф равишида олишга суиқасд қилиш сифатида (ЖК 25-моддаси 2-қисми ва ЖК 273-моддаси) квалификация қилиниши лозим.

Агар шахс ўтказилаётган воситалар ёки моддалар гиёхвандлик воситалари ёки психотроп моддалар эканлигини билмаган бўлса, унинг ҳаракатлари гиёхвандлик воситалари ёки психотроп моддаларни ўтказишга суиқасд қилиш сифатида квалификация қилиниши лозим. Бу ҳолда харидорлар қонунда назарда тутилган асослар мавжуд бўйган тақдирда гиёхвандлик воситалари ёки психотроп моддаларни

¹ Узбекистон Республикаси Олий суди Пленумининг 1995 йил 27 октябрлабги «Гиёхвандлик воситалари ёки психотроп моддалар билан қонунга хилоф равишида муомала қилинг» оид жиноят ишлари бўйича суд амалиёти ҳақида»ги 21-сонли қарори // Тўплам, 1-жилд. – 37-б.

қонунга хилоф равиша олишга сүйқасл қылғанлык учун жавобгар бўлишлари мумкин.

ЖК 273-моддаси 1-қисми бўйича шахсни жиноий жавобгарликка тортишнинг зарурий шарти кўрсатилган моддаларни **кўп бўлмаган миқдорда** ўтказиш мақсадини кўзлаб қонунга хилоф равиша тайёрлаш, олиш, сақлаш ва бошқа ҳаракатлар қилишдир. Гашишнинг 0,1 г гача, кўкнорининг 1,0 дан 5,0 г гача, кокайннинг 0,01 г гача бўлган миқдори кўп бўлмаган миқдор деб эътироф этилади¹.

«Айбор томонидан гиёхвандлик воситалари ёки психотроп моддаларнинг фақат бир қисми сотилиб, қолгани ҳукуқни муҳофаза қилиш органлари томонидан топилган ва олиб қўйилган ҳолларда, бундай восита ёки моддаларнинг миқдори уларнинг умумий миқдоридан келиб чиқсан ҳолда белгиланади»².

ЖК 273-моддаси 1-қисмидан назарда тутилган жиноят **субъектив томондан тўғри қасд** билан содир этилади. Айбор гиёхвандлик воситалари ёки психотроп моддаларни ўтказиш мақсадини кўзлаб қонунга хилоф равиша тайёрлаётгани, олаётгани, сақлаётгани ва бошқа ҳаракатлар қилаётгани ёки уларни қонунга хилоф равиша ўтказаётганини англайди ва шундай қилишни истайди.

Ўтказиш мақсади жиноят таркибининг зарурий (конструктив) белгиси бўлиб, бундай мақсаднинг мавжудлиги исботланмаса, қилмиш ЖК 276-моддаси (Гиёхвандлик воситалари ёки психотроп моддаларни ўтказиш мақсадини кўзламай қонунга хилоф равиша тайёрлаш, эгаллаш, сақлаш ва бошқа ҳаракатлар) билан квалификация қилиниши лозим.

1995 йил 27 октябрдаги Ўзбекистон Республикаси Олий суди Пленумининг қарорида: «Айборда қонунга хилоф равиша тайёрланган, олинган, сақданаётган гиёхвандлик воситалари ёки психотроп моддаларни ўтказиш мақсади борлиги тўғрисидаги масалани ҳал этишда (Жиноят кодекси 273-моддаси), судлар, бу восита ёки моддалар ҳақиқатдан ҳам ўтказиш учун тайёрланганлигини намоён этувчи далиллар мажмуига асосланмоқлари лозим. Масалан, гиёхвандлик воситалари ёки психотроп моддаларни фақат истеъмол қилинишини истисно этадиган миқдорда топилганлиги, наркотиклар ёки психотроп моддаларнинг маълум ўлчамда қадоқланганлиги, ташиб ёки жўнатища уларни маҳсус маҳфий жойга яширилганлиги, гиёхвандлик воситалари ёки психотроп моддаларни тайёрлаш учун

¹ Ушбу масала тўғрисида **қаранг**: Наркотик моддалар устидан назорат қилиш бўйича Ўзбекистон Республикаси Давлат комиссиясининг 1998 й. 22 майлаги 3-сонти қарори «Қонунга хилоф равиша сақлашлаги ёки муомаладаги топилган гиёхвандлик воситалари ва психотроп моддаларнинг ўлчамини оз, озгинадан кўпроқ ва кўп миқдорга мансублиги Рўйхати».

² **Қаранг**: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, I-жилд. – 36-6.

асбоб-ускуналарнинг мавжудлиги, айборнинг ўзи банди эмаслиги тўгрисида экспертиза хулоса берганлиги ва ҳ.к.лар. Ишнинг аниқланган ҳақиқий ҳолатларига қараб айборнинг ҳаракатлари Жиноят кодексининг 25-, 273-моддасининг 5-қисми билан квалификация қилиниши керак»¹.

16 ёшга тўлган ҳар қандай ақли расо жисмоний шахс жиноят субъекти бўлиши мумкин.

ЖК 273-моддаси 2-қисмидаги гиёхвандлик воситалари ёки психотроп моддаларни ўтказиш мақсадини кўзлаб озгинадан кўпроқ миқдорда қонунга хилоф равишида тайёрлаш, олиш, сақлаш, ташиб ёки жўнатиш, шунингдек, уларни кўп бўлмаган миқдорда қонунга хилоф равишида ўтказиш учун жавобгарлик белгиланган.

ЖК 273-моддаси 3-қисмидаги ушбу модданинг биринчи ёки иккинчи қисмидаги назарда тутилган қилмишлар:

а) илгари гиёхвандлик воситалари ёки психотроп моддалар билан қонунга хилоф равишида муомала қилишдан иборат жиноятни содир этган шахс томонидан;

б) бир гурӯҳ шахслар томонидан олдиндан тил бириклириб;

в) озодликдан маҳрум қилиш тариқасидаги жазони ўташ жойларида;

г) ўкув юртларида ёки ўқувчилар, студентлар ўкув, спорт ва жамоат тадбирларини ўтказадиган бошқа жойларда содир этилгани учун жавобгарлик назарда тутилган.

(Мазкур жавобгарликни оғирлаштирувчи ҳолатларнинг хусусиятлари ҳақида ЖК 247-, 270- ва 271-моддаларининг таҳлилига қаранг.)

ЖК 273-моддаси 4-қисмидаги назарда тутилган жиноятнинг обьектив томони:

1) гиёхвандлик воситалари ёки психотроп моддаларни лабораторияларда ёхуд ўзганинг мулки ҳисобланган воситалар ва асбоб-ускуналардан ёки прекурсорлардан фойдаланган ҳолда қонунга хилоф равишида тайёрлаш ёки қайта ишлашда;

2) бундай воситаларни истеъмол қилиш ёки тарқатиш учун бандихоналар ташкил қилиш ёки сақлашда;

3) ушбу модданинг иккинчи ёки учинчи қисмидаги назарда тутилган қилмишлар:

а) ўта хавфли рецидивист томонидан;

б) ўюшган гурӯҳ томонидан ёки унинг манфаатларини кўзлаб содир этилган жазони оғирлаштирувчи ҳолатлар учун жавобгарлик белгиланган.

Биринчи ҳолда маҳсус маҳфий лабораторияларда, илмий-техшириш институтларининг лабораторияларидаги, бошқа муассасаларда

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, 1-жилд. – 36-б.

воситалар, асбоб-ускуналар, прекурсорлардан фойдаланган ҳолда гиёхвандлик воситалари ёки психотроп моддаларни тайёрлаш ёки қайта ишлаш тушунилади.

Қайта ишлаш деганда, гиёхвандлик воситалари ёки психотроп моддаларни тозалаш, яъни уларни бегона аралашмалардан холи қилиш тушунилиши лозим. Айборнинг фойдаланиш учун тайёр бўлган бир ёки бир неча гиёхвандлик воситалари ёки психотроп моддаларни олиш мақсадила қаттиқ ёки суюқ қоришмадаги гиёхвандлик воситасининг миқдорини камайтиришга қаратилган ҳаракатлари ҳам қайта ишлаш сифатида баҳоланиши даркор.

Амалда аксарият ҳолларда ўсимлик хом ашёси, хусусан, кўкнор ва наша қайта ишланади. Бундай хом ашёни қайта ишлаш элаш, қуритиш, майдалаш, пресслаш, экстракт шаклига келтириш, дамлаш каби манипуляциялардан иборат бўлиши мумкин.

Гиёхвандлик воситалари ёки психотроп моддаларни лабораторияларда ёхуд ўзганинг мулки ҳисобланган воситалар ва асбоб-ускуналардан ёки прекурсорлардан фойдаланган ҳолда қонунга хилоф равиша тайёрлаш ёки қайта ишлаш гиёхвандлик воситалари ёки психотроп моддаларнинг фойдаланиш учун тайёр бўлган, шунингдек, битта дозаси яратилган пайтдан эътиборан **тугалланган** ҳисобланади.

ЖК 273-моддаси 4-қисмига кўра бангихона деганда, гиёхвандлик воситалари ёки психотроп моддаларни истеъмол қилиш ёки тарқатиш учун фойдаланилган турар жой ёки турар жой бўлмаган бино ёки хона тушунилиши лозим.

Бангихоналар ташкил қилиш – бино ёки хонани гиёхвандлик воситалари ва психотроп моддаларни истеъмол қилиш ёки тарқатиш учун мослаштириш, бу ерга гиёхвандларни чорлаш ва бошқа шунга ўхшаш ҳаракатларни ўз ичига олган фаолият.

Шахснинг бангихонани мослаштиришга ва унинг фаолиятини таъминлашга қаратилган ҳаракатлари (таъмирлаш, тозалаш, мебель билан жиҳозлаш ва ҳ.к.), агар улар бангихона ташкил қилинганидан кейин амалга оширилган бўлса, бангихонани ташкил қилиш ҳисобланмайди.

Мазкур жиноят бангихонани ташкил қилишга бевосита қаратилган ҳаракатлар бошланган пайтдан эътиборан, унинг фаолият кўрсата бошлаган-бошламаганидан қатъи назар, **тугалланган** деб эътироф этилади.

Бангихоналар сақлаш гиёхвандлик воситалари ёки психотроп моддаларни истеъмол қилиш учун маҳсус шароит яратилган хоналарни учинчи шахсларга бундай воситалар (моддалар)ни истеъмол қилиш ёки тарқатиш учун мунгизам равиша бериб туришда намоён бўлади. Масалан, гиёхвандларни қабул қилиш, уларни шприцлар ҳамда гиёхвандлик воситаларини истеъмол қилиш учун бошқа мосламалар билан таъминлаш ва ҳ.к.

Айбдорга ҳеч қандай алоқаси бўлмаган бинолар ёки хоналар (ташландиқ уй, кўп қаватли уй ертўласи ёки чордоги ва ш.к.)да жойларни мослаштириш бангихонани сақлаш сифатида қаралиши мумкин эмас.

Бангихонани сақлаш айбдор бангихонани сақлашга қаратилган ҳар қандай ҳаракатларни амалга оширган пайтдан эътиборан тугалланган деб эътироф этилади.

Ўта хавфли рецидивист томонидан ёки уюшган гуруҳ томонидан ёки унинг манфаатларини кўзлаб содир этилган гиёхвандлик воситалари ёки психотроп моддалар билан қонунга хилоф равища муюмала қилиш каби жавобгарликни оғирлаштирувчи ҳолатлар юкорида, хусусан ЖК 270-моддасида назарда тутилган жиноят таркибининг таҳлилида ёритилган белгилар билан айнан ўхашадир.

ЖК 273-моддаси 4-қисмида назарда тутилган жиноят **субъектив томондан тўғри қасд** билан содир этилади. Айбдор гиёхвандлик воситалари ёки психотроп моддаларни қонунга хилоф равища тайёрлаётгани ёки қайта ишлётганини ёинки бундай воситаларни истеъмол қилиш ёки тарқатиш учун бангихоналар ташкил қилаётгани ёки сақлаётганини англайди ва бундай қилишни истайди.

Гиёхвандлик воситалари ёки психотроп моддаларни истеъмол қилиш ёки тарқатиш учун бангихоналар ташкил қилиш ёки сақлашнинг субъектив томони зарурий белгиси бўлган **мақсад** – гиёхвандлик воситалари ёки психотроп моддаларни истеъмол қилиш учун хоналарнинг бериб турилишидир. Бунда айбдор ўзининг қонунга хилоф фаолиятидан моддий наф кўриш мақсадини кўзлаганлиги ёки кўзламаганлиги аҳамиятга эга эмас.

Гиёхвандлик воситалари ёки психотроп моддаларни кўп миқдорда қонунга хилоф равища сотишдан иборат ҳаракатлар **ЖК 273-моддаси 5-қисми** билан квалификация қилинади.

Сотиш деганда, гиёхвандлик воситалари ёки психотроп моддаларни ҳақ эвазига ўтказиш тушунилади. **ЖК 273-моддаси 5-қисмида** назарда тутилган жиноятнинг таркиби кўп миқдордаги гиёхвандлик воситалари ёки психотроп моддаларни қонунга хилоф равища сотилганида вужудга келади (жиноят **тугалланган** деб эътироф этилади).

Субъектив томондан гиёхвандлик воситалари ёки психотроп моддаларни кўп миқдорда қонунга хилоф равища сотиш ҳам тўғри қасд билан содир этилади.

ЖК 273-моддаси 6-қисмида ушбу модданинг биринчи қисмида назарда тутилган қилмишни содир этган шахс ўз ихтиёри билан айбини бўйнига олиб, ҳокимият органларига арз қилса ва гиёхвандлик воситалари ёки психотроп моддаларни топширса, унинг жазолан озод қилиниши белгиланган.

Кўрсатилган воситалар ва моддаларни ўз ихтиёри билан топшириш деганда, шахснинг амалда уларни тасарруф этиш имкониятига эга

бўла туриб, ўз ихтиёри билан ушбу моддаларни ҳокимият органларига топшириши тушунилади.

Ўзбекистон Республикаси Олий судининг тушунтиришларига кўра: «Гиёхвандлик воситалари ёки психотроп моддаларни ўз ихтиёри билан топширган шахс топширилган гиёхвандлик воситалари ёки психотроп моддаларни тайёрлаганлиги, олганлиги, шунингдек, уларни сақлаганлиги, ташиганлиги ва жўнатганлиги учун жиноий жавобгарликдан озод қилинади. Шахснинг гиёхвандлик воситалари ёки психотроп моддаларни истеъмол қилиши муносабати билан тиббий ёрдам кўрсатишни сўраб тиббиёт муассасаларига ўз ихтиёри билан мурожаат қилганлиги, уни илгари гиёхвандлик воситалари ёки психотроп моддаларни қонунга хилоф равишда олганлиги, сақлаганлиги, ташиганлиги ва жўнатганлиги, истеъмол қилганлиги учун жиноий жавобгарликдан озод қилишга фақат бундай мурожаат шахснинг бангилиқдан тузалиш нияти билан қилинган ва уни фош этилиши билан боғлиқ бўлмаган ҳоллардагина асос бўлиши мумкин»¹.

4-§. Гиёхвандлик воситалари ёки психотроп моддаларни истеъмол қилишга жалб этиш (ЖК 274-моддаси)

Гиёхвандлик воситалари, психотроп ёки шахснинг ақл-идрокига таъсир этувчи бошқа моддаларни ҳар қандай шаклда истеъмол қилишга жалб этиш жамият учун ўта хавфлидир, чунки бундай ҳаратклар ушбу воситалар ва моддаларни тарқатишнинг бир усули ҳисобланниб, кўрсатилган воситалар ва моддаларни нотиббий мақсадларда истеъмол қилишга ружу қўйган шахслар миқдорининг кўпайшига, гиёхвандлик воситаларининг қонунга хилоф муомаласи билан боғлиқ қилмишларнинг ўсишига сабаб бўлади.

Жиноятнинг асосий бевосита обьекти гиёхвандлик воситалари, психотроп ёки шахснинг ақл-идрокига таъсир этувчи бошқа моддалар билан муомалада бўлишнинг белгиланган тартибини таъминловчи ижтимоий муносабатлар ҳисобланади. **Қўшимча обьекти** – жамоат хавфсизлиги, аҳолининг соғлиғидир.

Кўриб чиқилаётган жиноятнинг предмети мавжуд эмас, чунки жиноят обьекти бўлган ижтимоий муносабатлар доирасига гиёхвандлик воситалари, психотроп ёки шахснинг ақл-идрокига таъсир этувчи бошқа моддалар кирмайди. Гиёхвандлик воситалари ва қонунда кўрсатилган бошқа моддалар жиноятни содир этиш воситаси ҳисобланади, шахс улардан фойдаланиб муайян натижга – уларни истеъмол қилишга ўзга шахсларни жалб этиш ва шу тариқа уларни ушбу моддаларга қарам қилишга ҳаракат этади.

¹ Қаранг: Ўзбекистон Республикаси Олий суди Пленумининг 1995 йил 27 октабрдаги «Гиёхвандлик воситалари ёки... // Туплам. I-жилл. – 38-6.

ЖК 274-моддасида назарда тутилган жиноятнинг **объектив томони** гиёхвандлик воситалари, психотроп ёки шахснинг ақл-идро-кига таъсир этувчи бошқа моддаларни ҳар қандай шаклда истеъмол қилишга жалб этишда ифодаланади.

Мазкур жиноятнинг объектив томони жиноий натижа – ўзга шахсни гиёхвандлик воситалари, психотроп ёки шахснинг ақл-идро-кига таъсир этувчи бошқа моддаларни ҳар қандай шаклда истеъмол қилишга жалб этишга қаратилган фаол хулқ-автор (ҳаракат) билан тавсифланади.

Ҳаракат ундашда, яъни субъектнинг ўзга шахсда кўрсатилган воситалар ёки моддаларни истеъмол қилиш майлини уйғотишга қаратилган ҳар қандай қасдан қилинган ҳаракатлар (унатиш, таклиф қилиш, маслаҳат бериш ва ш.к.)да, шунингдек, таъсир ўтказилаётган шахсни гиёхвандлик воситалари ёки психотроп моддаларни истеъмол қилдириш мақсадида алдаш, руҳий ёки жисмоний зўрлик ишлатиш, озодлигини чеклаш ва ҳ.к.ларда акс этади¹.

Ундаш шахсни ушбу моддаларни истеъмол қилишга ишонтириш ва мажбурлашда ифодаланади. Ундашнинг ишонтириш ва мажбурлаш шакли турли усул ва ҳаракатлар йигиндиси бўлиб, жиноий қилмиш субъекти уларнинг ёрдамида ўз нияти – ўзга шахсни гиёхвандлик воситалари, психотроп ёки шахснинг ақл-идро-кига таъсир этувчи бошқа моддаларни истеъмол қилишга жалб этишни рўёбга чиқаришга ҳаракат қиласди.

Ишонтириш йўли билан амалга ошириладиган ундаш деганда, ўзга шахсда гиёхвандлик воситалари ёки бошқа моддаларни унатиш, таклиф қилиш, маслаҳат бериш, қизиқтириш, устидан кулиш, ҳақ беришни ваъда қилиш (сотиб олиш) ва ҳ.к.лар воситасида истеъмол қилишга майлини уйғотишга қаратилган ҳар қандай таъсир кўрсатиш тушунилади.

Мажбурлаш йўли билан амалга ошириладиган ундаш ўзга шахсни унинг хоҳиш-ихтиёрига зид равишда қонунда кўрсатилган кўрқитиши, алдаш, шантаж қилиш, озодликни чеклаш, уриб-дўппослаш, қийнаш, азоб бериш, баданга ҳар хил оғирлиқда шикаст етказиш ёки зўрлик ишлатишнинг бошқа усуслари воситасида гиёхвандлик воситалари ёки психотроп моддаларни истеъмол қилишга мажбур қилиш мақсадида жабрланувчини жалб қилувчининг хоҳиш-иродасига бўйсундиришга қаратилган руҳий ёки жисмоний тазиқ ўтказишида ифодаланади.

Агар жабрланувчига жисмоний зўрлик ишлатиш йўли билан жалб қилиш чоғида унинг баданига енгил ёки ўртача оғир шикаст етказилган бўлса, айборнинг қилмиши **ЖК 274-моддаси 1-қисми** билан

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, 1-жилд. – 38-6.

квалификация қилинади. Аммо жабрланувчининг баданига оғир шикаст етказилган тақдирда айбдорнинг қилмиши жиноятлар мажмуи бўйича ЖК 104-моддаси (Қасдан баданга оғир шикаст етказиш) ва **ЖК 274-моддаси** билан квалификация қилиниши лозим.

Гиёҳвандлик воситалари, психотроп ёки шахснинг ақл-идрокига таъсир этувчи бошқа моддаларни истеъмол қилишга ўзга шахсни ишонтириш ёки мажбурлаш билан бевосита боғлиқ бўлмаган ҳаракатлар (масалан, мазкур воситалар ёки моддаларни ўзга шахсларнинг олдида тайёрлаш, уларни истеъмол қилиш, намойиш қилиш ва ҳ.к.) ундаш сифатида квалификация қилиниши мумкин эмас.

Жиноий ундашнинг давом этиш вақти жалб этувчи қўллаган ундаш шакллари, усууллари; ундаш юз берган шароит; жиноий қилмиш субъекти билан жабрланувчининг ўртасидаги муносабатлар; гиёҳвандлик воситалари, психотроп ва бошқа моддаларни истеъмол қилишга жабрланувчининг мойиллик даражаси ва ҳ.к.ларга боғлиқ бўлади. Шу сабабли ундаш бир марталик ва давомли жараён бўлиши ҳам мумкин. Бироқ, хукуқий баҳо бериш учун ўзга шахсни гиёҳвандлик воситалари, психотроп ёки бошқа моддаларни истеъмол қилишга ишонтириш ёки мажбурлашга бевосита қаратилган дастлабки ҳаракатлар муҳим эканлиги ҳисобга олиниб, шахсни жиноий жавобгарликка тортиш учун етарли асос деб ҳисобланади.

Мазкур жиноят шахсада гиёҳвандлик воситалари, психотроп ёки шахснинг ақл-идрокига таъсир этувчи бошқа моддаларни истеъмол қилишга майл уйғотишга ёки шахсни бундай воситалар ёки моддаларни истеъмол қилишга мажбурлашга қаратилган ҳаракатлар бошланган пайтдан эътиборан **туталланган** деб эътироф этилади. Жалб этиш учун жиноий жавобгарлик ҳатто бундай ҳаракатлар бир карра амалга оширилган ҳолда ҳам келиб чиқади ва жабрланувчи гиёҳвандлик воситалари ёки психотроп моддаларни илгари тиббий кўрсатмага биноан ёки шифокор кўрсатмасиз истеъмол қилгани қилмишни квалификация қилиш учун аҳамиятга эга эмас.

Агар кўрсатилган воситалар ёки моддаларни истеъмол қилишга жалб этган шахс айни вақтда уларни қонунга хилоф равишида ўтказган ёки уларни қонунга хилоф равишида эгаллаш ёки тайёрлаш, олиш, сақлаш, ташиб, жўнатишга кўмаклашган бўлса, унинг ҳаракатлари жиноятлар мажмуи бўйича **ЖК 274-моддаси** ва ишнинг ҳолатларига қараб ЖК 271-моддаси ёки 273-моддаси билан квалификация қилиниши лозим. Шахснинг гиёҳванднинг илтимосига кўра гиёҳвандлик воситалари ёки психотроп моддаларни олишда ёрдам кўрсатиши борасидаги ҳаракатлари қўшимча квалификация қилиниши мумкин эмас.

Гиёҳвандлик воситалари, психотроп ёки шахснинг ақл-идрокига таъсир этувчи бошқа моддалар жиноятни содир этиш **воситаси** ҳисобланади.

(«Гиёхвандлик воситалари» ва «психотроп моддалар» тушунчаларининг мазмани ҳақида батафсилоқ ЖК 270-моддаси таҳлилига қаранг.)

Шахснинг ақл-идрокига таъсир кўрсатувчи бошқа моддалар қаторига онгни заҳарлайдиган, майший ҳаётда, ишлаб чиқаришда, аҳолига тиббий ёрдам кўрсатишда кенг қўлланиладиган, онгни заҳарлайдиган, уларнинг аксарияти билан муомалада бўлишнинг алоҳида тартиби белгиланмаган бир қанча препаратлар (масалан, буғларидан нафас олиш гангтадиган локлар, бўёқлар, айрим навдаги слимлар) киради. Восита ва моддаларнинг бу гурӯҳи учун норматив белги йўқлиги туфайли тергов-суд амалиётида қўйидаги метод, яъни агар экспертиза хулосасига мувофиқ истеъмол қилинганда онгни заҳарлайдиган ва бошқа ножӯя таъсирларга сабаб бўладиган дори препаратлари ёки бошқа моддалар халқаро конвенциялар ва давлат доирасида қабул қилинган нормаларга мувофиқ гиёхвандлик воситалари ёки психотроп моддаларга мансуб деб топилмаган бўлса, улар шахснинг ақл-идрокига таъсир кўрсатувчи бошқа моддалар сифатида қаралиши лозим.

Субъектив томондан ЖК 274-моддасида назарда тутилган жиноят тўғри қасд билан содир этилади. Айбдор ўзга шахсни гиёхвандлик воситалари, психотроп ёки шахснинг ақл-идрокига таъсир этувчи бошқа моддаларни истеъмол қилишга унатиш, алдаш, руҳий ёки жисмоний зўрлик ишлатиш йўли билан ёки бошқача усулда жалб этаётганини англайди ва ушбу шахс бундай воситалар ёки моддаларни истеъмол қилишини истайди.

Мақсад ва мотивлар жиноятни квалификация қилиш учун аҳамиятга эга эмас.

16 ёшга тўлган ақли расо жисмоний шахс жиноят **субъекти** бўлиши мумкин.

Вояга етган шахс гиёхвандлик воситалари, психотроп ёки шахснинг ақл-идрокига таъсир этувчи бошқа моддаларни истеъмол қилишга вояга етмаган шахсни жалб этган бўлса, у ҳолда қилмиш ЖК 127-моддаси билан квалификация қилиниши лозим.

16 ёшга тўлган вояга етмаган шахс бошқа вояга етмаган шахсни гиёхвандлик воситалари, психотроп моддалар ёки ақл-идрокка таъсир этувчи бошқа моддаларни истеъмол қилишга жалб этиши **ЖК 274-моддаси** бўйича квалификация қилиниши керак.

Гиёхвандлик воситалари ёки психотроп моддаларни истеъмол қилишга жалб этишни ЖК 273-моддасида назарда тутилган ушбу моддаларни қонунга хилоф равишда ўтказишдан фарқлаш лозим. Гиёхвандлик воситалари ёки психотроп моддаларни тарқатиш шакли ҳисобланган ўтказиш, яъни ўзга шахслар ихтиёрига ва тасарруфига бериш кўрсатилган воситалар ёки моддаларни пулга ёки текинга

сотишининг ҳар қандай усууларини назарда тутади. Гиёхвандлик воситаси ёки психотроп моддани ўзга шахсга ўтказишнинг оддий усули, яъни уларни сотиш, ҳадя қилиш, қарз эвазига бериш, қарзга бериш, айирбошлиш ва ҳ.к.лар ўз мазмунига кўра жалб этувчи мазкур қилмишга ўзга шахсни оғдираёттанд қўллайдиган усууллар билан мос келмайди, чунки бу доим гиёхвандлик воситалари ёки психотроп моддаларни истеъмол қилишга жалб этиш мақсадида руҳий таъсир ўтказишни назарда тутади, бу эса ўтказишга хос эмас. Бинобарин, агар ўтказиш жабрланувчидан унга ўтказилаётган гиёхвандлик воситасини истеъмол қилишга майл уйғотиш мақсадида унга руҳий таъсир ўтказиш билан бирга амалга оширилган бўлмаса, у факат ЖК 273-моддасида назарда тутилган жиноятни ташкил қиласи.

Жалб этишда жалб этувчининг дастлабки ташаббусини мазкур жиноятнинг зарурый шарти деб ҳисоблаш лозим. Ўтказиш доим гиёхвандлик воситаси ёки психотроп моддани сотиш чоғида юз беради ва бунда ким ташаббус қўрсатгани аҳамиятга эга бўлмайди. Агар гиёхвандлик воситаси ёки психотроп модда уни олишни истаган шахснинг илтимосига, ташаббусига биноан ўтказилаётган бўлса, бу моддаларни истеъмол қилишга жалб этиш таркиби мавжуд бўлмайди, қилмиш ўтказувчи учун ЖК 273-моддаси билан, олувчи учун эса, мақсадга қараб, ЖК 273-моддаси ёки 276-моддаси билан квалификация қилинади.

Гиёхвандлик воситаси ёки психотроп модда ҳақ эвазига ўтказилган бўлса, кўриб чиқилаётган жиноятларнинг мажмуи мавжуд бўлмайди. Бундай ўтказиш ҳаракатлари, одатда, жалб этиш билан боғлиқ бўлмайди, чунки уларни содир этишга тамагирлик нияти туртки бериб, бундан наф кўриш мақсади кўзланган бўлади.

Мотив ва мақсад айбнинг мазмунини белгилайди, яъни ўтказувчи гиёхвандлик воситалари ёки психотроп моддаларни ўтказар экан, шу тариқа уларни истеъмол қилишга ўзга шахсни жалб этишни эмас, балки қўрсатилган воситалар ёки моддаларни сотишни ва бундан моддий фойда олишни кўзлайди. Аммо жалб этиш ҳақ эвазига ўтказиш билан бирга амалга оширилган тақдирда жиноятлар мажмуи мавжуд бўлади. Гиёхвандлик воситаларини бирорга меҳмон қилиш тарикасида текинга ўтказиш юз берган ва бу вақт жиҳатидан уларни истеъмол қилишга ишонтириш ёки мажбурлаш (жалб этиш) билан мос келган тақдирда ҳам қилмиш жиноятлар мажмуи бўйича квалификация қилиниши дозим.

ЖК 274-моддаси 2-қисмидан:

а) илгари гиёхвандлик воситалари ёки психотроп моддалар билан қонунга хилоф равишда муомала қилишдан иборат жиноятни содир этган шахс томонидан;

б) озодликдан маҳрум қилиш жазосини ўташ жойларида;

в) икки ёки ундан ортиқ шахсга нисбатан содир этилган гиёх-вандлик воситалари, психотроп ёки шахснинг ақл-идроқига таъсир этувчи бошқа моддаларни ҳар қандай шаклда истеъмол қилишга жалб этиш учун жавобгарлик назарда тутилган.

Жиноят субъекти сифатида илгари ЖК Максус қисмининг XIX бобида кўрсатилган гиёхвандлик воситалари ёки психотроп моддалар билан қонунга хилоф равишида мумомала қилийшдан иборат жиноятлардан бирини ёки ЖК 127-моддаси (Вояга етмаган шахсни ғайриижтимоий хатти-ҳаракатларга жалб қилиш) 2-қисмида назарда тутилган жиноятни содир этган ҳолларда, у мазкур жиноят учун ҳукм қилинган ёки қилинмаганилигидан қатъи назар, унинг ҳаракатлари ЖК 274-моддаси 2-қисми «а» банди билан квалификация қилиниши лозим.

Агар гиёхвандлик воситалари, психотроп ёки шахснинг ақл-идроқига таъсир кўрсатувчи бошқа моддаларни истеъмол қилишга жалб этиш озодликдан маҳрум қилиш сифатидаги жазони ижро этиш жойларида (барча турдаги колониялар ва турмада) амалга оширилган бўлса, қилмиш ЖК 274-моддаси 2-қисми «б» банди билан квалификация қилиниши лозим.

Гиёхвандлик воситалари, психотроп ёки шахснинг ақл-идроқига таъсир кўрсатувчи бошқа моддаларни истеъмол қилишга икки ёки ундан ортиқ шахсларда гиёхвандлик воситалари ёки психотроп моддаларни истеъмол қилиш майлини уйғотишга қаратилган ҳаракатлари, бу ҳаракатлар бир неча шахсларга нисбатан бир вақтнинг ўзида ёки уларнинг ҳар бирига нисбатан турли вақтда содир этилганлигидан қатъи назар, ЖК 274-моддасининг 2-қисми «в» банди билан квалификация қилиниши керак¹.

5-§. Гиёхвандлик воситалари ёки психотроп моддалар ишлаб чиқариш ёки улардан фойдаланиш қоидаларини бузиш (ЖК 275-моддаси)

Жиноятнинг бевосита асосий обьекти гиёхвандлик воситалари, психотроп моддалар ва прекурсорларни ишлаб чиқариш ва тарқатиш билан шуғулланувчи давлат корхоналари, ташкилотлар, муассасаларнинг нормал фаолиятини таъминловчи ижтимоий муносабатлардир. **Қўшимча обьект** – аҳоли соғлигининг хавфсизлиги ҳисобланади.

Жиноятнинг предметини гиёхвандлик воситалари ёки психотроп моддалар ташкил этади.

¹ Қаранг: Ўзбекистон Республикаси Олий суди Пленумининг 1995 йил 27 октябрдаги «Гиёхвандлик воситалари ёки... // Тўплам, 1-жилд. – 38-б.

(Мазкур тушунчалар мазмуни ЖК 270-моддаси таҳлилида батагасил берилган.)

ЖК 275-моддасида назарда тутилган жиноятнинг объектив томони гиёхвандлик воситалари ёки психотроп моддаларни ишлаб чиқариш, сақлаш, ҳисобга олиш, бериш, ташиш ёки жўнатишнинг белгиланган қоидаларини бузиш билан тавсифланади.

Кўриб чиқилаёттган норма бланкет диспозицияли бўлиб, жавобгарлик норматив ҳужжатларда ифодаланган, кўрсатилган воситалар ёки моддаларни ишлаб чиқариш, сақлаш, ҳисобга олиш, бериш, ташиш ёки жўнатишга тааллуқли бўлган қайси маҳсус қоидалар айборд томонидан бузилганини ва унинг қайси конкрет қилмишида бу қоидабузарлик намоён бўлганини аниқлаш заруриятини белгилайди. Кўрсатилган қоидаларни тартибга солувчи норматив ҳужжатлар қаторига Ўзбекистон Республикаси Вазирлар Маҳкамасининг «Гиёхвандлик воситалари, психотроп моддалар ва прекурсорларнинг муомалада бўлиши билан боғлиқ фаолиятни лицензиялаш тўғрисида» 2003 йил 16 июнданги 315-сон қарори¹; Гиёхвандлик воситалари, психотроп моддалар ва прекурсорлардан экспертилик фаолиятида фойдаланиш тартиби тўғрисидаги Низом (Ўзбекистон Республикаси Вазирлар Маҳкамасининг 2003 йил 26 июнданги 288-сон қарорига² илова); Ўзбекистон Республикаси Вазирлар Маҳкамасининг «Ўзбекистон Республикасида гиёхвандлик воситалари, психотроп моддалар ва прекурсорларнинг муомалада бўлиш тартибини белгилаб берувчи низомларни тасдиқлаш тўғрисида» 2003 йил 29 октябрдаги 472-сон қарори³; Ўзбекистон Республикаси Соғлиқни сақлаш вазирлиги ва Ички ишлар вазирлигининг «Гиёхвандлик воситалари, психотроп моддалар ва прекурсорларни сақлаш бўйича техник талаблар тўғрисида Низомни тасдиқлаш ҳақида» 2001 йил 17 июнданги 2/2-сон қарори⁴ (Адлия вазирлиги томонидан 2001 йил 11 юнда 1048-сон билан давлат рўйхатидан ўтказилган); Гиёхвандлик воситалари, психотроп моддалар ва прекурсорлардан тиббий мақсадларда фойдаланиш тартиби⁵ (Ўзбекистон Республикаси Соғлиқни сақлаш вазирининг 2001 йил 19 январдаги 29-сон буйруғига 1-илова); Гиёхванд моддалар, психотроп воситалар ва прекурсорларни сақлаш, бериш, сотиш, тақсимлаш ва ҳисобга олиш шартлари тўғрисидаги

¹ Ўзбекистон Республикаси қонун ҳужжатлари тўплами, 2003 й., 14-сон, 114-модда; 2006 й., 20-21-сон, 181-модда; 46-47-сон, 458-модда.

² Ўзбекистон Республикаси қонун ҳужжатлари тўплами, 2003 й., 12-сон, 96-модда.

³ Ўзбекистон Республикаси қонун ҳужжатлари тўплами, 2003 й., 20-сон, 198-модда; 2004 й., 30-сон, 345-модда.

⁴ Ўзбекистон Республикаси вазирликлари, давлат қўмиталари ва идораларининг месёрий ҳужжатлари ахборотномаси. 2003 й., 13-сон.

⁵ Справочник «Фармацевтическая деятельность в Республике Узбекистан». — Т.: Изд-во имени Абу Али ибн Сины, 2003.

Низом¹ (Ўзбекистон Республикаси Соғлиқни сақлаш вазирининг 2001 йил 28 ноябрдаги 527-сон буйруғи билан тасдиқланган, Ўзбекистон Республикаси Адлия вазирлиги томонидан 2001 йил 29 декабрда 1090-сон билан давлат рўйхатидан ўтказилган) ва бошқа хужжатлар² киради.

«Гиёҳвандлик воситалари ва психотроп моддалар тўғрисида»ги Қонуннинг 18-моддасига мувофиқ гиёҳвандлик воситалари ва психотроп моддаларини ишлаб чиқиш фақат давлат эҳтиёжлари учун буюртмага мувофиқ мазкур фаолият тури учун лицензияси бўлган давлат илмий-тадқиқот муассасалари томонидан амалга оширилади. Тиббий мақсадларда фойдаланиладиган янги гиёҳвандлик воситалари ва психотроп моддаларни давлат рўйхатидан ўтказиш қонун хужжатларига мувофиқ амалга оширилади. Шу Қонуннинг 19-моддасига мувофиқ II рўйхатга киритилган гиёҳвандлик воситаларини Қонунда белгиланган мақсадларда ишлаб чиқариш ва тайёрлаш Ўзбекистон Республикасининг эҳтиёжлари доирасида давлат корхоналари ва муассасалари томонидан, муайян гиёҳвандлик воситаларини ишлаб чиқариш ва тайёрлаш учун лицензиялари бўлган тақдирда амалга оширилади. III рўйхатга киритилган психотроп моддаларни қонунда белгиланган мақсадларда ишлаб чиқариш ва тайёрлаш маҳсус ваколатли орган қарорига мувофиқ юридик шахслар томонидан, муайян психотроп моддаларни ишлаб чиқариш ва тайёрлаш учун лицензиялари бўлган тақдирда амалга оширилади. IV рўйхатга киритилган прекурсорларни қонунда белгиланган мақсадларда ишлаб чиқариш ва тайёрлаш Ўзбекистон Республикасининг эҳтиёжлари доирасида давлат корхоналари ва муассасалари томонидан, муайян прекурсорларни ишлаб чиқариш ва тайёрлаш учун лицензиялари бўлган тақдирда амалга оширилади³. Гиёҳвандлик воситалари, психотроп моддалар ва прекурсорларни ишлаб чиқариш ва тайёрлашни амалга оширувчи юридик шахслар қонун хужжатларига мувофиқ давлат рўйхатидан ўтказилади.

Кўрсатилган Қонуннинг 13-моддасига мувофиқ гиёҳвандлик воситалари, психотроп моддалар ва прекурсорларни сақлаш маҳсус ажратилган ва жиҳозланган жойларда, ваколатли орган томонидан белгиланган тартибда мазкур фаолият тури учун лицензияси бўлган юридик шахслар томонидан амалга оширилиши тушунилади.

¹ Ўзбекистон Республикаси вазирлклари, давлат қўмиталари ва идораларининг меъёрий хужжатлари ахборотномаси, 2001 й., 23-24-сон.

² Қаранг: Ўзбекистон Республикасида гиёҳвандлик воситалари, психотроп моддалар ва прекурсорларнинг айланиши бўйича норматив хужжатлар тўплами / Тузувчилари: Т.К. Азизов, А.А. Туляганов. – Т.: 2005.

³ Қаранг: Гиёҳвандлик воситалари, психотроп моддалар ва прекурсорларнинг муомалада бўлиши билан боғлиқ фаолиятни лицензиялаш тўғрисидаги Низом (Вазирлар Маҳкамасининг 2003 йил 16 июлдаги 315-сон қарорига I-илова).

Ҳисобга олиш қоидаларини бузиш гиёхвандлик воситалари ёки психотроп моддаларнинг муомаласи билан боғлиқ операцияларни маҳсус рўйхатта олиш журналларини юритиш ва сақлаш тартибининг бузилишидир. Белгиланган қоидалар гиёхвандлик воситалари ёки психотроп моддаларнинг муомаласи билан боғлиқ фаолиятни амалга оширувчи юридик шахсларга рўйхатдан ўтказиш журналларини юритиш мажбуриятини юклайди. Журналда гиёхвандлик воситалари ва психотроп моддаларнинг миқдори ва ҳолати ўзгаришига сабаб бўлувчи фаолиятни амалга ошириш чоғидаги ҳар қандай операциялар кўрсатиб ўтилиши лозим.

Кўрсатилган Қонуннинг 14-моддасида гиёхвандлик воситалари, психотроп моддалар ва прекурсорларни **бериш**, сотиш ва тақсимлаш маҳсус ваколатли орган белгилаган тартибда, юридик шахслар томонидан, мазкур фаолият турлари учун лицензиялари бўлган тақдирда амалга оширилиши белгиланган¹.

Қонуннинг 12-моддасига мувофиқ гиёхвандлик воситалари, психотроп моддалар ва прекурсорларни **олиб кириш** (**олиб чиқиши**)га лицензия, шунингдек, олиб кириш (**олиб чиқиши**) ҳукуқи тўғрисида маҳсус ваколатли орган томонидан бериладиган сертификат бўлган тақдирда йўл қўйилади. Гиёхвандлик воситалари, психотроп моддалар ва прекурсорларни маҳсус ваколатли орган руҳсатисиз Ўзбекистон Республикаси ҳудуди орқали транзит тарзида ўтказиш тақиқланади².

Шу Қонуннинг 16–17-моддаларига мувофиқ Ўзбекистон Республикаси ҳудудида гиёхвандлик воситалари, психотроп моддалар ва прекурсорларни **ташиб** маҳсус ваколатли орган белгилаган тартибда, юридик шахслар томонидан, мазкур фаолият тури учун лицензияси бўлган тақдирда амалга оширилади. Гиёхвандлик воситалари, психотроп моддалар ва прекурсорларни почта жўнатмаларида жўнатиш тақиқланади, қонун ҳужжатларида назарда тутилган ҳоллар бундан мустасно.

Белгиланган қоидаларни бузиш юқорида кўрсатилган нормалар ва қоидаларга риоя этмаслиқда, шунингдек, гиёхвандлик воситалари, психотроп моддалардан фойдаланиш ва уларни сотиш тартиби устида лозим даражада назорат қилмаслиқда ифодаланади.

¹ Гиёхванд моддалар, психотроп воситалар ва прекурсорларни сақлаш, бериш, сотиш, тақсимлаш ва ҳисобга олиш қоидалари тўғрисида батафсил маълумотларни қаранг. Гиёхванд моддалар, психотроп воситалар ва прекурсорларни сақлаш, бериш, сотиш, тақсимлаш ва ҳисобга олиш шартлари тўрисидаги Низом (Ўзбекистон Республикаси Соғлиқни сақлаш вазирининг 2001 й. 28 ноябрдаги 527-сон бўйрги билан тасдиқланган, Ўзбекистон Республикаси Адлия вазирлиги томонидан 2001 йил 29 декабрда 1090-сон билан давлат рўйхатидан ўтказилган).

² Қаранг: Ўзбекистон Республикаси Вазирлар Маҳкамасининг 2000 йил 31 июлдаги «Гиёхвандлик воситалари, психотроп моддалар ва прекурсорларни Ўзбекистон Республикаси ҳудуди орқали олиб кириш, олиб чиқиши ва транзит тарзида ўтказиш тўғрисида»ги 293-соили қарори.

Жиноят гиёхвандлик воситалари ёки психотроп моддаларни ишлаб чиқариш, сақлаш, ҳисобга олиш, бериш, ташиш ёки жўнатишнинг белгиланган қоидалари бузилган пайтдан эътиборан, ижтимоий хавфли оқибатлар юз бергани ёки юз бериш реал хавфи яратилган (масалан, бу моддалар қонунга хилоф муомалага киритилган) лигидан қатъи назар, туталланган деб эътироф этилади.

Субъектив томондан бу жиноят қасддан ёки эҳтиётсизлик орқасида содир этилиши мумкин. Гиёхвандлик воситалари ёки психотроп моддаларни ишлаб чиқариш, сақлаш, ҳисобга олиш, бериш, ташиш ёки жўнатишнинг белгиланган қоидаларини бузган шахс факат мавжуд қоидалар билан таниш бўлган тақдирдагина жавобгарликка тортилади.

Ўзига топширилган иш юзасидан гиёхвандлик воситалари ёки психотроп моддаларни ишлаб чиқариш, сақлаш, ҳисобга олиш, бериш, ташиш ёки жўнатишнинг белгиланган қоидаларига риоя этишига мажбур бўлган, 16 ёшга тўлган мансабдор ва ўзга шахслар кўриб чиқилаётган жиноятнинг **субъекти** бўлади.

**6-§. Гиёхвандлик воситалари ёки психотроп моддаларни ўтказиш мақсадини кўзламай қонунга хилоф равишда тайёрлаш, эгаллаш, сақлаш ва бошқа ҳаракатлар
(ЖК 276-моддаси)**

Жиноятнинг **асосий бевосита обьекти** гиёхвандлик воситалари, психотроп моддалар ва прекурсорларнинг муомаласи билан боғлиқ ижтимоий муносабатлардир. Қилмишнинг қўшимча обьекти аҳоли соғтигининг хавфсизлигидир.

Жиноятнинг **предмети** гиёхвандлик воситалари ёки психотроп моддалардир.

(Мазкур тушунчалар мазмуни ҳақида батафсилроқ ЖК 270-моддаси таҳлилига қаранг.)

ЖК 276-моддасида назарда тутилган жиноятнинг **объектив томонини** гиёхвандлик воситалари ёки психотроп моддаларни ўтказиш мақсадини кўзламай, қонунга хилоф равишда тайёрлаш, сақлаш, эгаллаш, ташиш ёки жўнатиш ташкил этади.

(Бу қилмишлар тушунчасининг мазмуни ЖК 273-моддасида назарда тутилган жиноят таркибининг таҳлилида ёритилган.)

Субъектив томондан мазкур жиноят **тўғри қасд** билан содир этилади. Шахс гиёхвандлик воситалари ёки психотроп моддаларни қонунга хилоф равишда тайёрлаётганилиги, сақлаётганилиги, эгаллаётганилиги, ташиётганилиги ёки жўнатаётганилигини англайди ва шундай қилишни истайди.

Шахс гиёхвандлик воситалари ёки психотроп моддаларнинг муомаласи билан. боғлиқ муайян операцияларни ўтказаётганида уларни

үтказиш мақсадини күзламаганлиги құлмишни мазкур модда билан квалификация қилиниши учун асос ҳисобланади. Одатда, гиёхвандлик воситалари ёки психотроп моддаларни шахсий истеъмол учун қонунга хилоф равища тайёрлаш, сақлаш, эгаллаш, ташиш ёки жұнатыш ушбу моддада назарда тутилган жиноят таркибини ташкил этади.

16 ёшга тұлған ақли расо жисмоний шахс жиноят **субъекти** бўлиши мумкин.

ЖК 276-моддаси 2-қисміда:

а) кўп миқдорда;

б) илгари гиёхвандлик воситалари ёки психотроп моддалар билан қонунга хилоф равища муомала қилишдан иборат жиноятни содир этган шахс томонидан содир этилган гиёхвандлик воситалари ёки психотроп моддаларни үтказиш мақсадини күзламай, қонунга хилоф равища тайёрлаш, сақлаш, эгаллаш, ташиш ёки жұнатыш учун жавобгарлик назарда тутилган.

(«Кўп миқдор» (**ЖК 276-моддаси 2-қисми «а» банди**) ва «илгари гиёхвандлик воситалари ёки психотроп моддалар билан қонунга хилоф равища муомала қилишдан иборат жиноятни содир этган шахс (**ЖК 276-моддаси 2-қисми «б» банди**) тушунчаларининг мазмуни юқорида **ЖК 270-моддаси** ва **271-моддасида** назарда тутилган жиноят таркибларининг таҳлилида ёритилган.)

ЖК 276-моддаси 3-қисміда «Ушбу модданинг биринчи қисміда назарда тутилган құлмишларни содир этган шахс ўз ихтиёри билан айини бўйнига олиш тўғрисида ҳокимият органларига арз қылса ва гиёхвандлик воситалари ёки психотроп моддаларни топширса, жазодан озод қилинади», деган рафбатлантирувчи норма ўз аксини топган.

(«Ихтиёрий топшириш» тушунчасининг мазмуни ҳақида **ЖК 273-моддаси** таҳтилига қаранг.)

**«Гиёхвандлик воситалари ёки психотроп моддалар билан қонунга хилоф равища муомала қилишдан иборат жиноятлар»
мавзуси бўйича якуний саволлар**

1. Тақиқланган экинларни етиштириш қандай ҳаракатлардан иборат? Бундай экинларга нималар киради? **ЖК 270-моддаси** (Тақиқланган экинларни ғтиштириш)да назарда тутилган ўртача катталиқдаги ва катта экин майдони деганда нима тушуnilади?

2. Гиёхвандлик воситалари ёки психотроп моддаларни қонунга хилоф равища эгаллаш қандай усуллар орқали амалга оширилади? Мазкур жиноят қаочон тугалланған ҳисобланади?

3. Гиёхвандлик воситалари ёки психотроп моддалар сирасига нималар киради? Прекурсорлар нима?

4. Шахснинг ақл-идроқига таъсир этувчи бошқа моддалар сирасига нималар киради?

5. Гиёхвандлик воситалари ёки психотроп моддалар билан қонунга хилоф равиша мумомала қилиш деганда нима тушунилади? Бу тушунча қайси жиной құлмишларни ўз ичига олади?

6. ЖК 273-моддаси (Гиёхвандлик воситалари ёки психотроп моддаларни ўтказиш мақсадини күзлаб қонунга хилоф равиша тайёрлаш, олиш, сақлаш ва бошқа ҳаракатлар қилиш, шунингдек, уларни қонунга хилоф равиша ўтказиш) бүйича шахсни жиной жавобгарликка тортиш учун қандай зарурий шарт мавжуд бўлиши керак?

7. Гиёхвандлик воситалари ёки психотроп моддаларни ўтказиш нима?

8. Гиёхвандлик воситалари ёки психотроп моддаларни истеъмол қилиш ёки тарқатиш учун бангихоналар ташкил қилиш ёки сақлаш нимадан иборат?

9. Гиёхвандлик воситалари, психотроп ёки шахснинг ақл-идроқига таъсир этувчи бошқа моддаларни истеъмол қилишга жалб этиш деганда нима тушунилади? Унинг қандай турлари, содир этиш усуллари бор?

10. ЖК 274-моддаси (Гиёхвандлик воситалари ёки психотроп моддаларни истеъмол қилишга жалб этиш) учун жиной жавобгарликка тортишнинг қандай зарурий шартлари бор?

11. Гиёхвандлик воситалари ёки психотроп моддалар ишлаб чиқариш ёки улардан фойдаланиш қоидаларини бузиш нималарда ифодаланади?

12. Гиёхвандлик воситалари ёки психотроп моддаларни ўтказиш мақсадини күзламай қонунга хилоф равиша тайёрлаш, эгаллаш, сақлаш ва бошқа ҳаракатлар нималардан иборат?

Кўшимча адабиётлар

Ўқув кўлланмалар, маҳсус адабиётлар

Ахмедов Г., Кадыров М. Наркомания. Преступность. Ответственность. – Т.: 1989.

Гасанов Э.Г. Наркотизм: тенденции и меры преодоления. – М.: Учебно-консультационный центр «ЮрИнфоР», 1997.

Икрамова М.Г. Уголовно-правовая борьба с наркоманией. – Т.: «Фан», 1982.

Икрамова М.Г. Ответственность за организацию и содержание притонов для потребления наркотиков. – Т.: 1994.

Кадыров М.М. Уголовно-правовая борьба с незаконным возделыванием наркотикосодержащих культур. – Т.: 1991.

Кадыров М.М. Проблемы уголовно-правовой борьбы с незаконным оборотом наркотических средств. – Т.: «Ўзбекистон», 1993.

Калачев Б.Ф., Моднов И.С. Незаконное распространение наркотиков как многофакторная угроза национальной безопасности России. – М.: 1998. – 52 Б.

Каракетов Ю.М. О пьянстве, алкоголизме, токсикомании, наркомании, преступности и законе. – Нукус.: «Билим», 1997. – 192 Б.

Курманов К.Ш. Наркомания: уголовно-правовые и криминологические проблемы. – Фрунзе: 1989.

Майоров А.А., Малинин В.Б. Наркотики: преступность и преступления. – СПб.: «Юридический центр Пресс», 2002.

Мирошниченко Я.А., Музыка А.А. Уголовно-правовая борьба с наркоманией. – Киев: 1988.

Противодействие незаконному обороту наркотических средств и психотропных веществ. Учебное пособие / Под ред. А.Н. Сергеева. – М.: Центр юридической литературы «Щит», 2001. – 580 Б.

Прохорова М.Л. Наркотизм: уголовно-правовое и криминологическое исследование. – СПб.: «Юридический центр Пресс», 2002. – 287 Б.

Романова Л.И. Наркомания и наркотизм. – СПб.: «Юридический центр Пресс», 2003. – 481 Б.

Ўзбекистон Республикасида гиёҳвандлик воситалари, психотроп моддалар ва прекурсорларнинг айланиши бўйича норматив ҳужжатлар тўплами / Т.К. Азизов, А.А. Туляганов. – Т.: 2005.

Ткачевский Ю.М. Правовые аспекты борьбы с наркоманией и алкоголизмом. – М.: 1990.

Хоменкер М.Л. Борьба с преступлениями, связанными с наркотическими веществами. – Т.: 1976.

Илмий мақолалар

Абдумажидов А., Абдурасурова К.Р. Правовой анализ организованной преступности и наркомании. // Ж. Научные Труды Академии финансовой полиции. Вып. 2. Алматы.: Жеты жарғы. 2001. 144–147-б.

Абдухаликов М.А. Проблемы распространения наркомании и международно-правовой аспект // Гиёҳвандликка қарши кураш: назария ва амалиёт (ижтимоий-хукуқий жиҳатлар). Халқаро илмий-амалий конференция материалы. – Т.: СилМЭГ, 2002. – 48–54-б.

Ахроров Б.Ж., Бакунов П.Б. Гиёҳвандлик ёки психотроп моддалар ишлаб чиқариш ёки улардан фойдаланиш қоидаларини бузиш жиноятларининг субъектлари ва уларни квалификация қилиш муаммолари // Гиёҳвандликка қарши кураш: назария ва амалиёт (ижтимоий-

хуқуқий жиҳатлар). Халқаро илмий-амалий конференция материалари. – Т.: СилМЭГ, 2002. – 72–74-б.

Икрамова М.Г. Судебная практика по борьбе с наркоманией // Сборник научных трудов ТашГУ, – Т.: ТашГУ, 1980, № 636.

Калачев Б.Ф., Сухачевская М.В., Целинский Б.П. Подпольное производство наркотиков. Теоретические и правовые основы борьбы с незаконным оборотом наркотиков // Сборник научных трудов. – М.: ВНИИ МВД РФ, 1998. – 86–94-б.

Рахмонкулов А.Х., Қодиров М.М., Айдаров Т.Т. Гиёҳвандлик воситалари ёки психотроп моддалар билан муомала қилганлик учун жавобгарликнинг айrim муваммолари // Ҳуқуқ—Право—Law. 1999. № 2. – 89–93-б.


Сириунов П.Н. Состояние теоретической разработки проблем борьбы с незаконным оборотом наркотиков и их злоупотреблением. Теоретические и правовые основы борьбы с незаконным оборотом наркотиков. // Сборник научных трудов. – М.: 1998. – 14–31-б.

Тоҳироғ Ф. Гиёҳвандлик – хавфли иллат // Инсон ва қонун. 2002. 5-сон. – 28–30-б.

Утениязов М.К. Некоторые вопросы профилактики наркомании несовершеннолетних // Ж. Миллий истиқлол гояси ва мағкураси фалсафий ва ҳуқуқий жиҳатлар. – Т.: ЎзР ФА. Мўминов номидаги Фалсафа ва ҳуқуқ институти, 2001. – 56–58-б.

IV БОБ. ЖАМОАТ ТАРТИБИГА ҚАРШИ ЖИНОЯТЛАР

5-схема



1-§. Безорилик (ЖК 277-моддаси)

Жиноятнинг асосий бевосита объекти жамоат тартибини таъминловчи муносабатлардир. Кўшимча бевосита объекти шахснинг солиги, жисмоний дахлсизлиги, шаъни, қадр-қимматини, шунингдек, ўзганинг мулки хавфсизлигини таъминловчи ижтимоий муносабатлар ҳисобланади.

NOTA BENE!

Жамоат тартиби – хавфсизлик ва фуқароларнинг тинчлигини, ўзгалар мулкини сақлашни, жамоат ва давлат ташкилотлари, корхоналар, муассасалар, ташкилотларнинг бир меъёрда ишлаб туришини таъминлашга йўналтирилган одамлар ўртасидаги ахлоқ ва ҳуқуқ нормаларига асосланган муносабатлар тартибидир.

Объектив томондан безорилик жамиятда юриш-туриш қоидаларини қасдан менсимаслик, уриш-дўп послаш, баданга енгил шикаст етказиш ёки ўзганинг мулкига шикаст етказиш ёхуд нобуд қилиш натижасида анча миқдорда зарар етказишида ифодаланади.

«Жамиятда юриш-туриш қоидаларини менсимаслик деганда, қонунларга, ахлоқ-одоб нормаларига, жамиятда мавжуд бўлган урфодат ва анъаналарга ҳурматсизлик тушунилади»¹.

Жамиятда юриш-туриш қоидаларини менсимаслик мўлжаллланмаган жойларда алкоголь ичимликларни ичиш, фуқароларга ҳақоратомуз муомала ва шилқимлик қилиш, уят сўзлар билан сўқиниш, жамоат жойларида очиқасига ҳожат чиқариш, яланғоч ҳолда бўлиш,

¹ Қаранг: Ўзбекистон Республикаси Олий суди Пленумининг 2002 йил 14 июнлаги «Безориликка оид ишлар бўйича суд амалиёти ҳақида»ги 9-сонли қарори // Тўплам, 2-жилл. – 110-б.

ҳайвонлар билан шафқатсиз мұносабатда бўлиш, ўсимликларга зарар етказиш ва ҳ.к.ларда ифодаланади.

«Қонун мазмунига кўра, айбордor ўзининг ҳаракатлари билан жамоат тартибини бузаётганинги англаши лозим. Бунда мәзкур хатти-ҳаракатлар билан жамоат тартибини бузиш ўртасида сабабий боғланиш бўлиши шарт. Сабабий боғланиш аниқланмаган ҳолда қилмиш шахсга ёки мулкка қарши қаратидган жиноят деб баҳоланиши лозим»¹.

Жамиятдаги юриш-туриш қоидаларининг бузилиш факти ўз-ўзидан жиноят қонунига мувофиқ жазога лойиқ бўлган безорилик таркибини ташкил этмайди, балки маъмурий ҳуқуқбузарликни ташкил этади.

Судлар безорилик жинояти билан маъмурий ҳуқуқбузарлик ҳисобланмиш майда безориликни бир-биридан фарқлашлари зарур. Майда безорилик тушунчаси Ўзбекистон Республикаси Маъмурий жавобгарлик тўғрисидаги кодекси 183-моддасида берилган бўлиб, унинг мазмунига кўра, ушбу ҳуқуқбузарлик жамоат жойларида уятли сўзлар айтиш ёки шундай сўзлар билан сўкиниш, беҳаё қиликлар кўрсатиш ёхуд одамларга нисбатан ҳақоратомуз шилқимлик қилиш ҳамда жамоат тартиби ва фуқаролар осойишталигини бузиш каби жамиятда юриш-туриш қоидаларини очиқдан-очиқ менсимаслик ҳаракатларида ифодаланади. Бунда **ЖК 277-моддаси 1-қисмидаги** на-зарда тутилган жиноий оқибатлар рўй бермаган бўлиши керак. Гуруҳ томонидан содир этилган майда безориликни, башарти, уларнинг ҳаракатида **ЖК 277-моддаси 1-қисми** аломатлари бўлмаса, **ЖК 277-моддаси 2-қисми «б»** банди билан квалификация қилиш мумкин эмас.

Шунингдек, хавфли рецидивист томонидан содир этилган майда безорилик ҳам ўз-ўзидан жиноий жавобгарликни келтириб чиқармайди.

Агарда майда безорилик ҳаракатлари давом эттирилиб, айбордor нинг кейинги ҳаракатлари шахсни уриш-дўппослаш, унга енгил тан жароҳати етказиш ёки мулкка анча миқдорда шикаст етказиш ёхуд нобуд қилиш билан содир этилган бўлса, шахс маъмурий жавобгарликка тортилмасдан, фақат **ЖК 277-моддаси** бўйича жиноий жавобгарликка тортилади².

Жамиятда юриш-туриш қоидаларини бузиш билан уриш-дўппослаш ёки баданга енгил шикаст етказиш ёхуд ўзганинг мулкини нобуд қилиш ёки унга шикаст етказиш ўртасида сабабий боғлиқликнинг

¹ Каранг: Ўзбекистон Республикаси Олий суди Пленумининг 2002 йил 14 июн-даги «Безориликка оид ишлар бўйича... // Тўплам, 2-жилд. – 110-б.

² Ўша жойда. – 111-б.

мавжудлиги безорилик объектив томонининг зарурий белгиси ҳисобланади.

Кўриб чиқилаётган модда маъносида уриш-дўппослаш деганда, айбор томонидан жамиятда юриш-туриш қоидаларини қасдан бузиб, шахснинг баданига шикаст етказмаган ҳолда бир неча зарба бериш тушунилади¹.

Безориликни содир этиш чоғида баданга снгил шикаст етказиш соғлиқнинг бузилишига олиб келиши ҳам, олиб келмаслиги ҳам мумкин.

(«Мулкни нобуд қилиш», «мулкка шикаст етказиш» тушунчаларининг мазмуни ҳақида ЖК 244-моддаси таҳлилига қаранг.)

ЖК 277-моддаси 1-қисмида назарда тутилган ва уриш-дўппослаш, баданга снгил шикаст етказиш билан боғлиқ бўлган брезорилик уриш-дўппослаш ёки баданга снгил шикаст етказиш амалга оширилган пайтдан бошлаб **тугалланган** ҳисобланади. Ўзганинг мулкига шикаст етказиш ёки нобуд қилиш билан боғлиқ бўлган жамиятда юриш-туриш қоидаларини менсимаслик анча миқдорда зарар етказиш тарзидаги оқибатлар юз берган пайтдан бошлаб **тугалланган** ҳисобланади.

Субъектив томондан брезорилик тўғри қасд билан содир этилади. Айбор жамоат тартибини бузा�ётгани, дўппослаётгани, баданга шикаст етказаётгани ёки ўзганинг мулкини нобуд қилаётгани ёки унга шикаст етказаётганини англайди ва бу ҳаракатларни амалга оширишни истайди.

Мазкур жиноятнинг **мотиви** брезорилик, яъни жамиятга очиқдан очиқ ҳурматсизлик мотиви бўлиб, у ўзини атрофдагиларга ғайриқонуний қарши қўйишда, ўзининг алоҳида шахсиятини намоён қилишда, дағал кучни намойиш этишда акс этади. Бунда жиноий ҳаракат қандай предметга қаратилганлиги ва у қайси ижтимоий муносабатлар тизимида амалга оширилаётганлиги аҳамиятга эга эмас.

Жамиятга очиқдан-очиқ ҳурматсизлик деганда, умум эътироф этилган, ахлоқ, ҳукмрон одатлар, анъаналар билан мустаҳкамланган хулқ-автор қоидалари ва меъёrlарини намойишкорона менсимасликни тушуниш лозим.

Брезорилик нияти жиноий қилмишнинг ўзи, жамоат тартибини бузиш субъектга лаззат баҳш этишини англатади.

Брезориликнинг **мақсади** – зўрлик ишлатиш ўйли билан жабрла-нувчини эсанкиратиб қўйиш, унинг иродасини синдириш, уни ўз ҳукмига бўйсундириш.

16 ёшга тўлган ҳар қандай ақли расо жисмоний шахс **ЖК 277-моддаси 1-қисмида** назарда тутилган брезориликнинг **субъекти** ҳисоб-

¹ Ўзбекистон Республикаси Олий суди Пленумининг 2002 йил 14 июндаги «Брезориликка оид ишлар бўйича ... // Тўплам, 2-жилд. – 111-6.

ланади, кўриб чиқилаётган мoddанинг 2- ва 3-қисмлари бўйича эса 14 ёшга тўлган шахслар ҳам шундай субъект сифатида эътироф этилиши мумкин.

ЖК 277-моддаси 2-қисмидан:

- а) баданга ўргача оғир шикаст етказиб;
- б) бир гуруҳ шахслар томонидан;
- в) совуқ қурол ёки кишининг соғлиғи учун амалда шикаст етказиши мумкин бўлган нарсаларни (курол сифатида) намойиш қилиб, уларни қўллаш билан қўрқитиб ёхуд қўллаб;
- г) ўз мазмунига кўра умум эътироф этилган ахлоқ қоидаларини намойишкорона менсимасликда ифодаланувчи ўтакеттан беҳаёлик билан;
- д) ёш бола, қария, ногирон ёки ожиз аҳволдаги шахсларни хўрлаб;
- е) кўп микдорда зарар етказиб, бирорнинг мулкини нобуд қилиб ёки унга шикаст етказиб содир этилган безорилик учун жиноий жавобгарлик назарда тутилган.

Бир гуруҳ шахслар томонидан содир этиладиган безорилик бир гуруҳ шахсларнинг кўриб чиқилаётган жиноят объектив томонини бевосита бажаришида ифодаланади, лекин иштирокчилар олдиндан тил бириктиргмаган ҳолда ҳаракат қиласидар. Бундай ҳолларда иштирокчилар безорилик содир этаётган бажарувчига қўшиладилар.

Агар безорилик содир этиш чоғида совуқ қурол ёки шахснинг соғлиғига шикаст етказиши мумкин бўлган бошқа нарсалар намойиш қилинган (кўрсатилган), уларни ишлатиш билан қўрқитилган ёки улар ишлатилган бўлса, айборнинг ҳаракатлари **ЖК 277-моддаси 2-қисми «в» банди** бўйича квалификация қилиниши лозим.

Совуқ қурол ёки шахснинг соғлиғига шикаст етказиши мумкин бўлган бошқа нарсаларни қўллаш деганда, айборнинг улар воситасида безорилик ҳаракатлари давомида жабрланувчига тан жароҳати етказган ёки етказишига ҳаракат қилганилиги тушунилиши лозим.

Совуқ қурол деганда, ўз моҳиятига кўра инсоннинг ҳаёти ва соғлиғига қарши ишлатиш учун мўлжалланган, суд-криминалистик экспертизаси хulosасига мувофиқ совуқ қурол деб топилган нарсалар тушунилади.

(«Совуқ қурол» тушунчасининг мазмуни ҳақида батафсилоқ ЖК 242-моддаси таҳдилига қаранг.)

«Шахснинг соғлиғига амалда шикаст етказиши мумкин бўлган бошқа нарсалар туркумига айбор томонидан ўша мақсадларда безорилик ҳаракатлари давомида фойдаланилган ҳар қандай нарсалар киради»¹.

¹ Ўзбекистон Республикаси Олий суди Пленумининг 2002 йил 14 июндаги «Безориликка оид ишлар бўйича ... // Тўплам, 2-жилд. – 111-6.

Совуқ курол ёки ишлатилиши соғлиққа амалда шикаст етказиши мүмкін бўлган нарсани **намойиш қилиш** деганда, безорининг ўз ихтиёрида мавжуд бўлган нарсаларни уларни ишлатиш билан қўрқитмасдан кўрсатишга қаратилган ҳар қандай ҳаракатларини тушуниш лозим.

Совуқ курол ёки ишлатилиши соғлиққа амалда шикаст етказиши мүмкін бўлган нарсаларни **қўллаш** ёхуд **қўллаш билан** қўрқитиш деганда, айбдорнинг шахсга шикаст етказиши ёки шикаст етказишига ҳаракат қилишидан иборат бўлган ҳаракатларни, шунингдек, мазкур нарсаларнинг ишлатилиши шахс соғлиғи ёки ҳаётига амалда таҳдид уйғотувчи ҳаракатларни тушунмоқ даркор.

NOTA BENE!

Ўтакеттан беҳаёлик – жамиятда қабул қилинган ахлоқ қоидаларини, умум эътироф этилган ҳурмат, одоб қоидаларини менси-маслик, жамоат жойларида шаҳвоний табиятга эга бўлган ҳаракатларни намойишкорона бажариш, жамоат жойида қип-яланғоч ҳолда пайдо бўлиш, қариялар, ногиронлар, ожиз одамлар, аёлларни, тарихий обидаларни таҳқиrlаш ва ҳ.к.

Безорилик ҳаракатларини **ЖК 277-моддаси 2-қисми «г»** банди билан квалификация қилишда суд айбдорнинг айнан қайси ҳаракатлари ўтакеттан беҳаёлик деб баҳоланаётганлигини ҳукмда кўрсатиши шарт.

«Безорилик ҳаракатларини ўтакеттан беҳаёлик билан содир этилган деб топиш масаласини ҳал этиш чоғида суд ишнинг муайян ҳолатлари мажмуидан келиб чиқиши ҳамда содир этилган жиноятнинг хусусияти, вақти, жойи ва шарт-шароитларини инобатга олиши лозим»¹.

NOTA BENE!

Хўрлаш – бу жабрланувчининг шаъни ва қадр-қимматини таҳқиrlашга, унга маънавий, жисмоний азоб беришга қаратилган ҳар қандай ҳаракатлар.

Қонун мазмунига кўра, **ёш бола** деганда 14 ёшга тўлмаган шахс, **қария** деганда 55 ёшдан ошган аёл ва 60 ёшдан ошган эркак, ногирон деганда эса, белгиланган тартибда I, II, III гурӯҳ ногирони ёки болаликдан ногирон сифатида тан олинган шахс тушунлади.

¹ Узбекистон Республикаси Олий суди Пленумининг 2002 йил 14 июндаги «Безориликка оид ишлар бўйича ... // Тўплам, 2-жилд. – 111-6.

Ожиз аҳвол жабрланувчининг жисмоний ёки руҳий носоғломлиги туфайли жиноятчига қаршилик кўрсата олмаслигига, ўз ҳуқуқлари, манфаатлари, шаъни ва қадр-қимматини ҳимоя қила олмаслигига, шунингдек, кутилаётган хавфдан сақлана олмаслигига намоён бўлади.

Жиноий ҳаракатни ЖК 277-моддаси-2-қисми «д» банди билан квалификация қилиш учун айбдор шахс жабрланувчининг ёш болалиги, қариялиги, ногиронлиги ёки ожиз аҳволда эканлигини англаб етган бўлиши талаб этилади¹.

Кўп миқдорда зарап етказиш, бироннинг мулкини нобуд қилиш ёки унга шикаст етказиш билан боғлиқ ҳолда содир этилган безорилик ЖК 277-моддаси 2-қисми «е» банди билан қамраб олинади ва шунинг учун ҳам ушбу ҳолатни ЖК 173-моддаси билан қўшимча квалификация қилиш талаб этилмайди. Худди шунингдек, безорилик оқибатида ўзганинг мулкига шикаст етказиш ёки нобуд қилиш анча миқдорда зарап етказиш билан боғлиқ ҳолда содир этилган бўлса, қилмишни ЖК 277-моддаси 1-қисми билан квалификация қилинишининг ўзи кифоядир.

ЖК 277-моддаси 3-қисмидаги:

- а) тақроран ёки хавфли рецидивист томонидан;
- б) ўқотар қуролни намойиш қилиб, уни қўллаш билан қўрқитиб ёки қўллаб;
- в) оммавий тадбирлар ўтказилаётгани вақтда;
- г) жамоат тартибини сақлаш вазифасини бажариб турган ҳокимият вакили ёки жамоатчилик вакилига ёхуд безорилик ҳаракатларининг олдини олиш чорасини қўрган бошқа фуқароларга қаршилик кўрсатиб содир этилган безорилик учун жиноий жавобгарлик назарда тутилган.

(Тақроран ёки хавфли рецидивист томонидан содир этилиши ҳақида ЖК 247- ва 248-моддаси таҳлилига қаранг.)

Айбдорнинг ҳаракатини ЖК 277-моддаси 3-қисми «б» банди билан квалификация қилиш учун унинг безорилик ҳаракатлари давомида ўқотар қуролни намойиш қилганлиги фактининг ўзи етарлидир. Иш бўйича айбдор томонидан ўқотар қуролни қўллашга таҳдид қилинганлиги ёки қўлланилганлиги ҳолатлари жазо тайинлашда эътиборга олиниши лозим.

(«Ўқотар қурол» тушунчасининг мазмуни ҳақида ЖК 247-моддаси таҳлилига қаранг.)

Бунда судлар шуни эътиборга олишлари лозимки, айбдорнинг ҳаракатини ЖК 277-моддаси 3-қисми «б» банди билан квалификация

¹ Ўзбекистон Республикаси Олий суди Пленумининг 2002 йил 14 июннаги «Безориликка оид ишлар бўйича ... // Тўплам, 2-жилд. – 112-б.

қилиш учун қурол жиноят содир этиш пайтида отишга яроқли леб топилган бўлиши шарт. Башарти, яроқсиз бўлса, безорилик **ЖК 277-моддаси 2-қисми «в» банди** билан квалификация қилиниши лозим.

Агар безорилик жиноятини содир этишда ишлатилган ёки намойиш этилган ўқотар қурол тегишли рухсатномасиз айбдорнинг эгалигига бўлган бўлса, қўлмиш ЖК 248-моддаси билан ҳам қўшимча квалификация қилинади.

Оммавий тадбирлар пайтидаги брезорилик оммавий тартибсизликларни келтириб чиқариш таҳди билан хавфлидир.

«**Оммавий тадбирлар** деганда, белгиланган тартибда давлат ҳокимиyияти ва бошқарув органлари, жамоат бирлашмалари, шунингдек, ўзини ўзи бошқариш органлари томонидан ташкил этилган расмий тадбир (байрам сайллари, намойишлар, митинглар, мажлислар, сайловлар, халқ ҳашарлари ва ҳ.к.)лар тушунилади»¹.

NOTA BENE!

Ҳокимият вакилига қаршилик қўрсатиш – итариш, кийимни йиртиш, уриш-дўппослаш, баданга снгил ёки ўртача оғир шикаст етказиш, транспорт воситаларидан итариб тушириб юбориши, брезорилик ҳаракатларини тўхтатиш талабига жавобан уриб-дўппослаш билан қўрқитиш ва ҳ.к.ларда акс этувчи фаол ҳаракатлар.

Брезорилик ҳаракатлари давомида айбдор жамоат тартибини сақлаш вазифасини бажариб турган ҳокимият ёки жамоатчилик вакилига ёхуд брезорилик ҳаракатларининг олдини олиш (тўхтатиш) чорасини кўрган бошқа фуқароларга фаол қаршилик қўрсатса, шу жумладан уларга нисбатан ўртача оғир шикаст етказиш даражасида зўрлик ишлатса, бундай қўлмиш **ЖК 277-моддаси 3-қисми «г» банди** билан гўлиқ қамраб олинади ва ЖК бошқа моддалари билан қўшимча квалификация қилишни талаб этмайди.

Ўзбекистон Республикаси Олий суди Пленуми бу хусусда шундай тушунтириш беради: «Агар брезорилик ҳаракатларини тўхтатиш чорасини кўраётган шахсга қаршилик қўрсатиш пайтида ишлатилган зўрлик натижасида айбдор томонидан яна бошқа оғир жиноят содир этилган бўлса, бу ҳол брезорилик жинояти таркиби билан қамраб олинмайди.

Брезорилик ҳаракатлари тугагандан кейин, шу жумладан айбдор ушлангандан сўнг қўрсатилган қаршилик брезорилик жиноятининг

¹ Узбекистон Республикаси Олий суди Пленумининг 2002 йил 14 июндаги «Брезориликка оид ишлар бўйича ... // Тўплам, 2-жилд. – 113-б.

аломатларига хос ҳолат деб ҳисобланмаслиги ва бундай ҳолда қилмиш жиноятлар мажмуи билан квалификация қилиниши лозим.

Маъмурий жавобгарликка сабаб бўладиган майда безорилик давомида жамоат тартибини сақлаш вазифасини бажариб турган ҳокимият ёки жамоатчилик вакилига ёхуд бундай ҳаракатларни тўхтатиш чорасини кўрган фуқарога нисбатан қаршилик кўрсатилса, бундай қилмиш ЖК 277-моддаси 3-қисми «г» банди билан квалификация қилиниши мумкин эмас. Бу ҳолда айборнинг ҳаракатлари, кўрсатилган қаршиликнинг хусусиятига қараб, ЖК Махсус қисмининг тегишли моддалари билан квалификация қилинади¹.

Агар жамоат тартибини сақлаш вазифасини бажариб турган ҳокимият вакили ёки жамоатчилик вакилига ёхуд безорилик ҳаракатларининг олдини олиш чорасини кўрган бошқа фуқароларга қаршилик кўрсатиш билан боғлиқ безориликни амалга ошириш жараёнида бандга оғир шикаст етказилган бўлса, айборнинг ҳаракатлари жиноятлар мажмуи бўйича ЖК 104-моддаси билан квалификация қилиниши лозим.

«Тергов органлари шахсни айбланувчи тариқасида жиноят ишида иштирок этишга жалб қилиш тўғрисидаги қарорида, айлов хулосасида, суд эса ҳукмда қайси аломатларга кўра айборнинг қилмиши Жиноят кодекси 277-моддасининг тегишли қисми ва бандлари билан квалификация қилинганлигини аниқ кўрсатиши шарт.

Агар суд, айбланувчи зиммасига илгари қўйилган айлов билан боғлиқ бошқа айловни қўйиш учун ёхуд айловни оғирроқ айлов билан ёки ҳақиқий ҳолатга кўра айлов хулосасида назарда тутилганидан жиддий фарқ қиласидиган айлов билан алмаштириш учун асослар мавжуд деган фикрға келса, жиноят ишини қўшимча тергов юритиш учун қайтаради².

Бу ўринда шуни назарда тутиш керакки, суд айборнинг ҳаракатини мазкур модданинг муайян қисмидаги бир банддан ўша қисмидаги бошқа бандга қайта квалификация қилишга ҳақли эмас.

Агар ЖК Махсус қисмининг муайян моддаларида (ЖК 277-моддасидан бошқа) безорилик ўша жиноятни квалификация қилувчи алоҳида белги сифатида назарда тутилган бўлса, бу ҳолат қилмиши ЖК 277-моддаси билан қўшимча квалификация қилишни истисно этади (масалан, ЖК 104-моддаси 2-қисми «е» банди, 97-моддаси 2-қисми «л» банди).

«Судлар айбор қасдининг моҳияти ва у нимага қаратилганлигидан, содир этилган ҳаракатнинг мотиви, мақсади ва муайян ҳолатларидан келиб чиқсан ҳолда безориликни бошқа жиноятлардан фарқ-

¹ Ўзбекистон Республикаси Олий суди Пленумининг 2002 йил 14 июндаги «Безориликка оид ишлар бўйича ... // Тўплам, 2-жилд. – 113-б.

² Ўша жойла.

лай олишлари керак. Жумладан, оиласа, уйда қариндош-урұғ, танишибилишларга нисбатан содир этилган ҳақоратлаш, уриш-дүппослаш, баданга енгил шикаст етказиш каби ҳаракатлар, агар улар шахсий келишмовчилек натижасыда келиб чиққан бұлса ёхуд жабрланувчининг ножоиз хатти-ҳаракатлари оқибатида содир этилган бұлса, шахсга қарши жиноят деб бақоланиши ва ЖК Махсус қысми тегишли моддалари билан квалификация қилиниши лозим. Башарти, шахс ўз хатти-ҳаракатлари билан айни вақтда жамоат тартибини бузаётгандыгыни ва жамиятта нисбатан очиқдан-очиқ ҳурматсизлик қилаёттандыгыни ҳам яққол англаған бұлса, қылмиш безорилик сифатида квалификация қилинади ва шахсга қарши жинояттарни назарда тутувчи моддалар билан құшимча квалификация қилишни талаб этмайды.

... Безорилик жинояты аксарият ҳолларда мастилик ҳолатида ёки гиёхвандлык воситалари, психотроп ёхуд кишининг ақел-идроқига таъсир қылувчи бошқа моддалар таъсири остида содир қилинишини инобатта олган ҳолда, судлар, алкоголизмга, гиёхвандлыкка ёки за-харвандлыкка йүлиққан шахсларга нисбатан, бу ҳақда ишда тегишли тиббий хulosы мавжуд бўлганда, тиббий йўсингдаги мажбурлов чораларни кўллаш масаласини ҳукмда қилишлари лозим¹.

2-§. Қимор ва таваккалчилликка асосланған бошқа ўйинларни ташкил этиш ҳамда ўтказиш (ЖК 278-моддаси)

«Кўрилган чора-тадбирларга қарамасдан, миллий урф-одатларимиз ва аҳолининг менталитетига ёт бўлган қимор ўйинларини гайри-қонуний равищда ташкил этиш ҳолатларининг учраши давом этмоқда. Ҳукуқни муҳофаза қилиш органлари томонидан ўсмирлар ва ёшларни жалб этувчи яширин қиморхоналарни ташкил этиш фактлари аниқланмоқда»².

Бу жиноятнинг ижтимоий ҳаффлилиги шундан иборатки, қимор ўйинларини ташкил этиш ҳамда ўтказиш билан боғлиқ бўлган қонунга хилоф фаолият нақд пулларнинг банкдан ташқари муюмаласи кўпайишига, соликлар ва бошқа тўловларни тўлашдан бўйин товланишига шароит яратади ва шу тариқа мамлакатнинг иқтисодий асосларига путур етказади. Бундан ташқари, қимор ўйинларига жалб этиш фуқаролар, айниқса ёшларнинг онгига салбий таъсир кўрсатади,

¹ Узбекистон Республикасы Олий суди Пленумининг 2002 йил 14 июндаги «Безориликка оид ишлар бўйича ... // Тўплам, 2-жилд. – 114-б.

² Каранг: Узбекистон Республикаси Президентининг 2007 йил 28 мартағи «Қимор ўйинларини ташкил этиш ва ўтказиш билан боғлиқ ноконуний фаолиятнинг олдини олиш чора-тадбирлари тўғрисида»ги ПҚ-608-сон қарори // Узбекистон Республикаси қонун ҳужжатлари тўплами, 2007 й., 13-сон, 116-модда.

шунингдек, жамоат тартибининг бузилишига, спиртли ичимликлар меъёридан ортиқ истеъмол қилинишига ва ижтимоий хавфли қилмешлар (одатда, шахсга қарши жиноятлар ва турли ўғириклар), шунингдек, суицид (ўзини ўзи ўлдириш)га замин яратади.

ЖК 278-моддасида назарда тутилган жиноятнинг **асосий бевосита объекти** жамоат тартиби, яъни муҳим ижтимоий муносабатларнинг нормал ишлаб туришини, аниқроқ айтганда, одамларнинг нормал ишлаши, ўқиши, дам олишини таъминловчи, шунингдек, қимор ўйинларини ташкил этиш ҳамда ўтказиш, қимор бизнеси ривожланиши салбий оқибатларининг олдини олиш борасидаги фаолиятни давлат томонидан тартибга солиш соҳасидаги ижтимоий муносабатлардир. **Қўшимча объект** Ўзбекистон Республикасининг иқтисодиёт асослари, шунингдек, жамиятнинг ахлоқий негизларидир.

ЖК 278-моддаси 1-қисмида назарда тутилган жиноят **объектив томондан** қимор ва таваккалчиликка асосланган бошқа ўйинларни қонунга хилоф равишда ташкил этиш ёки ўтказиш, шу жумладан ана шундай ўйинлар учун қиморхоналар ташкил этиш ёки уларни сақлашда ифодатанади.

ЖК VIII бўлимида баён этилган қонун чиқарувчининг тушунтиришларига биноан, **қимор ва таваккалчиликка асосланган бошқа ўйин** – бу «ўйин ташкилотчиси (ўйин муассасаси) томонидан бир ёки ундан ортиқ иштирокчилар билан тасодифга (воқеага) ва (ёки) ўйин иштирокчисининг қобилияти, эпчилиги ва бошқа сифатларига боғлиқ бўлган ютуқ тўгрисида тузилган, таваккалчиликка асосланган битимга мувофиқ ўйин ташкилотчилари ва иштирокчиларининг хатти-ҳаракатлари мажмумини назарда тутувчи ўйин, шу жумладан тотализаторлар, казино, шунингдек ўйин автоматларидан фойдаланиладиган ўйин»дир.

Бундай ўйинларни ташкил этиш бир ёки бир неча шахсларнинг уларни ўтказиш учун зарур бўлган шароитларни яратишга қаратилган изчил ҳаракатлари (бўлгуси қиморхона ходимларини танлаш, унинг ташкилий тузилмасини ишлаб чиқиш, қиморхонани белгиланган тартибда рўйхатдан ўтказиш нияти мавжуд бўлган ҳолда устав ҳужжатларини тайёрлаш, молиявий масалаларни ҳал қилиш, қиморхонани ўйинлар ўтказиш учун маҳсус жиҳозлар билан таъминлаш, ходимларни ўқитиш ва х.к.) мажмуидир.

Қимор ва таваккалчиликка асосланган бошқа ўйинларни ўтказиш яширин ўйинхона ёки қиморхонадан бевосита уларнинг вазифасига кўра фойдаланиш ёки ўйновчиларнинг эҳтиёжларини ўзга шароитда (масалан, Интернетда, телекоммуникация тармоқларида) қондиришдан иборат. Қимор ўйинларини ўтказиш чипталарни тарқатиш, тикилган пулларни қабул қилиш, ютуқлар ўтказиш, ютуқ фондини шакллантириш ва тақсимлаш, ютуқни тўлаш каби тадбирлар мажмумини ўз ичига олиши мумкин.

Құлмиш ЖК 278-моддасы 1-қисми билан квалификация қилиниши учун қимор ва таваккалчилікка асосланған бошқа үйинларни ташкил этиш ёки уларни үтказиш қонунга хилоф бўлишү лозим.

Ўзбекистон Республикаси Президентининг 2007 йил 28 мартағи «Қимор үйинларини ташкил этиш ва үтказиш билан боғлиқ гайриқонуний фаолиятнинг олдини олиш чора-тадбирлари түгрисида»ги қарорига мувофиқ, шунингдек, қимор үйинларини ташкил этиш ва үтказиш фаолиятни давлат томонидан тартибга солишиңи такомиллаштириш, гайриқонуний қимор үйинларини ташкил этишга ҳамда уларга ўсмирлар ва ёшларни жалб этишга кўмаклашувчи шартшароитларга барҳам бериш, қимор бизнесининг ривожланиши салбий оқибатларининг олдини олиш, гайриқонуний қимор үйинлари ташкилотчилари ва қатнашчиларининг жавобгарлигини кучайтириш мақсадида Ўзбекистон Республикаси Вазирлар Маҳкамасининг «Қимор үйинларини ташкил этиш ва үтказишни янада тартибга солиши чора-тадбирлари түгрисида»ги қарори қабул қилинди ва унга кўра 2007 йил 1 сентябрдан боштаб Ўзбекистон Республикаси ҳудудида қимор үйинларини ва таваккалчилікка асосланған бошқа үйинларни (шу жумладан тотализаторлар) ташкил этиш ва үтказиш (тиражли, бирлаҳзали ва рақамли лотереялардан ташқари) тақиқланди¹.

Яъни кўриб чиқилаётган турдаги үйинларни ташкил этиш ёки үтказишнинг ўзи қонунга хилофdir, лотереялар бундан мустасно. Лотереяларни ташкил этиш ҳамда үтказиш улар лицензиялаш тартибини бузиш билан боғлиқ бўлган ҳоллардагина гайриқонуний бўлади. Қонун ҳужжатларига биноан рухсат олиш тартибиға риоя қилиниши лозим бўлиб, бунда биринчи навбатда лотереялар ташкил этишга лицензия олиш талаб қилинади². Иккинчидан, үйинлар үтказишнинг лицензияловчи орган томонидан тасдиқланган шартларига риоя қилиниши лозим³.

¹ Ўзбекистон Республикаси Вазирлар Маҳкамасининг 2007 йил 16 августдаги «Қимор үйинларини ташкил этиш ва үтказишни янада тартибга солиши чора-тадбирлари түгрисида»ги 176-сон қарори, 1-банд // Ўзбекистон Республикаси қонун ҳужжатлари тўплами, 2007 й., 33-34-сон. 344-модда.

² *Каранг:* Амалга оширилиши учун лицензиялар талаб қилинадиган фаолият турларининг Рўйхати (Ўзбекистон Республикаси Олий Мажлисининг 2001 йил 12 майдаги «Амалга оширилиши учун лицензиялар талаб қилинадиган фаолият турларининг рўйхати түгрисида»ги 222-II-сон қарорига 1-илова) // Ўзбекистон Республикаси қонун ҳужжатлари тўплами, 2002 й., 2-сон. 14-модда; Ўзбекистон Республикаси Олий Мажлисининг Ахборотномаси, 2003 й., 1-сон. 8-модда; Ўзбекистон Республикаси қонун ҳужжатлари тўплами, 2006 й., 14-сон. 110-модда; 2007 й., 29-30-сон. 295-модда, 37-38-сон. 377-модда; 2009 й., 37-сон. 403-модда.

³ *Каранг:* Лотереялар ташкил этиш ва үтказиш тартиби түгрисида Низом (Ўзбекистон Республикаси Вазирлар Маҳкамасининг 2002 й. 15 ноябрдаги «Пулбуюм лотереялари үтказышни ташкил этишни такомиллаштириш чора-тадбирлари түгрисида»ги 396-сон қарорига илова) // Ўзбекистон Республикаси қонун ҳужжатлари тўплами, 2002 й., 21-сон. 173-модда; 2006 й., 8-сон. 52-модда; 42-сон. 418-модда, 51-52-сон. 507-модда; 2009 й., 25-сон. 288-модда.

NOTA BENE!

Қимор ва таваккалчиликка асосланган бошқа ўйинлар учун қиморхона пул ёки бошқа ҳар қандай бойликлар ёхуд мулкий ва бошқа неъматлар тикиб ўйналадиган ҳар қандай ўйинларни ўтказиш учун мослаштирилган ҳар қандай хонадир.

Қиморхонанинг муқаррар белгиси унга номуайян доирадаги шахслар ташриф буюриши, шунингдек, қиморхонанинг мунтазам ишлаб туришидир.

Қиморхона ташкил этиш ва уни сақлаш деганда, унга мос келадиган хонани топиш, уни молиялаштириш, таъминлаш ёки зарур асбоб-ускуналар билан жиҳозлаш, у узоқ вақт фаолият кўрсатиши учун майший шароитларни қувватлаш, ходимларни танлаш ва жойжойига қўйиш, сиртдан никоблаш ва қўриқлашни таъминлаш, қиморхонага ўйинчиларни жалб этиш, уни реклама қилиш ва ҳоказолар тушунилади.

ЖК 278-моддаси 1-қисмида назарда тутилган жиноят қимор ва таваккалчиликка асосланган бошқа ўйинларни қонунга хилоф равища ташкил этиш ёки ўтказиш борасидаги ҳар қандай ҳаракатлар амалга оширилган пайтдан ёки ана шундай ўйинлар учун қиморхоналар ташкил этилган ёки уларни сақлашга қаратилган ҳаракатлар бажарилган пайтдан эътиборан тутталсанган ҳисобланади.

Субъектив томондан жиноят тўғри қасд билан содир этилади. Айбор қимор ва таваккалчиликка асосланган бошқа ўйинларни қонунга хилоф равища ташкил этиш ёки ўтказиш, шу жумладан ана шундай ўйинлар учун қиморхоналар ташкил этиш ёки уларни сақлашга қаратилган ҳаракатларни амалга ошираётганини англайди ва буни истайди.

Жиноятни содир этиш **мотиви ва мақсади** аксарият ҳолларда тамагирлик билан тавсифланади, лекин қилмишни квалификация қилиш учун аҳамиятга эга эмас.

16 ёшга тўлган ўйинхоналарнинг ташкилотчилари, қимор ўйинларини ўтказиш учун масъуль шахслар, шунингдек, қиморхоналарнинг ташкилотчилари ёки уларни сақловчилар ушбу жиноятнинг **субъекти** бўлиши мумкин. Ўйинчиларнинг ўзи ёки бошқа ташриф буюрувчилар, ўйинхоналар, қиморхоналарнинг ходимлари бу жиноят субъекти бўлиши мумкин эмас.

ЖК 278-моддаси 2-қисмида:

- а) такроран ёки хавфли рецидивист томонидан;
- б) уюшган гуруҳ томонидан ёки унинг манфаатларини кўзлаб содир этилган қимор ва таваккалчиликка асосланган бошқа ўйинларни қонунга хилоф равища ташкил этиш ёки ўтказиш, шу жумладан ана шундай ўйинлар учун қиморхоналар ташкил этиш ёки уларни сақлаш учун жавобгарлик белгиланган.

ЖК 278-моддаси 3-қисмидә назарда тутилган жиноятнинг объектив томони вояга етмаган шахсни қимор ва таваккалчиликка асосланган бошқа ўйинларга жалб қилиш учун маъмурий жазо қўлланилганидан кейин содир этилган айни шундай ҳаракатлар билан тавсифланади.

Айни ҳолда фақат вояга етмаган шахс, яъни айборд қимор ва таваккалчиликка асосланган бошқа ўйинларга жалб қилган пайтгача 18 ёшга тўлмаган шахс жиноятнинг **жабрланувчиси** бўлиши мумкин.

ЖК 278-моддаси 3-қисмидә назарда тутилган **жалб қилиш** деганда, айборнинг вояга етмаган шахсни қимор ва таваккалчиликка асосланган бошқа ўйинларда иштирок этишга бевосита ўйинчи сифатида жалб қилиш борасидаги изчил фаол ҳаракатлари тушунилиши лозим. Бундай вазиятда жалб қилиш одатда ўсмирда ўйнашга майл, кейинчалик эса, ўйинга руҳий қарамалик уйғотишга қаратилган ишонтириш йўли билан амалга оширилади.

(Жалб қилиш тушунчасининг мазмуни ва жалб қилиш усуслари хақида батафсилоқ ЖК 274-моддаси таҳлилига қаранг.)

Жалб қилиш вояга етмаган шахсда ўйнашга майл уйғотишга ёки уни бундай ҳаракатларни ўз хоҳиш-иродасига зид равища бажаришга мажбурашга қаратилган ҳаракатлар бошланган пайтдан эътиборан **туғалланга** жиноят деб эътироф этилади. Қўлмиш **ЖК 278-моддаси 3-қисми** билан квалификация қилиниши учун жабрланувчи қимор ва таваккалчиликка асосланган бошқа ўйинларда илгари иштирок этгани аҳамиятга эга эмас.

Яна шуни ҳам ҳисобга олиш лозимки, кўриб чиқилаётган норма маъмурий преюдицияга эга, яъни шахс **ЖК 278-моддаси 3-қисми** бўйича жавобгарликка тортилиши учун у йил давомида шундай ҳаракатлар учун ЎзМЖтК 191-моддаси (Қимор ва таваккалчиликка асосланган бошқа ўйинлар) бўйича жавобгарликка тортилган бўлиши лозим.

Субъектив томондан вояга етмаган шахсни қимор ва таваккалчиликка асосланган бошқа ўйинларга жалб қилиш **тўғри қасд** билан содир этилади. Айборд жабрланувчини ўйинга жалб қилаётганини англайди ва буни истайди. Жиноятни содир этиш **мотиви** ва **мақсади қилмишни** квалификация қилиш учун аҳамиятга эга эмас.

Жиноят **субъекти** – вояга етмаган шахсни қимор ва таваккалчиликка асосланган бошқа ўйинларга жалб қилаётган 16 ёшга тўлган шахс.

ЖК 278-моддаси 4-қисмидә назарда тутилган жиноятнинг объектив томони қимор ва таваккалчиликка асосланган бошқа ўйинларни ташкил этиш ёки ўтказиш учун телекоммуникация тармоқларида, шу жумладан Интернет жаҳон ахборот тармоғи провайдерлари томонидан хизматлар кўрсатиш, тегишли дастурий таъминотдан нусха кўпайтириш, уни кўпайтириш, тарқатиш учун маъмурий жазо қўлланилганидан кейин содир этилган айни шундай ҳаракатларда акс этади.

Телекоммуникация тармоқлари алоқа линиялари орқали ахборотни узатиш учун мўлжалланган технологик тизим бўлиб, унга кириш ҳисоблаш техникаси воситалари ёрдамида амалга оширилади.

ЖК 278-моддаси 4-қисмидә назарда тутилган телекоммуникация тармоқларида хизматлар күрсатиш қимор ва таваккалчиликка асосланган бошқа ўйинлар ҳақида ахборотни фойдаланувчига етказиш борасидаги информацион фаолиятни (ахборот хизматлари), шунингдек, поча жұнатмалари ёки электроалоқа хабарларини қабул қылиш, қайта ишлаш, узатиш ва етказиш борасидаги фаолиятни (алоқа хизматлари) амалға оширишдан иборат бўлиши мумкин.

Интернет тармоғи глобал ахборот тармоғи бўлиб, унинг қисмлари бир-бири билан ягона адрес майдони воситасида мантиқий боғланган. Интернет бир-бири билан боғланган кўп сонли компьютер тармоқларидан иборат ва компьютерлар, электрон почта, эълонлар таҳталари, маълумотлар базалари ва мунозара гуруҳларига масофадан туриб уланишни таъминлайди.

Провайдер – ахборот технологиялари соҳасида хизматлар (масалан, телекоммуникация тармоқларига улаш) кўрсатувчи шахс (фирма).

Интернет бутунжаҳон ахборот тармоғи провайдерлари деб, фойдаланувчиларга Интернет тармоғига кириш хизматларини, шу жумладан тижорат асосида телекоммуникация операторлари тармоқлари орқали ҳамда серверларни яратиш ва қувватлаш хизматларини кўрсатувчи юридик шахслар эътироф этилади.

Интернет жаҳон ахборот тармоғи провайдерлари томонидан хизматлар кўрсатиш тармоқ абонентларига амалий протоколлар: электрон почта, файлларни қабул қылиш ва узатиш, тармоқда ҳужжатларни сақлаш ҳамда қидириш ва ҳоказолар ёрдамида тақдим этиладиган функционал имкониятлар мажмуидан иборат.

Дастурий таъминот – ахборотни қайта ишлаш тизими дастурлари ҳамда бу дастурлардан фойдаланиш учун зарур бўлган дастурий ҳужжатлар мажмую¹.

(Дастурий таъминот ҳақида батағсилоқ ЖК 278³-моддаси таҳтилига қаранг.)

Қимор ва таваккалчиликка асосланган бошқа ўйинларни ташкил этиш ёки ўтказиш учун дастурий таъминотдан нусха кўпайтириш деганда, дастлаб маълумотлар блокининг бир нусхасида бажарилган ўзгаришларни бошқа нусхаларга татбиқ этиш технологиясини тушуниш лозим. Бунда базанинг барча қисмларидаги маълумотлар десярли бир вақтда ўзгаришини назарда тутивчи синхрон нусха кўпайтириш ва маълумотлар навбатма-навбат ўзгаришини назарда тутивчи асинхрон нусха кўпайтириш фарқланади.

Нусха кўпайтириш қимор ва таваккалчиликка асосланган бошқа ўйинларни ташкил этиш ёки ўтказиш учун дастурий таъминотнинг

¹ Қаранг: Ўзбекистон давлат стандарти. Ахборот технологиялари. Атамалар ва уларнинг таърифлари. О'з DSt 1047: 2003. – Ўзбекистон стандартлаштириш, метрология ва сертификатлаштириш агентлиги. – 22-6.

ҳеч бўлмаса битта нусхаси ўзгартирилган пайтдан эътиборан тугалланган деб эътироф этилади.

Мазкур дастурий таъминотни **кўпайтириш** унинг нусхалари сонини кўпайтиришни назарда тутади.

Кўпайтириш тегишли дастурий таъминотнинг ҳеч бўлмаса битта янги нусхаси яратилган пайтдан эътиборан **тугалланган** деб эътироф этилади.

ЖК 278-моддаси 4-қисми маъносида **тарқатиш** ҳар қандай моддий шаклда шакллантирилган дастурий таъминотдан фойдаланиш имкониятини номуайян доирадаги шахсларга беришга қаратилган ҳаракатлар содир этилишини англатади. Бунда тарқатиш усуллари турли-туман (тармоқ усули, сотиш, ҳадя қилиш, ижарага бериш, қарзга бериш ва бошқ.) бўлади ва қилмишни квалификация қилишда иккинчи даражали аҳамият касб этади.

Дастурий таъминотни қимор ва таваккалчиликка асосланган бошқа ўйинларни ташкил этиш ёки ўтказиш учун тарқатиш мазкур ахборотни ҳеч бўлмаса битта шахс олган вақтдан эътиборан **тугалланган** жиноят деб эътироф этилади.

ЖК 278-моддаси 4-қисми ҳам маъмурий преюдицияга эга.

ЖК 278-моддаси 4-қисмидан назарда тутилган жиноят **субъектив томондан тўғри қасл** билан содир этилади. **Мотив ва мақсад** жиноягни квалификация қилиш учун аҳамиятга эга эмас.

16 ёшга тўлган ақли расо шахс мазкур жиноят **субъекти** бўлиши мумкин.

«Жамоат тартибига қарши жиноятлар» мавзуси бўйича якуний саволлар

1. Безорилик нима? Жиноят қонунила назарда тутилган жазога лойиқ бўлган безориликнинг майда безориликдан фарқи нимада?
2. Жамоат тартиби деганда нима тушунилади?
3. Қандай ҳолатлар безорилик учун жавобгарликнинг оғирлашишини белгилайди?
4. Совуқ ва ўқотар қуроллар қаторига нималар киради?
5. Қимор, шунингдек, таваккалчиликка асосланган бошқа ўйин нимани англатади? Уларни қонунга хилоф равища ташкил этиш ёки ўтказиш нимадан иборат?
6. Қиморхона тушунчасига тавсиф беринг. Қимор ва таваккалчиликка асосланган бошқа ўйинлар учун қиморхоналар ташкил этиш деганда нима тушунилади? Бундай қиморхонани сақлаш деганда нима тушунилади?

7. Шахсни қимор ва таваккалчиликка асосланган бошқа ўйинларга жалб қилиш деганда нима тушунилади? Бундай жалб қилиш усуллари қандай?

8. ЖК 278-моддаси (Қимор ва таваккалчиликка асосланган бошқа ўйинларни ташкил этиш ҳамда ўтказиш) 4-қисми маъносида телекоммуникация тармоқларида хизматлар кўрсатиш, шунингдек, тегишли дастурий тъминотдан нусха кўпайтириш, уни кўпайтириш, тарқатиш нимадан иборат?

Қўшимча адабиётлар

Ўқув қўлланмалар, маҳсус адабиётлар

Зокирова О.Г. Предупреждение хулиганства. Учебное пособие. – Т.: «Адолат», 1999. – 86 Б.

Кадыралиева С. Хулиганство: уголовно-правовые и криминологические вопросы. – Фрунзе: «Илим», 1981.

Калмыков В.Т. Хулиганство и меры борьбы с ним. – Минск: «Беларусь», 1979.

Козаченко И.Я. Квалификация хулиганства и ограничение его от смежных составов преступлений. – Свердловск: СВЮИ, 1984.

Нарбутаев Э.Х. Квалификация преступлений против общественного порядка. Автореф. дисс. канд. юрид. наук. – Т.: 1983.

Рустамбаев М.Х. Закон и общественная безопасность. – Т.: «Ўзбекистон», 1989.

Рустамбаев М.Х. Преступления против общественной безопасности и борьба с ними. – Т.: Общество «Знание», 1983.

Тканевский Ю.М. Ответственность за хулиганство. – М.: «Знание», 1983.

Умуроев Т. Критерии квалифицирующих признаков хулиганства и применение закона // Эффективность уголовно-правовых мер борьбы с нарушениями общественного порядка. – Т.: 1985.

Утанов М.А. Проблемы борьбы с хулиганством. – Алматы: ТОО «Аяи+дет», 1998. – 224 Б.

Яценко С.С. Уголовно-правовая охрана общественного порядка. Сравнительно-правовой аспект. – Киев: 1986.

Илмий мақолалар


Антонян Ю.М., Эминов В.Е., Давитадзе М.Д. Групповое молодежное хулиганство. Современная преступность: новые исследования. // Сборник статей. – М.: 1993.

Иргашев Ю.С. Квалификация насильственных посягательств, совершаемых из хулиганских побуждений // Актуальные проблемы борьбы с преступностью. Сборник научных трудов. – Т.: 1983.

Сиденко Г.Г. О соотношении понятий общественного порядка и общественной безопасности. – Вестник МГУ. Право. 1978. № 6.

V БОБ. АХБОРОТ ТЕХНОЛОГИЯЛАРИ СОҲАСИДАГИ ЖИНОЯТЛАР

б-схема



Илмий-техника тараққистининг ривожланиши, хўжатик ва бошқарув фаолияти кенг миқёсда компьютерлаштирилиши компьютер ахборотининг мавқудтиги ва амат қилиши, шунингдек, ЭҲМдан фойдаланиш соҳасидаги турли сумистъмоллар вуҷудга келиши билан бирга юз бердиски, бу хисмоний ва юридик шахслар, жамият ва давлатнинг маълумотларни автоматлаштирилган усулда қайта ишлаш борасидаги қонуний ҳукуқлари ва манфаатларининг бузилишига олиб келди. Айни ҳол ахборот технологиялари соҳасидаги юз берастган ҳарасиёнларни жиноят-ҳукуқий тартибга солишини таъаб қилиди. Бунинг натижаси ўзароқ ЖК га компьютер жиноятлари учун жавобтарликни белгисловчи бутунлай янги боб киритилди¹.

¹ Даронг Ўзбекистон Республикасининг 2007 йыл 25 декабрдаги «Ахборотлаштириши ва компьютерлар узигина соҳасидаги хилоф тараслаглар содир этиганинг учун жиноятларни кечайтирганинг муносабатига бекаси Ўзбекистон Республикасининг зиёди қонуни ҳуқуқларнига ўзарттиши ва қўйичалар киритиш тутусинчалиги 137-сон Канунни, 1-маддасини 2-басини «Ўзбекистон Республикаси қонуни ҳуқуқларни тұжырымы, 299² ж. 52-сон, 532-модда.

1-§. Ахборотлаштириш қоидаларини бузиш (ЖК 278¹-моддаси)

NOTA BENE!

Ахборотлаштириш – юридик ва жисмоний шахсларнинг ахборотга бўлган эҳтиёжларини қондириш учун ахборот ресурслари, ахборот технологиялари ҳамда ахборот тизимларидан фойдаланган ҳолда шароит яратишнинг ташкилий, ижтимоий-иқтисодий ва илмий-техникавий жараёни¹.

Ахборотлаштириш қоидаларини бузиш жиноятининг **асосий бевосита объекты** компьютер хавфсизлигини (компьютер ахборотининг дахлсизлигини), шунингдек, маълумотларни қайта ишлаш автоматлаштирилган тизимларидан фойдаланиш тартибини таъминлашга доир ижтимоий муносабатлардир. **Қўшимча бевосита объект** сифатида бу ерда фуқароларнинг шахсий ёки мулкий манфаатларини ёхуд давлат ёки жамоат манфаатларини қўриқлаш билан боғлиқ ижтимоий муносабатлар амал қиласиди.

NOTA BENE!

Компьютер ахбороти – бу ЭҲМ, ЭҲМ системаси ёки уларнинг тармоғида мавжуд бўлган ва ЭҲМ ёрдамида қайта ишланиши мумкин бўлган у ёки бу фактлар, шахслар, воқеалар, жараёнлар ҳақидаги ахборот.

«Ахборотлаштириш тўғрисида»ги Қонунда мазкур атама билан бир хил мазмунда бўлган бошқа тушунча – «ахборот ресурси» тушунчилиги қўлланилади. У ахборот тизими таркибидағи электрон шаклдаги ахборот, маълумотлар банки, маълумотлар базасини англатади².

Ахборот (маълумотлар) хавфсизлиги деганда, куйидагилар тушунилади:

1. Ахборот (маълумотлар)нинг ахборот эгасига зиён етказувчи тасодифий ёки қасдан содир этилган таъсирларга (таҳдидларга) қаршилик кўрсатиш интеграл хоссаси. Ахборот (маълумотлар) хавфсизлиги маҳфийлик, яхлитлик ва очиқлик дарражаси билан тавсифланади.

2. Ахборот (маълумотлар)нинг ахборот (маълумотлар) чиқиб кетиши, сохталаштирилиши, нусха кўчирилиши, модификациялаштирилиши, ошкор этилиши, бузилиши, тўсилишига олиб келувчи рухсат-

¹ Қаранг: Ўзбекистон Республикасининг 2003 йил 11 декабрдаги «Ахборотлаштириш тўғрисида»ги 560-II-сон Қонуни, 3-модданинг 1-қисми // Ўзбекистон Республикаси Одий Мажлисининг Ахборотномаси, 2004 й., 1-2-сон, 10-модда.

² Ўша жойда. 3-модданинг 3-қисми.

сиз тасодифий ёки қасдан содир этиладиган ҳаракатлардан ҳимояланганлиги»¹.

Компьютер ахбороти ўз идентификация атриутларига эга бўлган алоҳида файл, дастур ёки маълумотлар базасида жамланади ва ЭҲМда, ундан алоҳида машина манбаларда, компьютер тизимлари ёки тармоқлар қурилмаларининг хотираларида сақланиши мумкин.

Машинадаги ахборот ҳисмлари – ахборотни электрон-ҳисоблаш техникаси воситаларида акс эттириш, сақлаш ва ўқиш имконини берувчи физик хоссаларга (шу жумладан физик майдонларга) эга бўлган нарсалар ва қурилмалар (ё ЭҲМ таркибий қисми, ё унинг периферия қурилмаси элементи ҳисобланган магнит дисклар, магнит тасмаси, жамғарувчи юмшоқ магнит диск (дискета), компакт-диск ва бошқ.).

ЭҲМ (электрон-ҳисоблаш машинаси) – бу «символти ва образли ахборот устида дастур ва (ёки) фойдаланувчи буюрган операцияларни (ахборотни қайта ишлаш ва қурилмаларни бошқариш борасидаги ҳаракатлар кетма-кетлигини) бажариш, шу жумладан уни киритиш-чиқариш, йўқ қилиш, нусха қўчириш, модификациялаштириш, ЭҲМ тармоғида ахборотни узатиш ва бошқа ахборот жараёнларини амалга ошириш имконини берувчи электрон қурилмалар мажмуи»².

ЭҲМ қаторига интеграциялаштирилган тизимлар (ноанънавий мазмундаги компьютерлар – уали телефон аппаратлари, пейжерлар, электрон назорат-касса машиналари, электрон банкоматлар ва пластик ҳисоб-китоб карточкалари билан ишловчи терминаллар)ни ҳам кириши лозим.

Жумладан, уали телефон тармоғи компьютер тармоғи сифатида қаралиши мумкин бўлиб, унинг таркибий қисмлари сифатида уали телефон аппаратлари, базавий станциялар, коммутатор ва контролер амал қиласди. Бунда микропроцессорли қурилма ҳисобланган уали телефон аппарати симсиз тармоқнинг узоқдаги иш жойи сифатида, марказий контролер эса, файл ва коммуникацион сервер сифатида амал қиласди. Бундай тармоқнинг иш тизими компьютер техникасига ва марказий компьютер (контролер, коммутатор) ҳамда периферия қурилмалари (уали телефон аппаратлари) ўртасида юзага келадиган ахборот алмашинувига асосланади.

Пейжинг тизими ҳам айнан шундай тармоқ сифатида қаралиши мумкин, фарқи шундаки, пейжер узоқдаги терминал ҳисобланади³.

¹ Каранг. Тармоқ стандарти. «Алоқа ва ахборотлаштириш соҳасида ахборот хавфлизиги. Атамалар ва уларниң таърифлари». TSt 45.010: 2002. – Т: Узбекистон алоқа ва ахборотлаштириш агентлиги. – 2-б.

² Крылов В.В. Информационные компьютерные преступления. – М.: ИНФРА-М–НОРМА, 1997. – 32-б.

³ Преступления в сфере компьютерной информации: квалификация и доказывание. Учеб. пособие / Под ред. Ю.В. Гаврилина. – М.: ЮИ МВД РФ, 2003. – 31–32-б.

Шу сабабли уяли алоқа ва пейжинг тармоқларидағи ахборотта ЖК «Ахборот технологиялари соҳасидаги жиноятлар» деб номланган XX¹ боби моддалари татбиқ этилади.

ЭҲМ тизими (ҳисоблаш тизими, ахборот-ҳисоблаш тизими, компьютер тизими) – «периферия қурилмалари ва дастурий таъминотнинг предмет ёки функционал белгига кўра ҳосил бўладиган, ахборотни қабул қилиш, сақлаш, қайта ишлаш ва бериш жараёнларини автоматлаштириш учун мўлжалланган ўа конкрет амалий (тор ихтисослаштирилган) вазифаларни ёки вазифалар спектрини мазкур тизим учун умумий бўлган ахборот ресурсларида ечиш мақсадида юксак даражада самарадорликка эришишга ёки ҳисоблаш техникаси воситаларининг ишончлилик даражаси, куввати ва тез ишлаш қобилиятини оширишга қаратилган ЭҲМ ёки ўзаро боғланган ва ўзаро таъсирга киришувчи процессорлар мажмуи»¹.

ЭҲМ тармоғи (ҳисоблаш тармоғи, ахборот-ҳисоблаш тармоғи, компьютер тармоғи) қуйидагиларни англатади:

«1. Маълумотларни узатиш тармоқлари мажмуи, у билан боғланган ЭҲМ ва бу боғланишни амалга ошириш учун зарур бўлган дастурий таъминот ва (ёки) техника воситаларининг ахборотни тақсимланган усулда қайта ишлашни ташкил этиш учун мўлжалланган.

2. Телекоммуникация ва маълумотларни узатиш воситалари ва (ёки) тизимларининг фойдаланувчиларга ўз ресурсларига узоқда туриб киришни ва бу ресурслардан коллектив фойдаланишни таъминловчи ўзаро боғланган ҳудудий тақсимланган маълумотларни қайта ишлаш тизимлари мажмуи»².

Ахборотлаштириш қоидаларини бузишнинг предмети ахборот тизимлари, маълумотлар базалари ва банклари, ахборотта ишлов бериш ҳамда уни узатиш тизимлари, белгиланган ҳимоя чораларини кўрмаган ҳолда ахборот тизимларидан рухсат билан фойдаланиш эса, алоҳида файл, дастур, маълумотлар базасида жамланган, интеллектуал мулк обьекти сифатида қонун билан қўриқланадиган компьютер ахбороти.

Ахборот тизими – ахборотни тўғлаш, сақлаш, излаш, унга ишлов бериш ҳамда ундан фойдаланиш имконини берадиган, ташкилий жиҳатдан тартибга солинган жами ахборот ресурслари, ахборот технологиялари ва алоқа воситалари³.

¹ Мазуров В.А. Компьютерные преступления: классификация и способы противодействия: Учебно-практическое пособие. – М.: «Палеотип», «Логос», 2002. – 59–60-б.

² Қаранг: Ўзбекистон давлат стандарти. «Ахборот технологиялари. Атамалар ва уларнинг тарьифлари». О’з DSt 1047: 2003. – 19-б.

³ Қаранг: Ўзбекистон Республикасининг 2003 й. 11 декабрдаги «Ахборотлаштириш тўғрисида»ги 560-II-сон Конуни, 3-модданинг 6-қисми.

Маълумотлар базаси – «объектив шаклда ифодаланган ҳамда электрон ҳисоблаш машиналари (ЭҲМ) ёрдамида топиш ва ишлов бериш мумкин бўладиган тарзда бир тизимга солинган маълумотлар (масалан: мақолалар, ҳисоб-китоблар) мажмуи»¹. Масалан, аҳоли учун маълумотлар базалари, қонун хужожатлари ва норматив хужожатларнинг маълумотлар базалари, архивлар, музейлар, ўқув юртлари-нинг маълумотлар базалари ва ҳ.к.

Маълумотлар банки – маълумотлар марказлаштирилган тартибда сақланадиган ва улардан коллектив тарзда фойдаланиладиган автоматлаштирилган аҳборот тизими. Маълумотлар банки таркибига бир ёки бир неча маълумотлар базалари, маълумотлар базалари маълумотномаси, маълумотлар базаларини бошқариш тизими, шунингдек, сўровлар ва амалий дастурлар кутубхоналари киради². Мисол тарикасида вазирликлар, идоралар, илмий-тадқиқот муассасалари, кутубхоналарнинг маълумотлар банкларини келтириш мумкин.

Аҳборотта ишлов бериш ҳамда уни узатиш тизими – компьютер аҳборотига ишлов бериш ҳамда уни узатишни таъминловчи бир ёки бир неча компьютерлар, периферия курилмаси ва дастурий восита-лардан таркиб топган тизим.

Аҳборотлаштириш қоидаларини бузиш **объектив томондан** белгиланган ҳимоя чораларини кўрмаган ҳолда аҳборот тизимлари, маълумотлар базалари ва банкларини, аҳборотта ишлов бериш ҳамда уни узатиш тизимларини яратиш, жорий этиш ва улардан фойдаланиш ҳамда аҳборот тизимларидан рухсат билан фойдаланиш натижасида фуқароларнинг хуқуқларига ёки қонун билан кўриқланадиган манфаатларига ёхуд давлат ёки жамоат манфаатларига кўп миқдорда зарар ёхуд жиддий зиён етказилишида акс этади.

Аҳборот тизимлари, маълумотлар базалари ва банкларини, аҳборотга ишлов бериш ҳамда уни узатиш тизимларини **яратиш** аҳборот тизимлари, маълумотлар базалари ва банклари, аҳборотга ишлов бериш ҳамда уни узатиш тизимлари яратувчи назарда туттган мақсадда фаолият кўрсатиши учун дастурий таъминотни ёзиш, аппарат восита-ларини танлаш ва ўрнатишни англатади.

Кўриб чиқилаёттан модда мазмунида **жорий этиш** аҳборот тизимлари, маълумотлар базалари ва банклари, аҳборотга ишлов бериш ҳамда уни узатиш тизимларидан уларнинг функционал вазифасига кўра амалда фойдаланилишига эришишни англатади.

¹ Қаранг. Ўзбекистон Республикасининг 1994 й. 6 майдаги «Электрон ҳисоблаш машиналари учун яратилган дастурлар ва маълумотлар базаларининг хуқуқий ҳимояси тўғрисида»ги 1060-ХII-сон Қонуни, 1-модданинг 1-қисми // Ўзбекистон Республикаси Олий Кенгашининг Аҳборотномаси, 1994 й., 5-сон, 136-модда; Ўзбекистон Республикаси Олий Мажлисининг Аҳборотномаси, 2002 й., 4-5-сон, 74-модда, 9-сон, 165-модда.

² Қаранг. Ўзбекистон давлат стандарти. «Аҳборот технологиялари. Атамалар ва уларнинг таърифлари». O'z DSt 1047: 2003. – 2-б.

Ахборот тизимлари, маълумотлар базалари ва банклари, ахборотга ишлов бериш ҳамда уни узатиш тизимларидан фойдаланиш деганда, улардан амалда фойдаланиш жараёни тушунилиши лозим.

Ахборот тизимларидан фойдаланиш деганда, шахс ЭҲМ қурилмалари билан ўзаро алоқага киришиши тушунилади. Бундай ўзаро алоқага киришиш аксарият ҳолларда компьютер ахборотига кириш мақсадида амалга оширилади. Бунинг натижасида шахс бу ахборотни ўз ихтиёрига кўра тасарруф этиш (фойдаланиш, ўзгартириш, тўсиб кўйиш, нусха кўчириш, йўқ қилиш ва ш.к.) имкониятини қўлга киритади. Айни вақтда ахборот тизимларидан (ЭҲМдан) рухсат билан фойдаланишни компьютер ахборотидан рухсат билан фойдаланишдан фарқлаш лозим. Ахборот тизимидан фойдаланишга рухсати бўлган шахснинг унда сақланаётган муайян компьютер ахборотини олишга рухсати бўлмаслиги мумкин.

(Компьютер ахборотидан рухсат билан фойдаланиш ҳақида батифсилроқ 278-модда таҳлилига қаранг.)

ЭҲМ ёки машинанинг ахборот ташувчи предмет ёки ускуналарни эгаллаш, шунингдек, компьютер ахбороти билан машина манбаларига турли нурланишлар, механик таъсирлар, электромагнит тўлқинлар ва бошқа шунга ўхшаш усууллар ёрдамида сиртдан таъсир кўрсатиш йўли билан манипуляция қилиш ахборот тизимларидан рухсат билан фойдаланиш, худди шунингдек компьютер ахборотидан рухсат билан фойдаланиш сифатида эътироф этилиши мумкин эмас.

NOTA BENE!

Ахборот тизимларидан рухсат билан фойдаланиш – ахборот тизими мулкдори ёки қонуний эгаси томонидан рухсат этилган (маъқулланган) шахснинг ЭҲМ қурилмалари билан ўзаро алоқаси.

Ўз навбатида ахборот тизимларидан рухсатсиз фойдаланиш фойдаланувчи бундай ҳаракатларни бажариш ҳуқуқига эга эмаслигини англатадики, бу фойдаланишнинг қонунга хилофлигидан далолат беради.

Жумладан, ахборот тизимларидан фойдаланиш учун рухсат (фойдаланиш ҳуқуқи)га қуйидаги шахслар эга:

— маълумотлар базаларидан фойдаланиш ёки уларга ишлов бериш режимида бевосита ишлайдиган, компьютер тизими ёки тармоғи қурилмалари билан ўзаро алоқаси ваколатли шахс томонидан тартибга солинган ахборотдан фойдаланувчилар (ахборот тизимларидан рухсат билан фойдаланиш фойдаланувчи ўзи ишлашини мўлжаллаётган ахборот майдони доирасида албатта рўйхатдан ўтишини назарда тутади);

— ўз фаолият турига кўра компьютер қурилмаларига техник хизмат кўрсатиш билан мунтазам равишда шуғулланадиган шахслар

(қирилмаларни созловчилар, маълумотларни киритиш операторлари, тармоқ маъмурлари, дастурчилар, системачи-муҳандислар, периферия қурилмаси ва алоқа воситалари мутахассислари ва ш.к.),

Кўрсатилган шахслар фақат ўз ваколатлари ёки вазифалари доирасидан четга чиққан ва фойдаланиш ўзларига рухсат этилмаган ЭҲМ қирилмалари билан ўзаро алоқага киришиш имкониятини кўлга киритгандагина уларнинг ҳаракатлари ахборот тизимларидан рухсатсиз (ғайриқонуний, қонунга хилоф) фойдаланиш деб топилади.

Қоровуллар, фаррошлар, электриклар, куръёллар ва ЭҲМ билан бевосита алоқага киришмайдиган, лекин у ўрнатилган хонага киришга рухсат этилган бошқа шахслар ЭҲМ, ЭҲМ тизими ва тармоғидан фойдаланиш ҳукуқига эга бўлмайди.

Ахборот тизимларидан ва компютер ахборотидан рухсат билан фойдаланиш уни муҳофаза этиш чораларига қатъий риоя этган ҳолда амалга оширилади.

Ўзбекистон Республикаси «Ахборотлаштириш тўғрисида»ги Қонунинг 20-моддасига биноан: «Ахборот ресурслари ва ахборот тизимлари, агар улар билан файриқонуний муносабатда бўлиш натижасида ахборот ресурсларининг ёки ахборот тизимларининг мулкдорларига, эгаларига ёхуд бошқа юридик ҳамда жисмоний шахсларга зарар етказилиши мумкин бўлса, муҳофаза қилиниши керак.

Давлат органлари, юридик ва жисмоний шахслар давлат сирлари ҳамда маҳфий сирлар тўғрисидаги ахборотни ўз ичига олган ахборот ресурслари ва ахборот тизимларининг муҳофаза қилинишини таъминлашлари шарт.

Ахборот ресурслари ва ахборот тизимлари муҳофаза қилинишини ташкил этиш тартиби уларнинг мулкдорлари, эгалари томонидан мустақил белгиланади.

Давлат сирлари ҳамда маҳфий сирлар тўғрисидаги ахборотни ўз ичига олган ахборот ресурслари ва ахборот тизимларининг муҳофаза қилинишини ташкил этиш тартиби Ўзбекистон Республикаси Вазирлар Маҳкамаси томонидан белгиланади¹.

Ахборотни (маълумотларни) ҳимоя қилиш ахборот (маълумотлар) мулкдорининг манфаатларига зарар етказилишининг олдини олиш ёки қийинлаштиришга қаратилган ҳукуқий, ташкилий ва техник (дастурий-аппарат) тадбирлар мажмудидан иборат².

Ҳар қандай турдаги ахборотни муҳофаза этишнинг энг умумий белгилари:

– ахборотни муҳофаза қилишни ахборот мулкдори ёки у ваколат берган шахслар ташкил этади ва ўтказади;

¹ Қаранг. Ўзбекистон Республикасининг 2003 йил 11 декабрдаги «Ахборотлаштириш тўғрисида»ги 560-11 -сон Қонуни, 20-мода.

² Қаранг. Тармоқ стандарти. «Алоқа ва ахборотлаштириш соҳасида ахборот хавфсизлиги. Атамалар ва уларнинг таърифлари». TSt 45.010: 2002. – 3-6.

— ахборотни муҳофаза қилиш орқали унинг мулкдори (эгаси) ўзининг ахборотга эгалик қилиш ва уни тасарруф этишга бўлган ҳуқуқларини муҳофаза қиласди, уни қонунга хилоф кўлга киритилишига ва ундан ўз манфаатларига зид равишда фойдаланилишига йўл кўймасликка ҳаракат қиласди;

— ахборотни муҳофаза қилиш муҳофаза қилинаётган ахборотдан рухсат билан фойдаланиш имкониятини чеклаш бўйича унинг тарқатилишини чекловчи ва маҳфийлаштирилган ахборот ва унинг манбаларидан қонунга хилоф (рухсатсиз) фойдаланишни истисно этувчи ёки сезиларли даражада қийинлаштирувчи тадбирлар мажмуини ўтказиш йўли билан амалга оширилади.

Ахборот хавфсизлигини таъминлаш воситалари мажмуи (ахборотни муҳофаза қилиш воситалари) қўйидагиларни ўз ичига олади: ахборотни муҳофаза қилишнинг аппарат, дастурий, техник (аппарат-дастурий), қонун йўли билан, ташкилий, физик воситаларини; ахборотдан рухсатсиз фойдаланилишидан муҳофаза қилиш воситаларини ва ҳ.к. Ахборотни муҳофаза қилиш усуллари ҳам ҳар хил бўлиши мумкин: криптографик усул, тўсиш, ниқоблаш, тартибга солиш, мажбурлаш, кўп даражали муҳофаза, рухсатсиз киришдан муҳофаза қилиш, шифрлаш, имитомуҳофаза, рухсат билан фойдаланишни бошқариш ва ҳ.к.

Ахборотни (маълумотларни) ҳимоя қилиш тизими — «ахборот (маълумотларни) тасодифий ёки қасддан бузиш, бузиб кўрсатиш ёки фойдаланишдан муҳофаза қилишни таъминловчи аппарат, дастурий ва криптографик воситалар ҳамда тадбирлар мажмуи»¹.

Ахборот тизимлари, маълумотлар базалари ва банкларини, ахборотга ишлов бериш ҳамда уни узатиш тизимларини яратиш, жорий этиш ва улардан фойдаланиш ҳамда ахборот тизимларидан рухсат билан фойдаланиш чоғида **белгиланган ҳимоя чораларини кўрмаслик** фойдаланувчи компютер ахбороти, ЭҲМ, ЭҲМ тизими ёки таромогининг муҳофазаси (хавфсизлиги)ни таъминловчи муайян қоидаларга риоя этмаслиги ёки уларни тўғридан-тўғри четлаб ўтишидан иборат. Жумладан, бу ходим сертификатланмаган дастурий воситалардан фойдаланиши; фойдаланилаётган ахборот машина манбаларида зарар келтирадиган дастурлар бор-йўқлигини текшириш вазифаларини бажармагани; ахборот тизимидан рухсатсиз фойдаланилишидан муҳофаза этиш тизимини тўсиб қўйиши; хисоблаш техникасининг муайян воситаси билан ишлов беришни амалга ошириш техник имконияти мавжуд бўлмаган маълумотларни киритиши; дастурий воситалар билан диалог қоидаларини, техник хизмат кўрсатиш муддатларини бузиши; пароллар ўрнатмаслик ва ҳоказоларда акс этиши мумкин.

¹ Тармоқ стандарти. «Алоқа ва ахборотлаштириш соҳасида ахборот хавфсизлиги. Атамалар ва уларнинг таърифлари». ТСТ 45.010: 2002. – 21-б.

Бунда ҳар бир муайян ҳолда айнан қандай зарурий муҳофаза чоралари күрилмагани, ахборот тизимларидан рухсат билан фойдаланиш хукуқига эга бўлган шахс айнан қайси хавфсизлик қоидаларини бузгани, шунингдек, бу қоидабузарликлар билан кўриб чиқилаётган модда биринчи қисмининг диспозициясида баён этилган оқибатлар келиб чиқиши, яъни фуқароларнинг хукуқларига ёки қонун билан қўриқланадиган манфаатларига ёхуд давлат ёки жамоат манфаатларига кўп миқдорда зарар ёхуд жиддий зиён етказилиши ўртасида сабабий боғланиш мавжудлиги аниқланиши лозим. Мазкур жиноий оқибатлар юз берган вақтдан эътиборан ахборотлаштириш қоидаларини бузиш **тугалланган** жиноят деб эътироф этилади.

ЖК Махсус қисми саккизинчи бўлими қоидаларига биноан, **кўп миқдордаги зарар** деганда, «энг кам ойлик иш ҳақининг юз бараваридан уч юз бараваригача бўлган миқдордаги зарар» тушунилиши лозим. Бундай зарар, хусусан, ЭҲМ воситаларини қўмматга таъмирлаш зарурияти вужудга келишида намоён бўлиши мумкин.

Ахборотлаштириш қоидаларининг бузилиши натижасида етказилган зарар миқдорини аниқлашда ахборот ресурсининг қийматигина эмас, балки шахснинг жиноий ҳаракатлари оқибатларини тугатишга тўғридан-тўғри ҳаракатлар ҳам ҳисобга олиниши лозим. Нима бўлганда ҳам зарар тури ва миқдори бундай вазиятларда ахборотлаштириш, иқтисод ва бошқа соҳалардаги махсус билимлар ёрдамида ўтказиладиган комплекс экспертиза воситасида аниқланмоги даркор.

Агар ахборотлаштириш қоидаларини бузиш компьютер техникаси жиддий шикастланишига олиб келган ва шу тариқа унинг мулкдори ёки эгаси кўп миқдорда зарар кўришига сабаб бўлган бўлса, айборнинг ҳаракатлари фақат **ЖК 278¹-моддаси** билан квалификация қилинади ва ЖК 173-моддаси (Мулкни қасдан нобуд қилиш ёки унга зарар етказиши) билан кўшимча квалификация қилиш талаб этилмайди.

Ахборотлаштириш қоидаларининг бузилиши натижасида фуқароларнинг хукуқларига ёки қонун билан қўриқланадиган манфаатларига ёхуд давлат ёки жамоат манфаатларига **жиддий зиён** етказилганлиги ёки етказилмаганлиги ҳар бир муайян ҳолда тергов ва суд органлари томонидан аниқланади. Мазкур тушунча нисбий хусусият касб этади, компьютер ахборотининг муҳимлик даражасига боғлиқ бўлади ва ахборотлаштириш қоидаларининг бузилиши натижасида ахборот тизимининг мулкдори (эгаси)га етказилган зиён ҳажмини аниқлаш олинган барча маълумотлар йиғиндисини ҳисобга олиб амалга оширилиши лозим. Мазкур вазиятда муҳим ахборотнинг йўқолиши, корхона, ташкилот иши, ишлаб чиқариш фаолияти тўхтаб қолиши ёки издан чиқиши, технологик жараёнларнинг бузилиши, шахсий, шифокорлик, адвокатлик сирига мансуб бўлган маҳфий маълумотларни ошкор этиш йўли билан шахсга маънавий зиён етказилиши жиддий зиён деб эътироф этилиши мумкин.

Шахснинг ахборотлаштириш қоидаларини бузиш билан боғлиқ бўлса-ла, лекин қонунда кўрсатилган оқибатларга олиб келмаган ҳаракатлари муайян ҳолатларда тугалланмаган жиноятни ташкил этиши ва ЖК 25-моддасига ҳавола қилган ҳолда квалификация қилиниши мумкин.

ЖК 278¹-моддаси 1-қисмидаги назарда тутилган жиноятнинг субъектив томони қуйилагилар билан ифодаланади:

— **қасдан**, башарти шахс ахборотлаштириш қоидаларини бузастганини англаган, бунинг натижасида фойдаланувчига анча миқдорда зарар етказилиши мумкинлиги ёки муқаррарлигига кўзи етган, бу оқибатларнинг юз беришини истаган (тўғри қасд) ёки уларнинг юз беришига онгли равиша йўл қўйган (эгри қасд) бўлса;

— **эҳтиётсизлик орқасидан**, башарти шахс ахборотлаштириш қоидаларини бузастганини англаган, ўз хулқ-атвори қонунда назарда тутилган ижтимоий ҳавфли оқибатлар келтириб чиқариши мумкинлигига кўзи етган, лекин эҳтиёткорлик чора-тадбирларига онгли равиша риоя этмаган ҳолда бундай оқибатлар келиб чиқмаслигига асоссиз равиша умид қилган (ўз-ўзига ишониш) ёки ўз хулқ-атвори қонунда назарда тутилган ижтимоий ҳавфли оқибатлар келтириб чиқариши мумкинлигига кўзи етмаса-да, лекин кўзи стиши лозим ва мумкин бўлган (жиноий беларвоник) бўлса;

— **мураккаб айб** билан, башарти жиноий қилмиш, яни ахборотлаштириш қоидаларини бузишга нисбатан қасд, қонунида назарда тутилган кўнгилсиз оқибатларга нисбатан эса, эҳтиётсизлик мавжуд бўлса.

Мотив ва мақсад кўриб чиқилаётган жиноятни квалификация қилиш учун аҳамиятга эга эмас.

16 ёшга тўлган ақли расо жисмоний шахс **ЖК 278¹-моддаси 1-қисмидаги назарда тутилган жиноятни субъекти** бўлиши мумкин. Қонун бу шахс компьютер технологиялари соҳасида мутахассис бўлиши ёки муайян фаолият билан шуғулланишини талаб қилмайди, мухими унинг ахборот тизимларидан рухсат билан фойдаланаётганлиги талаб этилади.

Агар ахборотлаштириш қоидаларини бузиш жуда кўп миқдорда зарар етказган ҳолда содир этилган бўлса, айборнинг ҳаракатлари **ЖК 278¹-моддаси 2-қисми** билан квалификация қилинади.

ЖК Махсус қисмининг саккизинчи бўлими қоидаларига биноан, жуда кўп миқдордаги зарар дегандан, «энг кам ойлик иш ҳақининг уч юз баравари ва ундан ортиқ бўлган миқдордаги зарар» тушунилади.

2-§. Компьютер ахборотидан қонунга хилоф равиша (рухсатсиз) фойдаланиш (ЖК 278²-моддаси)

Компьютер ахборотидан қонунга хилоф равиша (рухсатсиз) фойдаланишининг бевосита обьекти компьютер ахбороти ҳаффсиётгини ва ЭҲМ, уларнинг тизимлари ёки тармоги нормал ишлашини таъ-

минлашга доир муносабатлардир. **Күшимча объект** сифатида бу ерда фуқароларнинг шахсий ёки мулкий манфаатлари ёхуд давлат ёки жамоат манфаатлари амал қилиши мумкин.

ЖК 278²-моддаси 1-қисмида тўғридан-тўғри кўрсатилганидек, жиноятнинг предмети компьютер ахбороти, яъни ахборот-ҳисоблаш гизимлари, тармоқлари ва уларнинг таркибий қисмларидаги ахборотлардир.

(«Компьютер ахбороти», «ахборот-ҳисоблаш тизими», «ахборот-ҳисоблаш тармоғи» тушунчаларининг мазмуни ҳақида ЖК 278¹-моддаси таҳлилига қаранг.)

Ахборот-ҳисоблаш тизимлари, тармоқлари ва уларнинг таркибий қисмларидаги ахборотлар – бу ички ва ташқи жамғаргичлар, компьютер хотираси, периферия қурилмалари хотирасидаги ахборот ҳамда алоқа каналлари орқали ўтувчи ахборотлардир.

ЖК 278²-моддасида назарда тутилган жиноятнинг **объектив томони** ахборотнинг йўқ қилиб юборилиши, тўсиб қўйилиши, модификациялаштирилиши, ундан нусха кўчирилиши ёхуд унинг қўлга киритилишига, электрон ҳисоблаш машиналари, электрон ҳисоблаш машиналари тизими ёки уларнинг тармоқлари ишининг бузилишига сабаб бўлган компьютер ахборотидан қонунга хилоф равища (рухсатсиз) фойдаланиш билан тавсифланади.

NOTA BENE!

Компьютер ахборотидан фойдаланиш деганда, унга киришнинг ҳар қандай шакли, тармоқдаги, тизимдаги ёки машина манбаларидаги маълумотлар билан шахснинг танишиши тушунилади.

Компьютер ахборотидан қонуний (рухсат билан) фойдаланиш ахборот тизими мулкдори ёки қонуний эгаси томонидан рухсат этилган (маъқулланган) фойдаланувчининг машина манбаи, ЭҲМ, ЭҲМ тизими ёки тармоғидаги ахборот билан танишишидир.

Кўриб чиқилаётган жиноят-хукуқий нормага биноан айбор шахсни жавобгарликка тортиш учун зарурӣ асослардан бири унинг ҳаракатлари қонунга хилоф эканлиги аниқланганлигидир.

NOTA BENE!

Компьютер ахборотидан қонунга хилоф равища (рухсатсиз) фойдаланиш деб, машина манбаларидаги ёки ЭҲМдаги маълумотлар билан шахснинг тегишли ҳукуқсиз, яъни ахборот мулкдори (эгаси)нинг рухсатисиз ёки бундай рухсат мавжуд бўлганда, тизимда белгиланган рухсатни тартиба солиш қондаларини бузиб танишиши эътироф этилиши лозим.

Бошқача айтганда, күйилаги ҳолатларда ахборотдан фойдаланиш қонунга хилоф (рухсатсиз) деб қаралади, агар шахс:

- муайян ахборотдан фойдаланиш ҳуқуқига эга бўлмаса;
- бундай ҳуқуққа эга бўлса-да, лекин ундан белгиланган тартибга зид равишда фойдаланса.

Компьютер ахбороти мулкдори (эгаси) фойдаланувчининг ахборот олиш тартибини белгилаши (жойи, вақтини, масъул мансабдор шахслар, зарур тартиб-таомиллар ва ҳоказоларни кўрсатиши) ҳамда фойдаланувчилар ахборот олиши учун шароитларни таъминлаши шарт.

Фойдаланишнинг фарқлаб қўйилиши қоидалари «рухсат субъектларининг рухсат объекtlаридан фойдаланиш ҳуқуқларини тартибга солувчи қоидалар мажмуи»дир¹.

«Бирон-бир ахборотдан рухсат билан фойдаланишни назорат қилишнинг ҳар қандай механизми, бу ерда гап жараёнлар таъсири устидан назорат ҳақида борадими ёки жисмоний шахсларнинг ҳаракатлари устидан назорат ҳақида борадими, бундан қатъи назар, бир қанча вазифаларни ечишни назарда тутади:

- кўриб чиқилётган тизим, ахборот ёки ресурслардан фойдаланиш ҳуқуқига ким эга;
- мазкур шахс ресурснинг айнан қайси элементларига мурожаат этиши мумкин;
- мазкур шахс ўзи фойдаланиши мумкин бўлган объектга нисбатан қандай ҳаракатларни бажариши мумкин;
- шахс зарурий амалларни бажариши қай тарзда рухсат этилади;
- қандай ҳолатлarda фойдаланишга рухсат берилиши мумкин»².

Ўзбекистон Республикаси «Ахборотлаштириш тўғрисида»ги Қонунининг 11-моддасига биноан: «Ахборот ресурслари улардан эркин фойдаланиш тоифалари бўйича ҳамма эркин фойдаланиши мумкин бўлган ахборот ресурсларига ва эркин фойдаланилиши чеклаб қўйилган ахборот ресурсларига бўлинади.

Чекланмаган доирадаги фойдаланувчилар учун мўлжалланган ахборот ресурслари ҳамма эркин фойдаланиши мумкин бўлган ахборот ресурсларидир.

Давлат сирлари тўғрисидаги ахборотни ва маҳфий ахборотни ёки эркин фойдаланилиши ахборот ресурсларининг мулкдорлари томонидан чеклаб қўйилган ахборотни ўз ичига олган ахборот ресурслари эркин фойдаланилиши чеклаб қўйилган ахборот ресурсларига киради».

Ахборот ресурсларидан ахборот олиш тартибини ахборот ресурсларининг мулкдори ёки эгаси қонун ҳужжатларида белгиланган талабларга риоя этган ҳолда аниқлайди (Қонунининг 12-моддаси 5-қисми).

¹ Тармоқ стандарти. «Алоқа ва ахборотлаштириш соҳасида ахборот ҳавфсизлиги. Атамалар ва уларнинг таърифлари». TSt 45.010: 2002. – 23-б.

² Мазуров В.А. Кўрсатилган асар. – 64-б.

Бунда эркин фойдаланилиши чеклаб қўйилган ахборот ресурслари учун ахборотни йигиши, сақлаш, қайта ишлаш, тарқатиш ва ундан фойдаланишнинг маҳсус тартиби белгиланади.

Юридик ва жисмоний шахслар қонуний асосларда ахборот ресурсларидан ўзлари олган ахборотдан ахборот манбани албатта ҳавола этган ҳолда ҳосила ахборот яратиш учун фойдаланишлари мумкин (Қонуннинг 12-моддаси 4-қисми).

Компьютер ахборотидан қонунга хилоф равишида (рухсатсиз) фойдаланиш доим айбдор томонидан фаол ҳаракатлар билан содир этилади. Бу жиноят ҳаракатсизлик йўли билан содир этилиши мумкин эмас. Бунда компьютер ахборотидан қонунга хилоф равишида (рухсатсиз) фойдаланиш усуллари ҳар хил бўлиши мумкин (бировнинг паролидан фойдаланиш, техника воситаларининг физик адресларини ўзгартириш, ўзини қонуний фойдаланувчи қилиб кўрсатиш, системани муҳофаза қилишнинг заиф бўғинларини топиш ва унга «бузиб» кириш, бировнинг ахборот тизимига «кодни тусмоллаб аниқлаш» йўли билан кириш, дастурий ва ахборот таъминотини модификациялаштириш ва ҳ.к.), лекин улар қилмишни квалификация қилишга тъясир кўрсатмайди.

Мазкур жиноятни содир этиш воситаси сифатида компьютер техникаси, яъни ҳар хил турдаги ЭҲМ, аппарат воситалари, периферия қурилмалари, шунингдек, ҳисоблаш техникасини ахборот тармоқларига бирлаштиришида фойдаланиладиган алоқа линиялари амал қилади¹.

Шуни қайл этиш лозимки, компьютер ахборотидан қонунга хилоф равишида (рухсатсиз) фойдаланиш натижасида шахс, аввало, бу ахборот билан танишиш имкониятини қўлга киритади. Бундай танишиш, одатда, уни амалда чақириш ёки кўздан кечириш йўли билан амалга оширилади. Бунда машина манбада сақланадиган компьютер ахборотини қонунга хилоф равишида чақириш ёки кўздан кечириш ўз-ўзидан кўриб чиқлаётган жиноят таркибини ташкил этмайди, лекин ўзга қасдан жиноятни, масалан, жосуслик (ЖК 160-моддаси), товламачилик (ЖК 165-моддаси)ни содир этишга тайёргарлик кўриш ёки суиқасд қилиш сифатида квалификация қилиниши мумкин. Бундай ҳолларда қилмишни ЖК 278²-моддаси бўйича қўшимча квалификация қилиш талаб этилмайди.

ЖК 278²-моддасида назарда тутилган жиноятнинг иккинчи муқаррар белгиси – ахборотнинг йўқ қилиб юборилиши, тўсиб қўйилиши, модификациялаштирилиши, ундан иусха кўчирилиши ёхуд унинг қўлга киритилиши, электрон ҳисоблаш машиналари, электрон

¹ Қаранг: Уголовное право России. Общая и особенная части. Учебник для высших учебных заведений / Под общ. ред. д.ю.н., проф. И.Г. Кадникова. – М.: «Книжный мир», 2007. – 662-б.

хисоблаш машиналари тизими ёки уларнинг тармоқлари ишининг бузилиши тарзидаги ижтимоий хавфли оқибатлар. Кўрсатилган оқибатларнинг ҳеч бўлмаса биттаси юз берган пайтдан эътиборан кўриб чиқилаётган жиноят туталланган деб эътироф этилади. Бунда ЖК 278²-моддаси 1-қисми диспозициясида санаб ўтилган оқибатларнинг юз бериши ва компютер ахборотидан қонунга хилоф равиша (рухсатсиз) фойдаланишни амалга ошириш ўртасида тўғридан-тўғри сабабий боғланиш аниқланиши шарт.

Ахборотнинг йўқ қилиб юборилиши деганда, ахборотнинг машина манбаларидан тўлиқ ёки қисман чиқариб (ўчириб) ташланиши тушунилади. Бунда мазкур ахборот ўзининг асосий сифат белгилари йўқолиши натижасида бутунлай йўқ бўлиб кетади, у тикланиши ва вазифасига кўра қўлланилиши мумкин бўлмайди. Бунда қилмиш кўриб чиқилаётган норма билан квалификация қилиниши учун жабрланувчидан айбдор йўқ қилиб юборган ахборотнинг нусхаси борлиги ёки йўқлиги аҳамиятга эга эмас. Ахборотни бошқа ЭҲМ ёки машина манбасига рухсатсиз ўтказиш ҳам, агар бу ҳаракатлар натижасида ахборот ресурси мулкдорнинг ёки ўзга қонуний фойдаланувчининг ихтиёридан чиқсан бўлса, юқорида баён этилган тарзда квалификация қилиниши лозим.

Ахборотнинг тўсиб қўйилиши мазкур ахборот сақланиб қолгани ҳолда мулкдор (ахборот эгаси) ёки қонуний фойдаланувчи ундан бессита вазифасига кўра вақтинчалик ёки доимий равиша фойдалана олмаслиги (компютер ахбороти билан бирон-бир амални бажара олмаслиги)дир. Ахборот (маълумотлар) узатишнинг тўсиб қўйилиши тушунчаси ҳам мавжуд бўлиб, у ахборот хавфсизлиги соҳасидаги қоидабузарликлардан бири ҳисобланади ва ахборотни узатишнинг тўхтатилишида ёки шундай бир вақтга кечиктирилишида акс этадики, бу муддат мобайнода мазкур ахборот фойдаланувчи учун ўз қимматини йўқотади¹.

Ахборотнинг модификациялаштирилиши техника воситалари билан ишлов бериш чогида унинг дастлабки мазмуни ёки манбалардаги ҳажми рухсатсиз ўзгартирилишида акс этади (маълумотлар базасининг адаптацияси билан боғлиқ ўзгаришлар бундан мустасно). Масалан, маълумотлар базаси файлларидағи ёзувларнинг ўчириб ташланиши ёки уларга ёзувларнинг қўшилиши, компютер ахборотнинг бир тилдан бошқа тилга ўгирилиши, маълумотлар базасининг қайта ташкил этилиши ва ҳ.к.

(Ахборотни модификациялаштириш ҳақида батафсилроқ ЖК 278⁴-моддаси таҳлилига қаранг.)

¹ Қаранг: Тармоқ стандарти. «Алоқа ва ахборотлаштириш соҳасида ахборот хавфсизлиги. Атамалар ва уларнинг таърифлари». ТСТ 45.010: 2002. – 12-б.

Кўриб чиқилаётган модда мазмунида **нусха кўчириш** тегишли ахборотни ёки унинг бир қисмини бир моддий жисмдан бошқа моддий жисмга асл нусхасига шикаст етказмасдан ва ундан кейинчалик бевосита вазифасига кўра фойдаланиш имкониятини сақлаган ҳолда ўтказишни англатади.

Ахборотнинг **қўлга киритилиши** – кенг тарқатиш учун мўлжаллаймаган ахборотни қасдан рухсатсиз эгаллаб олиш бўлиб, у техника воситалари ёрдамида бевосита компьютер тизимидан ёки ундан ташқарида, бундай ахборот акс эттирилган электромагнит нурланишларни олиш ҳисобига амалга оширилади¹.

Замонавий техника воситалари ахборотни компьютер тизимида бевосита уланмасдан олиш имконини беради: уни қўлга киритиш марказий процессор, дисплей, коммуникация каналлари, принтер ва ҳоказоларнинг нурланиши ҳисобига амалга оширилади. Буларнинг барчасини қўлга киритилаётган обьектдан анча узоқда туриб амалга ошириш мумкин. Қўлга киритиш усуслари ҳар хил бўлиши мумкин: бевосита (фаол) қўлга киритиш; тезда қўлга киритиш; символларни қўлга киритиш; хабарларни қўлга киритиш; электромагнит (пассив) қўлга киритиш; аудио қўлга киритиш (ахборотни виброакустик каналлар орқали олиш); видео қўлга киритиш ва ҳ.к. Ахборотни қўлга киритиш ё тизимнинг ташқи коммуникация каналлари орқали тўғридан-тўғри, ё периферия қурилмалари линияларига бевосита уланиш йўли билан амалга оширилади. Бунда бевосита «эшишиб туриш» обьектлари кабелли ва симли тизимлар, ер устидаги микротўлқинли тизимлар, йўлдош алоқа тизимлари, шунингдек, ҳукumat алоқаси маҳсус тизимлари ҳисобланади.

Электрон ҳисоблаш машиналари, электрон ҳисоблаш машиналари тизими ёки уларнинг тармоқлари ишининг бузилиши ЭҲМ ёки унинг қурилмалари билан ностандарт вазият юзага келишидан иборат бўлиб, бунда уларнинг нормал фаолият кўрсатишига вақтнингчалик ёки тургун халақитлар (ишнинг секинлашуви ёки ишдан чиқариш) яратилади, лекин ЭҲМ, ЭҲМ тизими ёки уларнинг тармоқларининг моддий яхлитлигига дахл этилмайди. Масалан, ахборот қурилмасининг ишидаги носозликлар, ахборотни беришни рад этиш, бузиб кўрсатилган ахборотни бериш ва ҳ.к. Агар зикр этилган носозликлар билан бир қаторда компьютер қурилмасининг моддий буюм сифатидаги яхлитлигининг бузилиши ҳам юз берган бўлса, қилмиш жиноятлар мажмуй бўйича ЖК 173-моддаси (Мулкни қасдан нобуд қилиш ёки унга зарар етказиш) билан квалификация қилинади.

ЖК 278²-моддаси 1-қисми диспозициясида кўрсатилган оқибатларнинг ўзига хос хусусияти шу билан белгиланадики, шахс компьютер

¹ Преступления в сфере компьютерной информации: квалификация и доказывание. Учеб. пособие / Пол ред. Ю.В. Гаврилина. — 8-6.

тер ахборотидан қонунга хилоф равища (рухсатсиз) фойдаланишга доир айни бир ҳаракатларни содир этиши баъзан турли жиноий натижаларга олиб келади. Одатда, бу компьютер ахборотининг муҳофаза қилинишига, ҳисоблаш тизимининг ишончлилик даражасига, ҳисоблаш тизимининг бошқа тизимлар билан алоқасига ва бошқа шунга ўхшаш омилларга боғлиқ бўлади. Занжир реакция юз бериши, яъни бир жиноий натижага бошқа жиноий натижага келиб чиқишига сабаб бўлиши ҳам мумкин.

Шуни ҳисобга олиш лозимки, компьютер ахборотидан қонунга хилоф равища (рухсатсиз) фойдаланиш бошқа жиноятни қасдан содир этиши усули сифатида амал қилган, ЭҲМдан эса, жиноий ниятни амалга ошириш қуроли сифатида фойдаланилган бўлса, қилмиш ЖК тегишли моддаси бўйича квалификация қилиниши лозим. Масалан, кўриб чиқилган оқибатлар компьютер ахборотидан қонунга хилоф равища (рухсатсиз) фойдаланишдан кейин амалга оширилган мазкур ахборотта ўзгача усулда қасдан таъсир кўрсатиш натижасида юз берган бўлса, қилмиш қонунда кўрсатилган белгилар мавжуд бўлган тақдирда ЖК 278⁴-моддаси (Компьютер ахборотини модификациялаштириш) ёки ЖК 278⁵-моддаси (Компьютер саботажи) бўйича квалификация қилиниши лозим.

ЖК 278²-моддасида назарда тутилган жиноят субъектив томондан қасдан, яъни тўғри ёки эгри қасд билан содир этилади. Айборд компьютер ахборотидан бу ахборот мулкдори (эгаси)нинг рухсатсиз ёки рухсат билан фойдаланишининг белгиланган тартибини бузиб фойдаланаётганини англайди, ўз ҳаракатлари натижасида қонунда белгиланган ижтимоий хавфли оқибатлар юз беришига кўзи етади ва уларнинг юз беришини истайди ёки уларнинг юз беришига онгли равища йўл қўяди. Эҳтиётсизлик айни ҳолда шахс компьютер тизимида сақланаётган ахборотдан фойдаланишининг қонунийлигига берган баҳосида, шунингдек, унинг мазкур ҳаракатлар натижасида юз берган ижтимоий хавфли оқибатларга бўлган муносабатида намоён бўлиши мумкин.

Ижтимоий хавфли қилмиш содир этиш ниятисиз компьютер ахборотидан рухсатсиз фойдаланиш жиноят таркибини ташкил этмайди. Масалан, бевосита фойдаланувчининг хатоси туфайли ахборотдан беихтиёр фойдаланиш ва ш.к.

Компьютер ахборотидан қонунга хилоф равища (рухсатсиз) фойдаланишининг **мотивлари ва мақсадлари** кўриб чиқилаётган жиноят таркибининг муқаррар белгилари ҳисобланмайди ва, бинобарин, жиноятни квалификация қилишга таъсир кўрсатмайди, лекин айбордога одилона жазо тайинлаш чоғида ҳисобга олиниши мумкин.

16 ёшга тўлган ҳар қандай ақли расо жисмоний шахс ЖК 278²-моддасида назарда тутилган жиноятнинг **субъекти** бўлиши мумкин. Бу бутунлай бегона шахс бўлиши ҳам, муайян тоифадаги ахборот би-

лан ишлаш ҳуқуқига эга бўлмаган қонуний фойдаланувчининг ўзи бўлиши ҳам мумкин.

ЖК 278²-моддаси 2-қисмида компьютер ахборотидан қонунга хилоф равиша (рухсатсиз) фойдаланиш учун жавобгарликни оғирлаштирувчи ҳолатлар назарда тутилган. Бундай ҳолатлар қўйидаги-лардан иборат:

- а) бир гуруҳ шахслар томонидан олдиндан тил бириктириб;
- б) такроран ёки хавфли рецидивист томонидан;
- в) хизмат мавқеидан фойдаланган ҳолда;

г) уюшган гуруҳ томонидан ёки унинг манфаатларини кўзлаб со-дир этилган компьютер ахборотидан қонунга хилоф равиша (рух-сатсиз) фойдаланиш.

Жиноят **ЖК 278²-моддаси 2-қисми «а»** банди бўйича квалифи-кация қилиниши учун жиноят содир этган шахслар уни биргаликда содир этиш ҳақида олдиндан келишган бўлишлари лозим. Мисол учун, жиноий гуруҳнинг бир иштирокчиси муҳофаза тизимини бузиб кириши ва шу тариқа компьютер ахборотидан фойдаланиш учун бевосита имконият яратиши, гуруҳнинг бошқа иштирокчиси эса бу ахборот билан қонунда кўрсатилган ижтимоий хавфли оқибатлар юз беришига сабаб бўлган тегишли манипуляцияларни бажариши мумкин.

ЖК 278²-моддаси 2-қисми «б» банди мазмунидаги **хизмат мав-қеидан фойдаланиш** деганда, меҳнат ёки фуқаролик-ҳуқуқий шарт-номасига биноан бажарувчи ишига кўра компьютер ахборотидан фойдаланиш ҳуқуқига эга бўлган шахснинг компьютер ахборотидан қонунга хилоф равиша (рухсатсиз) фойдаланишини ёки ўз хизмат мавқеига кўра бундай фойдаланиш ҳуқуқига эга бўлган бошқа шахс-ларга таъсир ўтказишини тушуниш лозим.

Шахс ўз хизмат мавқеидан фойдаланар экан, хизмат бўйича ўзи-га берилган ҳуқуқлар ва бурчлардан амалда фойдаланади, лекин бу ҳуқуқлар ва бурчларни амалга ошириш тартибини бузади, яъни ўзи-нинг хизмат ваколатлари доирасидан четга чиқади ва ўз ҳуқуқлари ва бурчлари татбиқ этилмайдиган ёки фойдаланиш учун ўзида рухсат бўлмаган компьютер ахборотини тасарруф этиш имкониятини қўлга киритади.

(ЭҲМ, ЭҲМ тизими ёки уларнинг тармоқларидан фойдаланиш ҳуқуқига эга бўлган шахслар ҳақида батафсилоқ ЖК 278¹-моддаси таҳлилига қаранг.)

Компьютер тизимидан фойдаланувчи ташкилотларнинг ходим-лари ҳам, назорат қилувчи ташкилотларнинг ходимлари ҳам **ЖК 278²-моддаси 2-қисми «в»** бандида назарда тутилган жиноят субъекти бўлиши мумкин. Агар жиноят субъекти мансабдор шахс бўлса, ишнинг ҳолатларини ҳисобга олиб қўлмиш жиноятлар жами тариқасида ЖК 278²-моддаси ва 205-моддаси (Хокимият ёки мансаб

ваколатини сунистеъмол қишиш) ёки 206-моддаси (Ҳокимият ёки мансаб ваколати доирасидан четта чиқиш) билан квалификация қилиниши мумкин.

Такроран ёки хавфли рецидивист томонидан, шунингдек, уюшган гуруҳ томонидан ёки унинг манфаатларини кўзлаб содир этилган компьютер ахборотидан қонунга хилоф равища (рухсатсиз) фойдаланиш жиноятини квалификация қилишнинг ўзига хос хусусиятлари биз юқорида бошқа жиноят таркибларининг таҳлилида кўриб чиқсан жавобгарликни оғирлаштирувчи ҳолатлар билан бир хилдир.

**3-§. Компьютер тизимидан қонунга хилоф равища (рухсатсиз)
фойдаланиш учун маҳсус воситаларни ўтказиш мақсадини
кўзлаб тайёрлаш ёхуд ўтказиш ва тарқатиш
(ЖК 278³-моддаси)**

Мазкур жиноятнинг бевосита объекти компьютер ахборотининг хавфсизлигини ва ЭҲМ, ЭҲМ тизими ёки уларнинг тармоқлари нормал ишлашини таъминлашга доир ижтимоий муносабатлардир. Қўшимча объект сифатида бу ерда фуқароларнинг шахсий ёки мулкий манфаатлари ёхуд давлат ёки жамоат манфаатлари амал қилиши мумкин.

Жиноятнинг предмети – ҳимояланган компьютер тизимидан қонунга хилоф равища (рухсатсиз) фойдаланиш учун маҳсус дастур ёки аппарат воситалари.

Дастурий ва аппарат воситалари қомпьютер техникаси воситаларига киради.

Дастурий восита – бу «ахборотга ишлов бериш тизимининг фаолият кўрсатишига таалуқли бўлган дастурлар, таомиллар, қоидалардан, шунингдек, агар назарда тутилган бўлса, уларга йўлдош ҳужжатлар ва маълумотлардан таркиб топган объект»¹.

Дастурий воситаларга қўйидагилар киради:

– дастурий таъминот – бошқарувчи ва ишлов берувчи дастурларнинг қўйидагилардан иборат мажмуи: система дастурлари (операцион системалар, техник хизматлар кўрсатиш дастурлари), амалий дастурлар (муайян типдаги вазифаларни ечиш учун мўлжалланган дастурлар, масалан матн мұхаррирлари, антивирус дастурлари, маълумотлар базаларини бошқариш тизимлари ва ш.к.), шунингдек, инструментал дастурлар (дастурлаштириш тиллари – Turbo C, Microsoft Basic ва ҳоказолар ҳамда трансляторлар – алгоритмик ва символик тиллардан машина кодларига ўз-ўзидан ўгиришни таъминловчи дастурлар мажмуи)дан;

¹ Қаранг: Ўзбекистон давлат стандарти. «Ахборот технологиялари. Атамалар ва уларнинг таърифлари». O'z DSt 1047: 2003. – 15-6.

— ахборот мулкдори, эгаси, ахборотдан фойдаланувчининг машиналаги ахбороти.

Дастурий воситалар ўзлари қандай жисмга ёзилғанлигидан қатъи назар интеллектуал маҳсулот ҳисобланади.

Ҳимояланган компьютер тизимидан қонунга хилоф равиша (рухсатсиз) фойдаланиш учун маҳсус дастурний воситалар, асосан, ахборотдан рухсатсиз фойдаланиш, нусха кўчириш, уни ўғирлаш ёки модификациялаштиришдан муҳофаза қилувчи тизимни бузуб кириш учун мўлжалланган дастурлардан иборат.

Аппарат воситалари — маълумотларга ишлов бериш учун қўлланиладиган техника воситалари. Уларга маълумотларга автоматлаштирилган усулда ишлов бериш учун мўлжалланган барча механик, электр ва электрон ускуналар (шахсий компьютер, периферия қуримаси ва машина ахборотининг моддий манбалари) киради.

ЖК 278³-моддаси мазмунидаги **маҳсус аппарат воситалари** деганда, ахборотдан рухсатсиз фойдаланиш, нусха кўчириш, уни ўғирлаш ёки модификациялаштиришдан муҳофаза қилувчи тизимни бузуб кириш учун мўлжалланган механик, электромеханик, электрон, оптика, лазер, радио, радиотехник, радиолокацион ва бошқа қурилмалар, тизимлар ва иншоотлар тушунилади.

(«Қонунга хилоф равиша (рухсатсиз) фойдаланиш» тушунчаси ҳақида ЖК 278²-моддаси таҳдилига қаранг. «Компьютер тизими» тушунчасининг мазмунӣ ЖК 278¹-моддаси таҳдилида ёритилган.)

Ҳимояланган компьютер тизими — бу муомалада бўлиш тартибини мулкдори (эгаси) ўрнатган ахборотдан қонунга хилоф равиша (рухсатсиз) фойдаланилишига қарши туришга қодир бўлган компьютер тизими.

Компьютер тизимини ҳимоялаш, аввало, ундаги ахборотни муҳофаза қилиш мақсадида амалга оширилади.

(Ахборотни муҳофаза қилиш ҳақида батафсилроқ ЖК 278¹-моддаси таҳдилига қаранг.)

ЖК 278³-моддасида назарда тутилган жиноятнинг **объектив томони** ҳимояланган компьютер тизимидан қонунга хилоф равиша (рухсатсиз) фойдаланиш учун маҳсус дастурий ёки аппарат воситаларини ўтказиш мақсадини кўзлаб тайёрлаш ёхуд ўтказиш ва тарқатишда акс этади.

Ҳимояланган компьютер тизимидан қонунга хилоф равиша (рухсатсиз) фойдаланиш учун маҳсус воситаларни **тайёрлаш** шахс томонидан бу воситаларни яратишга қаратилган ҳар қандай ҳаракатларнинг амалга оширилишини англаради. Ҳусусан, маҳсус дастурий воситаларни тайёрлаш ҳимояланган компьютер тизимидан қонунга хилоф равиша фойдаланиш учун мўлжалланган компьютер дастурларини яратишда ифодаланади. Маҳсус аппарат воситаларини тайёрлаш эса, компьютер тизимидан қонунга хилоф равиша фойда-

ланиш учун имконият яратадыган турли техник тизимлар, асбоблар, кирилмаларни яратышдан иборат.

Шуни қайд этиш лозимки, компьютер номенклатурасидан келиб чиқиб, «тайёрлаш» атамасини фақат аппарат воситаларига нисбатан қўллаш ўринли бўлади, дастурий воситаларга нисбатан «яратиш» атамаси ишлатилса, мақсадга мувофиқдир.

Ҳимояланган компьютер тизимидан қонунга хилоф равишида (рухсатсиз) фойдаланиш учун маҳсус дастурий ёки аппарат воситаларини тайёрлаш (яратиш) кўриб чиқилаётган жиноят таркибини фақат айбдор уларни ўтказиш мақсадини кўзлаган ҳоллардагина ташкил этади.

Қонуннинг мазкур қоидаси ҳам аниқлик киритишни талаб этади. «Ўтказиш» атамасини дастурий воситаларга нисбатан қўллаш мумкин эмас, уларни фақат тарқатиш мумкин.

Шу туфайли ҳам **ЖК 278³-моддаси** мазмунидаги ўтказиш деганда, маҳсус аппарат воситаларини номуайян доирадаги шахслар фойдасига (жумладан, сотиш, ҳадя қилиш, ижарага бериш, қарзга бериш йўли билан) бегоналаштиришнинг ҳар қандай шакли тушунилиши лозим.

Айни ҳолда **тарқатиш** деганда, номуайян доирадаги шахслар кўриб чиқилаётган норманинг диспозициясида тавсифланган маҳсус дастурий воситалардан фойдаланиш имкониятини қўлга киритиши учун шароит яратиш тушунилиши лозим. Дастурий воситаларни тарқатиш усуллари ҳар хил (электрон почта орқали бирорвга ўтказиш, компьютер тармоғи воситасида алоқа линияси орқали бирорвга ўтказиш ва ш.к.) бўлиши мумкин ва қўлмишни квалификация қилишга таъсир кўрсатмайди.

Кўриб чиқилаётган моддада қўлланилган атамалар хусусида билдирилган фикр-мулоҳазаларни ҳисобга олиб, **ЖК 278³-моддаси 1-қисмининг** диспозицияси қуйидаги таҳрирда баён этилса, ўринли бўлар эди: «Ҳимояланган компьютер тизимидан қонунга хилоф равишида (рухсатсиз) фойдаланиш учун маҳсус дастурий ёки аппарат воситаларини тарқатиш ёки ўтказиш мақсадини кўзлаб яратиш ёки тайёрлаш, шунингдек, тарқатиш ёки ўтказиш». Шунга мос равишида модданинг номи ҳам ўзгартирилиши лозим.

Кўриб чиқилаётган жиноят қонунда кўрсатилган, вазифасига кўра фойдаланиш учун тайёр бўлган маҳсус воситаларнинг ҳеч бўлмаса битта нусхаси тайёрланган (яратилган) пайтдан ёки бундай воситалардан ҳеч бўлмаса биттаси ўтказилган ёки тарқатилган пайтдан эътиборан **тугалланган** ҳисобланади.

ЖК 278³-моддасида назарда тутилган жиноят **объектив томондан** фақат тўғри қасд билан содир этилиши мумкин. Айбдор ўзи маҳсус воситаларни компьютер тизимидан қонунга хилоф равишида (рухсатсиз) фойдаланиш учун уларни ўтказиш мақсадини кўзлаб тайёрлаётганини англайди ёки мазкур воситаларни ўтказаётгани ёки тар-

қатаётганини англайди ва шундай қилишни истайди. Ҳимояланган компьютер тизимидан қонунга хилоф равиша (рухсатсиз) фойдаланиш учун маҳсус дастурий ёки аппарат воситалари тайёрланганда маҳсус **мақсад** – кўрсатилган дастурий ёки аппарат воситаларини ўтказиш ҳам аниқланиши лозим.

16 ёшига тўлган ҳар қандай ақли расо жисмоний шахс мазкур жиноят **субъекти бўлиши** мумкин.

ЖК 278³-моддаси 2-қисмида:

- а) бир гуруҳ шахслар томонидан олдиндан тил бириктириб;
- б) тақроран ёки хавфли рецидивист томонидан;
- в) хизмат мавқеидан фойдаланган ҳолда;
- г) ўушган гуруҳ томонидан ёки унинг манфаатларини кўзлаб содир этилган ҳимояланган компьютер тизимидан қонунга хилоф равиша (рухсатсиз) фойдаланиш учун маҳсус дастурий ёки аппарат воситаларини ўтказиш мақсадини кўзлаб тайёрлаш ёхуд ўтказиш ва тарқатиш учун жавобгарлик назарда тутилган.

(Мазкур белгиларнинг мазмуни ҳақида ЖК 278²-моддаси таҳлилига қаранг.)

**4-ғ. Компьютер ахборотини модификациялаштириш
(ЖК 278⁴-моддаси)**

Компьютер ахборотини модификациялаштиришнинг **асосий бевосита объекти** компьютер ахборотининг хавфсизлигини ва ЭҲМ, ЭҲМ тизими ёки уларнинг тармоқлари нормал ишлашини таъминлашга доир ижтимоий муносабатлардир. **Қўшимча бевосита объект** – фуқароларнинг шахсий ёки мулкий ҳуқуқлари ва манфаатларини, шунингдек, давлат ва жамоат манфаатларини амалга оширишни кафолатловчи ижтимоий муносабатлар.

(«Компьютер ахбороти», «ЭҲМ», «ЭҲМ тизими», «ЭҲМ тармоқлари» тушунчаларининг мазмуни ҳақида ЖК 278¹-моддаси таҳлилига қаранг.)

Жиноятнинг **объектив томони** фуқароларнинг ҳуқуқларига ёки қонун билан кўриқланадиган манфаатларига ёхуд давлат ёки жамоат манфаатларига кўп миқдорда зарар ёхуд жиддий зиён етказилишига сабаб бўлган компьютер тизимида сақланаётган ахборотни қонунга хилоф равиша ўзgartириш, унга шикаст етказиш, уни ўчириш, худди шунингдек, била туриб унга ёлғон ахборотни киритишдан иборат.

NOTA BENE!

Компьютер ахборотини модификациялаштириш – мазкур ахборотни қайта ишлаш, яъни компьютер тизимида сақланаётган ахборотта адаптация ҳисобланмаган ҳар қандай ўзгаришларни киритиш.

Кўриб чиқилаётган модда бўйича жиноий жавобгарлик келиб чиқиши учун компьютер ахборотини модификациялаштириш, яъни компьютер тизимида сақланаётган ахборотни ўзгартириш, унга шикаст етказиш, уни ўчириш, худди шунингдек, била туриб унга ёлғон ахборотни киритиш **қонунга хилоф равища**, яъни шахс томонидан қонунда белгиланган хуқуқсиз ёки бу ахборотнинг мулкдори ёки қонуний эгасининг рухсатисиз амалга оширилган бўлиши лозим. Компьютер ахборотини қонуний модификациялаштириш, тегишли равища, фақат бу ахборотга қонуний эгалик қилувчи шахс томонидан амалга оширилиши мумкин. Жумладан, шахс дастурлар ва маълумотлар базаларини қонунний модификациялаштиришни:

- очик-ойдин хатоларни тузатиш;
- дастурлар, маълумотлар базаларига улар фойдаланувчининг техника воситаларида фаолият кўрсатиши учун тузатишлар киритиш;
- бошқа дастурлар билан ўзаро алоқа қилиш қобилиятига эришиш учун дастурни қисман декомпиляция қилиш тарзида амалга оширилиши мумкин.

Ҳар қандай ҳолда амалга оширилган модификациялаштиришнинг қонунийлиги тўғрисидаги масала Ўзбекистон Республикасининг 2006 йил 20 июлдаги «Муалифлик хукуқи ва турдош хукуқлар тўғрисида»ги ЎРҚ-42-сон Қонуни¹ қоидаларини ҳисобга олиб ҳал қилиниши лозим.

Ахборотни **ўзгартериш** деганда, компьютер ахборотининг⁴ дастлабки ҳолатига унинг мазмунини ўзгартирмайдиган ҳар хил тузатишларнинг киритилиши (масалан, маълумотлар базасини реструктуризация қилиш ёки қайта ташкил этиш, унинг файлларидағи ёзувларни кўшиш, ЭҲМ ёки маълумотлар базаси учун дастурни бир тилдан бошқа тилга ўгириш) тушунилиши лозим.

Ахборотга **шикар етказиш** деб, уни техника воситалари билан ишлов бериш чоғида яроқсиз ҳолатга келтирилиши (агар уни тиклаш имконияти мавжуд бўлса) тушунилиши лозим.

Компьютер тизимида сақланаётган ахборотни **ўчириш** амалда уни ўйқ қилиб юбориш ҳисобланади ва файлни ёки унинг бир қисмини мантиқий ва моддий жиҳатдан фойдаланиб бўлмайдиган ҳолатга келтирувчи операциядан иборат.

Кўриб чиқилаётган норма мазмунидаги **била туриб ёлғон ахборотни киритиш** компьютер тизимида сақланаётган ахборотга ҳақиқатга мос келмайдиган маълумотларни кўшиб кўйишдан иборат.

Компьютер ахборотини модификациялаштиришнинг кўрсатилган объектив белгиларини синчилклаб таҳдил қилиш бизга кўриб чиқилаётган жиноят-хукуқий норма диспозициясининг қонундаги

¹ Ўзбекистон Республикаси қонун ҳужжатлари тўплами, 2006 й., 28–29-сон, 260-модда.

түзилишида айрим жиддий зиддиятларни аниқлаш имконини берди ва уларга ўқувчи ёътиборини қаратмоқчимиз.

Биринчидан, компьютер ахборотини модификациялаштириш унга шикаст етказиш (ахборотни яроқсиз ҳолатта келтириш) ва уни ўчириш (ахборотни йўқ қилиб юбориш) билан боғлиқ бўлиши мумкин эмас. Модификациялаштириш ахборотни қайта ишлашни, яъни уни ўзгартириш, бузуб кўрсатиш, соҳталаштиришни англатади.

Жумладан, Ўзбекистон Республикасининг «Электрон ҳисоблаш машиналари учун яратилган дастурлар ва маълумотлар базаларининг хукуқий ҳимояси тўғрисида»ги Қонуни 1-моддаси (Асосий тушунчалар) 7-қисмида ЭҲМ учун яратилган дастур ёки маълумотлар базасини модификациялаш (қайта ишлаш) тушунчаси белгиланган бўлиб, у кўрсатилган дастурлар ва маълумотлар базаларини алаптация деб ҳисобланмайдиган ва бошлангич матн ўзгаришига олиб келадиган ҳар қандай тарзда ўзгартиришни англатади.

Тармоқ стандартида ахборотни модификациялаштириш «ахборот мазмуни ёки ҳажмини унинг манбаларида техника воситалари билан ишлов бериш чоғида рухсатсиз ўзгартириш» сифатида тавсифланади (2.7-банд)¹. Шунингдек, стандартда «ахборотни бузуб кўрсатиш» ва «ахборотни соҳталаштириш» тушунчаларига ҳам таъриф берилган бўлиб, улар айнан ахборотни рухсатсиз модификациялаштириш сифатида талқин қилинади:

«Ахборотни бузуб кўрсатиш – ахборотни унга техника воситалари билан ишлов бериш (узатиш) чоғида сиртдан таъсирлар (шовқинлар), аппаратура ишидаги носозликлар ёки хизмат кўрсатувчи ходимларнинг янгилик ҳаракатлари натижасида тасодифий ёки қасдан рухсатсиз модификациялаштириш» (2.6-банд)².

«Ахборотни соҳталаштириш – ахборотни унга техника воситалари билан ишлов бериш чоғида рақиб олдилада муайян қулайлик (устунлик)ларга эришиш ёки унга зарар етказиш мақсадида қасдан рухсатсиз модификациялаштириш» (2.8-банд)³.

Иккинчидан, «ахборотта шикаст етказиш» ва «ахборотни ўчириш» каби тушунчалар компьютер соҳасидаги норасмий терминологияга киради, чунки улар стандартлаштирилмаган ва ахборотлаштириш соҳасидаги бошқа норматив ҳужжатларда мавжуд эмас.

«Ахборотни ўчириш» тушунчасига Тармоқ стандартида «ахборотни йўқ қилиб юбориш» тушунчасига берилган таърифда дуч келиш мумкин:

¹ Қаранг: Тармоқ стандарти. «Алоқа ва ахборотлаштириш соҳасида ахборот ҳаффизлиги. Атамалар ва уларнинг таърифлари». TS 45.010: 2002. – 11-б.

² Ўша жойда. – 11-б.

³ Ўша жойда. – 12-б.

«Ахборотни йўқ қилиб юбориш – ахборотни унинг манбаларида техника воситалари билан ишлов бериш чоғида тасодифий ёки қасддан ўчириш» (2.9-банд)!. Бу таърифдан кўриниб турганидек, ахборотни ўзгартириш, бузиб кўрсатиш ва уни соҳталаштиришдан фарқли ўлароқ, ахборотни йўқ қилиб юбориш (худди шунингдек, уни ўчириш) ахборотни модификациялаштириш ҳисобланмайди.

Худди шу гапни ахборотга шикаст етказиши ҳақида ҳам айтиш мумкин. Мазкур тушунчага расмий таъриф берилмагани боис, уни этиологик мазмунидан келиб чиқиб, хусусан, ахборотни бузиш, уни фойдаланиш учун яроқсиз ҳолатта келтириш сифатида талқин қилишга тўғри келадики, булар ҳам компьютер ахборотини модификациялаштиришнинг маъно ва мазмунига мос келмайди.

Мазкур тушунчалар ўз табиатига кўра кўпроқ компьютер саботажига тааллуқлидир.

Бундан ташқари, қонун чиқарувчининг ўзи ЖК 278²-моддаси (Компьютер ахборотидан қонунга хилоф равишида (рухсатсиз) фойдаланиш) ва 278⁴-моддаси (Зарар келтирувчи дастурларни яратиш, ишлатиш ёки тарқатиш)ни тузишида йўқ қилиб юбориш ва модификациялаштиришни турли жинсли тушунчалар сифатида ишлатган, кўриб чиқилаётган модда диспозициясида эса, «йўқ қилиб юбориш» атамасининг ўрнига у билан айний бўлган «ўчириш» атамасини ишлатиб, ахборотни йўқ қилиб юборишга уни модификациялаштиришнинг тур хили сифатида ёндашган. Яъни ЖК 278⁴-моддасида ахборотни модификациялаштириш амалда ахборотни йўқ қилиб юбориш (ўчириш)га нисбатан кенгроқ тушунча сифатида намоён бўлади. Бизнингча, бу ёндашув мантиққа зид ва компьютер терминологиясини кўллашда ноизчилликни намойиш этади.

Учинчидан, ЖК 278⁴-моддаси I-қисмидаги «била туриб унга ёлғон ахборотни киритиш» иборасини ҳам ўз ўрнида ишлатилган деб айтиш мушкул. Бу ерда муайян тақориийлик кузатилади: била туриб унга (яъни ахборотга) ёлғон ахборотни киритиш. Бундан ташқари, компьютер ахборотига ёлғон, яъни ҳақиқатга мос келмайдиган маълумотларни киритиш уни бузиб кўрсатиш ёки соҳталаштиришни англатади.

Шуни эътиборга олиб кўриб чиқилаётган модда биринчи қисмнинг мазмуни қўйидагича таърифланса, бизнингча, мақсадга мувофиқ бўлар эди: «Компьютер ахборотини модификациялаштириш, яъни компьютер тизимида сақланаётган ахборотни қонунга хилоф равишида ўзгартириш, бузиб кўрсатиш, худди шунингдек, уни соҳталаштириш фуқароларнинг ҳуқуқларига ёки қонун билан қўриқланадиган манфаатларига ёхуд давлат ёки жамоат манфаатларига кўп миқдорда зарар ёхуд жисдий зиён етказилишига сабаб бўлса».

¹ Қаранг: Тармоқ стандарти. «Алоқа ва ахборотлаштириш соҳасида ахборот хавфсизлиги. Атамалар ва уларнинг таърифлари». TSt 45.010: 2002. – 12-б.

Бу фикр-мулоҳазалар миllий жиноят қонунчилигимизни янада такомиллаштириш чоғида эътиборга олинади деб умид қиласиз.

Компьютер ахборотини қонунга хилоф равища модификациялаштириш ЖК 278⁴-моддаси 1-қисмida кўrsatilgan ижтимоий хавфли оқибатлар юз берган, яъни фуқароларнинг ҳуқуқларига ёки қонун билан қўриқланадиган манфаатларига ёхуд давлат ёки жамоат манфаатларига кўп миқдорда зарар ёхуд жиддий зиён етказилган вақтдан эътиборан тугалланган жиноят деб эътироф этилади.

Мазкур жиноят содир этилиши натижасида фуқароларнинг ҳуқуқларига ёки қонун билан қўриқланадиган манфаатларига ёхуд давлат ёки жамоат манфаатларига жиддий зиён етказилиши муҳим ёки ҳатто ўта ноёб ахборотнинг йўқолишидан; муҳим техника воситалари ишдан чиқишидан (жумладан, авария, ҳалокат ва одамлар ўлимига сабаб бўлиши мумкин бўлган авианавигация техникаси ишдан чиқишидан); компьютер тармогига бирлаштирилган ЭҲМ ўргасида алоқанинг қайта созлаш ёки узоқ вақт таъмирлашни талаб этувчи узилишидан ва ҳоказолардан иборат бўлиши мумкин.

(Кўrsatilgan ижтимоий хавфли оқибатларнинг тавсифи ва уларни квалификация қилиш хусусиятлари ҳақида батағсилроқ ЖК 278¹-моддаси таҳлилига қаранг.)

ЖК 278⁴-моддасида назарда тутилган жиноят **субъектив томондан қасддан** (тўғри ёки эгри қасд билан), **эҳтиётсизлик орқасида** ёки **мураккаб айбли жиноят** тарзида содир этилиши мумкин.

(Мазкур айб шаклларининг ақл ва идрок омиллари мазмуни ҳақида ЖК 278¹-моддаси таҳлилида айтиб ўтилган.)

Килмишни квалификация қилишда унинг **мотиви** ва **мақсади** иккинчи даражали аҳамият қасб этади.

ЖК 278⁴-моддаси 2-қисмida:

- а) жуда кўп миқдорда зарар етказган ҳолда;
- б) бир гурӯҳ шахслар томонидан олдиндан тил бириктириб;

в) такроран ёки хавфли рецидивист томонидан содир этилган компьютер ахборотини қонунга хилоф равища модификациялаштириш учун жавобгарлик белгиланган.

(Мазкур жавобгарликни оғирлаштирувчи ҳолатларни квалификация қилиш хусусиятлари ҳақида ЖК 278¹-моддаси ва ЖК 278²-моддаси таҳлилига қаранг.)

5-ғ. Компьютер саботажи (ЖК 278⁵-моддаси)

Мазкур жиноятнинг **бевосита обьектини** компьютер ахбороти ёки дастурларнинг, шунингдек, компьютер ускунасининг бутлигини таъминлашга доир ижтимоий муносабатлар ташкил этади. Бу ерда **қўшимча обьект** сифатида фуқароларнинг шахсий ёки мулкий манфаатларини ёхуд давлат ва жамоат манфаатларини таъминловчи ижтимоий муносабатлар амал қилиши мумкин.

С.И.Ожегов изоҳли луғатига кўра, саботаж ўзини худди ишни лозим даражада бажараёттандек қилиб кўрсатиб, уни қасдан издан чиқариш ёки барбод қилишни, бирон-бир нарсани бажариш, амалга оширишга зидан қарши ҳаракат қилишни англатади¹.

Ушбу изоҳ ҳамда кўриб чиқилаётган модда диспозициясининг таҳриридан келиб чиқиб, **компьютер саботажи** деб, компьютер ускунаси ёки компьютер тизимининг ишига удар нормал фаолият кўрсатишига халақит бериш ниятида аралашишни эътироф этиш мумкин.

Ўзганинг компьютер ускунаси ёки хизматда фойдаланиладиган компьютер ускунаси, шунингдек, компьютер тизими жиноят предмети ҳисобланади.

Компьютер ускунаси – ахборотни ўзгартириш ва сақлаш учун мўлжалланган ускуна. Бу турдаги ускунага қуидагилар киради: алоқа тизимлари ва воситалари ускунаси, ўлчаш ва бошқариш воситалари, ҳисоблаш техникаси воситалари (маълумотларга автоматлаштирилган усулда ишлов бериш учун аналоги ва аналоги-рақамли машиналар, электрон ҳисоблаш, электромеханик ва механик комплекслари ва машиналари, маълумотларни сақлаш, қидириш ва уларга ишлов бериш учун мўлжалланган, турли вазифаларни ечиш билан боғлиқ бўлган қурилмалар) ва ташкилий техника воситалари, ахборотни визуал ва акустик акс эттириш воситалари, ахборотни сақлаш воситалари, театр-саҳна ускунаси ва ҳ.к.

(«Компьютер тизими» тушунчаси ҳақида ЖК 278¹-моддаси таҳлилига қаранг.)

Компьютер саботажининг **объектив томони** ўзганинг компьютер ускунасини ёки хизматда фойдаланиладиган компьютер ускунасини ишдан чиқариш, шунингдек, компьютер тизимини бузишдан иборат.

Компьютер ускунасини ишдан чиқариш компьютер тизими, тармоғи, ЭҲМ таркибидағи айрим элементларни уларнинг вазифасига мувоғиқ ишлаб туришини жiddий қийинлаштирувчи тарзда яроқсиз ҳолатга келтиришни англатади.

Компьютер тизимини бузиш деганда, тизимнинг барча аппарат (техник) компонентлари ёки уларнинг айримлари йўқ қилиб юборилиши натижасида бу тизим ўз фаолиятини тўхтатиши тушунилиши лозим. Бунда қилмишни ЖК 173-моддаси (Мулкни қасдан нобуд қилиш ёки унга зарар етказиш) билан қўшимча квалификация қилиш талаб этилмайди.

Компьютер саботажини амалга ошириш усули моддий (блокларни йўқ қилиб юбориш, дискеталар, магнит барабанлари, дисклар, тасмалар ва шу кабиларни яроқсиз ҳолга келтириш) ёки аппарат-дастурний (курилмаларни мазкур ЭҲМ, унинг тизими ёки тармоғига

¹ Тармоқ стандарти. «Алоқа ва ахборотлаштириш соҳасида ахборот хавфсизлиги. Атамалар ва уларнинг таърифлари». ТСТ 45.010: 2002. – 684-б.

мос келмайдиган бошқа қурилмалар билан алмаштириш; маълумотлар базаси устидан ўйин дастурларини ёзиш; файлларнинг номларини ўзгаришиш ва ш.к.) бўлиши мумкин, лекин бу айборнинг ҳаракатларига юридик баҳо беришга таъсир кўрсатмайди.

Компьютер саботажи шахс кўриб чиқилаётган модда диспозициясида кўрсатилган ҳаракатларни бажарган, яъни ўзганинг компьютер ускунасини ёки хизматда фойдаланиладиган компьютер ускунасини қасдан ишдан чиқарган ёхуд компьютер тизимини бузган вақтдан эътиборан туталланган жиноят деб эътироф этилади.

Субъектив томондан мазкур жиноят тўғри қасд билан содир этилиши мумкин. Айбор компьютер ускунасини ишдан чиқариш ёхуд компьютер тизимини бузишга қаратилган ҳаракатларни бажараётганини англайди ва буни истайди.

Бизнингча, кўриб чиқилаётган модда биринчи қисмининг диспозицияси ҳам такомиллаштиришни талаб этади. Уни қўйидаги таҳрирда баён этиш ўринли бўлади деб ўйлаймиз: «*Компьютер саботажи, яъни электрон ҳисоблаш машиналари, электрон ҳисоблаш машиналари тизими ёки уларнинг тармоқлари ишини бузиш мақсадида компьютер ахборотини қасдан ўйқ қилиб юбориш, унга шикаст етказиш ёки уни тўсиб қўйиш ёхуд ўзганинг компьютер ускунасини ёки хизматда фойдаланиладиган компьютер ускунасини қасдан ишдан чиқариш, худди шунингдек, компьютер тизимини бузиш*».

Жиноий қилмишнинг маҳсус мақсади – электрон ҳисоблаш машиналари, электрон ҳисоблаш машиналари тизими ёки уларнинг тармоқлари ишини бузишни кўрсатиш, аввало, компьютер саботажининг моҳиятини, унинг қилмишни тўғри квалификация қилиш учун зарур бўлган муқаррар элементларини тўлиқ акс эттириш ва уни турдош жиноят таркиби – мулкни қасдан нобуд қилиш ёки унга зарар етказиш (ЖК 173-моддаси)дан фарқлаш имконини беради.

Масалан, компьютер ускунасини ишдан чиқариш уни шундай бир ҳолатга келтиришни англатадики, бунда мазкур ускунадан унинг ўз функционал вазифасига кўра фойдаланиш мумкин бўлмайди. Бу, юқорида қайд этиб ўтилганидек, моддий буюм сифатидаги компьютер ускунасининг яхлитлигини бузиш йўли билан амалга оширилиши мумкин. Бундай вазиятларда айнан айбор гайриқонуний хулқ-авторининг маҳсус мақсади қилмишга тўғри юридик баҳо бериш имконини беради.

Компьютер ахборотини йўқ қилиб юбориш, унга шикаст етказиш (худди шунингдек, уни тўсиб қўйиш)га келсак, юқорида қайд этиб ўтганимиздек, мазкур ҳаракатлар қасдан (ва айниқса маҳсус мақсад билан) содир этилганда айнан компьютер саботажига киритилиши лозим.

(Бу ҳақда батафсилроқ ЖК 278⁴-моддаси таҳлилига қаранг.)

ЖК 278⁵-моддаси 2-қисмида:

- а) бир гуруҳ шахслар томонидан олдиндан тил бириктириб;
- б) такроран ёки хавфли рецидивист томонидан содир этилган компьютер саботажи учун жавобгарлик назарда тутилган.

(Жавобгарликни оғирлаштирувчи мазкур ҳолатларнинг мазмуни ва уларни квалификация қилиш хусусиятлари ҳақида ЖК 278²-моддаси таҳлилига қаранг.)

6-§. Зарар келтирувчи дастурларни яратиш, ишлатиш ёки тарқатиш (ЖК 278⁶-моддаси)

Ушбу жиноятнинг бевосита **объекти** компьютер ахбороти хавфсизлигини ва ЭҲМ, ЭҲМ тизими ёки уларнинг тармоқлари нормал ишлашини таъминлашга доир ижтимоий муносабатлардир. Бу ерда **қўшимча объект** сифатида фуқароларнинг шахсий ёки мулкий манфаатлари ёхуд давлат ва жамоат манфаатлари ҳам амал қилиши мумкин.

Жиноятнинг предмети – зарар келтирувчи компьютер дастурлари, шунингдек, маҳсус вирус дастурлари.

Компьютер дастури (ЭҲМ учун дастур) – бу «муайян натижга олиш мақсадида ЭҲМ, ЭҲМ шоҳобчалари ва бошқа компьютер воситаларининг ишлаши учун мўлжалланган маълумотлар ва кўрсатмалар мажмую¹. Компьютер дастури деб, уни ишлаб чиқиш чоғида олинган тайёргарлик ҳужжатлари ҳамда у билан яратиладиган аудиовизуал тасвирлар ҳам эътироф этилади.

Шуни қайд этиш лозимки, **ЖК 278⁶-моддаси** диспозициясида айнан **зарар келтирувчи** компьютер дастури (ЭҲМ дастури) назарда тутилади.

NOTA BENE!

Зарар келтирувчи компьютер дастурлари – фойдаланувчи рухсат бермаган ҳаракатларни бажаришга ва шу тарқа компьютер тизимида сақланаётган ёки узатилаётган ахборот мулқдори (эгаси)га уни йўқ қилиб юбориш, тўсиб қўйиш, модификациялаштириш, ундан нусха кўчириш ёки уни қўлга киритиш тарзида зиён етказишга, шунингдек, ўзга ноxуш оқибатлар (ЭҲМ, ЭҲМ тизими ёки уларнинг тармоқлари ишининг бузилиши)га сабаб бўлишга қодир бўлган, маҳсус яратилган дастурлар.

Дастурнинг зааралилигини аниқлаш учун у компьютер тизимларида сақланаётган маълумотлар ёки дастурлар рухсатсиз тўсиб қўйи-

¹ Қаранг: Ўзбекистон Республикасининг 1994 йил 6 майдаги «Электрон ҳисоблаш машиналари учун яратилган дастурлар ва маълумотлар базаларининг ҳукукий ҳимояси тўғрисида»ги 1060-XII-сон Қонуни, 1-модданинг 2-қисми.

лиши, улардан нусха күчирилиши, уларнинг модификациялаштирилиши, йўқ қилиб юборилишига олиб келишга қодирлиги ёки қодир эмаслиги, яъни бу дастур ишининг хусусияти ҳақида ахборот мулкдори (эгаси) ёки ўзга ваколатли фойдаланувчини олдиндан хабардор этиш назарда тутилганлиги ёки назарда тутилмаганлиги, шунингдек, дастур ўз функцияларини бажаришига унинг рухсатини олиш назарда тутилганлиги ёки назарда тутилмаганлиги аниқланиши лозим. Агар бу талабларнинг ҳеч бўлмаса биттаси бузилса ҳам дастур гайриқонуний (зарар келтирувчи) деб топилиши лозим.

Зарар келтирувчи дастурлар тоифасига қўйидагилар киради: вирус дастурлари; электрон қалитларнинг дастур-эмулаторлари; паролли муҳофазани бузувчи дастурлар; «мантиқий бомбалар»; «тробот», «курт» қабилидаги ва бошқа дастурлар.

Ўз вақтида (2001 йил) компьютер ахборотини қўлга киритиш ва ўзганинг ЭҲМ устидан назорат ўрнатишга мўлжалланган «тробот» дастури барча зарар келтирувчи дастурлар орасида айниқса кенг тарқалган эди. Мазкур дастур дастурий таъминот муаллифи томонидан назарда тутилмаган кўрсатмалар блокидан иборат бўлиб, улар ўз вазифасини бажариб бўлганидан сўнг ўз-ўзидан йўқ бўлади. Шундан сўнг мазкур дастурий модулларни топиш деярли мумкин эмас. Тробот дастурларининг ўзига хос хусусияти шундаки, улар компьютер тизимида чуқур киради, яхшилаб ниқобланади, шу боис уларни аниқлаш ва ўчириб ташлаш жуда қийин.

«Мантиқий бомбалар» ҳам анча кенг тарқалган зарар келтирувчи вируслардир. Улар қасдан дастур кодини ўзgartиришдан иборат бўлиб, бунинг натижасида ЭҲМ дастури ёки тизими олдиндан белгиланган шароитда, масалан, муайян вақтда тўлиқ ёки қисман ишдан чиқади.

«Мантиқий бомбалар»нинг компьютер вирусларидан фарқи шундаки, улар аввал-бошдан дастурнинг бир қисми ҳисобланади ва бошқа дастурларга ўтмайди, компьютер вируслари эса, ҳаракатчан дастурлар бўлиб, ҳатто компьютер тармоқлари бўйлаб тарқалиши ҳам мумкин¹.

NOTA BENE!

Вирус дастури – бошқа дастурларга ўз-ўзидан қўшилишга (яъни уларни «зараарлаш»га) ва улар ишга туширилганда ваколатли фойдаланувчи учун номақбул бўлган турли амалларни бажариш, чунончи: файллар ва каталогларга шикаст етказиш йўли билан улардаги ахборотни йўқ қилиб юбориш, модификациялаштириш, тўсиб қўйиш; компьютер хотирасини кераксиз маълумотлар билан тўлдириш ёки ўчириш, унинг иши секинлашувига олиб келиш ва ҳоказоларга қодир бўлган зарар келтирувчи маҳсус дастур.

¹ Преступления в сфере компьютерной информации: квалификация и доказывание. Учеб. пособие. / Под ред. Ю.В. Гаврилина. – 39-б.

Вирус дастурлар, одатда, улар ўз-ўзидан нусха кўчириши ва ниқобланишини таъминловчи кўрсатмаларни ўз ичига олади. Муайян давр мобайнида вирус ўзини намоён этмаслиги мумкин, лекин кейинчалик компьютер «касалланади» ва сиртдан сабабсиз ишдан чиқади. Аксарият ҳолларда компьютер ишидаги носозликлар ахборот тўлиқ ёки қисман йўқ бўлиб кетиши билан бирга юз беради.

Расмий даражада рўйхатдан ўтказилган, компьютерни бутунлай яроқсиз ҳолатта келтиришга қодир бўлган компьютер вируслари орасида «Покистон вируси», «Рождество арчаси», «Моррис вируси», «I love you», «666» вирусларини қайд этиш мумкин. Ҳозирги вақтда ЭҲМ учун вируслар сони бир неча ўн мингтага етади ва уларнинг сони тинимсиз ўсиб бормоқда.

ЖК 278⁶-моддасида назарда тутилган жиноятнинг **объектив томони** компьютер тизимида сақланаётган ёки узатилаётган ахборотни рухсатсиз йўқ қилиб юбориш, тўсиб қўйиш, модификациялаштириш, ундан нусха кўчириш ёки уни қўлга киритиш мақсадини кўзлаб компьютер дастурларини яратиш ёки мавжуд дастурларга ўзгартиришлар киритиш, худди шунингдек, маҳсус вирус дастурларини ишлаб чиқиш, улардан қасдан фойдаланиш ёки уларни қасдан тарқатишида акс этади.

Зарар келтирувчи дастурларни яратиш, худди шунингдек, **маҳсус вирус дастурларини ишлаб чиқиш** дастурий алгоритмини ёзиши, яъни мантиқий кўрсатмалар кетма-кетлигини ва кейинчалик уни ЭҲМ машина тилига ўтказиши назарда тутади.

Умуман олганда, ҳар қандай компьютер дастурини яратиш алгоритми ёзиш тилини танлаш, кейинчалик ЭҲМ машина тилига ўтказиш, дастурни ростлаш ва сақлаб қўйишни ўз ичига олевучи изчил фаолиятдир. Зарар келтирувчи дастурларни яратиш вазифаси қўйилганда бу ҳаракатлар жиноят қонунига биноан жазога лойиқ деб топилиши мумкин.

Мавжуд дастурларга ўзгартиришлар киритиш – бу безарар бўлган дастурни унга вирус киритиш орқали (унинг алгоритмини ўзгартириш, унинг айрим қисмларини олиб ташлаш ёки тўлдириш, уларни бошқа қисмлар билан алмаштириш йўли билан) модификациялаштириш бўлиб, бунинг натижасида дастур янги функцияларни орттиради ва компьютер тизимида сақланаётган ёки узатилаётган ахборот рухсатсиз йўқ қилиб юборилиши, тўсиб қўйилиши, модификациялаштирилиши, ундан нусха кўчирилиши ёки у қўлга киритилишига олиб келишга қодир бўлади.

(«Ахборотни йўқ қилиб юбориш», «ахборотнинг тўсиб қўйилиши», «ахборотни модификациялаштириш», «ахборотдан нусха кўчириш» ва «ахборотни қўлга киритиш» тушунчаларининг мазмуни ҳақида ушбу бобда қўриб чиқилган олдинги моддалар таҳлилига қаранг.)

Зарар келтирувчи дастур ёки маҳсус вирус дастуридан фойдаланиш деганда, Ўзбекистон Республикасининг «Электрон ҳисоблаш машиналари учун яратилган дастурлар ва маълумотлар базаларининг ҳуқуқий ҳимояси тўғрисида»ги Қонуни 1-моддасининг қоидаларини ҳисобга олганда, қўйидагилар тушунилиши лозим:

— тегишли дастурни босиб чиқариш, яъни унинг нусхаларини номуайян доирадаги шахсларга бериш (шу жумладан, ЭҲМ хотирасида ёзиб қўйиш ва босма матнни чиқариш йўли билан);

— ундан нусха олиш, яъни дастурнинг бир ёки бир неча нусхаларини ҳар қандай моддий шаклда тайёрлаш, шунингдек, уларни ЭҲМ хотирасида ёзиб қўйиш;

— тарқатиш;

— дастурни хўжалик муомаласига (жумладан, модификациялаштирилган шаклда) киритиш юзасидан бошқа ҳаракатларни амалга ошириш. Бунда босиб чиқарилган тегишли дастур ҳақидаги хабарларни оммавий ахборот воситаларида эълон қилиш зарар келтирувчи ёки маҳсус вирус дастуридан фойдаланиш деб эътироф этилмайди¹.

Шуни айтиб ўтиш лозимки, айрим ҳолларда зарар келтирувчи дастурлардан рухсат билан фойдаланилади, яъни бунда тегишли зарар келтирувчи дастурнинг қўлланилишини ахборот ресурсининг мулкдори ёки бошқа қонуний эгаси маъқуллайди (янги дастурий таъминотни ишлаб чиқиша, вирусга қарши воситаларни яратиш борасидаги тадқиқот ишларини ўтказиша ва ш.к.).

Зарар келтирувчи ёки маҳсус вирус дастурини тарқатиш деганда, зарар келтирувчи дастурнинг ҳар қандай моддий шаклда, шу жумладан тармоқлар воситасида ва бошқа усуллар ёрдамида, шунингдек, сотиш, прокатга бериш, ижарага топшириш, қарзга бериб туриш, жумладан ушбу мақсадларнинг исталгани учун импорт қилиш йўли билан олинган нусхаларидан фойдаланишни таъминлаш тушунилади². Кўриб чиқилаётган турдаги дастурларни тарқатиш бевосита улардан жабрланувчининг компьютерида, масалан, дискетадан ёки бошқа манбадан нусха кўчириш йўли билан, шунингдек, билвосита, қонуний фойдаланувчининг алоқа линияси бўйлаб компьютер тармоғи орқали ёки электрон почта орқали узатиш йўли билан амалга оширилиши мумкин.

ЖК 278⁶-моддасида назарда тутилган жиноят мазкур норманинг диспозициясида белгиланган ҳаракатларнинг исталган бири амалга оширилган пайтдан эътиборан, компьютер тизимида сақланаётган ёки узатилаётган ахборотни рухсатсиз йўқ қилиб юбориш, тўсиб кўниш, модификациялаштириш, ундан нусха кўчириш ёки уни қўлга

¹ Қаранг: Ўзбекистон Республикасининг 1994 йил 6 майдаги «Электрон ҳисоблаш машиналари учун яратилган дастурлар ва маълумотлар базаларининг ҳуқуқий ҳимояси тўғрисида»ги 1060-XII-сон Қонуни, 1-мода.

² Ўша жойда.

киритиши тарзидаги оқибатлар юз берганлиги ёки бермаганлигидан қатын назар, туталланган деб эътироф этилади. Хусусан, вирус дастурлари бирламчи матнлари мавжудлигининг ўзиёқ кўриб чиқилаётган модда бўйича жавобгарликка тортиш учун асос бўлади.

Шуни қайд этиш лозимки, «зарар келтирувчи дастурларни яратиш ёки мавжуд дастурларга ўзгартирислар киритишида акс этган қилмиш у амалда ахборотнинг рухсатсиз йўқ қилиб юборилиши, тўсиб қўйилиши, модификациялаштирилиши, ундан нусха кўчирилиши ёки унинг қўлга киритилиши хавфини вужудга келтирган ҳолдагина жиноят ҳисобланади. Акс ҳолда, шахснинг зарар келтирувчи дастурларни яратиш, улардан фойдаланиш ёки уларни тарқатиш борасидаги ҳаракатлари жиноят сифатида қаралиши мумкин эмас. Масалан, монитор экранида штрих ҳосил қилиб, дарҳол фойиб бўладиган анча заарасиз дастур-вирусни яратган шахснинг ҳаракатлари жиноий бўлмайди!».

Шу сабабли, яратилган, тарқатилган ёки ишлатилган зарар келтирувчи дастур амалда ахборотнинг тўсиб қўйилиши, модификациялаштирилиши, ундан нусха кўчирилиши ёки унинг қўлга киритилишига олиб келиши ва шу тариқа унинг эгасига хавф тугдириши мумкин бўлмаган ҳолларда айборнинг ҳаракатлари ЖК 36-моддасига биноан кам аҳамиятли деб баҳоланиши лозим.

Субъектив томондан мазкур жиноят фақат тўғри қасд билан содир этилиши мумкин. Шахс ўзи яратадиган дастурнинг зарар келтирувчи хоссаларини олдиндан билади, мавжуд дастурларга бундай ўзгартирисларни онгли равишда киритади, маҳсус вирус дастурларини ишлаб чиқади, улардан фойдаланади ёки тарқатади ва буни истайди. Кўрсатилган ҳаракатларни айбор **ЖК 278⁶-моддаси** диспозициясида белгиланган **мақсад** – компьютер тизимида сақданаётган ёки узатиллаёттан ахборотни рухсатсиз йўқ қилиб юбориш, тўсиб қўйиш, модификациялаштириш, ундан нусха кўчириш ёки уни қўлга киритишини кўзлаб амалга оширади. Бу жиноятнинг **мотиви қилмишни** квалификация қилиш учун иккинчи даражали аҳамият касб этади.

Субъект – 16 ёшга тўлган ақли расо жисмоний шахс. Одатда, бу кибернетика ва ахборот технологиялари соҳасида маҳсус билимларга эга бўлган шахс.

ЖК 278⁶-моддаси 2-қисмида:

- жуда кўп миқдорда зарар етказган ҳолда;
- бир гуруҳ шахслар томонидан олдиндан тил бириктириб;
- такроран ёки хавфли рецидивист томонидан;
- уюшган гуруҳ томонидан ёки унинг манфаатларини кўзлаб содир этилган зарар келтирувчи дастурларни яратиш, ишлатиш ёки тарқатиш учун жавобгарлик назарда тутилган.

¹ Уголовное право России. Особенная часть. Учебник для высших учебных заведений / Под общ. ред. д.ю.н., проф. И.Г. Кадникова. – 664-б.

(Жавобгарликни оғирлаштирувчи бу ҳолатларнинг мазмуни ва уларни квалификация қилиш хусусиятлари ҳақида ЖК 278¹-моддаси ва ЖК 278²-моддаси таҳлилига қаранг.)

«Ахборот технологиялари соҳасидаги жиноятлар» мавзуси бўйича якуний саволлар

1. Ахборотлаштириш қоидаларини бузиш нималарда намоён бўлади?
2. Ахборотлаштириш қоидаларининг бузилиши натижасида жиддий зиён етказиш нимадан иборат?
3. Компьютер ахбороти деганда нима тушунилади?
4. Компьютер ахборотидан рухсатсиз фойдаланишдан компьютер ахборотидан рухсат билан фойдаланишнинг фарқи нимада? Компьютер ахборотидан фойдаланиш билан компьютер тизимидан фойдаланиш ўртасида фарқ борми?
5. Ахборотдан нусха кўчириш, уни тўсиб қўйиш, йўқ қилиб юбориш ва қўлга киритиш нимани англатади?
6. Электрон ҳисоблаш машиналари, электрон ҳисоблаш машиналари тизими ёки уларнинг тармоқлари ишининг бузилиши нимада акс этиши мумкин?
7. ЖК 278³-моддаси (Компьютер тизимидан қонунга хилоф равиша (рухсатсиз) фойдаланиш учун маҳсус воситаларни ўтказиш мақсадини кўзлаб тайёрлаш ёхуд ўтказиш ва тарқатиш)да назарда тутилган жиноятнинг предметини нималар ташкил этади?
8. Компьютер ахборотини модификациялаштириш деганда нима тушунилади? Модификациялаштириш ахборотни йўқ қилиб юбориш, тўсиб қўйиш, ундан нусха кўчириш ва уни қўлга киритишдан нима билан фарқ қиласди?
9. Компьютер саботажи нима?
10. Зарар келтирувчи компьютер дастури нима?
11. Зарар келтирувчи компьютер дастурини яратиш, ишлатиш ва тарқатиш деганда нима тушунилади?

Қўшимча адабиётлар

Ўкув қўлланмалар, маҳсус адабиётлар

Айков Д., Сейгер К., Фосторх У. Компьютерные преступления. Руководство по борьбе с компьютерными преступлениями. – М.: МИР, 1999.

Батурина Ю.М., Жодзинский А.М. Компьютерная преступность и компьютерная безопасность. – М.: НОРМА, 1991.

Вехов В.В. Компьютерные преступления: способы совершения и раскрытия. – М.: «Право и Закон», 1996.

- Гаврилин Ю.В.* Преступления в сфере компьютерной информации. Квалификация и доказывание. — М.: «Книжный мир», 2003.
- Козлов В.Е.* Теория и практика борьбы с компьютерной преступностью. — М.: Горячая линия — Телеком, 2002.
- Крылов В.В.* Информационные компьютерные преступления. — М.: ИНФРА — М*НОРМА, 1997. — 285 Б.
- Куршин В.Д., Минаев В.А.* Компьютерные преступления и информационная безопасность. — М.: Новый Юрист, 1998.
- Мазуров В.А.* Компьютерные преступления: классификация и способы противодействия: Учебно-практическое пособие. — М.: «Палеотип», «Логос», 2002. — 148 Б.
- Методика информационной безопасности / Под ред. Ю.С. Уфимцева — М.: «Экзамен», 2004.
- Преступления в сфере компьютерной информации: квалификация и доказывание. Учеб. пособие / Под ред. Ю.В. Гаврилина. — М.: ЮИ МВД РФ, 2003.
- Расулов А.К.* Международное сотрудничество и уголовно-правовые меры борьбы с компьютерными преступлениями. Научно-практическое пособие. — Т.: ВШСАиП, 2006.
- Стенг Д., Мун С.* Секреты безопасных сетей. — Киев: 1995.
- Щеглов А.Ю.* Защита компьютерной информации от несанкционированного доступа. — СПб.: «Наука и технология», 2004.
- Ярочин В.И.* Информационная безопасность. — М.: «Академический проект», 2004.

Илмий мақолалар

- Арипов К.* Компьютерные преступления: сущность, понятие и виды // Ж. Демократизация и права человека. 2004. № 4.
- Ляпунов Ю., Максимов В.* Ответственность за компьютерные преступления // Ж. Законность. 2001. № 2.
- Никифоров И.В.* Уголовно-правовые меры борьбы с компьютерной преступностью и обеспечение компьютерной безопасности // Вестник Санкт-Петербургского университета. Сер. 6, вып.4. 1995. № 27.
- Расулов А.К.* Борьба с компьютерными преступлениями. // Ж. Давлат ва хукуқ. 2002. № 1 (9). — 44–46-б.
- Расулов А.К.* Вина, мотив и цель в компьютерных преступлениях. // Ж. Давлат ва хукуқ. 2005. № 6 (28). — 55–56-б.
- Расулов А.К.* Меры борьбы с компьютерными преступлениями: национальный и международный опыт // Ж. Общественное мнение. Права человека. 2004. № 2 (26). — 81–87-б.
- Расулов А.К., Невматов Ж.А.* Уголовно-правовые и криминологические аспекты определения понятия компьютерной преступности // Ж. Демократизация и права человека. 2005. № 1 (25). — 120–121-б.

Расулов А.К. Объективная сторона компьютерных преступлений. / / Ж. Давлат ва хукуқ. 2004. № 2 (18). – 38–44-б.


Расулов А.К. Уголовно-правовые проблемы борьбы с компьютерными преступлениями // Ж. Общественные науки в Узбекистане. 2002. № 2. – 87–89-б.

Расулов А.К. Юридическая характеристика субъекта, совершающего компьютерные преступления // Ж. Давлат ва хукуқ. 2005. № 4. – 52–54-б.


Рустамбаев М.Х., Расулов А.К. Ответственность за совершение компьютерных преступлений по законодательству зарубежных стран // Ж. Давлат ва хукуқ. 2001. № 3 (7). – 46–50-б.

VI БОБ. БҮЙСУНИШ ВА ҲАРБИЙ ШАҢГА РИОЯ ЭТИШ ТАРТИБИГА ҚАРШИ ЖИНОЯТЛАР

7-схема



8-схема



Ўзбекистон Республикаси Қуролли Кучлари, бошқа ҳарбий тузилмалар давлат суверенитети ва мамлакат ҳудуди бутунлиги, ахолининг тинч осуда ҳәти ва хавфсизлигини сақлаш учун ташкил этилган.

Қуролли Кучлар ва бошқа ҳарбий тузилмаларнинг асосий фаолияти, шунингдек, улар томонидан ўз олдиларига қўйилган вазифаларни бажариш кафолати бўлиб ҳарбий хизматни ўташга аниқ ва шартсиз риоя этилиши саналади.

Ҳарбий судлар, ҳарбий жиноятларнинг жамоат учун ҳавфи, ҳарбий интизом ҳамда қўшиннинг ҳарбий тайёргарлигини сусайтириб, мамлакатнинг мудофаа қобилиятига зарар етказишида эканлигига эътибор қаратмоқлари лозим.

Ҳарбий хизматдан бўйин товлаш, ҳарбий хизматчилар ўртасидаги ўзаро муносабатларга оид устав қоидаларининг бузилиши, ўз ваколатларини сунистельмоп қилиш ёки уни ошириб юбориш ва ҳ.к.лар ҳарбий хизматчилар орасида анча кенг тарқалган жиноятлардан ҳисобланади. Бундан ташқари, ҳарбий хизматчилар томонидан умумжиноят характеристидаги бошқа бир қатор жиноятлар ҳам содир этиладики, оғир ва ўта оғир жиноятлар шулар жумласидандир.

Ҳарбий хизматни ўташ тартибига қарши жиноятлар (ҳарбий жиноятлар) деганда, ЖК VII бўлимида келтирилган, чақирув бўйича (муддатли ҳарбий хизмат, сафарбарлик чақирув резервидаги ёки муқобил хизмат) ёки контракт (шартнома) бўйича Ўзбекистон Республикаси Куролли Кучларида, Ўзбекистон Республикасининг бошқа ҳарбий тузилмаларида ҳарбий хизматни ўтаётган ҳарбийлар томонидан, шунингдек, захирадаги ҳарбий хизматта мажбур шахслар томонидан улар ҳарбий йигинларда иштирок этаётган чоғларида ўрнатилган тартибдаги ҳарбий хизматни ўташга қарши жиноятлар тушунилади.

Ўзбекистон Республикаси 2002 йил 12 декабрдаги «Умумий ҳарбий мажбурият ва ҳарбий хизмат тўғрисида»ги 436-II-сонли Конунининг¹ 4-моддасида ҳарбий хизматнинг қуйидаги турлари кўрсатилган:

- муддатли ҳарбий хизмат;
- сафарбарлик чақируви резервидаги ҳарбий хизмат;
- контракт (шартнома) бўйича ҳарбий хизмат;
- Ўзбекистон Республикаси Куролли Кучлари сафидаги ҳарбий хизматни ўтаган резервчилар хизмати.

Муддатли ҳарбий хизмат – чақирилиш ёшидаги фуқароларнинг оддий аскарлар ва сержантлар таркиби лавозимларида, шунингдек, муқалдам ҳарбий хизматни ўтамаган офицерларнинг қонун ҳужжатларида белгиланган муддат мобайнида Куролли Кучлар сафидаги мажбурий хизматидир.

Муддатли ҳарбий хизматни ўташга яроқли ҳамда чақирилиш муддатини кечиктириш ва чақирилишдан озод этилиш хукуқига эга бўлмаган, бироқ Куролли Кучлар сафига навбатдаги муддатга чақирилмаган шахслар сафарбарлик чақируви резерви сафига олинадилар.

Сафарбарлик чақируви резерви хизмати ҳудудий принцип асосида ойлик йигинлар тарзида ташкил этилади ҳамда чақирилувчилар

¹ Ўзбекистон Республикаси Олий Мажлисининг Ахборотномаси, 2002 й., 12-сон, 217-модда; 2003 й., 9-10-сон, 149-модда; Ўзбекистон Республикаси қонун ҳужжатлари тўплами, 2004 й., 51-сон, 514-модда; 2008 й., 37-38-сон, 362-модда, 50-сон, 491-модда; Ўзбекистон Республикаси Олий Мажлиси палаталарининг Ахборотномаси, 2006 й., 6-сон, 262-модда.

томонидан Ўзбекистон Республикаси Молия вазирлигининг маҳсус ҳисобварагига пул бадаллари киритилишини назарда тутади.

Контракт (шартнома) бўйича ҳарбий хизмат Куролли Кучлар сафидаги ҳақиқий ҳарбий хизматга ихтиёрийлик асосида, ҳарбий хизмат назарда тутилган вазирликлар, давлат қўмиталари ва идоралар орқали давлат билан тузиладиган контрактга биноан кирган фуқаролар бажарадиган ҳарбий хизмат турдири.

Резервчилар хизмати ҳақиқий ҳарбий хизматни, шунингдек, сафарбарлик чақируви резервидаги хизматни ўтаган оддий аскарлар, сержантлар ва офицерлар жумласидан бўлган ҳарбий хизматга мажбурлар учун Куролли Кучларнинг қўшилмалари, қисмлари ва бўлинмалари сафини уруш даврида тақозо этиладиган штатлар даражасига қадар тўлдириш, шунингдек, уруш даври тақозо этадиган тузилмаларни кучайтириш мақсадида умумий ҳарбий мажбурият асосида жорий этиладиган ҳарбий хизмат турдири.

Резервчилар сифатида хизматни ўтаётган ҳарбий хизматга мажбурлар тинчлик даврида, қоида тариқасида, қўшинларнинг жанговар тайёргарлигини сақлаб туриш, резервчиларнинг ҳарбий ҳисобдаги ихтисослик бўйича мажбуриятларни тинчлик ва уруш даврида бажариши учун зарур бўлган кўнилмаларни сақлаб қолиш ва такомиллаштириш мақсадида ҳарбий қисмлар базасида ҳудудий принцип асосида ташкил этиладиган ҳарбий тайёргарлик бўйича ҳарбий йигинларни ўташга жалб этилишлари мумкин.

Ҳарбий хизмат ўташнинг ўрнатилган тартибини таъминловчи муносабатлар, яъни шахсларнинг ҳарбий хизмат ўташ чогидаги ҳукуқ ва мажбуриятларини Ўзбекистон Республикаси Куролли Кучларида қонунчилик, умумҳарбий низомлар, бошқа меъёрий-ҳукуқий хужжатларни ўрнатилган тартибда амалга ошириш бўйича ҳарбий хизматдаги ҳукуқий муносабатларни ташкил этишни тартибга солиш ҳарбий жиноявларнинг **бевосита объекти** ҳисобланади.

Ўзбекистон Республикаси Олий суди Пленуми таъкидлаганидек: «Ҳарбий хизматни ўташ тартиби – қўшинлар ҳёти ва жанговар фаолияти жараённида юзага келадиган муносабатлар бўлиб, улар қонунлар, ҳарбий қасамёд ва низомларда белгилаб қўйилган. Ушбу хужжатларда ҳарбий хизмат фуқаронинг конституциявий бурчи эканлиги, яккабошлилик ва ундан келиб чиқадиган тобе шахснинг бошлиққа сўзсиз итоат қилиши, ушбу муносабатлар субъектлари ҳукуқ ва эркинликларининг аниқ белгилаб қўйилиши каби ҳарбий ташкилот тамойиллари мустаҳкамлаб қўйилган»¹.

¹ Қаранг: Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ тартибига қарши жиноявларга оид ишларни кўриш бўйича суд амалиёти тўгрисида»ги 23-сонли қарори (Ўзбекистон Республикаси Олий суди Пленумининг 2003 йил 19 декабрдаги 20-сонли ва 2006 йил 3 февралдаги 5-сонли қарорларига асосан киритилган ўзгартириш ва қўшимчалар билан) // Тўплам. 2-жилд. – 38-6.

Ҳарбий ҳуқуқий муносабатлар умумий ва маҳсус турга бўлинади. Биринчи турдаги ҳуқуқий муносабатлар, даражасидан қатъи назар (масалан, ҳарбий хизматчиларнинг ўзларини тутиш қоидалари) барча ҳарбий хизматчиларга таалуқлидир. Маҳсус кўшин (ҳарбий) ҳуқуқий муносабатлари ҳарбий хизматчиларнинг алоҳида даражалари ўртасида, ҳарбий фаолиятнинг алоҳида соҳаларида, аниқ вазифаларни ҳал этиш бўйича (масалан, қоровул таркибидағи ҳарбий хизматчиларнинг ҳуқуқ ва мажбуриятлари) юзага келади.

Ўзбекистон Республикаси Қуролли Кучлари, Давлат чегарасини қўриқлаш қўмитаси, Ички ишлар вазирлиги қошидаги ички ва қоровул қўшинлари, Миллий хавфсизлик хизмати, Фавқулодда вазиятлар вазирлиги, ҳарбий қисм ва муассасаларнинг ҳарбий хизматчилари, ҳарбий жиноятларнинг субъекти бўлишлари мумкин.

Юқорида таъкиданган Қонуннинг З-моддасига кўра, **ҳарбий хизматчилар** – ҳақиқий ҳарбий хизматдаги шахслардир.

Ҳақиқий ҳарбий хизмат чақирув ёки контракт бўйича оддий аскарлар, сержантлар ва офицерлар таркиби лавозимларида Қуролли Кучлар сафидаги ҳарбий хизматдир.

Ҳарбий хизматнинг бошланиши фуқаро ҳарбий қисм шахсий таркиби рўйхатига киритилган кундан бошлаб ҳисобланади, **ҳарбий хизматнинг тугалланиши** вақти эса ҳарбий хизмат муддатининг тугалланишига тўғри келади. Ўзбекистон Республикаси Қуролли Кучлари, Давлат чегарасини қўриқлаш қўмитаси, Ички ишлар вазирлиги қошидаги ички ва қоровул қўшинлари, Миллий хавфсизлик хизмати, Фавқулодда вазиятлар вазирлиги, ҳарбий қисм ва муассасалари таркибида ҳарбий йиғинларни ўтаётган шахслар – ҳарбий хизматчилар ҳисобланадилар¹.

Ҳарбий хизматта мажбур шахслар – Қуролли Кучлар резерви ва захирасидаги шахслардир. Бу шахслар даврий равишда қонунда белгиланган ёшгача, ҳарбий хизматга тайёрлаш ва қайта тайёрлаш учун 2 ой муддатгача ҳарбий йиғинларга чақириладилар. Йиғинлар даврида улар ҳарбий хизмат ўтайдилар, ҳарбий низомлар ва ҳарбий хизматга қарши жиноятлар юзасидан жиноий жавобгарлик уларга ҳам таалуқлидир. Йиғинларнинг биринчи куни улар хизмат ўташларининг бошланиши ҳамда охирги кун – хизматнинг охирги куни ҳисобланади.

Бошқа фуқаролар, жумладан, Ўзбекистон Республикаси Қуролли Кучларининг фуқаролик ходимлари ҳам ҳарбий хизмат ўташ тартибиага қарши жиноятларнинг субъектлари бўлмайдилар ҳамда ЖК VII бўлимида белгиланган қоидалар бўйича жиноий жавобгарликка тортилмайдилар. Ҳарбий жиноятларнинг объектив томонига ўхшаш

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 38-б.

жиноятлар содир этилган тақдирда ҳам, айбдор шахслар, агар уларнинг хатти-ҳаракатлари ушбу жиноятларнинг белгилари билан бир хил бўлгандা, ЖК бошқа маддалари бўйича жиноий жавобгарликка тортиладилар.

Ушбу қоида ҳарбий хизматга қарши ҳар қандай жиноятлар содир этишда шериклик қилган барча фуқароларга ҳам тааллуқлиди. Конуний асосда ҳарбий хизматда бўлган шахсларгина бундай кўринишдаги жиноятларнинг ижроиси ва бошқа шериклари сифатида тан олинишлари мумкин.

«Жиноят ишларининг ҳарбий судлар судловига тегишлилиги «Ҳарбий судлар фаолиятини ташкил этиш тўғрисида»ги Низомда белгиланган.

Жумладан, ҳарбий судлар судловига фавқулодда ҳолатларга кўра умумий судлар фаолият кўрсатмаётган жойлардаги барча жиноят ишлари, давлат сирларига даҳидор ишлар, шунингдек, ҳарбий хизмат даврида ҳарбий хизматчилар томонидан содир этилган, бироқ иш судда кўриладиган пайтга келиб ҳарбий хизматдан бўшатилган шахслар содир этган жиноятлар тўғрисидаги ишлар тааллуқлиди.

Шунинг учун ҳам судлар судловига тааллуқлилик ҳақидаги қонун талабларига қатъий риоя этишлари лозим»!.

1-§. Бўйсунмаслик (ЖК 279-моддаси)

Ўзбекистон Республикаси Куролли Кучларида ўрнатилган бўйсуниш тартиби жиноятнинг асосий бевосита обьекти ҳисобланади. Кўшимча бевосита обьект бўлиб эса, ийсонлар ҳаёти ва саломатлигининг хавфсизлиги, ўзгалар мол-мулкининг сақланишини таъминловчи жўмоат муносабатлари хизмат қиласи (ЖК 279-моддаси 2-қисми).

Бўйсуниш тартиби ҳарбий низомлар билан тартибга солинади. Ҳарбий хизматда бошлиқ ва унга бўйсунувчи ўртасидаги ўзаро муносабатлар асоси «яккабошчилик» принципи ҳисобланади, у командир (бошлиқ)нинг ўз қўл остидагиларни бошқаришда ягона масъуллигини ва бўйсунувчиларнинг командирнинг буйругини сўзсиз бажарини тушунилади.

Объектив томондан бўйсунмаслик, буйруқни бажаришдан очиқдан-очиқ бош тортиш демакдир, бу эса, буйруқни қасдан бажармаслик билан баробар.

NOTA BENE!

Буйруқ – қонун талабларига мувофиқ, бажарилиши мажбурий бўлган, командир (бошлиқ)нинг қўл остидагиларга қаратилган фармойиши.

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 38-б.

NOTA BENE!

Бошлиқ – қўл остида бошқа ҳарбий хизматчилар бўйган, уларга буйруқ, фармойиш бериш ва унинг ижросини назорат қилиш ҳуқуқига эга бўйган ҳарбий хизматчи.

Ҳарбий хизматчи лавозими ёки ҳарбий унвони бўйича бошлиқ бўлиши мумкин. Ҳарбий лавозимлар ҳарбий низомлар ва бошқа ҳужжатларда белгиланган. Бу – бўлимлар, взводлар, роталар, батальон ва бошқа жанговар бўлинмалар командирлари, бўлимлар ва хизматлар, суткали наряднинг алоҳида турлари (қоровул, назорат-ўтказиш шахобчалари ва бошқ.) бошлиқларининг штат лавозимларидир.

Бошлиқ лавозими штатдан ташқари бўлиши ҳам мумкин, у маълум бир вақтга, маълум вазифани бажариш учун (масалан, отиш машқлари, хўжалик ишлари, ўқув машғулотлари ва бошқ.) ташкил этилиши мумкин. Ҳарбий хизматчи бошлиқ лавозимини доимий равишда ёки вақтинчалик эгаллаши мумкин. Бошлиқнинг вазифаларини, шунингдек, унинг ўринбосари ёки маҳсус кўрсатма бўйича бошқа ҳарбий хизматчи бажариши мумкин.

Ҳарбий хизматчининг унвон бўйича бўйсуниши Куролли Кучлар ички хизмат Низоми билан белгиланади. Унга мувофиқ, мисол учун офицер рядовой ва сержантлик таркибидаги барча шахслар учун бошлиқ ҳисобланади, сержант – ўзи билан бир ҳарбий қисмдаги рядовойлар учун бошлиқ ҳисобланади ва ҳ.к.

NOTA BENE!

Бўйсунувчи – жанговар ҳарбий қисм, бўлим, хизмат, наряд таркибига кирувчи, ўз бошлигининг бўйруқларини сўзсиз бажаришга мажбур бўйган ҳарбий хизматчи ёки тегишли бошлиқ ҳарбий унвонига эга бўйган бошқа ҳарбий хизматчининг талаблари-ни бажаришга мажбур бўйган, ҳарбий унвони бор ҳарбий хизматчи.

Бўйруқ оғзаки ёки ёзма шаклда ёки техник воситалар орқали, алоҳида бир ёки бир неча ҳарбий хизматчига берилиши мумкин. У бўйсунувчи томонидан сўзсиз, аниқ ва ўз вақтида бажарилиши керак. Бунда бўйруқ ваколатта эга бўйган бошлиқ томонидан қандай шаклда берилганлиги, унинг низом меъёrlарига мувофиқ ёки мувофиқ эмаслиги, бўйсунувчининг ҳақиқатда уни бажариш имкониятига эга эканлиги ва нима сабабдан уни бажармаганлиги аниқланиши керак.

Шундай экан, хусусан, бўйруқ фақаттинга ижро этиш тартибида, мансаб вазифалари юклатилган командирлар (бошлиқлар) томонидан берилиши мумкин. Бўйсунувчига хизматдан ташқари масала бўйича берилган фармойишни (ҳарбий манфаатлардан ташқари, шахсий

манфаатларни кўзлаб) бўйруқ деб қабул қилиниши мумкин эмас. Худди шунинг ўзи бошлиқнинг хизмат бўйича, Низомдан ташқари шаклда, бўйсунувчининг инсонийлик гурурини камситувчи талабларига ҳам таалуқлидир. Бошлиқнинг гайриқонуний талабини бажармаган бўйсунувчи жавобгарликка тортилиши мумкин эмас.

Бўйруқни бажаришни очиқдан-очиқ рад этиш ҳарбий хизматчи бўйруқни бажармаслигини очиқдан-очиқ айтган вақтда, очиқдан-очиқ бўйруқни бажаришдан бош тортишни англатади. Бу сўз, қўл ҳаракатлари, хатти-ҳаракатлар, беҳурмат қилиш кўринишида, бўйсунувчининг бошлиқ бўйргуини бажариш нияти йўқлигидан далолат берувчи ва бошқа шаклларда бўлиши мумкин.

Бўйруқни бошқа тарзда қасддан бажармаслик, бу бўйсунувчи томонидан аввалига бошлиқ бўйруғига очиқдан-очиқ бўйсунмасликни билдирамай, гўё бўйруқни қабул қилиб, сўнгра атайлаб ёки била туриб уни бажармаслик кўринишида амалга оширилиши мумкин.

Бундай ҳолатда, айборд шахс олинган бўйруқда ман этилган хатти-ҳаракатларни бажаради ёки бўйруқда айтилган ҳаракатларни бажармайди ёки бўлмаса ўз иродасини бошлиқ иродасига қарши қўйиб, бўйруқда кўрсатилган ҳаракат вақти, жойи ва мазмун-моҳиятини ўзбошимчалик билан ўзgartиради, ортга чекинади (қатъий белгиланган ҳаракатланиш йўналишини, топшириқни бажариш учун керакли воситалар ҳисоб-китобини ўзgartиради ёки бошқа йўл билан бўйруқни бажаришдан чекинади).

Ўзбекистон Республикаси Олий суди Пленумининг бу борада таъкидлашича, «Ҳарбий хизмат вазифаларини ўташдан бош тортиш – ҳарбий хизматчи томонидан очиқдан-очиқ, ёлғон ишлатмасдан, оғзаки, ёзма ёки бошқа йўл билан ҳарбий хизматни ўташ ёки унинг баъзи мажбуриятларини бажаришни истамасликда ва амалда уларни бажармай қўйиша намоён бўлади.

Тобе шахснинг ўз қўмондонининг муайян топшириқларини бажаришдан бош тортиши (масалан, хизмат сафарига жўнаш, суткалик нарядга киришиш ва ҳоказо) ҳарбий хизматдан умуман бош тортиш сифатида кўрилиши мумкин эмас. Бундай ҳаракатлар бўйсунмаслик жинояти таркибини ташкил қиласи, чунки бундай ҳолда қўмондон талаби бўйруқ хусусиятига эга бўлиб, ҳаракат эса, ҳарбий хизматни ўташдан бош тортишга эмас, балки бўйруқни очиқдан-очиқ бажармасликка қаратилган»¹.

Жинояти квалификация қилиш учун бўйруқни бажармаслик сабаблари аҳамиятга эга эмас, бироқ бўйсунувчи ҳақиқатдан ҳам, унга берилган бўйруқни бажариш имкониятига эга бўлиши керак.

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 40-б.

Ҳарбий низомлар, кўрсатмалар, қоидаларда кўрсатилган, барча ҳарбий хизматчилар учун мажбурий, лекин умумий талабларни бажармаслик кўрсатмалар бериш ва машгулотлар чоғида барча тингловчиларга берилган умумий кўрсатмаларни бажармаслик билан баробардир, лекин уларга буйруқни бажармаслик сифатида қараш мумкин эмас. Маълум шароитларда бундай умумий буйруқларни бажармаслик бир қатор бошқа жиноятларни, хусусан, қоровул хизматини ўташ қоидаларининг бузилиши (ЖК 291-моддаси)ни келтириб чиқариши мумкин.

Агар ҳарбий хизматчи бирон-бир ҳаракатни бажариш учун буйруқ олиб, бошлиқ бошқа ҳарбий хизматчига эмас, айнан унга мурожаат қўлганлигидан норозилик билдиrsa ёки кўрсатмани муҳокама қилса, бирон-бир баҳона билан уни бажаришдан қутулишга ҳаракат қилса, лекин бўйруқ берилганда уни бажарса, бундай гап талашиш бўйсунмаслик саналмайди. Улар ҳарбий хизматчининг интизомий хатти-ҳаракати деб қабул қилиниши мумкин.

Бўйсунувчи, бажарилиши натижасида хизмат манфаатларига зарар етиш-етмаслигидан қатъи назар, белгиланган муддатда унга берилган буйруқни бажариш бўйича ҳеч қандай ҳаракатлар бажармаган вақтдан бошлаб, бўйсунмаслик **тугалланган** ҳисобланади.

ЖК 279-моддасида белгиланган жиноят **субъектив томондан** тўғри қасд билан содир этилади. Бунда айбдор қонуний, бажариши мажбурий бўлган бошлиқ буйругини бажармаётганлигини ва буни истамаётганлигини англайди.

Кўрилаётган жиноятни содир этишнинг **мотив ва мақсади** турлича бўлиши мумкин ва бу квалификацияга таъсир этмайди.

Фақатина 18 ёшга тўлган ҳарбий хизматчи ёки ҳарбий йигинларга чақирилган ҳарбий хизматга мажбур, буйруқ берган командирга (бошлиққа) бўйсунувчи шахсларгина жиноят **субъекти** бўлишлари мумкин.

ЖК 279-моддаси 2-қисмида бўйсунмаслик куйидагича тавсифланади:

- а) бир гуруҳ шахслар томонидан содир этилган;
- б) оғир оқибатларга олиб келган.

Бир гуруҳ шахслар томонидан содир этилган бўйсунмаслик деғанда, икки ёки ундан ортиқ ҳарбий хизматчилар томонидан бошлиқнинг берган буйруғига бўйсунмаслик тушунилади. Бир гуруҳ шахслар томонидан содир этилган бўйсунмаслик деб ҳисоблаш учун, гуруҳнинг барча иштирокчилари ушбу жиноятни объектив томондан бажармасликда иштирок этишлари, яъни унинг шериклари бўлишлари лозим. Гуруҳнинг айрим иштирокчилари алоҳида жиноий ҳаракатларда иштирок этишлари унчалик зарур бўлмаганда гуруҳий бўйсунмаслик, **ЖК 279-моддаси 2-қисми «а» бандига** мувофиқ шериклик квалификациясига таъсир кўрсатмайди, лекин жазо тайинлашда судлар томонидан ҳисобга олиниши лозим.

ЖК 279-моддаси 2-қисми «б» бандида назарда тутилган **оғир оқибатлар** дейилганда, бажарилмаган талабларнинг аҳамиятидан келиб чиққан **оқибатлар** тушунилади. Бу ҳарбий операциянинг бажарилишини тўхтатиш, ҳарбий қисм ёки алоҳида бўлинманинг курашиш қобилиятининг пасайиши, ўртача оғирликдаги ёки ўта оғир тан жароҳати етказиш, бўлинма шахсий таркиби ҳаёти ёки соғлигига ҳақиқий зарар етказиш хавфининг юзага көлиши, йирик ҳажмдаги моддий зарар етказиш, бошқа бўйсунувчиларга таъсир кўрсатиш (оғир оқибат деганда, масалан, буйруқни бажаришдан бош тортиш, бошлиқнинг бошқа ҳарбий хизматчиларга ҳам тегишли бўлган буйругини бажармаслик, агар бундай чақирив амалга оширилган бўлса) ва бошқалар бўлиши мумкин. Ҳар бир алоҳида ҳолатда, айборд ҳатти-ҳаракатлари билан боғлиқ оқибатлар оғирлиги, суд томонидан уларнинг қандай аҳамият касб этишига қараб баҳоланиши керак.

ЖК 279-моддаси 3-қисмida жанговар вазиятда содир этилган бўйсунмаслик жинояти учун жавобгарлик назарда тутилган.

Жанговар вазият деганда, қуролли тўқнашув ёки ҳарбий бўлинманинг душман билан шундай тўқнашуви хавфи билан характерланувчи тезкор вазият тушунилади. У уруш вақтида ҳам, тинчлик вақтида ҳам юзага келиши мумкин. Тинч вақтдаги ҳарбий вазият Ўзбекистон Республикаси ҳудудининг бутунлиги ва дахлсизлигига қарши йўналтирилган нодавлат ҳарбий ташкилотларининг қуролли ҳаракатлари чоғида юзага келиши мумкин.

Масалан, бу чет давлат томондан, ушбу давлатга тегишли бўлмаган бегона қуролланган бўлинмаларнинг, ҳудуднинг бирон-бир қисмida назорат ўрнатиш ёки сепаратизмга кўмаклашиш мақсадида давлатга кириб келиши кўринишида бўлиши мумкин.

Ҳарбий ҳолатда бўйсунмаслик юзага келган оқибатлардан қатъи назар ЖК 279-моддаси 3-қисми билан жавобгарликка асос бўлади.

2-§. Буйруқни бажармаслик (ЖК 280-моддаси)

Ўзбекистон Республикаси Куролли Кучларида ўрнатилган бўйсунниш тартибини таъминловчи ижтимоий муносабатлар жиноятнинг асосий бевосита обьекти бўлиб хизмат қиласди. Инсонлар ҳаёти, саломатлиги, ўзгалар мол-мулки хавфсизлигини таъминловчи муносабатлар қўшимча бевосита обьект бўлиб хизмат қиласди.

Объектив томондан ЖК 280-моддасида белгиланган жиноят оқибатида кўп миқдорда зарар ёки бошқа оғир оқибатларга олиб келган буйруқни бажармасликда намоён бўлади.

(«Буйруқ», «буйруқни бажариш» тушунчаси ЖК 279-моддасини таҳлил қилиш чоғида ёритиб берилди.)

Ушбу жиҳоят кўп миқдордаги зарар ёки оғир оқибатлар келиб чиққан пайтдан бошлаб **тугалланган ҳисобланади**.

Күп миңдордаги зарап деганда, энг кам ойлик иш ҳақининг 100 баробаридан 300 баробаригача бўлган зарап тушунилади.

ЖК 280-моддаси 1-қисмида назарда тутилган **оғир оқибатлар** ЖК 279-моддаси 2-қисмида назарда тутилган оқибатлар билан бир хилдир.

Буйруқни бажармаслик жинояти **субъектив томондан** эҳтиётсизлик ёки хизматга совуқонлик билан ёндашиш натижасида содир этилади. Шундай экан, жиноий эҳтиётсизлик натижасида жиноят содир этилганда, айбор буйруқни бажармаёттанилигини англамайди, лекин керакли даражада зийраклик ва юзага келиши мумкин бўлган ҳолатларни олдиндан кўра билганда, бунинг олдини олиши мумкин ва олдини олиши керак бўлади. **Жиноий ўз-ўзига ишониш** натижасида буйруқни бажармаслик айбор буйруқда айтилганини бажармаган ва буни била туриб, бунга асоссиз равишида ўз-ўзига ишонган ҳолда буйруқ бажарилишига ишониб ҳаракат қилган тақдирда юзага келади. Бундай ҳолатда шуни ёдда тутиш лозимки, бўйсунувчи томонидан гараз билан гайриқонуний буйруқ бажарилмагандан, уни жиноий жавобгарликка тортиш мумкин эмас.

Жиноят содир этилишининг **мотиви ва мақсади** уни квалификация қилиш учун аҳамиятга эга эмас.

Ҳар қандай 18 ёшга тўлган ҳарбий хизматчи ёки ҳарбий йигинларга чақирилган ҳарбий хизматга мажбур бўлган шахс буйруқни бажармаслик жиноятининг **субъекти** бўлиши мумкин.

ЖК 280-моддаси 2-қисмида жанговар вазиятда буйруқни бажармаслик учун жавобгарлик белгилаб қўйилган.

(«Жанговар вазият» тушунчаси тўғрисида ЖК 279-моддаси таҳлилига қаранг.)

3-§. Бошлиқда қаршилик кўрсатиш ёки уни хизмат вазифаларини бузишга мажбур қилиш (ЖК 281-моддаси)

Ўрнатилган бўйсуниш тартибларини, айнан, командир (бошлиқлар)нинг нормал хизмат фаолиятини, яккабошчилик принципи ва уларга юклатилган хизмат вазифаларини бажараёттани ҳарбий хизматчилар обрўсини таъминловчи ижтимоий муносабатлар жиноятнинг асосий бевосита объекти ҳисобланади.

Бу жиноятда, бошлиқ, унвони бўйича юқори бўлган ҳарбий хизматчи ёки унга ҳарбий хизмат бўйича юклатилган вазифаларни бажараётган бошқа шахс – **жабрланиувчи** ҳисобланади.

(«Бошлиқ» тушунчаси тўғрисида ЖК 279-моддаси таҳлилига қаранг.)

Олинган буйруқ ёки низом қоидаларига (қоровул, қўриқчи, патруль, кундузги қўриқловчи ва ҳ.к.) мувофиқ равишида хизмат вазифаларини бажараёттани ҳар қандай ҳарбий хизматчи (айбордлага нисбаба-

тан бошлиқ бўлиши шарт эмас) – ҳарбий хизмат юзасидан ўзига юклатилган вазифаларни бажараётган шахс ҳисобланади.

Объектив томондан жиноят бошлиқقا, шунингдек, ҳарбий хизмат бўйича ўзига юклатилган вазифани бажараётган бошқа шахста қаршилик кўрсатиш ёки уни ушбу вазифаларни бузишга мажбур этиш кўринишида намоён бўлади.

Қаршилик кўрсатиш деганда, бошлиқ ёки ҳарбий хизмат бўйича унга юклатилган хизмат вазифаларини бажараётган бошқа шахста очиқдан-очиқ фаол қаршилик кўрсатиш тушунилади. Айбдор қаршилик кўрсатиш чоғида ўзининг фаол ҳатти-ҳаракатлари билан ҳарбий хизматчилар томонидан кўрсатилган ҳарбий вазифаларни бажаришга монелик қиласи ва уларни низом қоидалари ёки мавжуд бўйруқ, кўрсатма ва фармойишларда талаб этиладиган вазифаларни бажариш имкониятидан маҳрум этишга ҳаракат қиласи.

Ҳарбий хизмат вазифалари деганда, ўрнатилган хизмат вақти куни давомида ҳарбий қисм ҳудудида бўлишнинг ўзигина эмас, балки ушбу ҳарбий хизматчи ҳарбий низом талаблари ёки бошлиқнинг тегишили буйргига мувофиқ, хизмат манфаатларида бажарувчи аниқ конкрет хизмат вазифалари тушунилади.

Бундай ҳолатда, Ўзбекистон Республикаси Қуролли Кучлари бўйсуниш тартибида белгиланган, намойиш характерга эга бўлади. Ҳарбий хизмат манфаатларига зид равиша амалга оширилади ҳамда жабрланувчининг шахсияти устидан зўрлик ишлатиш ёки шунга ўхшаш зўрлик ишлатиш билан қўрқитиш хавфи кўринишида амалга ошиши мумкин.

Бу ерда зўрлик ишлатиш деганда, жабрланувчига етказилган енгил, ўртача оғирликдаги тан жароҳатларини тушуниш лозим.

Қаршилик кўрсатиш бошлиқ ёки бошқа шахс томонидан ҳарбий хизмат вазифаларини бажариш чоғида амалга оширилиши мумкин.

Бошлиқ, ўз хизмат ваколатларини амалга ошираётган чоғида (ўз қўл остидагиларнинг ҳатти-ҳаракатларини бошқаради, ўқув машғулотлари ўтказади, унга бўйсунувчилар билан сухбатлашади, уларни нарядга киришишга тайёрлайди ва ҳ.к.) ҳарбий хизмат вазифаларини бажараётган деб ҳисобланади. Алоҳида ҳолларда у кутилмаганда хизмат бўйича вазифаларни бажаришни бошлаши мумкин. Масалан, бошлиқ шаҳарда жамоат тартибини бузәётган ўз қўл остидаги бўйсунувчини учратиб қолиб, бундай ҳуқуқбузарликни бас қилишини талаб қиласи.

Бошқа ҳарбий хизматчиларга (бошқа шахсларга), масалан, қоровул, патруль ёки ички наряд таркибида бирон-бир маҳсус вазифани бажараётган пайтда ҳарбий хизматчиларга қаршилик кўрсатиш ҳоллари ҳам учрайди.

Одатда қаршилик кўрсатиш – бошлиқ ёки унга юклатилган ҳарбий вазифаларни бажараётган шахснинг йўл қўйилган ҳарбий

интизомни (ваколатли командирнинг буйруғи билан патруль наряд томонидан жамоат жойида содир этилган ҳуқуқбузарлик содир этишини қўлга олишга ёки интизомий тартибда қамоқقا олиш учун гаупвахтага келтириш, комендантурага олиб келишга монелик қилиш) бузиш бўйича тенг ҳаракатларига жавоб реакцияси ҳисобланади.

Мажбур қилиш деганда, бошлиқ ёки ҳарбий хизмат вазифалари юклатилган ҳар қандай шахсни хизмат манфаатларига зид равишда, ушбу вазифаларни бузишга қаратилган ҳаракатлари тушунилиши лозим. Мажбурлаш чоғида айбордor ўз манфаатларини кўзлаб, юқорида таъкидланган ҳарбий хизматчиларни гайриқонуний хатти-ҳаракатлар қилишга мажбурлашга (масалан, гайриқонуний равишда қисқа муддатли таътил бериш, хизмат бўйича у ёки бу вазифаларни бажаришдан озод этиш ва ҳ.к.) ҳаракат қиласди. Хусусан, айрим ҳарбий хизматчилар, масалан, хизматнинг охирги ойларида сержантларга нисбатан зўрлик ишлатиб ёки таҳдид қилиб, ёш солдатларга нисбатан хизмат шароитларини ўzlарига енгиллаштирадилар.

Қаршилик кўrsatiшдан фарқли ўлароқ, айбордor ўз кучи билан бошлиққа ёки бошқа ҳарбий хизматчига хизмат вазифаларини бажаришга тўқсинглик қилганда, мажбур қилиш ушбу шахсларнинг ўзлари қоидаларга қарши чиқишилари учун уларнинг идроки ва иродиисига таъсири ўтказади.

Мажбур қилиш бошлиққа ва ўзига юклатилган ҳарбий вазифаларни бажарувчи шахсга нисбатан, шу билан бирга, келажакдаги хизмат вазифаларига (масалан, бошлиқни бўйсунувчини кўзда тутилаётган янги хизмат жойига ўтказишдан озод этишга мажбурлаш) нисбатан ҳам ишлатилиши мумкин. Ҳар қандай ҳолатда ҳам, жабрланувчига у ёки бу ишни қилишга аниқ талаб қўйилиши ёки маълум бир ҳаракатни бажаришдан бош тортиш – мажбурлашнинг ўзига хос хусусияти ҳисобланади.

Қаршилик кўrsatiш ёки мажбур қилиш жисмоний ёки руҳий зўрлик ишлатиш орқали ёки шундай зўрлик ишлатмасдан содир этилиши мумкин (масалан, ҳарбий хизматчининг патрулдан қочиши ёки айборнинг талабларини бажармаган ҳолда, бошлиқ нафсониятига тегадиган маълумотларни ошкор этиш). Агар қаршилик кўrsatiш чоғида баданга енгил, ўргача оғир шикаст етказилган бўлса, айборнинг ҳаракатларини жиноятлар жами бўйича қўшимча квалификация қилиш талаб этилмайди. Баданга оғир шикаст етказилиши жиноятлар жами тариқасида ЖК 281- ва 283-моддалари (Баданга шикаст етказиш) бўйича квалификация қилиниши лозим.

Жиноят таркиби учун, қаршилик кўrsatiш натижасида бошлиқ (бошқа шахс) хизмат бўйича ўзига юклатилган вазифаларни бажариш имкониятидан маҳрум бўлиши, мажбур қилинганда эса, ушбу вазифа (мажбурият)ларни бузиши керак. Ҳарбий хизмат бўйича вазифалар-

ни бажаришга монелик қиладиган ҳаракатларни бажаришнинг ўзи ёки уларни бузишга мажбурлагандан бошлаб жиноят тугалланган ҳисобланади.

Субъектив томондан ЖК 281-моддасида назарда тутилган жиноят тўғри қасд билан содир этилади. Айбдор ўзининг қаршилик кўрсатиш ва мажбураш бўйича ҳаракатлари айнан бошлиқ ёки ҳарбий хизмат вазифаси юклатилган бошқа шахсга қарши қаратилганигини англайди ва ушбу ҳаракатларни амалга оширишни истайди. Бунда вазиятга кўра, агар айбдор жабрланувчининг ҳукуқий мақомини англай олмаган бўлса, у содир этган жиноят кўрилаётган моддага асосан квалификация қилинади, асослар мавжуд бўлган тақдирда эса, ЖК бошқа нормалари бўйича квалификация этилиши лозим.

Жиноятни квалификация қилишда унинг **мотиви** ва **мақсади аҳамият** касб этмайди.

Ҳар қандай ҳарбий хизматчи, жумладан, жабрланувчига бўйсун-майдиган ҳарбий хизматчи ҳам жиноятнинг **субъекти** бўлиши мумкин.

ЖК 281-моддаси 2-қисмида қуйидаги ҳолатларда бошлиққа қаршилик кўрсатиш ёки уни хизмат вазифаларни бузишга мажбур қилиш учун жавобгарлик белгилаб қўйилган:

- а) бир гуруҳ шахслар томонидан содир этилган;
- б) қурол ишлатиб содир этилган;
- в) оғир оқибатларга сабаб бўлган.

(«Бир гуруҳ шахслар» тушунчаси тўғрисида ЖК 279-моддаси таҳлилига қаранг.)

ЖК 281-моддаси 2-қисми «б» бандида назарда тутилган қурол тушунчаси остида штат армия қуроли (автомат, тўппонча, штик-нож) ёки бошқа ўқотар ёки совуқ қурол (ов қуроли, финн пичоги ва ҳ.к.), яъни тирик нишонни яралашда маҳсус фойдаланилувчи предметлар тушунилади. Ўқотар ёки совуқ қурол бўлмаган, қурол сифатида фойдаланиладиган нарсалар (ошпичноқ, болта, ўқлов ва ҳ.к.) айбдорни **ЖК 281-моддаси 2-қисми «б» банди** бўйича квалификация қилиш учун асос бўла олмайди. Шунингдек, бузилган қурол ёки соҳта қурол қурол деб ҳисобланмайди.

Қурол ишлатиш ундан ўз мақсадида фойдаланишdir (ўқ отиш, пичноқ отиш ва ҳ.к.). «Қуролдан унинг конструкцияси ва моҳиятидан келиб чиқадиган яксон қилувчи восита сифатида эмас, балки фақат калтаклаш предмети сифатида фойдаланиш қуролни кўллаш ҳисобланмайди»¹.

(«Оғир оқибатлар» тушунчаси тўғрисида ЖК 279-моддаси таҳлилига қаранг. Ушбу аломат кўрилаётган моддага нисбатан ажralиб турувчи хусусиятларга эга эмас.)

¹ Ўзбекистон Республикаси Олий суди Пленумининг 2000 йил 15 сентябрдаги •Ҳарбий хизматни ўташ... // Тўплам, 2-жилд. – 42-б.

ЖК 281-моддаси 3-қисмидә жанговар вазиятда содир этилган бошлиқта қаршилик күрсатиш ёки уни ўз хизмат вазифаларини бажармасликка мажбур қилиш жинояти учун жавобгарлик белгилаб күйилган.

(«Жанговар вазият» түшүнчеси түгрисида ЖК 279-моддаси таҳлилига қаранг.)

Баъзан бошлиқ ёки бошқа ҳарбий хизматчига қаршилик күрсатиш ҳарбий хизматчи томонидан зўрлик ишлатиб жамоат тартиб-қоидаларининг бузилиши ёки мол-мulkни йўқ қилиб юборилиши ва шу каби тартибсизлик кўринишидаги ҳаракатларда намоён бўлиши мумкин, қаршилик күрсатиш эса, тартибсизлик ҳаракатларини тўхтатиш бўйича кўрилувчи чора-тадбирларга нисбатан реакциядир. Бундай ҳолатларда, ЖК 281- ва 277-моддаларида кўзда тутилган икки жиноят, яъни ҳарбий ва умумжиной жиноятларга ишора аниқ кўриниб туради.

4-§. Бошлиқни қўрқитиш (ЖК 282-моддаси)

Бошлиқнинг ҳаёти, соғлиғи, жисмоний дахлсизлигини таъминловчи ижтимоий муносабатлар – мазкур жиноятнинг бевосита обьекти бўлиб хизмат қиласи.

Ушбу жиноятда унвони бўйича юқори турувчи бошлиқ **жабрла-нувчи** ҳисобланади.

(Бошлиқ түшүнчеси түгрисида ЖК 279-моддаси таҳлилига қаранг.)

ЖК 282-моддасида кўрсатилган жиноят обьектив томондан, жанговар вазиятда бошлиқни ўлдириш ёки зўрлик ишлатиш билан қўрқитиша, бундай ҳаракат амалга оширилиши учун етарли асослар мавжуд бўлган тақдирда содир этилишида намоён бўлади.

Ўлдириш ёки зўрлик ишлатиш билан қўрқитиш деганда, обьектив ҳақиқатдаги (оғзаки, ёзма, қуролни намойиш қилиш ва ҳ.к.) шахсан бошлиқта ёки учинчи шахслар орқали уни ўлдириш ёки соғлиғига шикаст етказиш (баданга ҳар қандай оғирликтаги шикаст етказиш йўли билан) ёки унинг жисмоний дахлсизлигига куч ишлатиш (уриш, калтаклаш) тушунилиши лозим.

(«Жанговар вазият» түшүнчеси ҳақида ЖК 279-моддаси таҳлилига қаранг.)

Айбор томоннинг бошлиқта нисбатан қўрқитиш ҳаракатлари ЖК 112-моддаси (Ўлдириш ёки зўрлик ишлатиш билан қўрқитиш) бўйича кўшимча квалификация қилинмайди.

Бошлиқни ўлдириш ёки зўрлик ишлатиш билан қўрқитиш юз берса, бундай қўрқитишнинг амалга оширилиши учун етарли дара-жадиги асослар мавжуд бўлса-ю, ушбу ҳаракатлар жанговар вазиятда амалга оширилмаган бўлса, бизнинг фикримизча, ЖК 112-моддаси қўлланиши лозим.

Субъектив томондан жиноят түгри қасед билан содир этилади. Айбланувчи жанговар вазиятда бошлиқни ўлдириш ёки зўрлик ишлатиш билан қўрқитаётганлигини англайди ва ушбу ҳаракатларини амалга оширишни истайди.

Жиноятнинг мотиви ва мақсади ҳар хил бўлиши мумкин ва улар жиноятнинг квалификациясига таъсир этмайди.

Жиноятнинг субъекти – унвони ёки лавозими бўйича бўйсунувчи вазиятида бўлган ҳарбий хизматчиидир.

5-§. Баданга шикаст етказиш (ЖК 283-моддаси)

Жиноятнинг бевосита обьекти бошлиқнинг соғлиги, жисмоний дахлсизлиги, унинг обрўйини таъминлайдиган ижтимоий муносабатлардир.

ЖК 283-моддаси 1-қисмидя назарда тутилган жиноятнинг объектив томони ҳарбий хизмат юзасидан ўз вазифаларини бажарганлиги муносабати билан ёки бажараётган вақтда бошлиқни дўппослаш, унинг баданига енгил ёки ўрта оғир шикаст етказишда ифодаланади.

Юқоридаги зўравонлик ҳаракатларини ҳарбий хизмат юзасидан ўз вазифаларини бажараётган бошлиққа нисбатан ёки уни ўз вазифаларини бажариш вақтида айборд томоннинг қаршилик кўрсатмаган ҳолда ёки уни ўз хизмат вазифаларини бузишга мажбурлаган куч ишлатиш ҳолатлари кўрилаётган модда бўйича жиноятни квалификация қилишнинг зарурий белгиси ҳисобланади. Агарда бошлиққа нисбатан содир этилган зўравонлик-унга қаршилик билан бирга амалга оширилса ёки уни ҳарбий хизмат вазифаларини бузишга мажбурлаган бўлса, бу ҳолда айбланувчининг ҳаракатлари **ЖК 281-моддаси** билан қўшимча квалификация талаб этилмайди.

(«Ҳарбий хизмат мажбуриятлари» тушунчаси ҳақида ЖК 281-моддаси таҳдилига қаранг.)

Дўппослаш – бу жабрланувчи баданига шикаст етказиш билан боғлиқ ва тан жароҳатлари аломатлари йўқлигига икки ёки ундан ортиқ зарба кўрсатишdir.

ЖК 109-моддасига асосан **баданга енгил шикаст етказиш соғлиқнинг қисқа муддатга ёмонлашувига ёки меҳнат қобилиятининг унча узоқ бўлмаган муддатга йўқолишига олиб келмаган ҳолда содир этилиши мумкин.**

ЖК 105-моддасига асосан **баданга ўргача оғир шикаст етказиш** – бу содир этилаётган пайтда ҳаёт учун хавфли бўлмаган ва **ЖК 104-моддаси** (Қасдан баданга оғир шикаст етказиш)да назарда тутилган оқибатларга олиб келмаган, лекин соғлиқнинг узоқ вақт, яъни камида 21 кун, аммо тўрт ойдан кўп бўлмаган даврда ёмонлашувига ёки умумий меҳнат қобилиятининг ўн фоизидан ўттиз уч фоизигача йўқолишига сабаб бўлган шикаст етказишdir.

ЖК 283-моддаси бўйича жиноий жавобгарликка тортиш бошлиққа нисбатан зўравонлик ишлатиш ҳоллари унинг ҳарбий хизмати бўйича вазифаларини бевосита бажараётган вақтда рўй берган (масалан, хизмат юзасидан қылган танбехига жавобан уни дўппослаш) ёки унинг олдинги хизмат фаолияти билан боғлиқ (масалан, жаримага тортгани учун, бўйсунувчиларга нисбатан умумий талабчанлик ва ҳ.к. учун дўппосланиши) ҳолларда амалга оширилади. Шундай қилиб, айланувчининг ҳаракатлари жабрланувчининг айнан хизмат вазифалари билан боғлиқ бўлиши лозим.

Жиноят содир этилаётган вақтда бошлиқ бўлмаган, собиқ бошлиғига нисбатан хизмат фаолияти билан боғлиқ зўрлик ишлатиш **ЖК 283-моддаси** билан квалификация қилинмайди.

Шуни назарда тутиш лозимки, бошлиқнинг хизмат юзасидан қонуний ҳаракати, хизмат манфаатлари, ҳарбий ва низом талабларига мос ҳаракатларига жавобан содир этилган зўрлик учун бўйсунувчи **ЖК 283-моддасига** мувофиқ, жиноий жавобгарликка тортилади. Агар бошлиққа нисбатан ишлатилган зўрлик унинг қонунга хилоф ҳаракатларига жавобан содир этилган бўлса, бўйсунувчи таҳлил этилаётган модда бўйича жавобгар бўлмайди. Бундай зўрлик ишнинг ҳолатларидан келиб чиқиб, зарурий мудофаа ёки шахснинг ҳаёти ёхуд соғлиғига қарши қаратилган жиноят деб баҳоланиши мумкин.

ЖК 283-моддасида назарда тутилган қылмиш баданга енгил ёки ўртacha оғир шикаст етказилган вақтдан **тугалланган** ҳисобланади.

Субъектив томондан қылмиш тўғри қасд билан содир қилинади, айбор бошлиққа нисбатан зўрлик ишлатаёттанини англайди ва унинг соғлиғига зарар етказишни истайди.

Жиноятнинг **мотиви** бошлиқнинг хизмат фаолиятидан норозилик ёки ундан хизмат фаолияти билан боғлиқ ўч олиш ҳисобланади.

«Ушбу жиноятларнинг ўзига хослиги шундан иборатки, улар ҳарбий хизмат муносабатлари доирасида содир этилади. Агарда кўрсатилган жиноятлар шахсий муносабатлар доирасида содир этилса, бундай ҳаракатлар ҳарбий жиноят деб тан олинмайди ва шахсга қарши жиноят сифатида тавсифланиши керак»¹.

Жиноятнинг **субъекти** хизмат вазифаси ёки ҳарбий унвонига кўра бошлиққа доимий ёки вақтинча бўйсунайтган ҳарбий хизматчи ҳисобланади.

Бир ҳарбий хизматчининг ўзига тобе бўлмаган ёки ўзидан паст унвонга эта бўлган бошқа ҳарбий хизматчининг баданига шикаст етказиши **ЖК 285-моддасига** кўра ҳарбий хизматчилар ўртасидаги ўзаро муносабатларга оидустав қоидаларини бузиш сифатида **квалификация қилинади**.

¹ Ўзбекистон Республикаси Олий суди Пленумининг 2000 йил 15 сентябрдаги •Ҳарбий хизматни ўташ... // Тўплам, 2-жилд. – 43–44-6.

ЖК 283-моддаси 2-қисмидә баданга оғир шикаст етказиш, шунингдек, ушбу мөдданинг 1-қисмидә назарда тутилган ҳаракатлар:

- а) бир гурӯҳ шахслар томонидан;
- б) курол ишлатиб содир этилганлиги учун жавобгарлик белгиланган.

Баданга оғир шикаст етказиш – бу содир этилаётган пайтда ҳаёт учун хавфли бўлган ёки кўриш, сўзлаш, эшитиш қобилиятини йўқотиш ёхуд бирон аъзонинг ишдан чиқиши ёки унинг фаолияти тамоман йўқолишига, руҳий касалга чалинишга ёки умуман соғлиғи бузилиб, умумий меҳнат қобилиятининг ўттиз уч фоизидан кам бўлмаган қисмининг доимий йўқолишига ёки ҳомиланинг тушиши ёхуд баданнинг тузалмайдиган даражада хунуқлашишига сабаб бўлган баданга шикаст етказишдирир (ЖК 104-моддаси).

ЖК 283-моддаси 2-қисмининг оғирлаштирувчи ҳолатлари бошлиқка қаршилик кўрсатиш ёки уни хизмат вазифаларини бузишга мажбур қилишнинг юқорида кўриб чиқилган оғирлаштирувчи ҳолатлари билан бир хил, уларни мазкур мөддага нисбатан қўшимча тарзда кўриб чиқиш тақозо этилмайди.

Агарда бошлиқнинг баданига у ҳарбий хизмат юзасидан ўз вазифаларини бажарганлиги муносабати билан ёки бажараётган вақтда оғир шикаст етказиш натижасида унинг ўлими юзага келса, айборднинг ҳаракатлари **ЖК 283-моддаси 2-қисми** ва **ЖК 104-моддаси 3-қисми «д»** банди бўйича квалификация қилиниши керак, чунки одамни ўлдириш **ЖК 283-моддаси 2-қисми** мазмуни билан қамраб олинмайди.

Бошлиқни кўриб чиқилаётган мөддада кўрсатилган ҳолатларда қасддин ўлдириш **ЖК 97-моддаси 2-қисми «г»** банди бўйича квалификация қилинади. Бу ҳолда жиноятнинг **ЖК 283-моддаси 2-қисми** бўйича қўшимча квалификацияси тақозо этилмайди.

Ушбу мөдданинг биринчи ёки иккинчи қисмидә назарда тутилган ҳаракатлар жанговар вазиятда содир этилган бўлса, **ЖК 283-моддаси 3-қисми** билан квалификация қилинади.

(«Жанговар вазият» тушунчаси тўғрисида **ЖК 279-моддаси таҳлилига қаранг.**)

6-§. Бўйсунувчининг ўз бошлигини ёки бошлиқнинг ўзиға бўйсунувчини ҳақорат қилиши (ЖК 284-моддаси)

Жиноятнинг бевосита объекти – бошлиқ ва бўйсунувчининг шаъни ва қадр-қимматини ҳурмат қилишни таъминловчи ижтимоий муносабатлар.

Бошлиқ ёки унга бўйсунувчи ушбу жиноятнинг **жабрланувчиси** ҳисобланади.

Объектив томондан жиноят бўйсунувчининг ўз бошлигини ёки бошлиқнинг ўзига бўйсунувчини шундай ҳаракатлар учун интизомий жазо қўлланганидан кейин ҳақоратлашидир.

Биринчи бўлиб ҳақорат қилган шахс Узбекистон Республикаси Куролли Кучлари интизомий низомига мувофиқ равиша интизомий жазога тортилади.

Ҳақорат қилиш деганда, ҳарбий хизматчининг шаъни ва қадр-қимматини беодоблик билан таҳқирилаш тушунилади.

Ҳақорат қилиш куч ишлатиш кўринишида амалга оширилгани каби, куч ишлатмаслик ҳаракатлари кўринишида бўлиши ҳам мумкин. Куч ишлатиш орқали ҳақоратлаш жисмоний оғриқ ёки соғлиқ-қа зарар етказиш эмас, балки ҳарбий хизматчининг шаъни ва қадр-қимматини ерга уриш орқали (масалан, жабрланувчидағи форма мундирларини яроқсиз ҳолга келтириш, погоналарни узиб олиш, тарсаки уриш, қўл билан туртиш ва ш.к.) айнан маънавий (руҳий) зарар етказиш. Агар куч ишлатиш орқали ҳақоратлаш оқибатида енгил тан жароҳатлари етказисла, агар етарли асослар мавжуд бўлса, бундай ҳолатни ЖК 284-, 283- ёки 285-моддаларига (Бир-бирига тобе бўлмаган ҳарбий хизматчилар ўргасидаги ўзаро муносабатларга оид устав қоидаларини бузиш) мувофиқ равиша квалификация қилиш лозим.

Куч ишлатмай қилинган ҳақорат жабрланувчига актив жисмоний таъсир кўрсатиш (масалан, сўзлар билан ҳақоратлаш, тутуриш, номуносиб тана ҳаракатлари ва ҳ.к.) билан боғлиқ эмас.

Агар айборнинг ҳаракатлари жабрланувчига маънавий зарар етказишга эмас, балки жисмоний зарар келтиришига қаратилган бўлса, бу ҳолатни етарли асослар бўлган тақдирда ЖК 283- ёки 285-моддалари бўйича квалификация қилиш лозим.

Содир этилиш усулидан қатъи назар ҳақорат қилиш, жабрланувчининг шахсиятига салбий шаклда намоён бўлиши, унга нисбатан ҳурматсизликни ўзида акс эттириши ҳамда айнан ҳақоратлаш характеристерига эга бўлиши керак. У ёки бу ҳаракатлар ҳақоратлашга кириш-кирмаслиги баҳоланади ва ҳар бир алоҳида ҳолатда, ишнинг мазмун-моҳиятига қараб суд томонидан ҳал этилади, жумладан, бундай ҳаракатлар қандай шаклда бўлганилиги ва жабрланувчи томонидан қандай қабул қилинганлиги инобатга олинади.

ЖК 284-моддасида кўрсатилган жиноят таркиби бўлиши учун, юзма-юз ёки учинчи шахслар иштирокида ҳақорат қилинган ёки қилинмаганлиги аҳамиятга эга эмас. Ҳарбий хизматчи ҳатто сиртдан – хатлар, мазмунига мос келувчи расмлар тарқатиш йўли билан ҳам ҳақоратланиши мумкин, лекин бундай ҳолларда, айборнинг айбини тан олиши, уларнинг мазмунини жабрланувчига маълум бўлиши юридик асосга эга бўлиши мумкин. Ушбу шарт мавжуд бўлган тақдирда, жиноий жазога тортилувчи ҳамкаслар билан ўзаро суҳбатда, жамоатчилик олдида сўзлаганда, жараёнда ва бошқа оммавий ахборот воситаларида ҳақорат қилинган бўлиши мумкин.

ЖК 284-моддасида назарда тутилган жиноят бошлиқнинг ўзига бўйсунувчи томонидан ёки бўйсунувчининг ўз бошлиғи томонидан ҳақоратланган вақтдан бошлаб **туталланган** ҳисобланади.

Субъектив томондан жиноят, тўғри қасд билан содир этилади. Айбдор ўз ҳаракатлари билан аниқ ҳарбий хизматчининг шаъни ва қадр-қимматини таҳқиқлаётганлиги, камситаётганлигини англайди ва уни ҳақорат қилишни истайди. Буни англамаган ҳолларда эса, уни ҳарбий жиноят учун жавобгарликка тортиш мумкин эмас.

Ҳақорат қилиш **мотиви** ҳар хил бўлиши мумкин, лекин у ҳарбий хизмат хизматчилари билан боғлиқ бўлиши лозим.

Агар ҳарбий хизматчиларнинг ўзаро шахсий муносабатларида ҳақорат қилишнинг сабаби жабрланувчининг ҳарбий хизматни бажариши билан боғлиқ бўлмаса ва айбдор ҳам ўз хизмат вазифасини ўтаётган бўлмаса, у ҳолда ҳақорат ҳарбий жиноят деб қаралиши мумкин эмас. Бундай қилмиш ЖК 140-моддаси билан **квалификация қилиниши** лозим¹.

Жиноятнинг **субъекти** хизмат ёки ҳарбий унвони бўйича бошлиқ ёки бўйсунувчи бўлиши мумкин.

Бир ҳарбий хизматчининг бошқа ҳарбий хизматчи билан ўзаро бўйсуниш муносабатларида бўлмагандан бир-бирини ҳақоратлаши ЖК 140-моддаси бўйича **квалификация қилинади**. Агар бундай ҳолатда жабрланувчи дўйпосланган бўлса ёки унга нисбатан бошқа куч ишлатиш ҳоллари бўлса, айбдорнинг ҳаракатлари ЖК 285-моддасига биноан ёки тегишлича шахсга қарши жиноятлар орқали **квалификация қилиниши** мумкин.

7-§. Бир-бирига тобе бўлмаган ҳарбий хизматчилар ўргасидаги ўзаро муносабатларга оид устав қоидаларини бузиш (ЖК 285-моддаси)

Жиноятнинг бевосита обьекти – ҳарбий хизматчилар ўргасидаги ўзаро муносабатларга оид қоидаларни тартибга солувчи умумҳарбий уставлар талабларига риоя этилишини таъминловчи ижтимоий муносабатлар. **Қўшимча бевосита обьект** – ҳарбий хизматчининг соғлиғи, жисмоний дахлсизлиги, унинг шаъни, қадр-қимматини ҳурмат қилишни таъминловчи ижтимоий муносабатлар.

Айбдорга нисбатан бошлиқ бўлмаган ёки унга бўйсунмайдиган ҳарбий хизматчигина ушбу жиноятда **жабрланувчи** бўлиши мумкин. Қоида тариқасида, бу муддатли ҳарбий хизматчилар бўлади.

ЖК 285-моддасида назарда тутилган жиноят **объектив томондан** бир-бирига тобе бўлмаган ҳарбий хизматчилар ўргасидаги ўзаро

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 43–44-б.

муносабатларга оид устав қоидаларини бузиш, яъни мунтазам хўрлаш, азоб бериш, соғлиқнинг бузилишига сабаб бўлган баданга енгил шикаст етказиш ёки ўртача оғир шикаст етказиш, қонунга хилоф равишида озодликдан маҳрум қилишдан иборат.

Ўзбекистон Республикаси Олий суди Пленумининг тушунтиришларига мувофиқ, «ўзаро муносабатларга оид устав қоидаларини бузиш деганда, хизматдошларини ўзига бўйсундиришни таъминлаш, хизматни ўташ чоғида ўзи учун имтиёзли шароитлар яратиш мақсадида бир ҳарбий хизматчининг бошқасига нисбатан турли хил зўрликлар ишлатиши, унинг шаъни ва қадр-қимматини таҳқирлаши деб тушунилиши лозим.

Ушбу қоидалар хизмат мавқеи ва ҳарбий унвони тенг, шунингдек, катта ва кичик, лекин тобелик муносабатларида бўлмаган шахслар ўртасида бузилса, Жиноят кодексининг 285-моддаси бўйича жиноий жавобгарлик вужудга келади»¹.

Айбдор ва жабрланувчига тааллуқли бўлган ҳарбий хизматчилар категорияси уларни квалификация қилиш чоғида аҳамият касб этмайди, шунингдек, улар чақирив бўйича ҳарбий хизматчилар томонидан содир этилгани каби контракт (шартнома) асосида хизмат қилувчи, бир-бирига тобе бўлмаган ҳарбий хизматчилар томонидан ҳам содир этилиши мумкин.

NOTA BENE!

Хўрлаш – жабрланган шахсга нисбатан унинг шаъни ва фурӯрини таҳқирлаш йўли орқали унинг шаънини ерга уриш билан боғлиқ ҳар қандай ҳаракатлар.

Бу хусусда, хўрлаш зўрлик ишлатиш ва зўрлик ишлатиш билан қўрқитиши орқали, ҳамкасабани хоналарни йиғиширишга, бошқаларнинг ухлаш ўринларини йиғиширишга, бошқаларнинг кирини ювишга, ашула ижро этишга мажбурлаш, ундан идишдаги озиқовқатини, формали кийим-кечакларини, пул маблағларини олиб қўйишида ва ҳ.к. да намоён бўлади.

Агарда ўзаро муносабатларга оид устав қоидаларининг бузилишлари жарбланувчидан шахсий мулкини олиб қўйиш билан биргаликда амалга оширилса, бу ҳолда жиноий ҳаракатлар ЖКга мувофиқ, ўзгалар мулкини талон-торож қилиш билан боғлиқ нормалар орқали қўшимча квалификация қилиниши лозим. Худди шу тарзда жинсий ҳарактердаги зўрлик ҳаракатлари ёки шундай ҳаракатларни қилишга мажбурлаш ҳам кўрилаётган молда доирасидан четга чиқиб, қўшимча

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 40–41-б.

тарзда ЖК 119-моддаси (Жинсий эҳтиёжни зўрлик ишлатиб ғайритабиий усулда қондириш) ёки ЖК 120-моддаси (Бесоқолбозлик) билан квалификация қилиниши лозим.

Мунтазам хўрлаш деганда, ушбу ҳаракатларнинг уч ёки ундан ортиқ маротаба қилинганлиги тушунилиши лозим.

Азоб бериш ҳаракатлари жисмоний азобларни етказиш йўли орқали ёки узоқ муддатли ва изтиробли оғриқ етказиш орқали амалга оширилади. Қийнаш, уриш, чимчилас, тишлас, кўп миқдорда тирнаш, кўп миқдордаги, аммо катта ҳажмда бўлмаган ёки ўткир санчиқли нарса орқали жароҳат етказиш, термик, кимёвий ва бошқа моддалар билан таъсир ўтказиш ва ҳ.к.

Соғлиқнинг бузилишига сабаб бўлган баданга енгил шикаст етказиш – бу соғлиқнинг қисқа муддатга ёмонлашувига ёки меҳнат қобилиягининг унча узоқ бўлмаган муддатга йўқолишига олиб келмаган шикаст етказиш. Бунда соғлиқнинг қисқа муддатга ёмонлашиши бевосита етказилган шикаст билан боғлиқ бўлиб, давомийлиги 6 кундан ортиқ, лекин 21 кундан кўп бўлмаган соғлиқнинг ёмонлашишини тушуниш лозим. Меҳнат қобилиягининг унча узоқ бўлмаган муддатга йўқолиши деганда эса, умумий меҳнатта лаёқатлиликнинг 10 фоизигача йўқотилиши тушунилади.

Қонунга хилоф равишда озодликдан маҳрум қилиш жабрланувчнинг ҳаракат эркинлигига, унинг ўз жойини ўзи танлаш эркинлигига, ўзига маъқул бўлган вақтда ва усулда бошқа шахслар билан мулоқот қилишига тўсқинлик қилиш, жабрланувчининг ўз хоҳиши билан бўлган доимий ва вақтинчалик турар жойида яккалаш (изоляция), уни бошқа жойга ўтказмаслик йўли орқали (ЖК 138-моддаси) ҳаракатларни амалга оширишдан иборат.

Кўриб чиқилаётган жиноятни амалга ошираётган айбдорнинг ҳаракатлари ЖК шахсга қарши жиноятлар бўлимидағи моддаларида ҳам назарда тутилган бўлиб, улар билан қўшимча квалификация қилиш талаб этилмайди.

Шуни назарда тутиш керакки, кўрсатиб ўтилган ҳаракатлар агарда улар ҳарбий хизматчининг (жабрланувчи ёки айбланувчи) ўз хизмат вазифаларини ўташ ёки уларни ўташ билан боғлиқ, шунингдек, ушбу вазифаларни бажариш билан боғлиқ бўлмаган ҳолларда, агарда ҳарбий жамоага очиқ ҳурматсизлик, бўлинмада ички тартибни бузиш, шахсий таркибнинг одатдаги уйқу ёки дам олишини бузиш билан биргаликда амалга оширилса, **ЖК 285-моддаси** билан квалификация қилинади.

Ҳар қайси санаб ўтилган аломатлар ҳаракатларда ўрин олса, улар кўриб чиқилаётган модда билан квалификация қилишнинг зарурый белгиси ҳисобланади, жиноятнинг содир этилган жойи эса, ҳар хил бўлиши мумкин. Жиноят бевосита ҳарбий қисм жойлашган ўрнида бўлиши ёки унинг чегарасидан ташқари, казармада, даволаш муассаса-

сасида, хўжалик ишларини бажариш жойида, бўшаган вақтида, бўлинманинг таркибидаги хизмат сафарида ва ҳоказо амалга оширилиши мумкин.

ЖК 285-моддасида назарда тутилган жиноят хўрлаш, азоб бериш, соғлиққа зарар етказиш ёки қонунга хилоф равишда озодликдан маҳрум этиш ҳаракатлари амалга оширилган вақтдан бошлаб туталланган хисобланади.

Субъектив томонидан жиноят тўғри қасд билан амалга оширилади. Жарбрланувчи ўз ҳаракатлари билан умумий ҳарбий устав билан ўрнатилган муносабатлар тартибини бузаётганлигини англайди ва буни хоҳлади.

Кўриб чиқилаётган жиноятнинг **мотиви** ҳар хил бўлиши мумкин. Кўпинча, бу безорилик ниятлари, унда айбланувчи ўзининг хәслий устунлигини жабрланувчи устидан ўрнатишга қаратилган, унинг қадр-қимматини таҳқирлаш, ўзининг ўрнига ишларни бажаришга, камситадиган хизматларни кўрсатишга мажбур қилиш ҳаракатларини амалга оширади. Ҳарбий хизматчилар ўртасидаги ўзаро муносабатларга оид устав қоидаларининг бузилиши миллатчилик ва диний қарама-қаршилик асосида бўлиши мумкин, унда жабрланувчининг унинг миллий ёки диний ҳиссиётларини англанган ҳолда камситиш ҳаракатлари амалга оширилади.

Агарда **ЖК 285-моддаси** диспозициясида кўрсатилган ҳаракатлар чуқур шахсий муносабатлар асосида (масалан рашқ, ёқтираслик, тортишув асосида, агаф ҳарбий хизматчиларда қариндошлиқ ёки никоҳ муносабатлари мавжуд бўлса) хизматдан ташқари вақтда ва бошқа ҳарбий хизматчилар йўқлиги пайтида амалга оширилса, **ЖК 285-моддаси** бўйича квалификация қилинмайди, чунки бундай ҳаракатлар ҳарбий ҳуқуқ-тартиботига таъсир ўтказмайди.

Агарда жабрланувчи билан бўйсуниш муносабатлари бўлмаса ҳар қандай ҳарбий хизматчи субъект бўлиши мумкин.

ЖК 285-моддаси 2-қисмида қуйидаги ҳолатларда бир-бирига тобе бўлмаган ҳарбий хизматчилар ўртасидаги ўзаро муносабатларга оид устав қоидаларини бузиш жинояти учун жавобгарлик назарда тутилган:

- а) бир гуруҳ шахслар томонидан амалга оширилса;
- б) курол ишлатиб содир этилса;
- в) баланга оғир шикаст етказилишига сабаб бўлса.

«Гуруҳ сифатидаги ноустав зўравонлик ҳаракатлари қасд умумийлиги билан бирлашган икки ёки ундан ортиқ ҳарбий хизматчилар томонидан содир этилади ва уларнинг ҳар бири **Жиноят кодексининг 285-моддасида** кўрсатилган жиноят субъекти бўлади ва жиноятда шерик сифатида иштирок этади. Бир гуруҳ шахслар томонидан содир этилган жиноят олдиндан ўзаро тил бириктириб ёки

бириктирмасдан содир этилиши мүмкін. Сүнгги ҳолда ҳаракатларни Жиноят кодексининг 285-моддаси 2-қисми «а» банди билан тавсифлашнинг зарур шарти – ҳар бир айбдор ўз ноустав ҳаракатларини гурух ичида, бирлашиб содир этаётганлигини англаб етганилигидир.

Курол тан жароҳатларини етказиш учун қўлланилиши, бошқа хил зўрлик пайтида эса, масалан, айбдор курол ишлатиш таҳдида остида жабрланувчини ҳарбий хизмат юзасидан ўзига юқлатилган вазифаларни бажаришга, ўзи учун турли хизматлар қилишга мажбурлаш, шунингдек, инсон шаънини камситадиган хатти-ҳаракатлар қилиш пайтида, руҳий таъсир ўтказиш учун қўлланилиши мүмкін»¹.

«Бир-бираига тобелик муносабатларида бўлган ва бўлмаган шахслар томонидан зўрлик ҳаракатлари биргаликда содир этилган ҳоллар тавсифлаш учун бирмунча мураккаброқ.

Масалан, ҳам айбдорга ва ҳам жабрланувчига бошлиқ бўлган сержант солдат томонидан содир этилган ноустав ҳаракатларга қўшилади ёки тобе шахс ўз бошлиғининг зўравонлик ҳаракатларини қўллаб-қувватлайди. Бундай ҳолларда бошлиқнинг ўзига тобе шахс томонидан содир этилган ноустав зўравонлик ҳаракатларида иштирок этишини ҳарбий мансабдорлик жинояти сифатида Жиноят кодексининг 301-моддаси билан тавсифлаш лозим. Ижрочининг ҳаракатларини эса, Жиноят кодексининг 285-моддаси 1-қисми билан тавсифлаш лозим, чунки бошлиқ ушбу жиноятнинг субъекти эмас ва шерик сифатида тан олинмайди.

Агар бошлиқ томонидан хизмат мавқеи ўзи билан тенг шахсларга нисбатан содир этилган ноустав ҳаракатларга жабрланувчига ҳам, айбдорга ҳам тобе шахс келиб қўшилса, бошлиқнинг ҳаракатлари Жиноят кодексининг 285-моддаси билан, тобе шахснинг ҳаракатлари эса, жиноятга шерик сифатида Жиноят кодексининг 28-, 285-моддалари билан тавсифланиши лозим»².

«Курол тан жароҳатларини етказиш учун қўлланилиши, бошқа хил зўрлик пайтида эса, масалан, айбдор курол ишлатиш таҳдида остида жабрланувчини ҳарбий хизмат юзасидан ўзига юқлатилган вазифаларни бажаришга, ўзи учун турли хизматлар қилишга мажбурлаш, шунингдек, инсон шаънини камситадиган хатти-ҳаракатлар қилиш пайтида, руҳий таъсир ўтказиш учун қўлланилиши мүмкін.

Куролдан унинг конструкцияси ва моҳиятидан келиб чиқадиган яксон қилувчи восита сифатида эмас, балки фақат калтаклаш предмети сифатида фойдаланиш қуролни қўллаш ҳисобланмайди»³.

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 41-42-б.

² Ўша жойда. – 41-б.

³ Ўша жойда. – 42-б.

ЖК 285-моддасы 3-кисмінде бир-бирига тобе бўлмаган ҳарбий хизматчилар ўргасидаги ўзаро муносабатларга оид устав қоидаларини бузиш одам ўлишига сабаб бўлган ҳолатлар учун жавобгарлик назарда тутилган.

«Одам ўлишига сабаб бўлган» деганда, эҳтиётсизлик орқасида одам ўлдириш ёки уни ўзини ўзи ўлдириш даражасига етказиш ҳаракатлари тушунилади. Бунда ЖК 102-моддаси (Эҳтиётсизлик орқасида одам ўлдириш) ёки 103-моддаси (Ўзини ўзи ўлдириш даражасига етказиш) билан квалификация этилмайди. Агарда бир-бирига тобе бўлмаган ҳарбий хизматчилар ўргасидаги ўзаро муносабатларга оид устав қоидаларини бузишда айланувчи қасдан жабрланувчини ўлдирса, унинг қилимишини ЖК 97-моддаси ва 285-моддаси 3-кисми «а» башы билан квалификация қилиш талаб этилади.

Амалиётда кўп ҳолларда жабрланувчининг вафоти юракнинг рефлектор тўхтаб қолиши ёки механик асфиксияси натижасида, юрак қафаси қисмiga кўл билан зарба етказишда содир бўлади. Бундай ҳаракатлар, айланувчининг жабрланувчи ўлимига қасдни тасдиқловчи ишонарли давлатлар йўқ бўлган ҳолларда, бу бир-бирига тобе бўлмаган ҳарбий хизматчилар ўргасидаги ўзаро муносабатларга оид устав қоидаларини бузиш ва улар инсон ўлимига олиб келиш ҳолати этиб квалификацияланади.

ЖК 285-моддаси 4-кисмінде асосан, агарда жиноятнинг амалга оширилиши натижасида кўйидағилар келиб чиқса, жавобгарликка тортилади:

- а) одамларнинг ўлимига;
- б) бошقا оғир оқибатларга сабаб бўлса.

Одамларнинг ўлиши деб, иккى ёки ундан ортиқ инсоннинг вафоти тушунилади.

ЖК 285-моддаси 4-кисми «б» башында кўрсатилган бошқа оғир оқибатлар деб, айланувчининг уставдан ташқари ҳаракатлари билан боғлиқ оқибатлар тушунилади, уларнинг оғирлиги суд томонидан характеристига қараб бадроланиши керак.

«Ҳарбий хизматчилар ўргасида ўзаро муносабатларга оид устав қоидаларининг бузилиши, бальзи пайттарда, нафақат одамлар ўлимига, балки жанговар вазифанинг бахарилмай қолишига, ҳарбий техниканинг ишлан чиққишига ва бошқа оқибатларга олиб келиши мумкин. Бундай оқибатлар суд томонидан оғир деб топилган тақдирда айблорнинг ҳарасатларине» Жиноят кодексининг 285-моддаси 4-кисми билан гасифлашта асос бўла олади.

Ноустав зўравонлик ҳарасатлари оқибатида бир исчя жабрланувчига Жиноят кодекси 285-моддасининг турли қисмларидан кўзла тутилсан зарар етказилиган бўлса, бу ҳарасатлар Жиноят кодексининг 33-моддаси қоидасига кўра тасифланниш лозим.

Ҳарбий хизматчилар ўрғасида ўзаро муносабатларга оид устав қоидаларини бузиш айборлар ҳарбий хизматнинг маҳсус турлари бўйича мажбуриятларни бажараётган пайтда содир этилиши мумкин (коровуллик, ички хизмат, ҳарбий навбатчилик ва ҳоказолар). Агар айбор томонидан айни пайтда маҳсус хизмат қоидалари ҳам бузилса, бу ҳаракатлар Жиноят кодексининг 285-моддаси ва у ёки бу хизмат турини бузганлик учун жавобгарликни назарда тутувчи моддалар мажмуи билан тавсифланиши лозим.

Маҳсус хизмат турларини ўташ қоидаларини бузиш, фақат, ўзаро муносабатларга оид устав қоидаларини бузиш айни пайтда маҳсус хизмат турларини ўташ қоидаларининг ҳам бузилишига олиб келсангина алоҳида ҳукуқий баҳоланиши мумкин (мисол учун, қисм ёки бўлинма ички нарядига кирувчи шахс томонидан)¹.

8-§. Мародёрлик (ЖК 286-моддаси)

Мародёрликнинг бевосита обьекти Ўзбекистон Республикаси Куролли Кучларининг ахлоқий месъёrlари ҳисобланади.

Бу жиноятнинг предмети яраланган ёки вафот этган шахсларнинг мулки ҳисобланади.

Объектив томондан мародёрлик ҳалок бўлган ёки ярадорларнинг буюмларини жанговар вазиятда эгаллашда ифодаланади.

Буюмларни эгаллаш деганда, уларни тўлиқ ўз ихтиёрига ўтказиш тушунилади. **ЖК 286-моддаси** мазмунида эгаллаш ҳар қандай шаклда амалга оширилиши мумкин, у маҳфий эгаллаш (ўғрилик) ёки зўрлик ишлатиб эгаллаш (талончилик, босқинчилик) бўлиши мумкин. Бу ҳолатларда яралангандарнинг ёки вафот этганларнинг буюмларини эгаллашнинг зарурий белгиси жиноятнинг жанговар вазиятда содир этилиши ҳисобланади.

(«Жанговар вазият» тушунчаси ҳақида ЖК 279-моддасининг таҳлилига қаранг.)

Мародёрлик ҳалок бўлган ёки ярадорларнинг буюмларини эгаллаган вақтдан бошлаб тугалланган жиноят ҳисобланади.

Ушбу жиноят субъектив томондан тўғри қасд билан содир этилади. Айбланувчи жанговар вазиятда ҳалок бўлган ёки ярадорларнинг буюмларини қонунга хилоф равищда эгаллаганлигини англайди ва буни амалга оширишни хоҳлайди.

Жиноятнинг мотив ва мақсади турли бўлиши мумкин, лекин улар жиноятнинг квалификациясига таъсир этмайди.

Мародёрликнинг субъекти фақат ҳарбий хизматчи бўлиши мумкин. Фуқаролар бундай вазиятларда «умумий» жиноятлар учун жавобгарликка тортилади.


¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 42-43-б.

«Бўйсуниш ва ҳарбий шаънга риоя этиш тартибиға қарши жиноятлар» мавзуси бўйича якуний саволлар

1. Буйруқ деганда сиз нимани тушунасиз? Бўйсунмаслик нима дегани? Унинг намоён этилиш шакллари қандай? Мазкур жиноятнинг содир этилишида қонунда қандай оғирлаштирувчи шароитлар белгиланган?
2. Буйруқнинг бажарилмаслиги ва унга бўйсунмаслик ўртасидаги фарқ нимада? Буйруқнинг бажарилмаганлиги учун жиноий жавобгарликнинг зарурий белгиси қандай?
3. Бошлиққа қаршилик кўрсатиш ёки уни хизмат вазифаларини бузишга мажбур қилиш нимада намоён бўлади? Бошлиқни мажбур қилиш билан унга қаршилик кўрсатишнинг фарқи нимада?
4. Бошлиқни ўлдириш ёки зўрлик ишлатиш билан кўрқитиш деганда нималар тушунилади? Қайси ҳолларда бундай кўрқитиш жиноят деб ҳисобланади?
5. ЖК 282-моддаси (Бошлиқни кўрқитиш) бўйича жиноий жавобгарлика тортишнинг зарурий белгиси қандай?
6. ЖК 283-моддасида қандай жиноят назарда тутилган?
7. Бўйсунувчининг ўз бошлигини ёки бошлиқнинг ўзига бўйсунувчини ҳақорат қилгани учун жиноий жавобгарлик қўлланилишининг зарурий белгиларини айтинг.
8. Ўзаро муносабатларга өид устав қоидаларини бузиш деганда нима тушунилади? У нима билан ифодаланади ва бундай жиноятлар учун жиноий жавобгарлик келиб чиқишининг зарурий белгилари қандай?
9. Мародёрлик деб нимага айтилади? Қандай вазиятларда ҳалок бўлган ёки ярадорларнинг буюмларини эгаллаш мародёрлик деб ҳисобланмайди?

VII БОБ. ҲАРБИЙ ХИЗМАТНИ ЎТАШ ТАРТИБИГА ҚАРШИ ЖИНОЯТЛАР

9-схема



1-§. Ҳарбий қисм ёки хизмат жойини ўзбошимчалик билан ташлаб кетиш (ЖК 287-моддаси)

Ўзбекистон Республикаси Конституциясида Ўзбекистон Республикасини ҳимоя қилиш – ҳар бир фуқаронинг бурчидир деб белгиланган. Фуқаролар қонунда белгиланган тартибида ҳарбий ёки муқобил хизматни ўташга мажбурдирлар.

Ўзбекистон Республикасида ҳақиқий ҳарбий ёки альтернатив хизматни ўташ тартиблари Ўзбекистон Республикасининг «Умумий ҳарбий мажбурият ва ҳарбий хизмат тўғрисида»ги, «Мудофаа тўғрисида»ги¹ Қонунлари ва Ўзбекистон Республикасининг ҳарбий низомлари асосида ўрнатилган.

Жиноятнинг бевосита обьекти Куролли Кучларда ҳарбий хизматни ўташнинг қонунчиликда ўрнатилган тартибларини регламентлаштирувчи, ҳар бир ҳарбий хизматчи белгиланган жойда хизматни ўта-

¹ Ўзбекистон Республикасининг 1992 йил 3 июлдаги «Мудофаа тўғрисида»ги 641-XII-сон Қонуни (Ўзбекистон Республикасининг 2001 йил 11 майдаги 211-XII-сон Қонуни билан тасдиқланган таҳрирда) // Ўзбекистон Республикаси Олий Мажлисining Ахборотномаси, 2001 й., 5-сон, 80-модда; Ўзбекистон Республикаси қонун ҳужжатлари тўплами, 2004 й., 51-сон, 514-модда; Ўзбекистон Республикаси Олий Мажлиси палаталарининг Ахборотномаси, 2006 й., 6-сон, 262-модда.

ши ва ҳарбий хизмат давом этаётган вақт давомида хизмат мажбуриятларини тұла ҳажмда бажариши лозимлигидан таркиб топған ижтимои муносабатлардан иборат.

ЖК 287-моддасы 1-қисміда назарда тутилған жиноятыннинг обьектів томони муддатли ҳарбий хизмат ҳарбий хизматчисининг ҳарбий қисм ёки хизмат жойини ўзбошимчалик билан ташлаб кетиши, шуннингдек, ҳарбий қисмдан қысқа муддатта рухсат берилганды, бошқа хизматта тайинланғанда ёки бошқа хизмат жойига ўтказилғанда, хизмат сафаридан, отпускадан ёки даволаш муассасасыдан узрли сабабларсиз бир кечә-күндүздөн ортиқ, лекин ўн кечә-күндүздөн кўп бўлмаган муддат давомида хизмат жойида ҳозир бўлмаслигига ифодаланади.

Чақирав бўйича ҳарбий хизмат ўтаётган ҳарбий хизматчилар ҳарбий қисм ҳудудида жойлашган казармаларга ўрнашадилар. Ҳарбий хизматни ўташ бошқа жойларда бўлиши ҳам мумкин.

Ҳарбий қисм ҳудуди қоровул, наряд ёки бошқа усул билан кўриклиладиган, шу ҳарбий қисм ёки алоҳида ост бўлим учун қисм командири ёки юқори кўмондон буйруғи билан ўрнатилған алоҳида чегараланған жойда жойлашган казарма, лагер ёки кўчма ҳудуд ҳисобланади. Чегара кўшинларида ҳарбий қисм ҳудудига нафақат чегара отряди жойлашган ҳудуд, балки чегара заставаси жойланмаси ҳам ушбу отряднинг алоҳида жойлашган ост бўлими сифатида киради.

Хизматни ўташ жойи деб, тегишли кўмондонлик фармойиши ёки рухсати билан ҳар қандай хизмат мажбуриятларини амалда бажариш жойларини тушуниш лозим. Бу хўжалик ишларини бажариш жойи ёки қоровулда, нарядда; ҳарбий-тиббий муассасада стационар даволаниш даврида; вақтингча сафарга юборилған вақт қисмida; транспортда шахсий таркиби кўчиришда транспорт воситаларида (поездда, автомобиль эшелонларида, кемаларда) мажбуриятларни бажариш бўлиши мумкин.

Ҳарбий қисм ёки хизмат жойини фақат тегишли ҳарбий бўлим командирининг (бошлигининг) рухсати билан тарк этиш мумкин. Командирнинг рухсатисиз ҳарбий қисм ёки хизмат жойини ёки хизмат жойлашган жойини тарк этиш ҳарбий низом билан тақиқланади, акс ҳолда бу ҳарбий қисм ёки хизмат жойини ўзбошимчалик билан ташлаб кетиш бўлади.

Агар эркинлик бериш ҳукуқига эга бўлмаган (масалан, взвод командирининг рухсати билан) бошлиқнинг рухсати билан қисмдан кетиш ҳолатларида, ҳарбий хизматчининг олинган рухсатномасининг ваколатлилиги тўғрисида вижданан адашганлилиги шароитларида кўриб чиқилаётган жиноят пайдо бўлмайди. Бундай ҳолларда ўз хизмат ваколатларини оширган бошлиқ жавобгар бўлади.

Муддатли ҳарбий хизмат ҳарбий хизматчисининг ҳарбий қисм ёки хизмат жойини ўзбошимчалик билан ташлаб кетишининг зару-

рий белгиси – бир суткадан ортиқ, аммо ўн суткадан күп бўлмаган вақтда унинг йўқлигидир. Бу муддатни ҳарбий қисмни ёки хизмат жойини тарк этган вақтдан то шу шахснинг қисмга қайтиши ёки унинг ушланиш вақтигача ҳисоблаш лозим.

Қисмдан эркинликка чиққанда, бошқа жойга тайинланганда ёки ўтказилганда, сафардан, таътилдан ёки даволаш **муассасасидан** узрли **сабабларсиз** ўз муддатида хизматта **келмаслик** деб, ҳарбий хизматчи қисмдан ёки хизмат жойидан қонунга асосланган ҳолда чиқиб кетиб, ҳарбий хизматчига берилган чақирив қофози, сафар гувоҳномаси, таътил чиптаси, эркинлик ёзуви бўйича кўрсатилган қўмондон томонидан белгиланган муддатдан ортиқ вақт қисмдан ёки хизмат жойидан ташқарида бўлишига айтилади.

Қайтиб келмаслик учун узрли сабаблар бўлиб ҳарбий хизматчинг касал бўлиши, яқин қариндошларининг ўлими, табиий оғатлар ва улар билан боғлиқ бўлган аҳоли пунктлари билан транспорт алоқаларининг узилиб қолиши, ҳарбий ҳолат ва бошқа ҳарбий хизматчини унинг хизмат жойига ўз вақтида қайтишига объектив тўсқинлик қилувчи бошқа вазиятлар ҳисобланади.

Ўзбошимчалик билан ташлаб кетиш каби қайтиб келмаслик ҳам ҳарбий хизматчи қисмда 1 суткадан ортиқ, аммо 10 суткадан күп бўлмаган вақтда йўқ бўлган бўлса жиноий жавобгарликка олиб келади.

Ушбу мудданинг биринчи қисми маъмурӣ преюдицияга эга. Муддатли ҳарбий хизматчига ҳарбий қисм ёки хизмат жойини ўзбошимчалик билан ташлаб кетгани учун интизомий жазо чораси Қўлланганидан сўнггина, унга нисбатан худди шундай қилмиш учун жиноий жавобгарлик келиб чиқади.

ЖК 287-моддаси 1-қисмидан назарда тутилган жиноятлар, агар ҳарбий хизматчи қонунга хилоф равища ҳарбий қисмдан ёки хизмат жойидан ташқарида бўлиб, 10 кун давомида хизматни ўташ жойига келмас жиноят **туталланган** деб топилади.

Қисмни ўзбошимчалик билан ташлаб кетишнинг давомийлиги қисмни (хизмат жойини) ўзбошимчалик билан ташлаб кетган ёки қисмга келиш вақти тугаганидан сўнг ва унинг қисмга (хизмат жойига) қайтган ёки ушланган вақтигача ҳисобланади. Бунда вақтни ҳисоблаш ЖПКнинг 314-моддасида белгиланган муддатларни ҳисоблаш қондларига мувофиқ амалга оширилади.

Субъектив томондан жиноят қасдан ёки эҳтиётизлик орқасида содир этилади. Агар, айбор ҳарбий қисмни ёки хизмат жойини командирнинг рухсатисиз тарк этаётганини ёки қисм ҳудудига белгиланган муддатда қайтмаслигини англаса ва ушбу қилмишни содир этишни истаса, ушбу ҳарбий қисмни ёки хизмат жойини ўзбошимчалик билан ташлаб кетиш **қасдан** қилинган деб топилади. Ўз муддатида хизматта етиб келмаслик ҳам қасдан, ҳам эҳтиётизлик билан содир этилиши мумкин.

Жиноят мотиви квалификация құлиш учун ақамиятта эга эмас. «**Кариндош ва танишларни бориб күриш, хизмат ҳордигини чиқа-риш, ойлавий ва шахсий ишларни бажариш, вақтненчалик муаммоларни ҳал этиш истаги каби сабаблар қисмни ўзбошимчалик билан таштаб кетиш ҳолларига хосдир»!¹.**

Агар ҳарбий қисмни ёки хизмат жойини ўзбошимчалик билан таштаб кетиш ҳарбий хизматдан бўйин товлаш мақсадида содир этилса, қылмиш ЖК 288-моддаси (Дезертирилик) билан квалификация қилинади.

ЖК 287-моддаси 1-қисмидан назарда тутилган жиноят **субъекти** бўлиб қонуннинг нормаларига мувофиқ муддатли ҳарбий хизматдаги ҳарбий хизматчилар, яъни аскарлар, матрослар, сержантлар ва муддатли хизмат старшиналари ҳисобланадилар.

ЖК 287-моддаси 1-қисмидан назарда тутилган ҳаракатлар захирадаги ва ҳарбий йигинларга чақирилган фуқароларга ҳам татбиқ этилади.

ЖК 287-моддаси 2-қисмидан назарда тутилган жиноятнинг **объекти** томони муддатли ҳарбий хизмат ҳарбий хизматчиси, офицерлар таркибидан бўлган шахс ёки ҳарбий хизматни контракт (шартнома) бўйича ўтаётган ҳарбий хизматчининг қисм ёки хизмат жойини ўзбошимчалик билан таштаб кетиши, шунингдек, узрли сабабларсиз белгиланган муддатдан ўн кеча-кундуздан ортиқ, лекин бир ойдан кўп бўлмаган муддат давомида хизмат жойига етиб келмаслигидан иборатдир.

Офицерлар таркибидан бўлган шахслар, контракт бўйича ҳарбий хизматни ўтаётган ҳарбий хизматчилар бундай хизматни ўтаётганда ҳарбий қисмда ёки бошқа хизмат жойида бўлишлари мумкин. Ҳарбий хизматни ўташдан бўш вақтларида бу томондаги ҳарбий хизматчилар ҳарбий қисм ва хизмат жойидан ташқарида бўлишлари мумкин. Шу сабабли бу томондаги ҳарбий хизматчилар учун **қисмни ва хизмат жойини ўзбошимчалик билан таштаб кетиш** деб, ҳарбий хизмат ўташи лозим бўлганда узрли сабабларсиз хизматта чиқмаслигини тушуниш лозим. Бундай вазиятларда, кўрсатилган томондаги ҳарбий хизматчиларга нисбатан бошлиқ томонидан казармада жойлашув ўрнатилганда, қисм ва хизмат жойи чегарасидан маҳсус рухсатномасиз кетиш ўз хоҳиши билан қисмни тарк этиш каби кўриб чиқулиши лозим.

Офицерлар таркибидан бўлган шахслар, контракт (шартнома) бўйича ҳарбий хизматни ўтаётган ҳарбий хизматчилар ҳарбий қисм жойидан ташқарида яшаб туриб, узрли сабабларсиз хизматта чиқмаса ва бу билан хизмат маҷбуриятларини ўташдан бўйин товласа, бу ҳолатларни ўз муддатидан хизматта етиб келмагашлик сифатида кўриб чиқулиши лозим.

¹ Узбекистон Республикаси Олий суди Пленумининг 2000 йил 15 сентябрааги «Ҳарбий хизматни ўташ... // Тупказ, 2-жилд. – 38-б.

Айбдорнинг қилмиши, бу^шахс аввал шу каби қилмиши учун интизомий жазо чораси қўлланганидан қатъи назар, **ЖК 287-моддаси 2-қисми** бўйича квалификация қилинади.

ЖК 287-моддаси 2-қисмидаги назарда тутилган жиноят субъекти муддатли ҳарбий хизмат ҳарбий хизматчиси, офицерлар таркибига кирувчи ҳарбий хизматчилар, контракт бўйича ҳарбий хизматни ўтаётган ҳарбий хизматчилар бўлишлари мумкин.

Офицерлар таркибидан бўлган шахслар деб, ҳақиқий ҳарбий хизматда турган кичик, катта ва олий офицер таркибига айтилади.

Контракт бўйича хизмат қиливчилар деб, амалдаги қонунчиликка мувофиқ ҳарбий хизмат қилиш истагини билдирган ҳарбий хизматчиларга айтилади.

ЖК 287-моддаси 2-қисмидаги кўрсатилган субъектлар: муддатли ҳарбий хизмат ҳарбий хизматчилари томонидан, офицерлар таркибига кирувчи ҳарбий хизматчилар томонидан, прапорщиклар, мичманлар, контракт бўйича ҳарбий хизмат ўтаётган ҳарбий хизматчилар томонидан содир этилган қисмни ёки хизмат жойини ўзбошимчалик билан ташлаб кетиш ҳамда узрли сабабларсиз бир ойдан ортиқ муддат хизматга келмаслик учун **ЖК 287-моддаси 3-қисмидаги** тегишли жавобгарлик назарда тутилган.

Бунда қисмда ёки хизмат жойида қонунга хилоф равища йўқ бўлишликнинг максимал давомийлиги квалификация қилиш учун аҳамиятга эга эмас, бироқ жазо тайнинлашда ҳисобга олинади.

Агар жиноят субъекти ўзбошимчалик билан қисмни ёки хизмат жойини ҳарбий хизматдан бўйин товлаш мақсадида ўн суткадан ортиқ ёки умуман мақсадсиз хизматдан бўйин товлаш мақсадида бир ойдан ортиқ давомийликда тарқ этса, аммо бу муддатлар ўтмасидан олдин ушланган бўлса, унинг ҳаракатларини **ЖК 287-моддаси 1-, 2- ва 3- қисмларида** назарда тутилган жиноятни содир этишга суиқасд деб топилади.

ЖК 287-моддаси 4-қисми жанговар вазиятда содир этилган қисмни ёки хизмат жойини ўзбошимчалик билан ташлаб кетганлиги учун, давомийлигидан қатъи назар жавобгарликни назарда тутади.

(«Жанговар вазият» тушунчаси тўғрисида **ЖК 279-моддаси таҳлилига қаранг.»)**

ЖК 287-моддаси 4-қисмидаги кўзда тутилган жиноятнинг **субъекти** ҳарбий унвонидан, хизмат асосларидан (контракт ёки чақирив асосида) қатъи назар ҳар қандай ҳарбий хизматчи бўлиши мумкин.

2-§. Дезертирлик (ЖК 288-моддаси)

Ушбу жиноятнинг **бевосита объекти** ҳарбий хизмат ўташнинг ўрнатилган тартиби ҳисобланади.

Дезертирилкнинг объектив томони ҳарбий хизматдан бутунлай бўйин товлаш мақсадида ҳарбий қисм ёки хизмат жойини ўзбошимчалик билан ташлаб кетиш, шунингдек, шу мақсадда хизмат жойига етиб келмасликда ифодаланади.

(«Ҳарбий қисм ёки хизмат жойини ўзбошимчалик билан ташлаб кетиш» ва «хизмат жойига етиб келмаслик» тушунчалари тўғрисида ЖК 287-моддаси таҳлилига қаранг.)

Дезертирилк деганда, ҳарбий хизматдан бутунлай бўйин товлаш мақсадида ҳарбий қисмни ёки хизмат жойини ўзбошимчалик билан ташлаб кетиш, шунингдек, ўша мақсадда хизмат жойига етиб келмаслик тушунилади.

Дезертирилкда ҳарбий хизматчи жойида йўқлигининг давомийлиги содир этилган жиноятнинг жамиятга хавфлилиги даражасини баҳолашда ва айборга жазо тайнинлашда аҳамиятга эга бўлади¹. Агар дезертирилк содир этилганда хизмат жойидан ташқарида ўзбошимчалик билан бўлган вақти узоқ давом этмаса (муддатли ҳарбий хизматчилар учун – икки суткадан камроқ, контракт (шартнома) бўйича ҳарбий хизматчилар учун – ўн суткадан камроқ), бундай ҳаракатлар хизматга ўз хоҳиши билан қайтган шароитларда ёки иккита енгиллаштирувчи ҳолатларнинг мавжудлигида ЖК 288-моддаси белгиларининг формал таркибини ифодаловчи сифатида баҳоланиши ва ЖК 36-моддасига мувофиқ, қам аҳамиятли қилмиш деб топилиши мумкин.

Дезертирилк давомли жиноят ҳисобланади. У айборнинг ўз хоҳишига кўра ҳаракатларини тўхтатиши (масалан, унинг айбини бўйнига олиб қисмга ёки ҳукумат идораларига келиши) ёки дезертирилкнинг давом этишига тўсқинлик қилувчи шароитнинг рўй бергурнига (масалан, айборнинг ушланиши ва ш.к.) қадар давом этиши мумкин.

Ҳарбий қисм ёки хизмат жойини ташлаб кетиб муддатида хизматта келмаган вақтдан бошлаб дезертирилк тугалланган жиноят деб топилади. Бунда шуни назарда тутиш лозимки, дезертирилкдан ўз хоҳиши бўйича қайтиши фақат ҳарбий қисмни ёки хизмат жойини тарк этгунигача ёки хизматга келиш муддати тугагунигача мумкин бўлади. Дезертирилк содир этган ҳарбий хизматчининг айбини бўйнига олиб келиши жазони енгиллаштирувчи ҳолат сифатида кўрилмоғи лозим (ЖК 55-моддаси «а» банди). Бундай вазиятларда ЖК 66-ва 71-моддаларида кўрсатилган маълум шароитларнинг мавжудлигида ҳарбий хизматчи жавобгардикдан ёки жазодан озод этилиши мумкин.

Субъектив томондан жиноят тўғри қасд билан содир этилади. Жиноят субъектив томонининг зарурий белгиси қисмни ёки хизмат

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 39-6.

жойини ўзбошимчалик билан ташлаб кетишнинг мақсади ҳисобланади. Айбор қисмни ёки хизмат жойини ўзбошимчалик билан ташлаб кетишни ёки хизмат ўташ жойига ҳарбий хизмат қилишдан умуман бўйин товлаш мақсадида қайтмаёттанилигини англайди ва бу ҳаракатларни содир этишни истайди.

Ҳарбий хизматдан бўйин товлаш мақсадлари айборнинг қасдида намоён бўлади, яъни қонун томонидан ўрнатилган ҳарбий хизмат давомида ҳарбий хизмат мажбуриятларини ўташдан бош тортишида ифодаланади. Ҳарбий хизматчида ҳарбий хизматдан бўйин товлаш бевосита қисмни ёки хизмат жойини тарк этишдан олдин ёки хизматга келмаганида ва қисмни ёки хизмат жойини ўзбошимчалик билан ташлаб кетиш жараёни содир бўлганида пайдо бўлиши мумкин.

ЖК 287-моддасида назарда тутилган жиноят ва дезертириликнинг объектив томонларини ўхшашикларида, бу жиноятлар таркибларини чегаралашни фақат содир этилган жиноятнинг охирги мақсади билан аниқланадиган айборнинг мақсад йўналиши бўйича – ҳарбий хизмат ўташдан бутунлай ёки маълум вақтга бош тортганлигидан ўтказиш лозим.

Ҳарбий хизмат ўташдан бутунлай бўйин товлаш мақсади тўғрисида қисмни ёки хизмат жойини ташлаб кеттанидан сўнг ўтган вақтнинг давомийлиги ёки унга келмаганилиги гувоҳлик беради. Бундан ташқари, ҳарбий хизмат ўташдан бутунлай бўйин товлаш мақсадлари тўғрисида «айбор томонидан соҳта ҳужжатлар тўғрилаб олиш, фуқаровий кийимга қайта кийиниб олиш, ҳарбий кийимни йўқ қилиш, ишга жойлашишга ёки яшаш учун бошқа доимий манба топишга уриниш каби»¹ ҳолатлар ҳам гувоҳлик беради.

«Дезертирилкни содир этган шахснинг асосий сабаб қилиб кўрсатдиган вожлари – ҳарбий хизмат қийинчиликлари ва маҳрумликларини бошдан кечиришни истамаслик, доимий равишдаги шахсий ва оиласвий муаммоларни ҳал қилишга интилиш, ҳарбий хизматни ўташ даврида содир этган жинояти учун жавобгарликдан қочиш ва ҳоказолар бўлиши мумкин»². Дезертирилкда мотив жиноятни квалификация қилишда таъсир кўрсатмайди.

ЖК 288-моддаси 1-қисмида назарда тутилган жиноят субъекти муддатли хизматдаги оддий ҳарбий хизматчилар, яъни аскарлар, матрослар, сержантлар ва муддатли хизмат старшиналари ҳисобланадилар.

ЖК 288-моддаси 1-қисми ҳаракатлари захирадаги ва ҳарбий йигинларга чақирилган фуқароларга ҳам тарқалади.

Интизомий тартибга чақирилган, интизомий қисмга жўнатиш жазосига ҳукм қилинган судланган ёки қамоқ кўринишидаги жазони

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 39-6.

² Ўша жойда.

ўтаётган (ЖК 48-моддасига қаранг) ҳарбий хизматчининг қочиши ҳарбий қонунбузарчилик ҳисобланади ва айрим ҳолатлардан келиб чиқиб ЖК 287- ва **288-моддаси** бўйича квалификация қилинади.

Унга нисбатан прокурор санкцияси ёки суд қарори бўйича қўриқлов остида сақлаш кўринишидаги чора танланган ҳарбий хизматчи томонидан тергов изоляторидан қочиши ЖК 222-моддаси (Қамоқдан ёки қўриқлов остидаги сақлаш жойидан қочиш) бўйича квалификация қилиш лозим.

ЖК 288-моддаси 2-қисмида офицерлар таркибидан бўлган шахслар, контракт (шартнома) бўйича хизмат ўтаётган ҳарбий хизматчи томонидан содир этилган дезертирилик учун жавобгарлик белгиланган.

Контракт бўйича ҳарбий хизмат ўтаётган ҳарбий хизматчиларга нисбатан дезертирилик ҳарбий хизматчи томонидан бир томонлама контрактни бузиш билан ифодаланади. Бу шундан келиб чиқадики, амал қилинаётган қонунчилик «контракт тузувчи»ни контрактни муддати тугамагунча ўз ташабbusи билан бузиши ҳуқуқини назарда тутмайди. Бундай бузиш фақат янги контракт тузилгандагина мумкин. Масалан, биринчи контракт уч йилга тузилган, у эса, уни бузиб, янги кўринишдаги контракт тузади — беш ёки ўн йилга.

Бундан ташқари, контракт бўйича ҳарбий хизмат ўтаётган ҳарбий хизматчилар учун, давом этаётган жиноят сифатидаги дезертирилик контракт муддати тутаган вақтдан бошлаб **туталланган** деб тан олинади.

3-§. Ҳалок бўлаётган ҳарбий кемани ташлаб кетиши (ЖК 289-моддаси)

Жиноятнинг **бевосита обьекти** ҳалокат ёки аварияларда, ҳарбий кема «ҳалокатида» ҳарбий муносабатларнинг ўрнатилган тартиби ҳисобланади.

Жиноят **объектив томондан** ҳалок бўлаётган ҳарбий кемани ўз хизмат вазифаларини охиригача бажармаган командир томонидан, шунингдек, командирнинг тегишли фармойиши бўлмасдан кема командаси таркиbidагi шахс томонидан ташлаб кетилишида ифодаланади.

Ҳарбий кема деб, ҳарбий хизмат ўрнатилган вазирлика (идорага) тегишли ҳарбий қўмондон жавобгарлигида бўлган ҳар қандай ўзи юрар сув кемаси тушунилади.

Ҳалок бўлаётган ҳарбий кемани ташлаб кетиши ҳам қирғоққа чиқиши йўли билан, ҳам бошқа кемага ўтиш ёки қутқарувчи сузувчи воситага ўтиш билан амалга оширилади. Ҳарбий хизматчининг ихтиёридан ташқари кема ҳалокатининг ташқи таъсирлари натижасида иложисиз борт ортида қолиши ушбу жиноят таркибини ҳосил қўлмайди.

Ҳарбий кема командирининг ва команда аъзоларининг низомда белгиланган хизмат мажбуриятларидан келиб чиқиб, кема командири

ва команда аъзолари ҳалокатларда, аварияларда ҳарбий кемани күтқариш учун барча имкониятларни қабул қилишлари зарур.

Командирда одамларни, мол-мұлкни қутқаришни ташкил этиш бүйічә бевосита мажбурият ётади. Қисман олғанда, кема ҳалокати хавфи шароитларыда кема командири одамларни қутқариш учун уларни ташкилий эвакуация қилишни, биринчи навбатда, касалларни ва ярадорларни, болаларни, аёлларни, фуқаро шахсларни ва фақат улардан сұнг, ҳарбий хизматчиларни ва әкипаж аъзоларини таъминлашга мажбур. Мажбурий тәдбиrlар саноғига сирли ҳужжатларни, соқчылық ва навигация журналларини, хариталарни, пул маблагларини ва бошқа бойликларни сақлашни таъминлаш ҳам киради. Жаңғ ҳолатида ҳужжатларни, куролларни ва моддий бойликларни қутқариш имконияти йўқ бўлганида, улар душман қўлига тушмаслиги учун кема билан йўқ қилинишини таъминлаши лозим.

Командир ҳарбий кемани қутқариш учун барча имкониятларни ишлатган вазиятларда, аммо уни қутқариш имконияти йўқлигига ҳарбий кемани тарқ этиш лозим деган ягона қарорга келса, у уни тарқ этиш учун қарор қабул қиласи. Командир ҳарбий кемани энг охирида тарқ ётади.

Ўз хизмат вазифаларини охиригача бажармаганлик деганда, Низомга мувофиқ ўз мажбуриятларини тўла бажармаганлик ёки тўла бўлмаган ҳажмда бажарганлик тушунилади.

Ҳалок бўлаётган ҳарбий кемани тарқ этиш учун команда аъзоларининг жавобгарлиги кемани, мол-мұлкни, ҳужжатларни қутқариш бүйічә ҳарбий кема командирининг бўйруқ ва фармойишларини бажармаган вазиятларда юзага келади. Кема командирининг командаисиз команда аъзоларидан ҳеч ким кемани тарқ этиш ҳуқуқига эга бўлмайди. Бундай команда (рухсат) шахсан, техник алоқа воситалари билан ёки бошқа ҳарбий хизматчилар орқали берилиши мумкин. Агар кема командири ҳалок бўлса ёки ўз қўл остидагиларига тегишли рухсат бериш имкониятидан маҳрум бўлса, команда томонидан ҳалок бўлаётган кемани тарқ этиш жиноят таркибини пайдо қилмайди.

ЖК 289-моддасининг мажбурий белгиси ҳарбий кема ҳаётига хавф solaётган ҳолатнинг мавжудлигидан иборатдир. Бундай ҳолат пайдо бўлишининг сабаблари турлича (бортдаги ёнғин, минадаги портлаш, бошқа судна билан тўқнашув, табиий офат ва ҳ.к.) бўлиши мумкин ва кўриб чиқилаётган жиноятни квалификациялашга таъсир қилмайди. Ҳамда охир-оқибатда кема ҳалок бўлдими ёки йўқми, бу далил ҳам жиноятни квалификациялашга таъсир этмайди.

Ҳалок бўлаётган ҳарбий кемани командири ўз хизмат вазифаларини охиригача бажармай амалда тарқ этган вақтдан бошлаб ёки командирниң рухсатисиз команда аъзолари томонидан кемани тарқ этган вақтдан бошлаб жиноят тугалланган деб топилади.

Субъектив томондан ҳалок бўлаётган ҳарбий кемани тарк этиш тўғри қасдан содир этилади. Командир ўз вазифаларини бажармасдан ёки тўла ҳажмда бажармасдан кемани ташлаб кетаётганини англайди ва кемани ташлаб кетишни истайди. Агар айбнинг эҳтиётсизлиги аниқланса жиноий жавобгарлик мустасно этилади.

Ҳарбий кеманинг команда аъзолари томонидан ташлаб кетилиши ҳам тўғри қасд билан содир этилади. Айбор, ҳарбий кема командирининг командаси йўқ бўлишига қарамасдан кемани ташлаб кетаётганини англайди ва шуни истайди. Эҳтиётсизлик шаклидаги айблар ҳам жиноий жавобгарликни мустасно этади.

Жиноят субъекти – командир ёки ҳарбий кема командаси аъзоси. Ҳарбий кема командаси ҳарбий хизматчилардан шаклланади, аммо унинг таркибига ўқув йигинлари ўтаётган даврдаги ҳарбий мажбурлар ҳам киришлари мумкин.

ЖК 289-моддаси 2-қисмида жанговар ҳолатда содир этилган ҳарбий кемани ташлаб кетганлик учун жавобгарлик назарда тутилади.

4-ғ. Ўзининг бирон аъзосини майиб қилиш йўли билан ёки бошқа усулда ҳарбий хизматдан бўйин тovлаш (ЖК 290-моддаси)

Жиноятнинг бевосита **объекти** ҳарбий хизмат ўташнинг ўрнатилган тартибларини таъминловчи ижтимоий муносабатлардир.

ЖК 290-моддасида назарда тутилган жиноятнинг **объектив томони** ўзининг бирон аъзосини майиб қилиш, яъни ҳарбий хизматчининг ўз баданига бирон шикаст етказиш йўли билан, шунингдек, ўзини ёлғондан касалликка солиб, ҳужжатларни қалбакилаштириш ёки бошқача алдаш йўли билан ҳарбий хизмат вазифаларини бажаришдан бўйин товлаши ёки бу вазифаларни бажаришдан бош тортиш билан бўйин товлашда ифодаланади.

Ўзининг бирон аъзосини майиб қилиш йўли билан, яъни ҳарбий хизматчини ҳарбий хизматни ўташдан ўзининг бирон аъзосига қандайдир шикаст етказиш йўли билан бўйин товлаши, ҳарбий хизматчи томонидан аъзоларига, танаси тўқималарига шикаст етказиш билан соғлиғига зарар етказиши, шу билан баравар даволаш даврида ёки ҳамма вақт ҳарбий хизмат ўташига тўқсунлик қўлувчи касалликнинг пайдо бўлиши ва ўтқирлашуви учун шароит яратишдан иборатдир. Ўзига қандайдир шикаст етказиш усуслари турлича бўлиши мумкин, аммо бу жиноятни **квалификация** қилиш учун аҳамиятга эга эмас. Бу ҳар қандай қуролдан танага жароҳат етказиш (тўқималарга ўқотар қуролдан отиш, бармоқларни болта билан чопиш ва ҳ.к.), ҳақиқатда мавжуд касални медикаментлардан нотўғри фойдаланиш йўли билан чақириш, сунъий равишда ўзини касаллик ҳолатига келтириш (металл нарсаларни ютиш, тери остига заҳарли нарсаларни киритиш ва ҳ.к.)

бўлиши мумкин. Бўйин товлаш таркиби учун аъзони майиб қилиш қандай йўл билан содир этилганлиги аҳамиятсиз¹.

Белгилаб қўйиш лозимки, аъзоларга шикаст етказишида айборднинг соғлиғига зарар етади. Бунда, ҳарбий хизматчининг соғлиғига зарар ўзи томонидан ёки унинг илтимосига кўра бошқа шахс томонидан етказилиши ҳолатни квалификация қилишга таъсир кўрсатмайди.

Агар ҳарбий хизматчига шикаст етказиш ўзи томонидан эмас, унинг илтимосига кўра бошқа шахс томонидан етказилган бўлса, унда бу шахс жиноятга шерик сифатида жиноий жавобгарликка тортилиши лозим, жиноятнинг ижрочиси деб бундай илтимос билан мурожаат қилган ҳарбий хизматчи ҳисобланади, чунки у ҳарбий хизмат бўйича вазифаларини бажаришдан бўйин товлаган.

Аъзоларига шикаст етказишида шикаст даражасини аниқлаш учун мажбурий суд-тибий экспертиза ва ҳарбий-табиб комиссиясининг ҳарбий хизматга лаёқатлилиги тўғрисидаги хulosаси талаб этилади.

Агар соғлиққа зарап етказиш айбордга боғлиқ бўлмаган ҳолатларда содир бўлса, масалан, айбор яроқсиз воситаларни қўллаши муносабати билан ёки соғлиққа етказилган зарап ўз тавсифи билан ҳарбий хизмат бўйича у ёки бу вазифаларни бажаришдан озод этиш учун асос бермаса, айборнинг ҳаракати ушбу жиноятни содир этиш учун суюқасд деб тан олиниши мумкин.

Ўзини ёлғондан касалликка солиш-остида ҳарбий хизмат ўташга мажбур бўлган шахсда ҳарбий хизмат ўташига тўсқинлик құлувчи қанақадир касалликнинг борлиги тўғрисида тиббий комиссияни алдаш (кўр, кар, рухий касал ва ҳ.к. деб кўрсатиш), бошқа ҳар қандай усуllар билан адаштириш ёки мавжуд бўлган касаллик симптомларини онгли равишда ошириб кўрсатиш («касаллик атравацияси» деб аталувчи) ётади. Бунда ҳам соматик, ҳам психик, неврологик касалликлар симуляция қилиниши мумкин.

Вижданан, хизмат вазифаларини бажаришдан бўйин товлаш мақсадларисиз, мавжуд ёки тахмин этилаётган касалликка нисбатан адашиш жиноят таркибини ҳосил қилмайди.

Хужжатларни қалбакилаштириш ҳарбий хизматдан бўйин товлаш усули сифатида ҳарбий хизмат бўйича вазифаларни бажаришдан қонунга хилоф равища озод бўлиш учун мазмунан қалбаки хужжатларни қўмондонликка тақдим этишда ифодаланади. Бундай хужжатлар туғилганлик тўғрисидаги гувоҳнома қалбаки туғилган санаси билан, муддатидан аввал захирага бўшаш мақсадида, иккинчи фарзанд туғилганлиги тўғрисидаги қалбаки гувоҳнома, соғлиғи тўғрисидаги

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилл. – 39-6.

қалбаки тиббий маълумотнома, ҳуқуқни муҳофаза қилиш органларига ёлғон чақирув, оиласати топилган баҳтсизлик тўғрисидаги телеграмма ва ҳарбий хизматдан озод бўлиш учун асос бўладиган бошқа қалбакилаштирилган ҳар қандай ҳужжат бўлиши мумкин.

«Барча ҳолларда қалбакилаштиришнинг моҳияти шундаки, ҳужжатда кўрсатилган воқеа ва ҳодисалар амалда мавжуд бўлмасдан, уларга таянган ҳолда ҳарбий хизматчи ўзини вақтинча ёки доимий равишда ҳарбий хизмат мажбуриятларини ўташдан озод қилишни илтимос қиласди»¹.

Қалбаки ҳужжат айбдор томонидан ёки унинг илтимосига кўра бошқа шахс томонидан тайёрланиши мумкин. Бунда охиргисининг ҳаракатида зарур белгилар мавжудлиги ЖК 228-моддаси бўйича (Ҳужжатлар, штамплар, муҳрлар, бланкалар тайёрлаш, уларни қалбакилаштириш, сотиш ёки улардан фойдаланиш) ҳамда ЖК 28-моддаси тегишли қисмига суюниб **290-моддаси** билан биргаликда квалификацияланиши лозим.

Агар қалбаки ҳужжат ҳарбий хизматчи ёки ҳарбий хизматга мажбур шахс томонидан тайёрланса, унда унинг ҳаракатлари ЖК 228-моддаси бўйича қўшимча квалификацияни талаб этмайди, чунки улар бўйин товлашнинг ушбу усули билан тўла қамраб олинади².

Бўйин товлашнинг усули сифатида **бошқа алдов** ҳарбий хизматни ўташдан озод бўлиш мақсадида воқеа ёки ҳодисалар тўғрисида била туриб, ёлғон маълумот етказиши ёки мазкур ҳолатлар ҳақида хабар беришга бурчли бўла туриб, ўша мақсадда онгли равишда хабар бермасликдан иборат (масалан, захирага эртароқ бўшааш мақсадида олий маълумоти борлиги тўғрисида ёлғон маълумот бериш, худди шу мақсадда ўзининг ўрнига бошқа шахсни тиббий қўрикка юбориш)³.

Ҳарбий хизматдан бўйин товлаш мақсадида лавозимли шахсни сотиб олиш ҳолатлари бошқа алдов сифатида кўриб чиқилади. Агар бунда пора бериш (олиш) мавжуд бўлса, у ҳолда жавобгарлик содир этилган жинояллар жами тариқасида белгиланади.

«Ҳарбий хизмат вазифаларини ўташдан **буш тоhtiш** – ҳарбий хизматчи томонидан очиқдан-очиқ, ёлғон ишлатмасдан, оғзаки, ёзма ёки бошқа йўл билан ҳарбий хизматни ўташ ёки унинг баъзи мажбуриятларини бажаришни истамасликда ва амалда уларни бажармай қўйишда намоён бўлади»⁴.

Буш тоhtiш икки шаклда намоён бўлиши мумкин:

биринчидан, у очиқ аризада, уларни бажаришни кейинчалик амалда тўхтатиш билан, ҳарбий хизмат мажбуриятларини ўташни

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 40-6.

² Ўша жойда.

³ Ўша жойда.

⁴ Ўша жойда.

истамаслигини ифодалаши мүмкін. Агар ҳарбий хизматни ўташни истамаслиги тұғрисидаги очиқ ариза уларни амалдаги бажарилмаслиги билан кузатылмаса, бундай ҳаракатлар күриб чиқилаётган жиноят таркибини пайдо қылмайды;

иккінчидан, бош тортиш бу тұғрисида очиқ аризада кузатылмасдан, ҳарбий хизмат мажбуриятларини бажаришни амалда тұхтатиши билан ифодаланиши мүмкін.

Командирнинг аниқ талабини бажаришқи истамаслик ёки амалда бажармаслик ҳарбий хизмат вазифаларини ўташдан бош тортиш бўлмайди (масалан, сафарга кетиш, суткали нарядга кириш ва ҳ.к.). «Бундай ҳаракатлар бўйсунмаслик жинояти таркибини ташкил қиласди, чунки бундай ҳолда қўмондан талаби буйруқ хусусиятига эга бўлиб, ҳаракат эса, ҳарбий хизматни ўташдан бош тортишга эмас, балки буйруқни очиқдан-очиқ бажармасликка қаратилган»¹.

Агар ҳарбий хизмат вазифаларини бажаришдан бош тортиш айбдор томонидан, унга қонунчиликка ва Куролли Кучларнинг Умум-ҳарбий Низомига мувофиқ маҳсус вазифалар юкланган даврда содир этилса (жанговар навбатчилик, суткали ёки гарнizon нарядида ва ҳ.к.), тегишли жиноятларнинг белгилари мавжуд бўлганда жавобгарлик ЖК 291–294 моддалари бўйича жиноятлар жами тариқасида белгиланади.

Ҳарбий хизматчини ўзининг бирон аъзосини майиб қилиш йўли билан ўзига қандайdir шикаст етказиши, касалликнинг симуляцияси, қалбаки ҳужжатларнинг тақдим этитиши ёки бошқа ёлғон далиллар жиноятини пайдо қылмайди, бу йўл билан ҳарбий хизмат вазифаларини бажаришдан бўйин товлаш, яъни у ёки бу ҳарбий вазифаларни бажаришни амалда тұхтатишини пайдо қиласди.

Ҳарбий хизматдан бўйин товлаш аъзоларига шикаст етказиши ёки касалликни симуляция қилиш, ҳарбий хизмат ўташдан бўйин товлаш мақсадида ҳужжатларни қалбакилаштириш, ҳарбий хизмат ўташдан бош тортиш вақтидан бошлаб тугалланган деб топилади.

Жиноят субъектив томондан тўғри қасд билан содир этилади. Айбдор ҳарбий хизматдан қонунга хилоф равишда озод этилишга етишмоқчилигини англайди ва шуни истайди. Жиноят мақсади – ҳарбий хизмат вазифаларини ўташдан бўйин товлаш.

Жиноят субъекти ҳарбий хизматда турган шахс ҳисобланади. Бу чақирав бўйича ҳарбий хизмат ўтаётган оддий аскар ва сержант (старшина) таркибидаги шахслар ҳамда ҳарбий унвонидан ва қўшин туридан қатын назар ҳарбий хизматни контракт (шартнома) бўйича ўтаётган ҳарбий хизматчилар бўлишлари мүмкін. Кўриб чиқилаёттан жиноят субъектлари, ҳарбий йиғинга чақирилган, захирада бўлган фуқаролар ҳам бўлишлари мүмкін.

¹ Ўзбекистон Республикаси Олий суди Пленумининг 2000 йил 15 сентябрдаги •Ҳарбий хизматчи ўташ... // Тўплам, 2-жилд. – 40-б.

ЖК 290-моддасида назарда тутилган жиноят бу жиноят иштирокчилари деб топилган ҳарбий хизматчилар ва ҳарбий хизматчи бўлмаган шахслар иштирокида содир этилиши мумкин.

ЖК 290-моддаси 2-қисмида жанговар вазиятда содир этилган ҳарбий хизматни ўташдан бўйин товлаш учун оширилган жавобгарлик назарда тутилган.

(«Жанговар вазият» тушунчаси тўғрисида **ЖК 279-моддаси таҳтилида** айтилган эди.)

5-§. Қоровул хизматини ўташ қоидаларини бузиш (ЖК 291-моддаси)

Ушбу жиноятнинг **асосий бевосита объекти** умумий тартибда ҳарбий хизматни ўташнинг таркибий қисми каби қоровул хизматини ўташнинг ўрнатилган тартибини таъминловчи ижтимоий муносабатлардан иборатдир. Бу тартибга қатъий риоя этиш кўриқлашга ишонилган объектнинг хавфсизлигини ва муҳофаза этилишини, ҳарбий хизматчилар орасида юқори ҳарбий тартибни ушлашни таъминлайди. Бундай тартиблар қоровул (соқчилик) хизматини ўташнинг шахслар алоҳида ҳуқуқий ҳолати, уларга маҳсус функцияларнинг юкланиши, улар билан боғлиқ ҳолда улар маълум бўлган маҳсус ҳуқуқ ва маъжбуриятлар, қоровул (соқчилик) хизматини ўташнинг низом асосида чиқарилган ва такомиллаштирилган тегишли буйруқлар, фармойишлар билан аниқ тартибга солинганлиги билан тавсифланади.

Қоровул хизматини ўташ қоидаларини бузишнинг **кўшимча бевосита объекти** деб, қоровулга кўриқлашга топшириладиган маълум объектларнинг хавфсизлиги, жамият хавфсизлиги ва тартибларини (масалан, гаупваҳтада сақланаётган шахсларни кўриқлашни) тушуниш лозим.

Жиноятнинг **объектив томони** заарали оқибатлар келиб чиқиши олдини олиш учун тайинланган қоровул таркибига кирган шахс томонидан қоровул (соқчилик) хизматини ўташнинг низом қоидаларини бузиши натижасида заарали оқибатлар келиб чиқишида ифодаланади.

Қоровул хизмати ўзида қонунчилик ва Куролли Кучлар Умумҳарбий Низомлари билан тартибга солинган ҳарбий ва давлат объектларини ҳамда гаупваҳтада ва ҳарбий интизомий қисмida сақланаётган шахсларни кўриқлаш бўйича маҳсус хизматни ифодалайди. Қоровул хизматини ўташ жанговар вазифани бажариш ҳисобланади ва шахсий таркибдан барча Низом қоидаларига аниқ риоя этишни, юқори огоҳликни, аниқ счимни ҳамда ташаббусни талаб этади.

Қоровул хизмати кўриқ остида сақланаётган ва жиноий-тузатиш муассасаларида жазо ўтаётган қамоқча олингандарни кўриқлаш ва ташиш бўйича хизмат ҳисобланиб, Ўзбекистон Республикаси ИИВ ички қўшин ҳарбий хизматчилари томонидан амалга оширилади.

Ҳарбий кемалардаги соқчилик хизмати қоровул хизматига тенглаштирилади. У кемадаги навбатчиликнинг алоҳида тури бўлиб ҳисобланади ва жанговар техникани ва кеманинг ўзини қўриқлаш ҳамда унинг доимий жанговар ҳолатини таъминлаш вазифасига этадир. Кема бўйича соқчилик (бутун кема бўйича) ва маҳсус соқчилик (кеманинг жанговар қисмлари ва хизматлари бўйича) фарқланади.

Қоровул (соқчилик) хизматини ўташ қоидалари қонунчиликда, Қуролли Кучлар Низомида, ИИВ меъёрий хужжатларида ва уларнинг бажарилиши бўйича чиқарилган турли буйруқлар, фармойишлар ва ҳ.к.да белгиланган. Шу муносабат билан жиноят таркиби белгиларини аниқлаш шу вазиятда бузилган қоровул хизмати қоидаларининг мазмунига боғлиқ бўлади.

Модданинг диспозицияси бланкетлидир. Жиноий жавобгарлик юзага келиши учун Низомнинг қайси конкрет қоидалари, ёзма фармойишларнинг талаблари ва постлар табелларида ва инструкцияларда кўрсатилган қоровул шахснинг алоҳида вазифалари бузилганлигини ҳар томонлама аниқлаш лозим.

Қоровул (соқчилик) хизмати устав қоидаларининг бузилиши ҳам ҳаракатда, ҳам ҳаракатсизликда ифодаланиши мумкин: постдан ўзбошимчалик билан кетиш, постдаги уйқу, эътиборсизлик, постда бегоналар бўлишига йўл қўйиш, қўриқланаётган обьектдан мулкни ўғирлаш ва ҳ.к. Гаупваҳтада ва интизомий ҳарбий қисмда сақланаётган шахсларни қўриқлаш бўйича ҳамда қўриқ остида сақланаётган ёки озодликдан маҳрум қилиш муассасаларида жазо ўтаётган маҳкумларни қўриқлаш ва ташиш қоровул таркибидаги ҳарбий хизматчилар томонидан қоровул хизмати низом қоидаларининг бузилиши, қамоқдизиларга зўрлик ишлатиш, уларнинг қадр-қимматини камситиш, улар ҳуқуқларини ва қонуний манфаатларини камситиш ва ҳ.к. йўллар билан содир этилиши мумкин.

ЖК 291-моддаси бўйича жиноятларни тўғри квалификация қилиш учун қоровул хизматини ўташнинг бошланиш ва охирги вақтини аниқ белгилаш зарур бўлади.

Қоровул таркибидаги шахснинг қоровул хизмати бўйича вазифаларини бажаришга киришиш вақти бўлиб развод вақтида қоровул бўйича (қисм бўйича навбатчи) навбатчини кутиб олиш учун «ийғил» командаси берилган вақт ҳисобланади. Шу вақтдан бошлаб қоровуллар қоровул бўйича (қисм бўйича навбатчи) навбатчининг ҳукми остига ўтади.

Қоровул таркибидаги хизмат ўташнинг охирги вақти бўлиб қоровул алмашган команда бошлиғи томонидан сменадан сўнг қисмга кетиш учун команда берилган вақт ҳисобланади. Шу вақтда қоровул кўрсатилган шахснинг бошқарувидан чиқади.

Агар қоровул хизматини ўташ қоидалари развод бошланиши олдидан ёки қоровул алмашганидан сўнг бузилса, унда ҳарбий хизматчи

ЖК 291-моддаси бўйича жавобгарликка тортилиши мумкин эмас. Масалан, разводга боришдан бош тортиш ва қоровулликка киришмагани учун ҳарбий хизматчи ЖК 279-моддаси бўйича буйруққа бўйсунмаганлик учун жавобгарликка тортилиши мумкин.

Қоровул хизматини ўташ қоидаларининг бузилиши ва келиб чиқсан заарли оқибатлар орасидаги сабабий боғланиш кўриб чиқлаётган жиноят таркибининг зарурий белгиси бўлиб ҳисобланади.

Кўриб чиқлаётган модданинг мазмунидаги заарли оқибатлар – булар қоровул таркибида турган шахслар огоҳлантириши лозим бўлган вазифаларга кирган оқибатлардир. Бу, масалан, қўриқданаёттан обьектдан ҳарбий мулкни ўғирлаш, қамоққа олинганинг конвой қилинаёттан вақтда қочиши, патруль нарядининг ҳаракатсизлиги оқибатида ҳарбий хизматчи томонидан жамият тартибларининг қўпол равишида бузилиши ва ҳ.к.лар қоровул қўриқлаётган обьектларга зарар сифатида, қамоқ остида сақданаёттан шахсларга куч ишлатиш ёки бошқа файриқонуний чоралар билан таъсир этиш ҳамда қўриқдан файриқонуний қисқа вақтга озод этиш ҳолатлари сифатида кўриб чиқилиши лозим.

Заарли оқибатларнинг келиб чиқиши кўринишидаги белгилар қоровул таркибиға кирган ҳар бир шахсга нисбатан кўрилмоғи лозим. Агар, заарли оқибатлар олдини олиш қоровул эмас, балки қайсиdir қўриқчи ёки қоровул бошлигининг мажбуриятига кирса, у томонидан қоровул хизматини ўташ қоидаларини бузганлиги мавжуд бўлса, **ЖК 291-моддаси 1-қисми** билан у жавобгарликка тортилиши лозим.

Агар таҳлил этилаётган жиноятнинг содир этилиши натижасида уларнинг олдини олиш қоровулнинг вазифасига кирмаган бошқа заарли оқибатларга сабаб бўлган бўлса, унда қилмиш қоровул хизматини ўташ қоидаларининг бузилиши таркибини ҳосил қилмайди. Масалан, қўриқчи, постга яқинлашаётган бегона одамни сезиб, огоҳлантиришсиз қурол ишлатади ва тажовузкорни ўлдиради. У қоровул хизматини ўташ қоидаларининг бузилишига йўл қўйган бўлсада, **ЖК 291-моддасида** назарда тутилган жиноят таркиби унинг ҳаркатларида мавжуд эмас, чунки заар қоровул қўриқламаёттан обьектга етказилди.

Қўриқданаёттан обьектдаги муҳр ёки пломбани бузиш, қулфларни синдириш, қўриқданаёттан обьектта реал заар өтказмасдан уларга қўриқчи ёки бошқа шахснинг кириши заарли оқибатлар деб топилмайди ва ЖК 291-моддаси 7-қисми билан жавобгарликни келтириб чиқармайди.

Бироқ, айрим вазиятларда қўриқчи олдини олиши лозим бўлган қўриқданаёттан обьектта бегона шахснинг киришининг ўзи заарли оқибат деб қўриб чиқилиши лозим. Масалан, қоровул олдини олиши лозим бўлган қўриқданаёттан маҳфий обьектга бегона шахснинг киришининг ўзи заарли оқибат деб қаралиши лозим.

Қоровул (соқчилик) хизмати устав қоидаларининг бузилиши фақат бир шароитда, агар бу қилмиш ушбу қоровул уларнинг олдини олиш учун тайинланган бўлса ва зарарли оқибатларни юзага келтирса туталланган жиноят таркибини ҳосил қиласди.

Агар қоровул (соқчилик) хизмати устав қоидаларининг бузилишидан зарарли оқибатлар келиб чиқмаса, унда **ЖК 291**-моддаси бўйича жавобгарлик мустасно этилади. Қоровул (соқчилик) таркибидаги ҳарбий хизматчилар бундай бузилишлар учун Ўзбекистон Республикаси Куролли Кучларининг Интизомий Низоми бўйича интизомий жавобгарлика тортлишлари мумкин.

Субъектив томондан жиноят қасддан ёки эҳтиётсизлик орқасида содир этилиши мумкин. Айрим қоида бузилишлар фақат қасддан содир этилиши мумкин (постдан кетиш, кўриқланаётган обьектдан ўгирлаш ва ҳ.к.). Бошқалари эса эҳтиётсизлик оқибатида содир этилади (курол билан эҳтиётсиз муносабатда бўлиш, постда хизмат ўтаётганда етарли даражада огоҳ бўлмаслик ва ҳ.к.). Аммо ҳам қасддан, ҳам эҳтиётсизлик орқасида содир этиладиган бузилишлар бор (постдаги уйқу, патруль қилиш йўли билан хизмат ўташда кўриқчи йўналишининг бузилиши ва ҳ.к.). Оғир оқибатларга нисбатан айб кўпинча эҳтиётсизлик кўринишида ифодаланади, аммо қасддан ҳам содир этилиши мумкин.

Жиноятнинг **мотив** ва **мақсади** турлича бўлади ва қилмишни квалификация қилишга таъсир кўрсатмайди.

ЖК 291-моддасида назарда тутилган жиноятнинг **субъекти**, фақат қоровул ёки соқчилик (қоровул бошлиғи, разводчи, кўриқчи, қоровул ва бошқалар) таркибидаги шахслар бўлишлари мумкин. Қоровул (соқчилик) хизматини (масалан, гарнizon коменданти, гарнizon гаупвахтаси бошлиғи) ташкил этишга ва ҳолатига жавобгар бўлган, аммо қоровул (соқчилик) таркибига кирмайдиган лавозимли шахслар кўриб чиқилаётган жиноятнинг субъектлари бўла олмайдилар. Бу шахслар томонидан қоровул (соқчилик) хизмати низом қоидаларининг бузилиши тегишли белгилари етарли бўлганида ҳарбий мансабдорлик жинояти сифатида квалификация қилиниши мумкин.

Қонунчилик ва Куролли Кучларнинг Умумҳарбий Низоми ҳарбий қасам қабул қилмаганларни ҳарбий хизмат қоровулига тайинлашни тақиқлайди, қасамёд қабул қилиш – шахсни кўриб чиқилаётган жиноят субъекти деб топилиши учун зарурый шартдир.

Жиноятнинг бажарувчиси қоровул хизмати ўташ низом қоидаларининг бузилишида ифодаланаётган, қоровул хизмати ўтаётган шахс бўлади, уларнинг иштирокчилари эса, қоровул таркибига кирмаган ҳам ҳарбий хизматчилар, ҳам фуқаро шахслар бўлишлари мумкин.

Қоровул таркибига киравчи шахслар, кўриб чиқилаётган жиноят қамраб олмайдиган бошқа жиноятларни содир этишлари мумкин, улардан бири қоровул хизматини ўташ қоидаларини бузиш билан

биргаликда квалификация қилинади, бошқаси эса, құшимча квалификация қилишни талаб этади.

Қоровул томонидан қоровулға қўриқлашга топширилган мулкни қўриқлаш бегонанинг мулкини талон-торож қилиш ва қоровул хизмати ўташнинг қоидаларини бузишдан ташкил топган жиноятлар йиғиндиси бўйича квалификация қилинади.

Шу билан бир вақтда, қоровул томонидан атрофдагилар учун орттирилган хавф түғдирувчи қурол, моддалар ва нарсалар билан муомалада бўлиш қоидаларининг бузилиши фақат ЖК 297-моддаси бўйича квалификация қилинади (атрофдагилар учун орттирилган хавф түғдирувчи қурол, моддалар ва нарсалар билан муносабат қоидаларининг бузилиши), агар бунда қўриқланадиган обьектлар хавфсизлигини таъминловчи қоровул хизматини ўташ қоидалари амалда бузилмаган бўлса (масалан, қўриқчи қурол билан ўйнаб, ундан ўқ узиб, унга қўриқлаш учун топширилган ёқилғи-мойлаш материаллари омборини йўққа чиқарса), агар бу қоидалар бузилган бўлса, бунда қўлмиш бир вақтнинг ўзида қоровул хизматини ўташ қоидаларининг бузилишига олиб келади, қўлмишнинг тегишли белгилари мавжуд бўлганда ЖК 296-моддаси бўйича квалификация қилинади (Ҳарбий мулкни нобуд қилиш ёки унга шикаст етказиш).

Қўриқчи (қоровул) томонидан қўриқлананаётган обьектнигина эмас, балки жойлашган ҳарбий қисмни ташлаб кетиш ҳам жиноятлар жами бўйича квалификация қилиниши лозим: агар тегишли зарар етказилган бўлса, ҳарбий хизматдан бўйин товлашнинг тегишли тури (масалан, дезертирилик) ва қоровуллик хизмати қоидаларининг бузилиши.

ЖК 291-моддаси 2-қисмида қўйидаги оқибатларга олиб келган қоровуллик хизматини ўташ қоидаларининг бузилиши учун жавобгарлик назарда тутилган:

- а) баданга оғир шикаст етказилиши;
- б) одам ўлиши;
- в) бошқа оғир оқибатлар.

Оғир оқибатлар мавжудлиги тўғрисидаги масала (**ЖК 291-моддаси 2-қисми «в» банди**) баҳолаш тавсифига эга бўлиб, оқибатларнинг оғир деб топилиши ҳуқуқбузарликнинг аниқ ҳолатларига боғлиқ ва маҳсус хизматни ўташга қарши бошқа жиноятлардаги каби кўрсаткичлар билан амалга оширилади.

Қоровул (соқчилик) хизматини ўташнинг низом қоидалари бузилишининг **бошқа оғир оқибатларига**: бир неча шахсларга ўрта ва оғир тан жароҳатлари етказиш, бир неча кишининг ҳалокати, қўриқлананаётган обьектга кўп ва жуда кўп миқдорда зарар етказиш, обьектнинг жанговар тайёргарлигини бузиш ёки эълон қилинганида уни таъминламаслик, тайинланган жойга қўшинни ўз вақтида ҳаракатлантирмаслик, қисмлар бошқарувининг ташкил этилишини бузиш, қўриқла-

наётган объектдан қурол, ўқ-дори ва бошқа ҳарбий мулкни ўғирлаш, жанговар техникани ишдан чиқариш, ҳарбий қисм байроғини йўқотиш, қамалганинг қамоқдан қочиши ва ҳ.к. киради.

Қоровул (соқчилик) таркибидаги шахс томонидан қўриқланадаётган объектдан қурол, ўқ-дори, портловчи моддалар ва портлатиш курилмаларини талон-торож қилиш **ЖК 291-моддаси 2-қисми «в»** банди ва 247-моддаси бўйича жиноятлар жами тариқасида квалификация қилиниши лозим.

Қоровул (соқчилик) хизматининг низом қоидалари бузилиши гайриқонуний бактериологик, кимёвий ва бошқа хил ялпи қирғин қурол турларини эгаллаб олиш билан кузатилса, бундай ҳолларда жиноятлар **ЖК 291-моддаси 2-қисми «в»** банди ва 255¹-моддаси бўйича жиноятлар жами тариқасида квалификация қилиниши лозим (Бактериологик, кимёвий ва бошқа хил ялпи қирғин қуроллари турларини ишлаб чиқиш, ишлаб чиқариш, тўплаш, олиш, бирорвга ўтказиш, сақлаш, қонунга хилоф равишда эгаллаш ва улар билан бошқа ҳаракатларни содир этиш).

(Бактериологик, кимёвий ва бошқа оммавий қирғин қурол турлари тўғрисида кенгроқ **ЖК 255-моддаси таҳлилига қаранг.**)

ЖК 291-моддаси 3-қисмида жанговар вазиятда содир этилган қоровул хизматини ўташ қоидаларининг бузилиши учун жавобгарлик назарда тутилган.

6-§. Ички хизматни ўташ ёки гарнizonda патруллик қилиш қоидаларини бузиш (ЖК 292-моддаси)

Жиноятнинг асосий бевосита обьекти – Ўзбекистон Республикаси Қуролли Кучлари ички хизмат Устави билан ўрнатилган ички хизмат ўташнинг ва гарнizonда патруллик қилишининг тартибларини таъминловчи ижтимоий муносабатлардир. Ўрнатилган қоидаларни бузиш ҳарбий хизматчилар орасида ёки улар иштирокила тартибсизликлар пайдо бўлиши, ҳарбий қисмлар ва бўлинмаларнинг жанговар қобилиятини пасайтириб, қурол ва ўқ-дориларнинг ўғирланишига шароит яратади, ҳарбий хизматчилар орасида низомга хилоф ўзаро муносабатларнинг ва ҳ.к. пайдо бўлиши хавфини тудиради. Шу муносабат билан кўриб чиқилаётган жиноятнинг **қўшимча бевосита обьекти** жамоат тартибини, ҳарбий мулкнинг сақланишини ва ҳ.к.ни таъминловчи ижтимоий муносабатлардир.

ЖК 292-моддасида назарда тутилган жиноят обьектив томондан ички хизмат устави қоидаларини, шунингдек, гарнizonда патруллик қилиш қоидаларини зарарли оқибатлар келтириб чиқарадиган тарзда бузиша ифодаланади.

Ички хизмат устави қоидалари Ўзбекистон Республикаси Қуролли Кучлари ички хизмати Устави билан белгиланади, унга мувофиқ,

ички тартибни, бино ва қисм (бўлинма) мулкини қўриқлашни таъминлаш учун ҳамда бошқа ички хизмат вазифаларини бажариш учун ҳарбий хизматчилардан суткали наряд тайинланади (қоровул ва соқчиликдан ташқари). Қисм бўйича навбатчидан, унинг ёрдамчи-сидан, бўлинма бўйича навбатчидан, кунлик навбатчидан ва бошқа ҳарбий хизматчилардан таркиб топган бу наряд, ички тартиб-қоидаларининг бажарилишини тъминлайди, қисмнинг назорат-ўтказув пунктини бошқаради, шахсий таркибни, куролни, ўқ-дориларни, ҳарбий қисм биноси ва мулкини қўриқлайди ҳамда ички хизмат бўйича бошқа вазифаларни бажаради.

Ички хизмат ўташасига устав қоидаларини бузиш рота бўйича навбатчи томонидан казармадаги уришишга тўсқинлик қилмаганида, кундатик навбатчининг ўз постидан ўзбошимчалик билтан кетишида, бўлинмада содир этилган жиноят тўғрисидаги ахборотни қисм командиридан яширишда ва шунга ўхшаш бузилишларда, хизмат биносидаги ёнгинни ўчиришни ташкил этишда қисм бўйича навбатчинг ҳаракатсизлигига ва бошқаларда ифодаланади.

Коровул (соқчилик) таркибидаги ҳарбий хизматчи хизматни ўташ устав қоидаларини бузишини ЖК 291-моддаси бўйича квалификация қилиш лозим.

Ушбу модда бланкет диспозицияти. Шахсни жиноий жавобгарликка тортиш учун ички хизмат Низомининг қайси моддаси бузилганини зарарли оқибатлар юзага келганлиги ва улар ўргасидаги сабабий алоқалар аниқланиши лозим.

Ички хизмат қоидаларининг бузилиши, агар бунинг натижасида уларнинг олдини олиш айбюрнинг вазифасига кирган бўлиб, зарарти оқибатларга олиб келган бўлса, жиноят тугашасига ҳисобланади.

Бундай зарарли оқибатлар қаторига қўйидагилар киритилади: кун тартибини ёки ҳарбий таъбириларни бузиш; ҳарбий хизматчилар ўргасидаги ўзаро муносабетларга оид устав қоидаларини бузиш; бўтингадаги ҳарбий хизматчига оғир ёки ўрта оғирликдаги тан жарорати етказиш; бўлинма шахсий таркибдан кимнингдир ҳарбий хизмат ўташсан бўйин товлаши ёки ўқ-хористарни, куролларни ёки катта миқдордаги бошқа ҳарбий мулкини ўғирлаш ва ҳ.к.

Ички хизмат ўташ қонаварини бузиш содир бўлса, аммо зарарти оқибатлар юзага келмаса, айбюр ички хизмат Низомига мувофиқ интизомий жавобгарлико тортади.

Патруллик қўшини ҳар бир гарнизонда гарнизон боштигининг бўйруги билтан ҳарбий хизматчилар томонидан кўчаларда ва бошқа жамоат жойларизда, воқсалларда, бескетларда ва ҳ.к.тарда ҳарбий интизомга римоя қўлиш ва тартибини сақзалини назорет қўлиш учун яшакит этилати.

Гарнизонда патруллик қўшини ўташ қоидалари Ўзбекистон Республикаси Куролли Кучаларининг гарнизон ва коровул хизмати

Уставида белгиланган ва у патруль бошлиғи ва бир неча патруллик қилувчидан таркиб топган патруллик қилиш наряди таркибидаги ҳарбий хизматчилар учун мажбурий хисобланади. Гарнizon патруларидан ташқари аҳоли пунктида патруллик қилиш учун ҳарбий комендатурада транспорт воситасига эга бўлган захира патрули бўлмоғи лозим.

Гарнizonда патруллик қилиш устав қоидаларини бузиш аҳоли пунктларида безорилик ҳолатларининг олдини олиш бўйича чоралар кўрмасликда, шахсларни асоссиз ушлашда, қуролни қонунга хилоф равишда ишлатишда, спиртли ичимликлар ичишда, патруллик қилиш жадвалини бажармасликда ва ҳ.к.ларда ифодаланиши мумкин.

Агар патруль олдини олиш учун ҳаракат қилаётган оқибат келиб чиқса, патруллик қилишнинг устав қоидаларини бузиш жинояти туталланган деб топилади.

Бундай **зарарли оқибатларга** қўйидагилар киради: ҳарбий хизматчилар орасидаги муштлашув, ҳарбий хизматчилар ва фуқаровий аҳоли ўртасидаги низолар, улар томонидан содир этилган ўғирликлар ва бошқа жиноятлар, ушланган шахс соғлиғига асоссиз оғир ва ўртача оғир зарар етказиш ва ҳ.к. Соғлиққа зарар етказиш шахсга қарши жиноятлар тўғрисидаги моддалар бўйича қўшимча квалификация қилишни талаб этади. Келиб чиққан оқибат ва йўл қўйилган қоида бузилишлар орасидаги сабабий алоқаларни аниқлаш мажбурий. Бу алоқа патруллик қилаётганда олдини олишнинг объектив имконияти мавжудлигини ва бошқа оқибатларни кўзда тутади.

Ички хизмат ўташ ва гарнizonда патруллик қилиш низом қоидаларини бузиб ҳарбий мулкни талон-торож қилган ва ҳарбий хизмат ўташ іан бўйин товлаган ёки бошқа жиноятлар содир этган шахснинг қилмиши жиноятлар жами тариқасида квалификация қилиниши лозим.

ЖК 292-моддасида назарда тутилган жиноят субъектив томондан тўғри ва эгри қасд билан содир этилади, аммо айборнинг қилмиши оқибатларига муносабати эҳтиёtsизликдан ҳам бўлиши мумкин.

Квалификация учун **мотив** ва **мақсад** аҳамиятга эга эмас.

Кўриб чиқилаётган жиноятнинг **субъекти** қисмнинг суткалик наряд таркибиغا кирувчи ёки патрул наряди таркибиغا кирувчи ҳарбий хизматчи ҳисобланади. Бу қисм бўйича навбатчи ва унинг ёрдамчиси, навбатчи ва бўлинма бўйича кундалик навбатчи, назорат-ўтказиш ва назорат-техник пунктлари бўйича навбатчилар, ошхонадаги навбатчи ва ишчилар ва ҳ.к. жавобгарликка тортиладилар.

Қоровул (соқчилик) таркибиغا кирувчи шахслар ушбу жиноятнинг субъектлари бўлмайдилар, чунки қоровул хизматини ўғаш устав қоидаларини бузганлик учун улар ЖК 291-моддаси маҳсус моддаси бўйича жавобгарликка тортиладилар.

Шунингдек, ишга нарядга тайинланган ҳарбий хизматчилар ушбу жиноятнинг субъектлари деб тан олинмайдилар.

7-§. Жанговар навбатчиликни ўташ қоидаларини бузиш (ЖК 293-моддаси)

Жиноятнинг асосий бевосита объекти – Ўзбекистон Республикаси Куролли Кучлари ички хизмат Устави билан ва ҳар бир қўшин учун кўлланадиган қўмондонлик меъёрий ҳужжатлари билан ўрнатилган жанговар навбатчиликни ўташ тартибларини таъминловчи ижтимоий муносабатлардир. Ушбу жиноятнинг **кўшимча бевосита объекти** Ўзбекистон Республикаси хавфсизлигини, чегаралари дахлсизлигини, суверенитетини ва манфаатларини ҳамда одамлар ҳаёти, соғлиги ва ҳ.к.ларни таъминловчи ижтимоий муносабатлар бўлиши мумкин.

ЖК 293-моддаси 1-қисмидаги назарда тутилган жиноятнинг **объекти томони** кўриқланаётган обьектга зарар етказувчи ёки жанговар вазифанинг бажарилмай қолишига олиб келувчи жанговар навбатчиликни (жанговар хизматни) ўташ қоидаларини бузишда ифодаланади.

Жанговар навбатчилик (жанговар хизмат) таркибига жанговар бўлинма (расчёт), кесма ва учувчи аппаратлар экипажлари, бошқарув пунктларининг, жанговар таъминлаш ва хизмат кўрсатиш кучларининг навбатчи сменалари киради. Жанговар навбатчиликни бевосита ташкил этиш учун ҳарбий қисм командири жавобгардир.

Жанговар навбатчилик стратегик аҳамиятга эга бўлган ракета кўшинларида, ҳаво мудофаасига қарши кўшинларда, бошқа турдаги кўшинларда ташкил этилади. Турли кўшинлардаги жанговар навбатчилик (жанговар хизмат) ўташ тартиблари Ўзбекистон Республикаси тегишли турдаги Куролли Кучларининг Бош қўмондонларининг буйруқлари билан ўрнатилади.

Жанговар навбатчилик (жанговар хизмат) ўташ қоидаларининг бузилиши Ўзбекистон Республикаси Куролли Кучларининг ички хизмат Уставида баён этилган меъёrlарни ҳамда тегишли буйруқлар, инструкциялар билан ўрнатилган тартибда белгиланган маҳсус функцияларни, навбатчи кучлар ва воситалар таркибидаги ҳарбий хизматчилар учун бошқа меъёрий идоравий ҳужжатлар билан белгиланган вазифаларни бажармасликдан ёки етарли даражада бажармаганликдан ташкил топган. Бундай қоида бузиш жанговар постдан кетиши билан, постда ухлаб қолиши, навбатчиликда спиртли ичимликлар ичиш, жанговар навбатчилик ўтаётган жойга бегоналар киришига йўл қўйиш, техник воситаларни бузиш, маҳсус аппаратурадан фойдаланиш қоидаларини бажармаслик, асбоблар кўрсаткичларини назорат қўймаслик, олинган комайдаларни бажармаслик ва бошқаларда ифодаланиши мумкин. Бунда қоида бузиш жанговар навбатчилик ўтаётган вақтда содир бўлиши лозим, айбор жанговар постда бўлганми ёки дам олаётган сменадами, бу квалификация қилишда аҳамиятга эга эмас.

Кўриб чиқилаётган модда бланкет диспозициялидир. Ҳар бир аниқ ҳолатни **ЖК 293-моддаси 1-қисми** бўйича квалификация қи-

лишда жанговар навбатчилик (жанговар хизмат) ўташнинг қайси қоидаси бузилганлигини, қўриқланаётган объектга зарар етказилганлигини ёки жанговар вазифа бажарилмаганлигини ва улар орасидаги сабабий боғланишини аниқламоқ зарур.

Кўрсатилган зарар етказилиши тўғрисидаги масала баҳолаш тавсифига эга ва ҳар бир алоҳида вазиятда ҳарбий хизматчи жанговар навбатчилик (жанговар хизмат) ўтаётгандә Ўзбекистон Республикасига тўсатдан қилингган ҳужумни ўз вақтида пайқаш ва унинг хавфсизлигини таъминлаш учун мўлжалланган вазифалар хусусиятларини ҳисобга олиб ҳал қилинади.

Қўриқланаётган объектларга зарар етказиш ёки жанговар топширикни бажармаслик навбатчилик кучлари ва воситалари бошқаруви пункти билан алоқаний йўқотишда, чет эл учувчи аппарати ёки сув кемаси билан давлат чегаралари кесиб ўтилганлиги тўғрисидаги ахборотни ўз вақтида бермаслик, бўлинманинг олдига қўйилган вазифаларни тўла ҳажмда бажариш қобилиятининг реал пасайиши ва ҳ.к.да ифодаланади.

Агар жанговар навбатчилик (жанговар хизмат) ўташ қоидаларининг бузилиши ёки жанговар вазифани бажармаслик қўриқланаётган объектга зарар келтирмаса, айбор шахс интизомий жавобгарликка тортилади.

Жанговар навбатчилик (жанговар хизмат) ўташ қоидаларининг бузилишда ҳарбий хизматга нисбатан бошқа мустақил жиноят содир этилса, қўлмиш бу жиноятлар йиғиндиси бўйича квалификацияни талаб этади. Масалан, агар навбатчи смена таркибидаги ҳарбий хизматчи ўғирлаш мақсадида радиоаппаратурадан айрим қисмларни очиб олса, қўлмиш **ЖК 293-** ва 296-моддалари бўйича квалификация қилиниши лозим (ҳарбий мулкни йўқ қилиш ёки зарар етказиш).

ЖК 293-моддаси 2-қисмида жанговар навбатчилик (жанговар хизмат) ўташ қоидаларини бузиш учун жавобгарлик Ўзбекистон Республикасига тўсатдан қилингган ҳужумни ўз вақтида пайқамаслик ёки даф этмаслик оғир оқибатлар келтиришида ифодаланган.

ЖК 293-моддаси 2-қисми мазмунидаги **оғир оқибатлар** бевосита давлат хавфсизлигини таъминлаш бўйича жанговар навбатчилик вазифалари билан боғлиқ бўлмоғи лозим. Уларнинг мавжудлиги тўғрисидаги масала содир этилган жиноятнинг аниқ ҳолатларини ҳисобга олиш билан ҳал қилинади.

Бундай оқибатлар остида республика хавфсизлигига сезиларли етказилган зарарни тушуниш лозим: ҳудуд бўйича республика объектлари бўйича оловли зарбалар бериш, давлат ҳудудига чет эл жанговар самолётларини ва кемаларининг кириб бориши, жанговар техника-нинг йўқотилиши, навбатчи кучлар ва воситалар таркибидан одамларнинг ҳалок бўлиши ва ҳ.к.

Қонунда кўрсатилган жанговар навбатчилик ўташ қоидалари бузилиши натижасидаги оқибатлар келиб чиқсан вақтдан жиноятлар туталланган деб топилади.

ЖК 293-моддасида назарда тутилган жиноятнинг субъектив томони жанговар навбатчилик ўташ қоидалари бузилишига нисбатан тўғри ёки эгри қасднинг мавжудлиги билан тавсифланади, йўл қўйилган қоида бузишлар оқибатларига нисбатан айб эҳтиёtsизлик шаклида ифодаланади.

Мотив ва мақсад ҳар хил бўлиши мумкин, аммо жиноятни квалификация қилишга таъсир қилмайди.

Жиноятнинг субъекти навбатчи кучлар таркибидаги ҳарбий хизматчи бўлади.

Агар ҳарбий хизматчи қонунга хилоф равишда ҳарбий хизматта чақирилган бўлса ёки зарур шартларни бузган ҳолда навбатчи кучлар таркибига тайинланган бўлса (ҳарбий қасамёд қабул қилишдан олдин, касаллик вақтида, ушбу ҳарбий хизматчи содир этган жиноят бўйича тергов ўтказилаётган вақтда ва ҳ.к.), бундай вазиятларда, қилмиш учун жавобгарлик, бундай ҳарбий хизматчини жанговар навбатчилик (жанговар хизмат) ўташга жалб этиш тўғрисида файриқонуний қарор қабул қилган бошлиқ (командир) зиммасига юкланади.

8-§. Чегара хизматини ўташ қоидаларини бузиш (ЖК 294-моддаси)

Ўзбекистон Республикасининг 1999 йил 20 августдаги «Ўзбекистон Республикасининг давлат чегараси тўғрисида»ги 820-1-сонли Қонунига¹ мувофиқ Давлат чегарасини кўриқлаш ўзига:

- ҳар қандай жой бўйича ўтган чегарани файриқонуний ўзгартиришга уринишни йўқотиш, Ўзбекистон ҳудудига кўшин гурухлари ва бандаларининг қуролли бостириб киришини даф этиш;
- чегарада қуролли ва бошқа провокацияни йўққа чиқариш;
- кўрсатилган тажовуздан аҳолини, барча турдаги мол-мулкни ҳимоя этиш;
- чегарани кесиб ўтишнинг олдини олиш ва унга йўл қўймаслик;
- чегара орқали портловчи, заҳарловчи, радиоактив, наркотик воситалар, қуроллар, ўқ дорилар ва Ўзбекистонга олиб кирилиши ва олиб чиқилиши тақиқланган бошқа нарсалар ҳамда контрабанда предметлари олиб ўтилишининг олдини олиш;
- чегара орқали мамлакатимизнинг иқтисодий ва сиёсий манфаатларига, давлат хавфсизлигига, жамоат тартибига, аҳоли саломатлигига ва ахлоқига ва ҳ.к.ларга зарар етказувчи маълумотларга эга бўлган тақиқланган нашрларни, видео ва товуш ёзиш аппаратларини олиб ўтишнинг олдини олишни қамраб олади.

Жиноятнинг бевосита обьекти ўрнатилган чегара хизматини ўташ тартибларини таъминловчи ижтимоий муносабатлардир.

¹ Ўзбекистон Республикаси Олий Мажлисининг Ахборотномаси. 1999 й., 9-сон, 217-модда; Ўзбекистон Республикаси қонун ҳужжатлари тўплами. 2004 й., 25-сон, 287-модда; 2009 й., 3-сон, 9-модда, 262-модда.

Жиноятнинг объектив томони чегаранинг дахлсизлигига зарар етказиши мумкин бўлган, чегара наряди таркибига кирадиган шахс томонидан чегара хизматини ўташ тартибларининг бузилишида ифодаланади.

Чегара хизматини ўташнинг «Ўзбекистон Республикаси давлат чегараси тўғрисида»ги Қонунида ҳамда давлат чегараларини қўриқлаш инструкцияларида ўрнатилган қоида ва тартибларида ва Миллий хавфсизлик хизмати чегара қўшинлари бошқармаси қўмондонининг айрим бўйруқларида чегара наряди таркибидаги шахсларнинг аниқ вазифалари белгиланган.

Модда бланкет диспозицияли ҳисобланиб, ҳар бир конкрет ва зиятда чегара хизматини ўташнинг қайси қоидалари бузилганлигини ва улар Ўзбекистон Республикаси чегараларининг дахлсизлигига зарар етказилишига олиб келиши мумкинлигини аниқлаш лозим.

Чегара хизматини ўташ қоидаларининг бузилиши давлат манфаатларига зарар етказиши мумкин бўлган, қонун билан ва бошқа кўрсатилган меъёрий хужжатлар билан ўрнатилган чегара хизматини ўташ қоидаларини бажармасликда ёки етарли даражада бажармаганиликда ифодаланади.

Кўрсатилган қоидаларнинг бузилиши постдан ўзбошимчалик билан кетиш, постда ухлаб қолиш, чегара наряди таркибидалиги вақтида спиртли ичимликлар истеъмол қилиш, давлат чегара бузилиши белгиларини ўз вақтида пайқамаслик, бегона шахсларни чегаранинг қўриқлананаётган майдони орқали ўтказиб юбориш ва бошқаларда ифодаланади.

Жиноят чегара дахлсизлигига зарар етказиши мумкин бўлган, чегара хизматини ўташ қоидалари бузилган вақтдан бошлаб **туғалланган** деб топилади.

ЖК 294-моддасида назарда тутилган жиноят субъектив томондан **тўғри** ёки **эгри** қасд билан содир этилади, йўл қўйилган қоида бузишлар оқибатларига нисбатан айб эҳтиётизлик шаклида ифодаланади. **Мотив ва мақсад** ҳар хил бўлиши мумкин, аммо жиноятни квалификация қилишга таъсир қилмайди.

Жиноятнинг субъекти факат чегара наряди таркибига кирган ёки чегара хизматида бошқа вазифаларни бажарадиган ҳарбий хизматчи, шунингдек, чегара қўшинларини Ўзбекистон Республикаси давлат чегараларини қўриқлаш бўйича хизмат вазифаларини ўрнатилган тегишли меъёрий хужжатлар билан бажараётган ҳар қандай ҳарбий хизматчиси бўлиши мумкин.

ЖК 294-моддаси 2-қисмида қўйидаги ҳолатларда чегара хизматини ўташ қоидаларини бузиш учун жавобгарлик назарда тутилган:

- а) қонунга хилоф равишда чегарадан ўтиш;
- б) бошқа оғир оқибатларга олиб келувчи қўлмиш.

Қонунга хилоф равишда чегарадан ўтиш – бу Ўзбекистон Республикаси чегарасини ҳар қандай йўналишда қонунда ўрнатилган

тартибни бузиш билан ўтиш (ваколатли ҳукумат идораларининг рухсатисиз, нотўғри расмийлаштирилган ҳужжатлар билан ва ҳ.к.).

ЖК 294-моддаси 2-қисми «б» бандида назарда тутилган бошқа оғир оқибатлар мазмуни остида Ўзбекистон Республикаси ҳудудига қуролланган босқинчи банда тўдалари, диверсантларнинг кириб келиши ёки давлат чегаралари орқали қуроллар, наркотик моддалар, бошқа контрабанда предметларининг олиб ўтилиши, одамларнинг ҳалокати, чегара бузувчилар томонидан чегара ҳудуди аҳолисига ҳужум қилиш ва бошқаларни тушуниш лозим.

«Ҳарбий хизматни ўташ тартибига қарши жиноятлар» мавзуси бўйича якуний саволлар

1. Офицер таркибига кирувчи ҳарбий хизматчилар, прaporщик, мичман ва ҳарбий хизматни контракт бўйича ўтаётган ҳарбий хизматчиларни жиноий жавобгарликка тортиш шартлари ва муддатли ҳарбий хизматдаги ҳарбий хизматчининг ўзбошимчалик билан қисмини ёки хизмат жойини ташлаб кетганилиги, дезертирилк учун жавобгарликка тортиш шартларининг қандай фарқлари бор?

2. Дезертирилк қандай ҳаракатларда ифодаланади? Унинг ўзбошимчалик билан қисмни ёки хизмат жойини ташлаб кетишдан қандай фарқлари бор?

3. Ҳалок бўлаётган ҳарбий қемани ташлаб кетиш учун жавобгар қилишнинг қандай хусусиятлари мавжуд?

4. Ўзининг бирон аъзосини майиб қилиш йўли билан ҳарбий хизматдан бўйин товлашни содир этиш усуслари қандай? Уни амалга оширишнинг усуслари.

5. ЖК 290-моддасида назарда тутилган ҳарбий хизматдан бўйин товлашнинг қандай бошқа усуслари бор?

6. Жанговар ҳолат деганда нима тушунилади?

7. Қоровул хизматини ўташ қоидаларини бузишга таъриф беринг. Ушбу жиноятни тўғри квалификация қилишнинг қандай зарурӣ шартлари мавжуд?

8. ЖК 291-моддаси (Қоровул хизматини ўташ қоидаларини бузиш) мазмунидан келиб чиқиб оғир оқибатлар деганда нималар тушунилади?


9. Ички хизмат ёки гарнizonда патруллик қилиш қоидаларини бузиш қандай усусларда содир этилади? ЖК 292-моддаси мазмунидан келиб чиқиб зарарли оқибатлар деганда нима тушунилади (ички хизматни ўташ ёки гарнizonда патруллик қилиш қоидаларини бузиш)?

10. Жанговар навбатчиликни ўташ қоидаларини бузиш нимада ифодаланиши мумкин? Бундай жиноий қилмиш учун кучайтирилган жавобгарлик қандай вазиятларда назарда тутилади?

11. Чегара хизматини ўташ қоидаларини бузиш нимада ифодаланиши мумкин? Бундай бузилишлар қандай оғир оқибатларга олиб келиши мумкин?

VIII БОБ. ҲАРБИЙ МҮЛКНИ САҚЛАШ ЁКИ УНДАН ФОЙДАЛАНИШ ТАРТИБИГА ҚАРШИ ЖИНОЯТЛАР

10-схема



1-§. Ҳарбий мүлкни беҳуда сарфлаш, йўқотиш ёки ишдан чиқариш (ЖК 295-моддаси)

Жиноятнинг бевосита обьекти ҳарбий низомлар, йўриқномалар, буйруқлар билан ўрнатилган ҳарбий мүлкдан фойдаланиш ва сақлаш тартибларига риоя этилишини таъминлаш соҳасидаги ижтимоий муносабатлардир. Бу тартибга риоя қилиш куроллардан, жанговар ва бошқа техникадан, таъминот воситаларидан, кийим-бошлардан ва бошқа мүлкдан тўғри фойдаланиш ва уларни тежаб-тергашни таъминлайди.

Ҳарбий мүлк ҳарбий хизматчига шахсий ёки хизматда фойдаланиши учун берилади. Шахсий фойдаланишга кийим-бош ва аслаҳа-анжомлар, хизмат учун – куроллар, ўқ-дорилар, ҳаракатланиш воситаси ва ҳ.к. берилади.

Кўриб чиқилаётган жиноят **предметига** ҳарбий хизматчига шахсий фойдаланиши учун берилган ҳарбий аслаҳа-анжомлар (**ЖК 295-моддаси 1-қисми**) ҳамда унга хизматда фойдаланиш учун ишониб топширилган курол, ўқ-дорилар, ҳаракат қилиш воситалари, техника таъминоти буюмлари (**ЖК 295-моддаси 2-қисми**) киради.

Ҳарбий хизматчига шахсий фойдаланиш учун берилган экитировка (бронжилет, прогивогаз ва ҳ.к.), асбоблар (санёр кураги, дозиметр ва ҳ.к.) ва бошқалар ҳарбий аслаҳа-анжомлар ҳисобланади.

Кийим-бош ва аслача-анжомлар офицерлар таркибидаги шахсларга ва ҳарбий хизматни контракт бўйича ўтаётган ҳарбий хизматчиларга шахсий мулк қилиб берилади, уларнинг бундай буюмларни кимгadir бериши, йўқотиши ёки бузиб кўйиши эса, жавобгарликни истисно қиласди.

Муддатли ҳарбий хизматдаги ҳарбий хизматчилар ҳамда офицерларга ва ҳарбий хизматни контракт (шартнома) бўйича ўтаётган ҳарбий хизматчиларга ҳарбий қисмнинг мулки бўлган инвентарь буюмлар ҳам берилиши мумкин. Уларни тасарруф этиш, беҳудага сарф этиш мумкин бўлмай, давлат мулкини ўғирлаш таркибини вужудга келтиради.

Курол деганда, Ўзбекистон Республикаси Куролли Кучлари ҳарбий қисмларида (ҳарбий муассасаларида) қуролланишда, сақлашда ёки ҳарбий қисмда фойдаланишда турган, ўқ-дориларни кўллаш йўли билан жонли ёки бошқа нишонни нобуд этишга мўлжалланган жанговар техник қурилмани тушуниш лозим. Бу винтовка, пистолет, карабин, автомат, бошқа ўқ отувчи курол, миномёт, оғнемёт, гранатамёт, артиллерия тизими, ракета учирни қурилмаси ва ҳ.к. бўлиши мумкин.

Совуқ курол, шунингдек, ўзи ясаган ўқ отиш қуроли ёки жанговар мўлжалга эга бўлмаган қурол (сигнал ёки қурилиш пистолети, симли-стволли ов қуроли) ушбу жиноят предмети ҳисобланмайди.

Айрим турдаги қуроллар фақат маълум техник қурилмаларга ўрнатиш учун маҳсус мўлжалланган бўлиши мумкин (самолётлар, вертолётлар, танклар). Уларга авиация пушкалари, танк пулемётлари ва ҳ.к.лар ҳам киради, қатор вазиятларда бундай турдаги қуроллар фақат ёрдамчи қурилмалардан фойдаланиб ҳаракатга келтирилиши мумкин, улар ўз ҳолича қурол ҳисобланмайди (авиация пушкалари учун электрик ва пневматик приводлар).

(Курол тушунчаси тўғрисида кенроқ ЖК 247-моддаси таҳлилига қаранг.)

Ўқ-дорилар деганда, Ўзбекистон Республикаси Куролли Кучлари ҳарбий қисмларида (ҳарбий муассасаларида) қуролланишда, сақлашда ва фойдаланишда бўлган жангта мўлжалланган техник буюмлар, жонли нишонни йўқотиши учун бевосита муносабат учун мўлжалланган портловчи моддалар аслаҳалари ёки ўқ-дориларни ҳаракатга келтирувчи, отувчи, артиллерия, ракетали, тегишли турдаги ўқ отиш қуроли ёки бошқа қурилмалар тушунилади. Булар: жанговар ўқлар, артиллерия ва реактив снарядлар, миномётларга миналар, гранатамётларга гранаталар ва бошқалар. Ўқ-дорилар бир марталик ҳаракати билан тавсифланади, чунки бир марта фойдаланганда (тўла ёки қисман) парчаланади.

ЖК 295-моддаси 2-қисми мазмунинда ўқ-қуролларини тан олиниши учун техник созлиги эмас, буюмнинг конструктив мўлжалланганлиги ва йўқотиши таъсирининг амалдаги хусусиятлари аҳамиятта

эга. Жонли ёки бошқа нишонни йўқотишга мўлжалланмаган сигнал ва имитация воситалари ўқ-дориларга кирмайди.

Ҳаракат қилиш воситалари кўриб чиқилаёттан модда мазмунида – бу ҳарбий қисм (ҳарбий муассаса) ҳисобида турган ҳарбий техникага кирмайдиган транспорт воситалари (автомобиль, дарё транспорти ва ҳ.к.)

Техника таъминоти буюмларига ҳар хил турдаги ёритгичлар, техник эҳтиёж учун мўлжалланган ускуналар (транспорт воситалари учун эҳтиёт қисмлари, ёқилғи-мойлаш Материаллари, электрон-ҳисоблаш машиналари учун қисмлар ва ҳ.к.) киради.

ЖК 295-моддаси 1-қисмидан назарда тутилган жиноятнинг объектив томони ҳарбий мулкни беҳуда сарфлаш, яъни муддатли ҳарбий хизмат ҳарбий хизматчисининг шахсан ўзи фойдаланиши учун берилган ҳарбий аслача-анжомларни сотиши, фойдаланиш учун бирорга бериши ёки гаровга қўйишидан иборат.

Беҳудага сарфлашнинг зарурий белгиси – муддатли ҳарбий хизмат ҳарбий хизматчиларига шахсий фойдаланишга берилган ҳарбий аслача-анжом буюмларини бошқа шахснинг хуқуқсиз эгалик қилишига ўтишидир. Бу ҳолат қонунда кўрсатилганидек, беҳудага сарфлаш, сотиш, фойдаланишга топшириш ёки бошқа шахсга гаровга бериш йўли билан амалга оширилиши мумкин.

Ҳарбий аслача-анжомни **сотиш уни** бошқа шахсларга ҳақ эвазига топширишда, яъни қандайлир моддий манфаат эвазига ёки бошқа буюмларга алмаштиришда ифодаланади.

Ҳарбий аслача-анжомни **сотиш ҳарбий аслача-анжомни** бошқа шахсга амалда ўтган вақтидан бошлаб **тугалланган** ҳисобланади.

Ҳарбий аслача-анжомни фойдаланиш учун **бировга бериш уни** бошқа шахсларга текинга (масалан, ҳадя қилиш) бериш асосида ифодаланади. Бунда жиноят предмети топширилган вақт аҳамиятга эга бўлмайди (доимий ёки вақтинча фойдаланиш).

Ҳарбий аслача-анжомни бировга бериш ҳарбий аслача-анжомни бошқа шахсга амалда ўтган вақтидан бошлаб **тугалланган** ҳисобланади.

Ҳарбий аслача-анжомни гаровга қўйиш – бу пул ёки мулкий зиёни қоплаш учун вақтинчалик топшириш. Ҳарбий аслача-анжомни беҳудага сарфлашнинг бу усули гаровни расмийлаштирган вақтдан бошлаб **тугалланган** ҳисобланади.

Беҳудага сарфлашда ҳарбий мулк ҳамма вақт давлат мулки бўлиб қолади ва шунинг учун ҳам у ҳар қандай вазиятда гайриқонуний эгаликдан олиб қўйилиши лозим, агар қайтариш имконияти бўлмаган ҳолларда айбдордан унинг икки баравар қиймати ундирилади.

ЖК 295-моддаси 1-қисми бўйича жиноят **субъектив томондан тўғри қасд** шаклида содир этилади. Айбдор унга шахсан фойдаланиш учун берилган мулкни сотаёттанини, гаровга топшираётганини ёки бошқа шахсга фойдаланиш учун берётганлигини англайди.

Жиноятнинг мотиви ва мақсади қоидага кўра гараз, аммо бу квалификация учун аҳамиятта эга эмас.

Ушбу жиноятнинг субъекти фақат муддатли ҳарбий хизмат ҳарбий хизматчиси бўлади.

ЖК 295-моддаси 2-қисмida назарда тутилган жиноятнинг объектив тономи хизматда фойдаланиш учун ишониб топширилган қурол, ўқ-дорилар, ҳаракатланувчи воситалар, уларни эҳтиётлаш қоидаларининг бузилиши оқибатида техник таъминот предметларини иғодалайди.

Ишониб топширилган мулк деганда, ҳарбий хизматчига хизматда фойдаланиш учун ўрнатилган тартибда топширилган ҳарбий мулк тушунилади.

Ишониб топширилган қурол, ўқ-дорилар, ҳаракат қилиш воситалари, техника таъминоти буюмларини эҳтиётлаш қоидаларининг бузилиши оқибатида ҳарбий хизматчи эгалигидан чиқиб кетишини йўқотиш деб тушуниш зарур ва бундай ҳолда, ҳарбий қисм (ҳарбий муассаса) вақтингча ёки бутунлай йўқолган ҳарбий мулкдан фойдаланиш ва тасарруф этиш имкониятидан маҳрум этилади.

Бу предметларни йўқотганлиги боис ҳарбий хизматчини жавобгарликка тортиш учун ҳарбий мулкни сақлашнинг қайси қоидаси бузилганлигини аниқлаш зарур. Бу қоидалар умумкўшин низомлари, буйруқлари, йўриқномалари, ўқтирмалари, раҳбарномалари ва бошқа сақлаш, кўриқлаш, фойдаланиш, ушбу турдаги ҳарбий мулкнинг сақланишини таъминловчи ва турган жойи бўйича ҳарбий қисм (ҳарбий муассаса) ҳудудидан чиқиб кетиш имкониятининг олдини олиб транспортировка қилиш идоравий меъёрий актлари билан тартибга солинган.

Йўқотиш ҳарбий хизматчининг ихтиёридан ташқарида содир бўлади – предмет йўқотилган, унугиб қолдирилган, ҳарбий хизматчи томонидан қаровсиз қолдирилганда бегоналар томонидан ўғирланган ва ҳ.к. бўлиши мумкин.

Кўрсатилган предметлар ҳарбий хизматчининг эгалигидан чиқиб кетган вақтдан бошлаб йўқотиш тугалланган деб ҳисобланади.

ЖК 295-моддаси 2-қисми мазмунида ишдан чиқариш деганда, қуролни, ўқ-дориларни, ҳаракатланиш воситаларини, техника таъминоти буюмларини улардан мақсадли фойдаланиш учун қисман ёки тўла яроқсизликка келтириш тушунилади.

Кўрсатилган предметларни ишдан чиқариш уларни қисман ёки тўла яроқсиз ҳолатта келтирилган вақтдан бошлаб тугалланган ҳисобланади.

ЖК 295-моддаси 2-қисмida назарда тутилган жиноятнинг субъектив тономи қасддан ёки эҳтиётсизликдан содир этилади. Кўрсатилган предметларни ишдан чиқариш қасддан ёки эҳтиётсизликдан содир этилади. Йўқотиш – фақат эҳтиётсизликдандир.

Жиноятнинг мотиви ва мақсади турлича бўлиши мумкин ва қилмишни квалификация қилиш учун аҳамиятта эга эмас.

Ушбу жиноятнинг субъекти қурол, ўқ-дорилар, ҳаракат қилиш воситалари, техника таъминоти буюмлари хизматда фойдаланиш учун ишониб топширилган ҳарбий хизматчи бўлади.

ЖК 295-моддаси З-қисмидаги хизматда фойдаланиш учун ишониб топширилган қурол, ўқ-дорилар, ҳаракат қилиш воситалари, техника таъминоти буюмларини беҳуда сарфлаш, Ўқотиш ёки ишдан чиқариш уларни эҳтиёт қилиш қоидаларининг бузилиши оқибатида жанговар ҳолатда содир этилган жавобгарлик назарда тутилган.

2-§. Ҳарбий мулкни нобуд қилиш ёки унга шикаст етказиш (ЖК 296-моддаси)

Жиноятнинг бевоситага объекти Ўзбекистон Республикаси Қуроли Кучларида ўрнатилган ҳарбий мулкни сақлаш қоидалари бўлади.

ЖК 295-моддасидан фарқли равишда ЖК 296-моддасида нафақат шахсий ва хизматда фойдаланиш учун берилган предметларни, балки ҳар қандай ҳарбий мулкни асраш назарда тутилади. Қурол, ўқ-дорилар, ҳаракатланиш воситалари ва бошқа ҳарбий мулк давлат мулки ҳисобланади, шунинг учун уларни қасдан нобуд қилиш ёки унга шикаст етказиш билан бир вақтда айбор давлат мулкига тажовуз қилган бўлади.

Жиноятнинг предмети ҳар қандай жанговар мулк бўлиши мумкин: қурол, ўқ-дорилар, ҳаракат қилиш воситалари, ҳарбий техника ва бошқа ҳарбий мулклар.

(«Қурол», «ўқ-дорилар», «ҳаракат қилиш воситалари» тушунчалари тўғрисида ЖК 295-моддаси таҳлилига қаранг.)

Ҳарбий техника ўз ичига жанговар ҳаракатлар олиб бориш учун, шахсий таркиби уларни бошқаришга ўргатиш учун, қўшинни кундалик фаолиятини таъминлаш учун турли техник воситаларни олади. Жумладан, ҳарбий техника предметларига: жанговар техника (самолётлар, вертолётлар, танклар, бронетранспортёrlар, артиллериya қуроллари, ракета комплекслари, жанговар воситаларни бошқариш тизимлари ва ҳ.к.), ҳарбий қисмнинг муҳандислик воситалари, тренажёрлар ва бошқа ўқитиш техник воситалари, алоқа аппаратуралари, тунги кўриш асблолари ва ҳ.к. киради. Кўрсатилган хусусиятларга эга бўлмаган ҳарбий қисмнинг бошқа мулклари (бўлинма казармаларидаги телевизор ва ҳ.к.) ҳарбий техника предметлари ҳисобланмайди.

Кўриб чиқилаётган модда нуқтаи назаридан, **бошқа ҳарбий мулк** деганда, ҳарбий қисмнинг (ҳарбий муассасанинг) ҳисобида бўлган ва хўжалик-маиший мақсадларда хизмат қиласиган мулк (юмшоқ ва қаттиқ инвентарь), шунингдек, ҳарбий хизматчиларнинг майший

ҳаётини яхшилаш мақсадида күмөндөнлик ташаббуси билан ташкил этилган ёрдамчи хұжалик тушунилади.

Жиноят **объектив томондан** курол, ўқ-дорилар, ҳаракат қилиш воситалари, ҳарбий техника ва бошқа ҳарбий мулкни нобуд қилиш ёки унга шикаст етказиша ифодаланади.

Күрсатылған мулкларни нобуд қилиш деб, уни ҳам жанговар, ҳам техник ёки хұжалик муносабатларда яроқсиз ҳолга келтириш тушунилади, қачонки у оддий созлаш воситалари билан тикланиши ва ўз хусусиятига мувофиқ ишлатилиши мүмкін бўлмаган ҳолатни тушунмоқ зарур. Бу нафақат уни жисмоний йўқотиша (портатив, ёқиб юбориш ва ҳ.к.), балки предметни тўғридан-тўғри ўз хусусияти бўйича ишлатиш имкониятидан маҳрум этишга йўналтирилган ҳаракатларни содир этишда (масалан, предметни қуруқликка чиқаришга техник имкониятлар йўқлиги ёки иқтисодий мақсадга мувофиқ эмаслигига уни сувга чўқтириб юбориш) ифодаланади.

Шикаст **етказиши** мулкни шундай ҳолатга келтиришда ифодаланади, бунда уни тиклашга ва хусусиятига кўра фойдаланиш имконияти мавжуд бўлади. Шикаст етказилганда предметлар ўзининг жанговар, техник ва хұжалик қийматини қисман йўқотади.

Нобуд қилиш ва шикаст етказиши усууллари жиноятни квалификация қилишга таъсир қилмайди.

Жиноят ҳарбий мулкни амалда нобуд қилинган ёки шикаст етказилган вақтидан бошлаб **тутталланган** ҳисобланади. Агар айбдор бу мулкни нобуд этишга шайланган бўлса, аммо унга боғлиқ бўлмаган ҳолатлар бўйича фақат унга шикаст етказса, қилмишни нобуд қилишга тажовуз қилиш деб эмас, амалдаги оқибатлари бўйича ҳарбий мулкка шикаст етказилган каби квалификациялаш лозим, чунки кўрилаётган модданинг диспозицияси икки қилмишни бир тенг сифатида бирлаштиради.

Ҳарбий мулкни нобуд қилиш ёки унга шикаст етказиши атрофдагилар учун хавфли усуlda содир этилса (ўт кўйиш, чўқтириб юбориш ва ҳ.к.) **ЖК 296-моддаси** билан қамраб олинади ва **ЖК 173-моддаси** бўйича кўшимча квалификацияни талаб этмайди (Мулкни қасдан нобуд қилиш ёки унга зарар етказиш).

Қасдан ҳарбий мулкни нобуд қилиш ёки унга шикаст етказиши баъзан шикаст етказилган мулкнинг қандайдир қисмини талон-торож қилиш билан қузатилади. Бундай қилмишлар бегонанинг мулкини ўғирлаш ва бу мулкни нобуд қилиш ёки унга шикаст етказиши каби жиноятлар жами бўйича квалификацияланиши лозим.

ЖК 296-моддаси 2-қисмидә назарда тутилған жиноятнинг **субъектив томони тўғри** ёки эгри қасд билан содир этилади. Бунда мулкни нобуд қилиш ёки унга шикаст етказиши мақсади кўйилади ва онгли равишида бундай оқибатларга йўл кўйиб берилади.

Агар айбдор ҳарбий мулкни нобуд қилаётганини фараз қылса-ю, аммо амалда у бундай бўлмаса, қўлмиш ҳарбий мулкни нобуд қилишга суюқасд қилиш сифатида баҳоланиши лозим.

Жиноятнинг сабабларини аниқлаш муҳим аҳамиятга эга. Агар ҳарбий мулкни нобуд қилиш ёки унга шикаст етказиш Ўзбекистон Республикасини кучсизлантириш мақсадида содир этилса, қўлмиш давлатга қарши жиноят бўлмиш – кўпурувчилик сифатида баҳоланиди (ЖК 161-моддаси).

Кўриб чиқилаётган жиноятнинг субъекти ҳар қандай ҳарбий хизматчи бўлиши мумкин.

ЖК 296-моддаси 2-қисмидаги ҳарбий мулкни нобуд қилиш ёки унга шикаст етказиш оғир оқибатларга олиб келгандагина жавобгарлик назарда тутилган.

Оғир оқибатлар деганда, эҳтиётсизликдан оғир тан жароҳатлари етказиш, ўлим ёки ҳалокатлар, бир неча дона қурол ёки жанговар техникани нобуд қилиш ёки унга шикаст етказиш, муҳим аҳамиятга эга хизмат вазифаси бажарилишига тўсқинлик қилиш, катта моддий зарар етказиш ва ҳ.к.лар тушунилади.

ЖК 296-моддаси 3-қисмидаги жанговар ҳолатда содир этилган ҳарбий мулкни нобуд қилиш ёки унга шикаст етказиш учун жавобгарлик назарда тутилган.

**3-ғ. Атрофдагилар учун катта хавф манбаи бўлган
қурол-ярғ, шунингдек, модда ва буюмлар билан
муомалада бўлиш қониджаларини бузиш**
(ЖК 297-моддаси)

Жиноятнинг асосий бевосита обьекти атрофдагилар учун катта хавф манбаи бўлган қурол ва бошқа буюмлар билан муомала қилишнинг қонун билан ўрнатилган тартибини таъминловчи ижтимоий муносабатлардир. Қўшимча бевосита обьект – фуқаролар соғлиғи, ҳёти дахлизлигини таъминловчи ижтимоий муносабатлардир.

Жиноятнинг предмети атрофдагилар учун катта хавф манбаи бўлган қуроллар, ўқ-дорилар, портловчи, радиоактив ва бошқа моддалар, буюмлар ҳисобланади.

Назарда тутиш лозимки, ҳамма кўрсатилган қурилмалар ва предметлар заводда тайёрланган, ҳарбийга мўлжалланган ва қуролланишида, сақлашда ёки ҳарбий қисмда (ҳарбий муассасада) Ўзбекистон Республикаси Қуролли Кучлари ёки бундай шаклланмаларнинг мавжудлиги назарда тутилган ҳарбийлаштирилган вазирликлар, идораларда фойдаланишила турган бўлиши лозим. Турли хил қўлда ясалган қурилма ёки буюмлар ҳамда хўжалик, спорт, имитацияга мўлжалланган қурилма ва буюмлар бундай жиноятнинг предмети бўлмайди, ҳатто улар ҳалок этиш хусусиятларига эга бўлса-да ва атрофдагиларга хавф солса-да.

(«Куроллар», «ўқ-дорилар» тушунчаси тўғрисида ЖК 295-моддаси таҳлилига қаранг.) «Жиноят кодексининг 297-моддаси диспозицияси фақат ўқотар куролни (пистолет, автомат, гарнатомёт, артиллерия ёки ракета курол-яроғлари) ўз ичига олади, совуқ қурол бу гуруҳга кирмайди»¹.

Портловчи моддалар ташки таъсир (уриш, ёқиш, зарба, ўз-ўзидан ёниш) оқибатида тез химик ўзгаришларга киравчи модда ва буюмлар бўлиб, бу химик ўзгаришлар натижасида улоқтириш ёки вайрон қилиш кучига эга бўлган кўп миқдорда иссиқлик ва қизиган газ пайдо бўлади ва ажралиб чиқади. Портловчи моддаларга порох, тротил ва унинг қоришимаси, пластид ҳамда иницировкачи моддалар деб аталувчи, асосий портловчи моддани ҳаракатга келтириш учун хизмат қиласидан моддалар (тетразен, гумбурловчи симоб ва бошқалар) киради. Жанговар ва йўқотишга мўлжалланмаган пиротехник таркиблар (улар билан, масалан, сигнал ва ёритувчи ракеталар тўлдирилади) портловчи моддаларга кирмайди.

Радиоактив моддалар ўз-ўзидан парчаланиши ва корпускуляр ёки электр магнит нурланиши орқали тирик мавжудотларга зарар келтириш хусусиятига эга ядро қуролини ҳамда турли техник назорат ва тадқиқотга мўлжалланган воситаларни тўлдириш учун фойдаланилади. Бундай моддаларга қурол учун плутоний, стронций, кобальт, тўйдирилган уран, радий ва бошқалар киради².

Атрофдагилар учун катта хавф манбаи бўлган бошқа модда ва буюмларга физик, кимёвий ёки биологик кўрсаткичлари бўйича инсон организмига зарарли таъсир кўрсатувчи ҳар қандай моддалар, предметлар, техник курилмаларни емириш хусусиятларига кўра қуроллар, ўқ-дорилар, портловчилар ёки радиоактив моддалар билан тенглаштирилади. Булар: юқори заҳарли моддалар сақланадиган сифимлар, биологик препаратлар, радиоактив ёки заҳарловчи моддалардан бўшаган идишлар, юқори ўтказгичли электр тизимлари ва ҳ.к.

ЖК 297-моддасида назарда тутилган жиноят **объектив томондан** атрофдагилар учун катта хавф манбаи бўлган, ўртacha ёки оғир тан жароҳатларини келтириб чиқарувчи қурол билан ҳамда ўқ-дори, портловчи, радиоактив ёки бошқа моддалар ва буюмлар билан муомалада бўлиш қоидаларини бузишда ифодаланади.

Модданинг диспозицияси бланкет тавсифга эга. Ушбу модда бўйича шахсни жиноий жавобгарликка тортиш учун ҳар бир алоҳида вазиятда кўрсатилган предмет билан муомала қилишининг қайси қоидаси ва бу қоиданинг қайси банди бузилганлигини аниқлаш лозим. Кўрсатилган қоидалар ички хизмат Низомида, Ўзбекистон Рес-

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 48-6.

² Ўша жойда. – 49-6.

публикаси Қуролли Кучларининг гарнizon ва қоровул хизмати Низомида ҳамда бошқа маҳсус меъёрий актларда (уқтиргаларда, йўриқномаларда, идоравий буйруқларда ва бошқаларда) баён этилиб, уларда қурол билан, тегишли модда ва предметлар билан муомалада бўлишнинг хавфсиз шартларини таъминловчи қоидалар рўйхати ифодаланган.

NOTA BENE!

Қурол-яроғ билан муомалада бўлиш қоидалари – бу қуролдан фойдаланиш жараёнида атрофдагиларнинг хавфсизлигини тъминловчи усул ва ҳаракатларнинг кетма-кетлиги йигиндисидир. Масалан, олдиндан сақлаш механизмидан фойдаланиш қоидалари, нишонга олиш, ўқлаш, ўқни чиқариш ва ҳ.к.

Атрофдагилар учун катта хавф манбаи бўлган бошқа модда ва буюмлар билан муомала қилиш қоидалари уларда фойдаланиш тартибларини ҳам ўз ичига олади. Яъни, миналарни ўрнатишда, портлатиш ишларини амалга оширишда, электр қурилмалари билан ишлашда ва ҳ.к.ларда хавфсизлик қоидалари мавжуд. Шу билан бирга атрофдагилар учун катта хавф манбаи бўлган моддалар ва предметлар билан муомала қилиш тартиби, улардан фойдаланиш қоидаларинингина эмас, балки уларни сақлаш ва транспортировка қилиш қоидаларини ҳам ўз ичига олади.

Атрофдагилар учун катта хавф түғдирадиган қуроллар, ўқ-дорилар, портловчи, радиоактив ва бошқа моддалар ва буюмлар билан **муомалада бўлиш қоидаларини бузиш** шу билан тавсифланади, улар билан муомала қилишда ҳарбий хизматчи мажбурий усулларни бажармайди ёки кўрсатилган предметлар билан муомала қилишда ўрнатилган кетма-кетликка риоя қилмайди ҳамда уларни сақлаш хавфсизлиги қоидаларини бузади, бу эса, ўз навбатида одамларнинг ҳалок бўлишига ва жароҳатланишига, ҳарбий техниканинг нобуд бўлишига, ҳарбий тадбирларнинг тўхташига ва бошқа оғир оқибатларга олиб келади¹.

Портловчи моддалар омборида ҳарорат режимига риоя қилмаслик, газ ёки ёқилғи мой материаллари сифимлари яқинида олов ёқиш, радиоактив ва заҳарли моддалар билан ишлагандан ҳимоянинг йўклиги ва ҳ.к.ларни муомала қилиш қоидаларини бузиш деб тан олиш мумкин.

Атрофдагилар учун катта хавф түғдирадиган қуроллар, моддалар ва предметлар билан муомала қоидаларини бузишни ва бу предмет-

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 48-6.

лардан мүлжалланмаган жойда фойдаланишни фарқлаш зарур – охиргиси ўзида таҳлил қилинаётган жиноят таркиби белгиларини ифодаламайды. Күрсатилған предметлардан мүлжалланмаган жойда фойдаланиш, атрофдагилар учун катта хавф түғдірадиган бу қуроллар, моддалар ва предметлардан жонли күчларни нишонга олиш мақсадыда эмас, балки бошқа мақсадларда, масалан ковлаш учун, ишни енгиллаштирувчи восита сиғатида ва ҳ.к.да фойдаланиш фараз қилинади. Зарур белгилар мавжудлигіда бу қылмишлар, қуролни бепарво сақлаш ёки шахсга қарши жиноят учун жавобгарликни назарда тутған ЖК тегишли моддалари бўйича квалификацияланиши мумкин.

Агар қоровул қоровул хизмати вазифаларини ўташдан чалғиб қурол билан муомалада бўлиш қоидаларини бузса ва натижада уларнинг олдини олиш учун қоровул тайинланған зарарли оқибатлар келиб чиқса, унда қылмиш **ЖК 297-** ва **291**-моддалари билан жиноятлар жами тариқасида квалификация қилинади.

Кўриб чиқилаётган жиноят қонунда күрсатилған оқибатлар, жумладан, ўртача оғирликдаги тан жароҳатлари келиб чиқсан вақтдан бошлаб тутғалланған деб ҳисобланади (**ЖК 297-моддаси 1-қисми**).

Назарда тутиш лозимки, ўртача оғирликдаги тан жароҳати етказиш бу жиноят таркиби билан қамраб олинади ва шахсга қарши жиноят учун жавобгарликни назарда тутувчи моддалар бўйича қўшимча квалификацияни талаб этмайди.

Жиноятнинг зарурий белгиси – атрофдагилар учун катта хавф түғдірадиган қуроллар, моддалар ва предметлар билан муомала қилиш қоидаларини бузиш ва бу қоидаларнинг бузилиши билан келиб чиқсан жамиятта хавфли оқибатлар ўртасидаги сабабнинг боғлиқлигидир.

Субъектив томондан қурол билан ва бошқа моддалар, предметлар билан муомала қилиш қоидаларини бузиш қасдан ҳам, эҳтиётсизликдан ҳам содир этилади. Ҳамма вазиятлarda келиб чиқсан оқибатларга айбор фақат жиноий ўз-ўзига ишониш ва бепарволик кўринишидаги эҳтиётсизлик билан муносабатда бўлади. Агар ҳарбий хизматчи ушбу жиноятни содир этишда зарарли оқибатларига қасдан муносабатда бўлса, унда қылмишни шахсга қарши ва мулкка қарши жиноятлар тўғрисидаги тегишли моддалар бўйича келиб чиқсан оқибатларига кўра қўшимча квалификациялаш лозим бўлади (мулкка зарар етказиш «бошқа оғир оқибатлар» белгиси билан қамраб олинади – **ЖК 297-моддаси 3-қисми «б» банди**).

Жиноятнинг **мотиви ва мақсади қылмишни** квалификация қилиш учун аҳамиятга эга эмас.

ЖК 297-моддасида назарда тутылған жиноятнинг **субъекти** атрофдагилар учун катта хавф түғдірадиган қурол, моддалар ва предметлардан ўз хизмаг фаолияти бўйича фойдаланувчи ёки уларни сақлашни, ташишни ёки етказиб беришни таъминловчи ёки улар ёнига ки-

ришга ва улар билан муомала қоидаларини бузадиган ҳарбий хизматчи бўлади. Бу ҳарбий хизматчи оддий аскар ва сержант, шу билан баравар старшина таркиби, офицерлар, ҳарбий хизматни контракт бўйича ўтаётган ҳарбий хизматчилар ҳамда ҳарбийга маъжбурлар, ўкув ва текширув йигинларига чақирилганлар бўлиши мумкин.

Агар кўриб чиқилаётган жиноят атрофдагилар учун катта хавф туғдирадиган моддалар ва предметларга эгадик қилиш учун қонуний асослари бўлмаган шахслар томонидан содир этилса, улар ЖК бошқа моддалари бўйича жавобгарликка тортилишлари лозим.

Агар қўмондонлик таркибидаги лавозимли ҳарбий хизматчи шахс атрофдагилар учун катта хавф туғдирадиган кўрсатилган модда ва предметлар билан муомала қилишнинг етарли хавфсизлигини таъминламаса ёки улар билан муомала қилишнинг ўрнатилган қоидаларига риоя қилишни назорат қилиш бўйича вазифаларини етарли даражада бажармаса, улар хизматта совуқёнлик билан қарашгандиллари учун жавобгарликка тортилмоқлари лозим (ЖК 302-моддаси).

ЖК 297-моддаси бўйича квалификация қилинадиган қилмишлардан, қоровул, чегара ва бошқа маҳсус хизмат ўтаётган шахслар томонидан тегишли низомларнинг талабларини бузиш билан инсон курбонларига ва бошқа оғир оқибатларга олиб келиши мумкин бўлган ўқотар қуролларни қўллаш ҳолатлари фарқланиши лозим. Бундай ҳолатлар ўзида қоровул ёки бошқа маҳсус хизмат ўтаётганда қурол қўллаш устав қоидаларини бузишни ифодалайди ва алоҳида қисмнинг тегишли моддалари бўйиқа квалификация қилиниши лозим.

ЖК 297-моддасида гап ўз ҳолица атрофдагилар учун катта хавф туғдирадиган қуроллар, портловчи, радиоактив ва бошқа моддалар ва предметлар билан муомалада бўлиш қоидаларини бузиш ҳақида кетаяпти.

ЖК 297-моддаси 2-қисмида қўйидагиларга олиб келган, атрофдагилар учун катта хавф туғдирадиган қуроллар ҳамда моддалар ва предметлар билан муомала қилиш қоидаларини бузганлик учун жавобгарлик назарда тутилган:

а) икки ёки ундан ортиқ шахснинг баданига ўртача оғир шикаст етказилишига;

б) оғир шикаст етказилишига;

в) одам ўлишига.

ЖК 297-моддаси 3-қисмида қўйидагиларга олиб келган ўша қилмишлар учун жавобгарлик назарда тутилган:

а) одамлар ўлимига;

б) бошқа оғир оқибатларга сабаб бўлса.

«Одамлар ўлими» белгилари ўзида атрофдагилар учун катта хавф туғдирадиган қуроллар, тенг бараварликда моддалар ва предметлар

билин муюмала қилиш қоидаларини бузиш натижасида содир этилган икки ёки ундан ортиқ одамлар ўлимини қамраб олади¹.

Бошқа оғир оқибатлар деганда, экологик катастрофаларни, одамларнинг оммавий касалланишини, бир неча шахслар баданига оғир шикаст етказилиши, катта миқдорларда моддий ва моддий бўлмаган зарар етказишнинг турли шакллари ва ҳ.к. ларни тушуниш лозим.

Моддий зарар ҳарбий мулкни, муҳандислик иншоотларини, фуқаролар қурилишларини ва ҳ.к. ларни нобуд қилиш ва унга шикаст етказиша ифодаланиши мумкин. Моддий бўлмаган тавсифдаги зарар муҳим ҳарбий вазифани, жанговар, ўқув-жанговар вазифаларини ёки бошқа тадбирларни бузиш билан ифодаланади.

4-§. Машиналарни бошқариш ва улардан фойдаланиш қоидаларини бузиш (ЖК 298-моддаси)

Жиноятнинг асосий бевосита объекти қонун томонидан ўрнатилган жанговар техникани, маҳсус ва транспорт машиналарини бошқариш ва фойдаланиш тартибларини таъминловчи ижтимоий муносабатлардан иборат. **Қўшимча бевосита объект** – одамларнинг ҳаёти ва саломатлиги.

Жиноятнинг предмети – жанговар, маҳсус ва транспорт машиналари. Бундай машиналар дейилгандан, ҳар қандай автоном двигателга эга бўлган ва одам бошқарадиган қуруқликда ғилдиракда ёки гусеницада ўзи ҳаракатланадиган ҳарбий-транспорт воситаси тушунилади.

Жанговар машиналар – бу машиналар, жанговар вазифани бажариш учун мўлжалланган ва жонли кучларни, душман ҳарбий техникинини ва бошқа объектларни (танклар, бронетранспортёрлар, ўзи юрар артиллерия ва ракета қурилмалари, артиллерия тизимларини баксир қилишга мўлжалланган машиналар ва ўтни бошқариш аппаратураси ўрнатилган тиркагич ва бошқа шундай ҳарбий-техник воситалар) нишонга олиш учун жиҳозланган.

Маҳсус машиналар – бу жанговар машиналар қаторига кирмайдиган, ҳарбий қисмларни ва бўлинмаларни муҳандислик-техник таъминлашда маҳсус функцияларни бажариш учун мўлжалланган машиналар. Турли муҳандислик машиналари (траншея қазувчилар, бульдозерлар, ковлагичлар ва ҳ.к.), санитар транспорти, ҳаракатланувчи таъмирлаш устахоналари; лабораториялар ва ҳ.к. маҳсус ҳисобланади.

¹ Ушбу тарзда мазкур белги транспорт воситаларига нисбатан Ўзбекистон Республикаси Олий суди Пленумининг 2000 йил 22 декабрдаги «Транспорт ҳаракати ёки ундан фойдаланиш хавфсизлигига қарши жиноятларга оид ишлар юзасидан суд амалиёти тўғрисида»ги 32-сонли қарорига мувофиқ изоҳланади // Тўплам, 2-жилл. – 56-б.

Транспорт машиналари шахсий таркибни, қуролларни, ўқ-дориларни, ҳарбий техник мулкни ташиш учун мўлжалланган ҳамда кундалик хўжалик, маданий-маиший, тиббий ва ҳарбий қисмга бошқа хизмат кўрсатувчи (енгил ва юқ автомобиллари, автобуслар, санитар транспорти ва бошқалар) машиналардир¹. Бундай машиналарга Ўзбекистон Республикаси Қуролли Кучларининг рельсли транспорти – тепловоз, темир йўл дрезиналари ва бошқалар ҳам киради.

Жиноят объектив томондан баданга ўртача оғир ёки оғир шикаст этишига олиб келган жанговар, маҳсус ва транспорт машинасини бошқариш ва улардан фойдаланиш қоидаларини бузишда ифодаланади.

«Жанговар, маҳсус ёки транспорт машиналаридан белгиланган мақсадда фойдаланиш Ички хизмат Низоми, Йўл ҳаракати қоидалари ва бошқа ҳуқуқий актларда белгиланган тартибга қатъий риоя қилишни назарда тутади»².

Модданинг диспозицияси бланкетли. Шахсни жиноий жавобгарликка тортиш учун, машиналарни бошқариш ва улардан фойдаланиш қоидаларининг қайси пункти бузилганлигини ва бу бузилишлар ва улар оқибатига келиб чиқсан баданга ўртача оғир ёки оғир шикаст етказилиши орасида сабабий боғлиқлик мавжудлигини аниқлаш лозим.

Бошқариш деганда, ҳаракатланувчи машинани бевосита бошқариш жараёни тушунилади. Бошқаришнинг бошлананиш вақти машинанинг юриш қисми (ғилдирак, гусеница) ҳаракатланаётган вақтдан бошланади, тугаган вақти – ҳаракатнинг тўхтатилишидир. Ҳаракатнинг бошидан то охиригача ҳайдовчи ўрнатилган бошқарув қоидаларига риоя этиши лозим.

Бошқариш қоидаларини бузиш ҳарбий хизматчилар учун мажбурий бўлган ҳаракат қилиш ёки ҳаракат қўйласлик йўли билан ҳарбий-транспорт воситаларининг ҳаракати хавфсизлигини таъминлаш меъёрларини бажармасликдан иборат. Ҳаракат тезлигини ошириш, кувиб ўтиш қоидаларини бузиш, узоқни кўриш чирогини яқинига алмаштираслик ва ҳ.к.лар шулар жумласидандир.

Ҳарбий машиналардан фойдаланиш деганда, улардан мўлжалга мувофиқ фойдаланиш ва зарур техник хизматни кўрсатиш тушунилади. Машиналардан фойдаланиш деганда, агрегатлар, тизим ва механизмларни нормал ишланиши таъминловчи техника меъёрларига ва қоидаларига риоя этган ҳолда ишлатиш ҳамда ҳар қандай шароитларда хавфсизлик талабларини бажариш тушунилади.

Фойдаланиш қоидаларини бузиш – мўлжалланганига ва техник имкониятларига ҳамда техник хизматига мувофиқ машинани ишлатиш қоидаларини бузиш: рейсга техник носоз машинани чиқариш,

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўтаси... // Тўплам, 2-жилл. – 49-6.

² Ўша жойда.

хукуқи бўлмаган шахс машинани бошқаришига йўл қўйиш, ҳайдовчи нотўғри ҳаракатларининг олдини олмаслик (масалан, машинада бошлиқ вазифасини бажараётган шахс томонидан) ва ҳ.к.ни ифодалайди.

«Жиноят кодексининг 298-моддаси назарда тутган жиноятнинг муқаррар аломати – йўл қўйилган қонунбузарликлар натижасида одамларнинг ҳалок бўлиши уларга оғир ёки ўртача оғир шикаст етказиш каби муайян зарарнинг келиб чиқишидир. Ҳаёт ва соғлиқа зарар етказиш ушбу жиноят таркиби билан қамраб олинган ва у шахсга қарши жиноятлар учун жавобгарликни кўзда тутувчи моддалар билан кўшимча тавсифлашни талаб қилмайди»¹.

Жиноят қонунда кўрсатилган оқибатлар, жумладан, баданга оғир ёки ўртача оғир шикастлар етказилган вақтдан бошлаб тугалланган ҳисобланади (**ЖК 298-моддаси 1-қисми**).

Кўриб чиқилаётган жиноят **субъектив томондан қасдан** ёки **эҳтиёtsизлик** бўйича содир этилади. Келиб чиқсан оқибатларга айбор фақат эҳтиёtsизлик бўйича муносабатда бўлади. Айбор ўз қилмиши жамиятга хавфли оқибатлар келтириб чиқариши мумкинлигини кўра билади, аммо унга етарлича асосланмасдан, ўзининг енгилтаклиги бўйича, улар ҳақиқатан келиб чиқмаслигига ёки олдини олишига умид қиласди (**жиноий ўз-ўзига ишониш**). Айбор бундай оқибатларнинг келиб чиқиш имкониятини кўра олмайди, аммо иш ҳолатлари бўйича у уларни бўлдиндан кўриши лозим эди (**жиноий бепарволик**).

Агар ҳарбий хизматчи ушбу жиноятни содир этганда зарарли оқибатларига қасдан муносабатда бўлса, унда қилмишни оқибатларидан келиб чиқиб шахсга қарши ва мулкка қарши жиноятлар учун жавобгарлик назарда тутилган ЖК тегишли моддалари бўйича квалификация қилиш лозим.

Жиноятни содир этиш **мотивлари** ва **мақсади** уни квалификациялаш учун аҳамиятга эга бўлмайди.

Жиноятнинг **субъекти** жанговар, маҳсус ёки транспорт машинасидан фойдаланиш учун масъул бўлган ёки уни бевосита бошқарадиган ҳарбий хизматчи бўлиши мумкин.

«Қоидабузарни бошқариш қоидаларини бузганлик учун жавобгарликка тортишда унинг штат бўйича ҳайдовчи бўлиш-бўлмаслигининг ва машинани бошқара олиш-олмаслигининг аҳамияти йўқ»².

Ҳарбий машиналардан фойдаланиш қоидаларини бузиш субъекти фақат ушбу қоидаларга риоя қилиш мажбурияти маҳсус юқлатилган ҳарбий хизматчигина бўлиши мумкин: ҳайдовчилар хизмати бўйича бўйсунадиган бошлиқлар, машина бўйича катталар, КТП бўйича

¹ Узбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 49-б.

² Уша жойда. – 50-б.

навбатчилар ва ҳоказо. У, шунингдек, маълум фойдаланиш қоидала-рига риоя қилишга мажбур бўлган машина ҳайдовчиси ҳам бўлиши мумкин.

Машина бўйича каттанинг ушбу катта вазифаларини бузиш билан боғлиқ бўлган ҳаракатлари бошқа жиноят таркибларини ҳам юза-га келтириши мумкинлигини ҳисобга олиш керак.

«Инструктор назорати остида ўкув машинасида бошқаришни ўр-ганаётган ҳарбий хизматчини Жиноят кодексининг 298-моддасида назарда тутилган жиноят учун жавобгарликка тортиб бўлмайди. Бундай ҳолда ҳаракат ҳавфсизлигини таъминлаш инструкторга юклатилган бўлиб, айнан у бошқариш қоидаларини бузганлик учун жавоб-гардир»¹.

Машинанинг техник ҳолатини назорат қилиш мажбуриятлари юклатилмаган ҳарбий хизматчилар ҳам ушбу жиноятнинг субъектлари бўлмайди. Масалан, суткалик наряд шахслари, хусусан, фақат ҳайдовчидан ҳарбий қисмдан ташқарига чиқиш учун тегишли ҳужжатнинг бор-йўқлигини текширишга мажбур бўлган назорат-ўтиш пунктининг навбатчилари.

ЖК 298-моддасида кўрсатилган жиноят ҳарбий хизматчи томонидан жанговар, маҳсус ёки транспорт машинасида содир этилади. Ҳарбий хизматчи томонидан жанговар, маҳсус ёки транспорт машинаси бўлмаган машинани бошқариш қоидаларини бузиш, худди фуқаровий шахс томонидан жанговар, маҳсус ёки транспорт машинасини бошқариш қоидаларини бузиш қаби, **ЖК 266-моддасининг** аломатларига мос келади (Транспорт воситалари ҳаракати ёки улардан фойдаланиш ҳавфсизлиги қоидаларини бузиш).

ЖК 298-моддаси 2-қисмида:

а) икки ёки ундан ортиқ шахснинг баданига ўртача оғир ёки оғир шикаст етказилишига;

б) одам ўлишига сабаб бўлган машиналарни бошқариш ёки улардан фойдаланиш қоидаларини бузиш учун жавобгарлик кўзда тутилган.

ЖК 298-моддаси 2-қисми «а» банди мазкур модданинг биринчи қисмидаги кўрсатилган тегишли аломатлардан ягона фарқи шуки, улар икки ёки ундан ортиқ шахсга етказилган бўлади, қолган жиҳатдан эса улар айнан ўхшашиб бўлиб, қўшимча таҳлилни талаб этмайди.

Ҳарбий машинани бошқариш қоидаларини бузишни ҳамда ушбу ҳодисанинг натижасида ҳаёти ҳавф остида қолган ва ўзини ўзи ҳимоя қилиш имкониятидан маҳрум бўлган шахсга ёрдам кўрсатмасликни биргаликда содир этган шахснинг ҳаракатларини **ЖК 298-моддаси** билан биргаликда **ЖК 117-моддасининг** тегишли қисми бўйича **квалификация қилиниши лозим**².

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 50–51-б.

² Ўша жойдайди. – 50-б.

Агар айбдор шахс томонидан бошқариш қоидалари бузилмаган бўлса, лекин жабрланувчининг ҳаёти хавф остида қолдирилган бўлса ва воқеа жойидан кетган бўлса ёки воқеа жойидаги бошқа шахслар ҳаёти хавф остида қолган ва ўзини ўзи ҳимоя қилиш имкониятидан маҳрум бўлган жабрланган шахсга ёрдам кўрсатади, деган фикрда жабрланувчига ёрдам кўрсатмаган бўлса, унинг ҳаракатлари ЖК 117-моддаси бўйича квалификация қилиниши лозим.

Агар жабрланувчига машинани бошқариш қоидаларини бузиш оқибатида ҳаёт учун хавфли бўлмаган енгил тан жароҳатлари етказилган бўлса ёки унинг ўлими бевосита воқеа пайтида юз бергани очиқ-оидин бўлса ёки айбдор шахснинг жабрланувчига ёрдам кўрсатиши мажбурий бўлса-да, унинг ўз ҳаёти ёки соғлиги учун очиқ хавф юзага келган бўлса, яъни унинг ёрдам кўрсатиш имконияти бўлмаса, шахс ЖК 117-моддаси бўйича жавобгарликдан озод этилади¹.

ЖК 298-моддаси 3-кисмидан:

- одамлар ўлимига;
- бошқача оғир оқибатларга сабаб бўлган қилимешлар учун жавобгарлик кўзда тутилган.

«Бошқа оқибатлар»га анча миқдордаги моддий ёки моддий бўлмаган зарар киради. Моддий зарар автомашина, муҳандислик курилмалари ва бошқа биноларни йўқ қилиш ёки шикаст етказишида, чорва молларининг нобуд бўлиши ва ҳоказоларда ифодаланиши мумкин. Моддий бўлмаган оғир оқибатлар муҳим ҳарбий топшириқлар, жанговар, ҳарбий-ўқув вазифалари ёки бошқа тадбирларнинг барбод бўлишида ифодаланиши мумкин².

Жанговар, маҳсус ёки транспорт машиналарини бошқариш ёкуд узардан фойдаланиш қомдаларини бузишини унга ўхшаш бошқа жиноятлардан фиридаш лозим.

ЖК 266-моддасида кўзда тутилган жиноятлардан қаралёттан жиноят объекти билан, объектив томонининг бальзи аломатлари билан ёки субъекти билан фарқланниб турази. ЖК 298-моддаси бўйича жиноятнинг объекти Куроли Кучларга ўрнатилган жанговар, маҳсус ёки транспорт машиналаридан фойдаланиш билан бўлган ҳарбий ҳизматни ўташ тартиби бўлази. ЖК 266-моддасида кўзда тутилган жиноят эса, ҳаресат таффизитли ва транспортдан фойдаланишга талковуз кралди. ЖК 298-моддасида кўрсатилган жиноят ҳарбий ҳизматчи томонинни жанговар, маҳсус ёки транспорт машиналари

¹ Киринг! Узбекистон Республикаси Олий суди Постанумини 2000 йил 22 сентябрини «Транспорт тармоғи ёки ундан фойдаланиш таффизитли тарроҳи кимонатларга энди келишади» суд энвалид тўртисиданги 32-сентябрли қарори // Тўслим, 2-жилд. – 57-6.

² Узбекистон Республикаси Олий суди Постанумини 2000 йил 15 сентябрини «Ҳарбий ҳизматни ўташ... // Тўслим, 2-жилд. – 49-6.

да содир этилади. Ҳарбий хизматчи томонидан жанговар, маҳсус ёки транспорт машинаси бўлмаган машинада бошқариш қоидаларини бузиш, худди фуқаровий шахс томонидан жанговар, маҳсус ёки транспорт машинасида бошқариш қоидаларини бузиш каби, ЖК 266-моддаси таркибининг аломатларига мос келади.

Транспорт воситаларининг техник ҳолати ёки фойдаланилиши учун масъул бўлган шахс томонидан техник носоз ҳолдаги жанговар, маҳсус ёки транспорт машиналарининг фойдаланишга чиқарилиши, агар бу ЖК 262-моддасида кўрсатилган оқибатларга олиб келган бўлса (Транспортни таъмирлаш ёки уни фойдаланишга чиқариш қоидаларини бузиш), ЖК 262-моддаси бўйича малакалашни талаб этмайди, чунки содир этилган қилмиш **ЖК 298-моддаси** диспозицияси билан қамраб олинади.

ЖК 298-моддаси ҳарбий машиналарни бошқариш ёхуд улардан фойдаланиш қоидаларини бузишнинг барча эҳтимолий оқибатларини, жумладан бир неча шахсларнинг ўлимини кўзда тутади. Шунинг учун бир неча шахсларнинг ўлими каби аломатнинг мавжудлиги содир этилган қилмишни ЖК 262-моддаси бўйича квалификациялашга асос бермайди¹.

5-§. Учиш ёки учишга тайёргарлик кўриш қоидаларини бузиш (ЖК 299-моддаси)

Жиноятнинг асосий бевосита обьекти Қуролли Кучларда ўрнатилган учиш ёки учишга тайёргарлік кўришнинг тартибиغا ҳамда ҳарбий учиш аппаратларидан фойдаланиш қоидаларига риоя этилишини таъминлайдиган ижтимоий муносабатлар бўлади. **Кўшимча бевосита обьект** – фуқароларнинг ҳаёти, соғлиғи, Қуролли Кучлар мулкининг хавфсизлигини таъминлайдиган ижтимоий муносабатлариди.

Ушбу жиноятнинг **предмети** деб учиш аппаратлари тан олинади.

Учиш аппаратларига Ўзбекистон Республикаси Қуролли Кучларига тегишли бўлган самолётлар, вертолётлар, планерлар ва уларнинг мақсадидан қатъни назар бошқа инсон томонидан бошқариладиган учиш аппаратлари (жанговар, разведка, транспорт учиш аппаратлари), шунингдек, учувчисиз учадиган самолётлар ва планерлар киради.

Объектив жиҳатдан ЖК 299-моддасида кўзда тутилган жиноят ҳалокат юз беришига ёки бошқа оғир оқибатларга сабаб бўлган учиш ёки учишга тайёргарлик кўриш қоидаларини, шунингдек, учиш аппаратларидан фойдаланиш қоидаларини бузишида ифодаланади.

Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни утап ... // Туплаам, 2-жилд. - № 50-6.

Ушбу модда бланкет диспозицияли. Ҳар бир алоҳида ҳолатда учиш қоидаларининг, шунингдек, учиш аппаратларидан фойдаланиш қоидаларининг қайси банди бузилганлиги ҳамда ушбу бузиш ва ҳалокат ёки бошқа оғир оқибатлар шаклидаги юз берган оқибатлар ўртасида сабабий боғланишни аниқлаш лозим бўлади.

Учишларни бажариш тартиби, шунингдек, ҳарбий учиш аппаратларидан фойдаланишнинг қоидалари ҳам умумфуқаровий, ҳам маҳсус ҳарбий қўлланувчи турли меъёрий ҳужжатлар (бошқариш техникаси, ҳарбий авиация хизматларининг мұхандислик-авиация, штурманлик, навигация, метеорологик ва бошқа турлари масалалари бўйича бўйруқлар, қўлланмалар, йўриқномалар) билан батафсил белгилаб берилган.

Учиш деб, двигателларни учиб кетиш учун ишга туширишдан бошлаб, қўнишдан кейин двигателларни тўхтатиш билан тугаллана-диган вақт даври ҳисобланади.

Шунинг учун ушбу жиноят учун жавобгарлик, фақат учиш аппаратини ҳавода бошқариш вақтида ёки кўтарилиш-қўниш йўлагидаги ҳаракат чорида – кўтарилиш ёки қўнгандан сўнг двигатель тўхташигача бўлган вақтда учиш аппаратини бошқариш қоидаларини бузиш, шунингдек, машинани ва экипажни учиш олдидан тайёрлаш қоидаларини бузгандагина юзага келиши мумкин. Машинанинг ҳавога кўтарилиши ёки қўниши билан боғлиқ бўлмаган ҳодисалар ушбу модда билан жавобгарлиқка тортишга асос бўла олмайди ва бошқа жиноят таркибини ташкил этиши мумкин¹.

Учиш қоидаларини бузиш учувчи томонидан учиш аппаратининг учиб кетиши, учиши ва қўниши пайтида учишни бошқаришнинг белгиланган қоидаларини бажармаслик ёки тегишлича бажармаслигиdir. Учиш қоидаларини бузиш учишни бошқариш техникасида, ориентирларни ёки йўл бошқарувини йўқотиб қўйишида, пикедан чиқишининг кечикишида, жойига етмай ёки ундан ошиб кетиб ерга қўнишида, охиригача чиқарилмаган шасси билан ерга қўнишида, қўниш учун пасайиш тезлигидан ортиқ тезлик билан ҳаракатланишда ва ҳоказолардаги хатолар билан боғлиқ бўлиши мумкин.

Учишга тайёргарлик кўриш қоидаларини бузиш экипаж аъзоларининг учишга тайёргарлик кўриш ва учишга йўл қўйилиши қоидаларини бажармаслик ёки машинанинг ўзини учишга тайёрлашнинг қоидаларини бузиш билан боғлиқ бўлади (касал учувчининг учиши, тиббий кўрикдан ўтмаслик, учиш аппаратига ишлатишга яроқсиз бўлган ёнилғи ёки фойдаланиш суюқликларини қўйиш, учиш аппаратига тегишлича бўлмагаёт техник хизмат кўрсатилиши, айрим түгунлар ва агрегатларни сифатсиз таъмирлаш ва ҳоказо)².

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 51-6.

² Ўша жойда. – 51–52-6.

Учиш аппаратидан фойдаланиш деб, ундан мақсадига кўра фойдаланиш тушунилади. Фойдаланиш тушунчаси билан, шунингдек, учиш аппаратларининг авариясиз ишлаб туришини таъминлайдиган тизимлар ва агрегатлардан мақсадига кўра фойдаланиш ҳам қамраб олиниади.

Учиш аппаратидан фойдаланиш – унинг учиши ёки учишга тайёргарлик тушунчасига қараганда кенгроқ тушунчадир. Агар учиш жараёни ундан фойдаланишдан ажралмас бўлса, у ҳолда ундан фойдаланиш ҳам учиш даврида, ҳам ундан ташқарида содир бўлиши мумкин (масалан, самолёттинг ангарда туриш даврида, вертолёттинг учишдан кейинги хизмат кўрсатиш даврида ва ҳоказо).

Фойдаланиш қомдларини бузиш, масалан, керакли қўшимча тайёргарликдан ўтмаган шахсларнинг бошқаришга қўйилишини, учиш аппаратидан мақсадсиз фойдаланишни, самолётда юкни нотўғри жойлаштириш, учиш хавфсиэзлигини таъминлайдиган тугунлар ва механизмларга техник хизмат кўрсатиш талабларидан чекиниши ва учиш аппаратларидан фойдаланишнинг хавфсиз шароитларини таъминлайдиган ундан фойдаланиш тартибининг бошқа бузилишларини ўз ичига олади.

Жиноят ҳалокат ёки бошқа оғир оқибатлар шаклидаги оқибатлар юзага келган пайтидан бошлаб туталланган деб ҳисобланади.

Ҳалокат деганда, ҳаракатланаётган учиш аппаратининг унда участган экипаж аъзоларидан, кўчирилаётган бўлинма шахсий таркибидан ёки ҳаво кемасида бўлган бошқа шахслардан бирортасининг ҳалок бўлишига сабаб бўлган бузилиши ёки шикастланиши тушунилади.

Бошқа оғир оқибатларга қуидагилар кириши мумкин: ҳаво кемасида бўлган шахсларнинг баданига оғир шикаст стказилиши; учиш аппаратининг ерга қулаб тушиши ёки мажбуран қўниши натижасида ердаги одамларнинг ҳалок бўлиши ёки уларнинг баданига оғир шикаст стказилиши; авария, яъни самолётга унинг тўла яроқсиз ҳолга келишига сабаб бўлган даражада шикаст стказилиши; машиналарнинг уларни таъмирлаш учун анчагина моддий ҳаражатлар талаб қиласидиган даражада бузилиши; ҳаво кемасининг ҳалокати, қулаши ёки мажбуран қўниши чоғида давлат, шунингдек, ҳарбий мулкнинг ёки шахсий мулкнинг нобуд бўлиши ёки уларга катта миқдорда зарар стказилиши¹.

Тергов ва суд органлари ҳар бир аниқ ҳолатда ушбу воқеа ва юз берган оқибатлар ўртасидаги сабаб-оқибат боғланиши мавжудлигини аниқлаши лозим, акс ҳолда содир этилган қўлмишда ушбу жиноят таркибининг борлигини таъкидлаш мумкин эмас.

¹ Ўзбекистон Республикаси Олий суди Пленумининг 2000 йил 15 сентябрлаги «Ҳарбий хизматни ўташ... // Тўплам, 2-жилл. – 51-6.

Жиноятнинг субъектив томони эҳтиётизлилек шаклидаги айби билан ифодаланади. Учиш ёки учишга тайёргарлик кўриш қоидаларини бузишга йўл қўйган шахс оғир оқибатлар юз бериши мумкинлигини олдиндан кўра олади, лекин асоссиз ҳолда ушбу оқибатлар юз бермайди, деб ҳисоблайди ёки уларни олдиндан кўра олиши лозим ва мумкин эди.

Содир этилган қилмишни ЖК ушбу моддаси бўйича квалификациялаш учун жиноятни содир этиш мотиви аҳамиятта эга эмас.

ЖК 299-моддасида назарда тутилган жиноятнинг **субъекти** – зиммасига учиш ёки учишга тайёргарлик кўришни таъминлашга оид маҳсус вазифа юклатилган ҳарбий хизматчилар бўлишлари мумкин. Учиш раҳбари, ҳаво кемасининг қўмондони, учувчи, борт муҳандиси, штурман ва бошқалар ҳам жавобгарликка тортилишлари мумкин¹.

6-§. Кемани бошқариш қоидаларини бузиш (ЖК 300-моддаси)

Жиноятнинг асосий бевосита обьекти Куролли Кучларда ўрнатилган кемани бошқаришнинг тартибини ҳамда ҳарбий кемалардан фойдаланиш қоидаларини таъминлайдиган ижтиомий муносабатлар бўлади. **Қўшимча бевосита обьект** – фуқароларнинг ҳаёти, соғлиги, Куролли Кучлар мулкининг хавфсизлигини таъминлайдиган ижтиомий муносабатлардир.

Ушбу жиноятнинг предмети фақат ҳарбий кемалар, яъни Ўзбекистон Республикаси Ҳарбий Денгиз флоти кема таркибининг кемалари бўлиши мумкин. Булар жанговар ва қоровул кемалари, маҳсус мақсадли сузиш воситалари, катерлар ва бошқалар бўлиши мумкин.

Объектив жиҳатдан ЖК 300-моддасида кўзда тутилган жиноят кеманинг ҳалокатта учрашига ёки жиддий шикастланишига, одамлар ҳалок бўлишига ёки бошқа оғир оқибатларга сабаб бўлган кемани бошқариш қоидаларини бузишда ифодаланади.

Ушбу модда бланкет диспозициялидир. Жиноий жавобгарлик юз бериши учун кемани бошқариш қоидаларининг бузилишини ҳамда ушбу қоида бузиш билан кеманинг ҳалокатта учраши ёки жиддий шикастланиши, одамлар ҳалок бўлиши ёки бошқа оғир оқибатлар ўртасида сабабий боғланишни аниқлаш лозим бўлади.

Кемани бошқариш кемани сузиш пайтида бевосита бошқаришни, кеманинг курси ва тезлигини аниқлаш, унинг манзилини аниқлаш, маневрларни амалга ошириш, буксирга олиш, тўқнашишнинг олдини олиш чораларини кўриш, об-ҳаво ўзгариши ҳолатида хавфсизлик чораларини кўриш ва ҳоказо, яъни Кема устави, маҳсус қўлланмалар,

¹ Ўзбекистон Республикаси Олий суди Пленумининг 2000 йил 15 сентябрдаги •Ҳарбий хизматни ўташ... // Тўплам, 2-жилд. – 52-б.

йўриқномалар ва бошқа мөбабирий хужожатлар билан белгиланган сув кемасини бошқаришнинг маълум қоидаларини ўз ичига олади.

Кемани бошқариш қоидаларини бузиш, масалан, кема бошлиғининг чуқурликларни мунтазам ўлчаб бориш ёхуд дарёнинг тор жойиде ёки қирғоққа яқин жойда сузиш тезлигини камайтириш чораларини кўрмасликда ифодаланиши мумкин.

Фақат қонунда белгиланган оғир оқибатларга, яъни кеманинг ҳалокатга учраши, унинг жиддий шикастланиши, одамлар ҳалок бўлиши ёки бошқа оғир оқибатларга олиб келган кема бошқариш қоидаларининг бузилишлари жиноий жавобгарликка сабаб бўлади.

Кеманинг ҳалокатта учраши деб, унинг тўлиқ бузилиши ёки чўктирилиши тушунилади. Кемани тиклаш мумкин бўлмаган ҳолда у ҳалокатга учраган деб тан олинади.

Кемага жиддий шикаст етказилиши деб, кемага капитал таъмирлашни талаб этувчи шикастлар етказилиши тушунилади.

Одамлар ҳалок бўлиши деб, кема командаси икки ва ундан ортиқ аъзосининг ўлими тушунилади.

Бошқа оғир оқибатларга куйидагилар киради: икки ёки ундан ортиқ команда аъзоларига ёки кема йўловчиларига оғир ёки ўртача оғирликдаги тан жароҳатларининг етказилиши, ҳарбий топширикнинг бузилиши, экологик ҳалокат, ўсимликлар, ҳайвонларнинг оммавий ҳалокати ва бошқалар.

Кемани бошқариш қоидаларининг бузилиши кеманинг ҳалокатта учраши ёки жиддий шикастланиши, одамлар ҳалок бўлиши ёки бошқа оғир оқибатлар юзага келган пайтидан бошлаб **туталланган** жиноят деб ҳисобланади.

Тергов ва суд органлари ҳар бир аниқ ҳолатда ушбу воқеа ва юз берган оқибатлар ўртасидаги сабабий боғланиш мавжудлигини аниқлаши лозим, акс ҳолда содир этилган қўлмишда ушбу жиноят таркибининг борлигини таъкидлаш мумкин эмас.

Субъектив томонидан кемани бошқариш қоидаларини бузиш ҳам қасддан, ҳам эҳтиётсизлик билан бўлиши мумкин. Лекин юз берган оқибатларга нисбатан жиноят субъективнинг айби доимо эҳтиётсизлик шаклида ифодаланади (жиноий ўз-ўзига ишониш ёки жиноий бепарволик). Акс ҳолда айбдор шахснинг ЖК бошқа моддалари билан жавобгарлиги (давлатга хоинлик қилиш, мулкни қасддан нобуд қилиш ёки унга зарар етказиш ва бошқалар) масаласи қўйилиши мумкин.


Қаралётган жиноятнинг **субъекти** кемани бошқариш қоидаларини бузган ҳарбий хизматчи бўлиши мумкин. Бу кеманинг раҳбари, кемани раҳбарининг ёрдамчиси, кемани бошқариш, жумладан маневр қилиш вазифаларини бажараётган штурман ва соқчиликдаги зобит бўлиши мумкин.

«Ҳарбий мулкни сақлаш ёки ундан фойдаланиш тартибиға қарши жиноятлар» мавзуси бүйіч ақынның сабактары

1. Ҳарбий мулк деганда нималар тушунилади? Ҳарбий мулкни беҳуда сарфлаш, йўқотиш ёки ишдан чиқариш нимадан иборат? Ушбу ҳукуққа қарши ҳаракатлар нимада ифодаланиши мумкин?
2. Ҳарбий мулкни, ҳарбий техникани қасддан нобуд қилиш ёки унга шикаст етказиш деганда нималар тушунилади? Ушбу жиноий қилмишларни амалга ошириш усуллари қандай?
3. Ҳарбий мулкни, ҳарбий техникани қасддан нобуд қилиш ёки унга шикаст етказишнинг уни йўқотиш ёки ишдан чиқаришдан фарқи нимада?
4. Атрофдагилар учун катта хавф манбаи бўлган қурол-ярог, шунингдек, модда ва буюмлар билан муомалада бўлиш қоидаларини бузиш учун жиноий жавобгарлик юз беришининг шартларини айтиб беринг.
5. Ҳарбий машиналарга ва маҳсус машиналарга нималар киради? Жанговар машиналарни бошқариш ёки улардан фойдаланиш қоидаларини бузиш нимадан иборат?
6. ЖК 298-моддасида кўзда тутилган жиноятнинг (Машиналарни бошқариш ёки улардан фойдаланиш қоидаларини бузиш) малакаловчи аломатлари қайслар? Унинг субъекти ким бўлиши мумкин?
7. Учиш аппаратларига нималар киради? Учиш ёки учишга тайёргарлик кўриш қоидаларини бузиш нимада ифодаланиши мумкин?
8. Учиш ёки учишга тайёргарлик кўриш қоидаларини бузганилик учун жиноий жавобгарликнинг вужудга келиш шартлари қандай? Ушбу қилмиш учун ким жавобгар бўлади?
9. Кемани бошқариш деганда нима тушунилади? Кемани бошқариш қоидаларини бузиш қандай усулларда содир этилади? ЖК 300-моддасида (Кемани бошқариш қоидаларини бузиш) назарда тутилган қилмиш учун жиноий жавобгарликнинг вужудга келиши учун қандай шартлар бўлиши керак?

IX БОБ. ҲАРБИЙ МАНСАБДОРЛИК ЖИНОЯТЛАРИ

11-схема



1-ғ. Ҳокимиятни суиистеъмол қилиш, ҳокимият ваколатидан ташқарига чиқиш ёки ҳокимият ҳаракатсизлиги (ЖК 301-моддаси)

Жиноятнинг асосий бевосита объекти Куролли Кучларда ўрнатилган ҳарбий бошқарув органларининг нормал иш фаолиятини, уларнинг обрўсини, ҳарбий бошлиқтар ва мансабдор шахсларнинг хизмат ваколатларини амалга оширишнинг белгиланган тартибини таъминлайдиган ижтимоий муносабатлар. **Қўшимча бевосита объект** – фуқароларнинг ҳаёти, соғлиғи, ўзгалар мулкининг дахлсизлигини таъминлайдиган ижтимоий муносабатлардир.

Мазкур жиноят **объектив томондан** бошлиқ ёки бошқа мансабдор шахснинг ўз ҳокимият ёки хизмат мавқенини суиистеъмол қилиши, ҳокимият ёки хизмат ваколати доирасидан четга чиқиши, шунингдек, ҳокимият ҳаракатсизлиги Куролли Кучларнинг манфаатларига, ҳарбий хизматчи ёки бошқа фуқароларнинг ҳуқуқлари ёки қонун билан кўриқланадиган манфаатларига кўп миқдорда зарар ёки жиддий зиён етказилишига сабаб бўлишида ифодаланади.

«**Ҳокимиятни ёки хизмат мавқенини суиистеъмол қилиш** – бошлиқ ёки бошқа мансабдор шахснинг қасдан ўз хизмат мавқсидан ҳарбий хизмат манфаатларига зид мақсадларда фойдаланишидир.

Ҳокимиятни ёки хизмат мавқенини суиистеъмол қилиш мансабдор шахс томонидан унинг ўз ваколатларини бузишида ифодаланиши мумкин, аммо бу ҳаракатлар айбор зиммасига хизмат юзасидан юлатилган у ёки бу муайян ҳуқуқ ва мажбуриятларнинг бузилиши билан боғлиқ бўлмаслиги ҳам мумкин. Бироқ барча ҳолларда ҳам шахс мазкур хатти-ҳаракатларни, фақат ўзи эгаллаб турган хизмат мавқесига кўра содир эттан бўлиши ва бу хатти-ҳаракатлар ўз моҳиятига кўра хизмат бурчига зид бўлиши шарт.

Хизмат манфаатларига хилоф равишда содир этилган деб, хизмат зарурати тақозо этмаган, хизмат бурчи ва мансаб мажбуриятларини

бузадиган, қонунлар, ҳарбий низомлар ва құмандонлик буйруқларига зид бүлгән хатты-харапатлар түшнүилиши лозим. Бунда хизмат бүйіча юқлатылған мажбуриятларнинг мансабдор шахс томонидан бузылишини, унга берилған ҳұқуқларнинг сүнистөмөл қыленишини, үз фаолиятида қонун талабларидан четта чиқилишини мақсаддага мувофиқлик ёки хизмат зарурияты туфайли қылинган деб оқлад бүлмайди.

Ҳокимият ёки хизмат ваколатидан ташқарига чиқиши, мансабни сүнистөмөл қылишдан фарқылы үлароқ, құмандон ёки бошқа мансабдор шахснинг үзиге берилған ҳұқуқ ва ваколаттар доирасидан қасдан, очиқасига четта чиқадиган ҳарапатларни содир этишида ифодаланади. **Ҳокимият ёки хизмат ваколатидан ташқарига чиқиши** жумласында мансабдор шахс хизмат юзасидан фақат муайян, айни вақтда мавжуд бүлмаган ҳоллардагина содир этишга ҳақлы бүлгән ёки юқори лавозимда турған ёхуд махсус ваколатли шахс содир этиши лозим бүлгән ҳарапатлар ҳам киради.

Шахснинг хизмат мавқеи доирасидан четта чиқышда айбдорлиги масаласини ҳал этиш чөгіда ҳар доим унинг ваколат доирасини аниқлаб олиш мүхимдір. Ҳарбий мансабдор шахсларнинг ҳұқуқ ва ваколатлари қонунлар, уставлар, низомлар ва құмандонлик буйруқларидан аниқ белгілаб қўйилған. Айни пайтда шуни эътиборга олиш керакки, мансабдор шахс томонидан қурол ва бошқа жисмоний зўрлик ишлатылиши, агар бу ҳарапатлар унинг томонидан үз хизмат мажбуриятларини бажариши ва хизмат юзасидан жабрланувчига нисбатан мавжуд ваколаттар доирасидан четта чиқиши билан боғлиқ бүлгән ҳоллардагина ҳокимиятни сүнистөмөл қылиш деб баҳоланиши мүмкін. Жабрланувчи айбдорга тобе ёки айбдор ҳокимият вакили бўлганлиги боис унга қарам бўлгән ҳолларда муайян ваколатлар мавжуд бўлиши мүмкін. Акс ҳолда шахсга қарши жиноят учун Жиноят кодексининг тегишли моддалари билан жавобгарлик юзага келиши мүмкін.

Ҳокимият ҳарапатсизлиги бошлиқ үз ҳарбий хизмат мажбуриятларига кўра содир қылиши лозим бўлгән ҳарапатларни қасдан баҳармаганлигига ифодаланади.

Ҳарбий низомлар ҳар бир бошлиқ үзиге берилған ҳокимиятдан ҳарбий хизмат манбаатлари, унга ишониб топширилған қисм (бўлинма)нинг жанговар салоҳиятини ошириш, тартиб ва интизомга қатый амал қилиш йўлида тўлиқ фойдаланиши кераклигини талаб этади. Бошлиқнинг жиноий ҳарапатсизлиги, муайян шароитда ижтимоий ҳавфли оқибатларнинг олдини олиш учун кўллаши лозим бўлгән чораларни кўлламаслиги ҳарбий хизматтага катта зиён етказиши мүмкін.

Агар бўлинма қўмандони үзиге тобе шахс бўлинма мулкини ташиш пайтида жанговар ўқларни ўғирлаб, бегона шахсга сотаёттанлигини кўра туриб, бунинг олдини олмаса, бу қўмандон жиноий ҳарапатсизлик учун жавобгарликка тортилиши керак.

Бошлиқнинг тобе шахсларга нисбатан уларнинг ноустав ҳаракатларига барҳам бериш учун чора кўрмаслиги ҳам ҳокимият ҳаракатсизлиги деб баҳоланиши лозим.

Ҳокимият ҳаракатсизлиги қасддан қилинадиган хатти-ҳаракат бўлиб, у айнан шу билан хизматта совуқонлик билан қарашдан фарқ қиласди. Ҳокимият ҳаракатсизлиги ҳокимият ваколатини сунистъмол қилишдан шуниси билан фарқ қиласдики, бу жиноят бошлиқ фақат ҳокимият ваколати доирасида ва фақат хизмат вазифасига кўра қилиши шарт бўлган ҳаракатни содир этмаслиги шаклида бўлиши мумкин. Шунинг учун ҳам ҳар бир ҳолда бажарилмай қолган ҳаракатларни содир этиш мазкур мансабдор шахснинг ваколатига кириш-кирмаслиги ва бунинг учун унда етарли имконият бўлган-бўлмаганилиги аниқланиши зарур»¹.

Ўрганилаётган жиноят таркиби Куролли Кучларнинг манфаатларига, ҳарбий хизматчи ёки бошқа фуқароларнинг ҳуқуқлари ёки қонун билан қўриқланадиган манфаатларига кўп миқдорда зарар ёки жиддий зиён етказилиши шаклидаги жиноий оқибатлар юз берган пайтдан бошлаб тугалланган ҳисобланади. Ҳокимиятни сунистъмол қилиш ёки ҳокимият ҳаракатсизлиги ҳамда юз берган оқибатлар ўртасидаги сабабий боғланиш жиноят объектив томонининг зарурий белгиси ҳисобланади.

Мансабдорлик жиноятига хос жиноий оқибат жиддий зарар бўлиб, у ўз хусусияти ва кўламига кўра кўп миқдорни ташкил этади. Жиддий зарар Куролли Кучлар, алоҳида хизматчилар ва бошқа шахсларга етказилиши ва турлича, ҳам моддий, ҳам моддий бўлмаган муайян тусда намоён бўлиши мумкин. Жиноят тугалланган деб тан олиниши учун зарар амалда етказилган бўлиши шарт.

«Мансабдорлик жиноятига хос жиноий оқибат жиддий зарар бўлиб, у ўз хусусияти ва кўламига кўра кўп миқдорни ташкил этади. Жиддий зарар Куролли Кучлар, алоҳида хизматчилар ва бошқа шахсларга етказилиши ва турлича, ҳам моддий, ҳам моддий бўлмаган муайян тусда намоён бўлиши мумкин. Жиноят тугалланган деб тан олиниши учун зарар амалда етказилган бўлиши шарт.

Жиддий зарар сифатида, жумладан, содир этилган жиноят туфайли бўлинмада (қисмда) ҳарбий интизомга путур этиши, жанговар топшириқнинг, ўқув отишмаларининг, ишларнинг барбод бўлиши, ҳарбий мулкка зиён етказиш ёки уни йўқ қилиш, жиддий моддий зарар етказиш, ҳарбий хизматчилар ва бошқа шахсларнинг шахсий ёки мулкий ҳуқуқларининг бузилиши кабилар тан олиниади. Жиддий зарар тушунчаси ўз ичига ҳокимият ёки хизмат ваколати доирасидан четга чиқиши жинояти учун хос бўлган жабрланувчининг ҳаёти ва соғлиғига етказилган зарарни ҳам олади. Қасддан одам ўлдириш ёки

¹ Ўзбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 45–46-б.

қасдан баданга оғир шикаст етказиш сифатида етказилган заар ҳо-
кимият ёки хизмат ваколатидан четта чиқиш жинояти аломатлари-
дан ташқарига чиқади ва оғирроқ жиноят сифатида мустақил тавсиф-
лашни тақозо этади»¹.

Субъектив томондан ҳокимият ёки хизмат мавқенини сунистеъмол
қилиш, ҳокимият ёки хизмат ваколати доирасидан четта чиқиш, шу-
нингдек, ҳокимият ҳаракатсизлиги – қасдан содир этиладиган жи-
ноятлардир. Айбор шахс унинг хизмат ваколатларидан фойдаланиб
садир этган ҳаракатлари (ҳаракатсизлиги) ҳарбий хизмат манфаатла-
рига зид келишини англаб этади ва айнан шундай иш тутишни ис-
тайди ёки ўз ҳаракатларининг шундай турда эканлигига бепарво қарайди.

Айбор шахснинг жиноят оқибатларига – қонунга кўра жиноят тар-
кибининг зарурий белгиларидан бири бўлган жиддий зиёнга муносабати
ҳам қасд қилиш, ҳам эҳтиётсизлик шаклида ифодаланиши мумкин.

Жиноятни содир этиш **мотиви** ва **мақсади** уни квалификация қи-
лиш учун аҳамиятта эга бўлмайди.

ЖК 301-моддасида кўзда тутилган жиноятнинг **субъекти** мансаб-
дор шахс бўлган ҳарбий хизматчи бўлиши мумкин.

«Ҳарбий мансабдорлик жиноятлари ҳарбий бошқарув органла-
рининг Куролли Кучлар салоҳиятини мустаҳкамлаш манфаатларига
мос келувчи, тўғри фаолиятига, ҳарбий бошлиқ ва мансабдор шахс-
лар учун белгиланган хизмат вазифаларини амалга ошириш тарти-
бига тажовуз қиласди.

Ҳарбий мансабдорлик жиноятларининг субъектлари ҳарбий бош-
лиқлар ва бошқа мансабдор шахслар бўлиши мумкин. Ички хизмат
Низомига мувофиқ бошлиқ хизмат мавқеи (лавозими)га ва ҳарбий
унвонига кўра бўлиши мумкин. Ҳарбий мансабдор шахсларнинг на-
мунавий рўйхатлари Ички хизмат Низомида, Интизомий Низомда,
Гарнizon ва қоровул хизмати Низомида ва бошқа ҳуқуқий актларда
келтирилган.

Бошқа ҳарбий хизматчилар ҳам, агар улар бошлиқ бўлмай туриб,
муайян ташкилий-фармойиш бериш ёки маъмурий-хўжалик вазифа-
ларини бажариш билан боғлиқ бўлган лавозимларни доимий ёки
вақтингча эгаллаб турса ёки бу вазифаларни қўмандонликнинг маҳсус
фармойиши бўйича бажарса, мансабдор шахс бўлиши мумкин. Ушбу
вазифаларни бажариш учун ҳарбий хизматчиларга юридик аҳамиятта эга
ҳаракатлар содир эта олиши билан боғлиқ тегишли ваколатлар берилади.

Ҳарбий мансабдорлик жиноятларининг ижрочилари фақат
бошлиқлар ва мансабдор шахслар, иштирокчилари эса бошқа шахслар
ҳам бўлиши мумкин.

Ҳарбий мансабдорлик жиноятларининг ўзига хос ҳусусияти шун-
дан иборатки, уни содир этишдан келиб чиқадиган ижтимоий хавф-

¹ Ўзбекистон Республикаси Олий суди Пленумининг 2000 йил 15 сентябрдаги
«Ҳарбий хизматни ўташ... // Тўплам, 2-жилд. – 47-б.

ли оқибатлар, баъзан, айборд томонидан бевосита эмас, балки хизмат бўйича унга тобе шахслардан фойдаланиш, уларга ноқонуний бўйруқ бериш орқали етказилиши мумкин. Бундай бўйруқни қасддан берган мансабдор шахс ноқонуний бўйруқни ижро этиш натижасида келиб чиқсан оқибатлар учун жавоб беради. Бундай ҳолда унинг хатти-ҳаракати шахсан ўзи содир этгани сингари мансабдорлик жинояти сифатида, агар оқибатларнинг ўзи мустақил жиноятни ташкил этса, қилмишлар мажмуи билан тавсифланиши лозим.

Мансабдор шахснинг нотўғри ҳаракатлари билан у содир этган жиноят оқибатлари ўртасида сабабий боғланиш борлиги аниқланган бўлиши керак»¹.

Агар ҳокимият ёки хизмат мавқенини суйистеъмол қилиш, ҳокимият ёки хизмат ваколати доирасидан четга чиқиш, шунингдек, ҳокимият ҳаракатсизлиги ўртача оғирликдаги ёки оғир тан жароҳатларини етказиш билан бирга содир этилган бўлса, айборд шахснинг ҳаракатлари **ЖК 301-моддаси 2-қисми** билан квалификация қилинади.

ЖК 301-моддаси 3-қисмида:

- а) одам ўлишига;
- б) бошқа оғир оқибатларга сабаб бўлган қилмишлар учун жавобгарлик кўзда тутилган.

ЖК 301-моддаси 3-қисми «б» банди маъносидаги бошқа оғир оқибатлар деганда, икки ёки ундан ортиқ шахснинг баданига ўртача оғир ёки оғир шикаст етказилиши, одамлар ўлими, ҳалокатлар ва бошқалар тушунилиши лозим.

Ҳокимият ёки хизмат мавқенини сўйистеъмол қилиш, жанговар вазиятда содир этилган ҳокимият ёки хизмат ваколати доирасидан четга чиқиш, шунингдек, ҳокимият ҳаракатсизлиги мансабдор шахс бўлган ҳарбий хизматчининг **ЖК 301-моддаси 4-қисми** бўйича жавобгарликка тортилишига олиб келади.

2-§. Хизматта совуқлонлик билан қараш (ЖК 302-моддаси)

Жиноятнинг **асосий бевосита обьекти** мансабдор шахс бўлган ҳарбий хизматчининг ўзига юклатилган вазифаларини бажаришининг белгиланган тартибини таъминлайдиган ижтимоий муносабатлар бўлади. **Қўшимча бевосита обьект** бу ерда фуқароларнинг ҳаёти, соғлиғи, ўзгалар мулкининг дахлисизлигини таъминлайдиган ижтимоий муносабатлардир.

ЖК 302-моддасида кўзда тутилган жиноятнинг **объектив томони** бошлиқ ёки бошқа мансабдор шахснинг ўз хизмат вазифаларига

¹ Ўзбекистон Республикаси Олий суди Пленумининг 2000 йил 15 сентябрлаги «Ҳарбий хизматни ўташ... // Тўплам, 2-жилд.– 44-б.

нисбатан пала-партиш ёки виждонсизларча муносабатда бўлиши туфайли бу вазифаларни бажармаганлиги ёки лозим даражада бажармаганлиги кўп миқдорда зарар етказилишига ёки бошқа оғир оқибатларга сабаб бўлишида ифодаланади.

NOTA BENE!

Хизматта совуққонлик билан қарашиб мансабдор шахснинг ўз хизмат вазифаларига нисбатан пала-партиш ёки виждонсизларча муносабатда бўлиши туфайли бу вазифаларни бажармаганлиги ёки лозим даражада бажармаганлигидан иборат.

«Мажбуриятларни лозим даражада бажармаслик уларнинг юзаки, иштиёқсиз, эътиборсизлик билан, ўйламасдан ва керакли гайрат, ташаббуссиз бажарилишида намоён бўлади. Бу кўринишдаги совуққонлик ҳарбий мансабдор шахснинг унга ишониб топширилган ҳарбий мулкка лоқайд муносабатда бўлиши оқибатида мазкур мулкнинг нобуд бўлиши ёки унга шикаст этиши, моддий бойликлардан фойдаланишида ҳисоб-китоб ва назоратнинг етарлича бўлмаганлиги ёки уларни сақлаш ёмон ташкил этилганлиги сабабли талон-торож ёки камомад келиб чиқиши, қўмондан бўлинмада ҳарбий тартиб ўрнатиш учун тегишли чора-тадбирлар кўрмаганлиги туфайли тобе шахслар томонидан интизомнинг қўппол бузилиши ёки қўмондоңлик берган топширикларнинг бажарилиши барбод бўлиши кабиларда намоён бўлади.

Совуққонлик мансабдорлик жинояти бўлиб, мансабдор шахс томонидан бажарилмаган ёки лозим даражада бажарилмаган ҳаракатлар унинг хизмат ваколатига тегишли бўлишини, лавозими бўйича унинг зиммасига юқлатилган мажбуриятлар доирасига кирган бўлишини тақозо этади.

Мансабдор шахс у ёки бу мажбуриятларни ўз хизмат бурчи туфайли бажариши нафақат шарт бўлган, балки уни лозим даражада бажариши мумкин ва бунинг учун реал имкониятга эга бўлган ҳолдагина совуққонлик учун жавобгарликка тортилиши мумкин. Агар мансабдор шахс ўз хизмат вазифаларини лозим даражада амалга ошириш учун етарли имкониятга эга бўлмаган шароитга тушиб қолган бўлса, совуққонлик учун жавобгарлик истисно этилади»¹.

Кўриб чиқилаётган мазкур жиноят кўп миқдорда зарар ёки бошқа оғир оқибатлар юз берган пайтдан бошлаб тутгалланган ҳисобланади. Хизматга совуққонлик билан қарашиб ҳамда юз берган оқибатлар ўртасидаги сабабий боғланиш жиноят объектив томонининг зарурый белгиси бўлади.

¹ Узбекистон Республикаси Олий суди Пленумининг 2000 йил 15 сентябрдаги «Ҳарбий хизматни ўташ... // Тўплам, 2-жилд. – 47-6.

Фуқароларнинг соғлиғига зарар етказилиши шахсга қарши жиноятлар учун жавобгарликни назарда тутувчи ЖК тегишли моддалари билан жиноятлар жами тариқасида жавобгарликка тортилади.

Субъектив томондан жиноят эҳтиётсизликнинг жиноий ўз-ўзига ишониш ёки жиноий бепарволик шаклида содир этилади.

Жиноятнинг субъекти мансабдор шахс бўлган ҳарбий хизматчи бўлади.

«Ҳарбий мансабдорлик жиноятлари» мавзуси бўйича якуний саволлар

1. Ҳарбий мансабдорлик жиноятлари қайси турларга бўлинади? Уларнинг бир-биридан қандай фарқлари бор?

2. Ҳарбий мансабдорлик жиноятларининг қандай ўзига хос ҳусусиятлари мавжуд?

3. Ҳокимиятни сунистеъмол қилиш ҳокимият ҳаракатсизлигидан нималар билан фарқланади? Ушбу жиноят учун жавобгарликни оғирлаштирувчи ҳолатларга нималар киради?

4. Хизмат вазифаларини бажаришта жиноий совуқонлик билан қараш нимада ифодаланади? Ушбу жиноят учун жиноий жавобгарликни истисно этувчи шароитлар қандай?

Қўшимча адабиётлар

Ўқув қўлланмалар, маҳсус адабиётлар

Борисенко В.М., Егоров К.И., Исаев Г.Н., Сапсай А.В. Преступления против воинской службы / Под общей ред. к.ю.н., зам. председателя Верховного суда РФ Н.А. Петухова. – СПб.: «Юридический центр Пресс», 2002. – 360 Б.

Борисенко В.М. Судебная защита прав военнослужащих. – СПб.: «Юридический центр Пресс», 2002. – 300 Б.

Волженкин Б.В. Служебные преступления. – М.: «Юристъ», 2000. – 368 Б.

Горный А.Г. Командиру о военно-уголовном законодательстве. – М.: Воениздат, 1985. – 206 Б.

Мирзаев Т.Қ., Кабулов Р. Ҳарбий хизматни ўташ тартибига қарши жиноятлар. Ўқув қўлланма. – Т.: Ўзбекистон Республикаси ИИВ Академияси, 2005. – 160 Б.

Преступления против военной службы / Под общ. ред. канд. юрид. наук зам. председателя Верховного суда РФ Н.А. Петухова – СПб.: «Юридический центр Пресс», 2002. – 399 Б.

Сызранцев В.Г. Воинские преступления. Комментарий к главе 33 УК РФ. – СПб.: «Юридический центр Пресс», 2002. – 304 Б.

СҮНГ СҮЗ

Қўлингиздаги Ўзбекистон Республикаси жиноят ҳукуқи ўкув курси (беш томлик)да кўпчилик жиноий-ҳуқуқий нормалар фундаментал тадқиқ этилган. Ушбу дарсликда у чоп этилгунга қадар жиноят қонуни ва у билан боғлиқ қонунларга киритилган ўзгартиришлар, шунингдек, суд-ҳуқуқ амалиётида эришилган ютуқлар ўз аксини топган.

Ўзбекистон Республикаси Жиноят кодекси амалда бўлган давр (1995 йил 1 январдан 2010 йил январь ойига қадар) мобайнида унга республикада амалга оширилаётган суд-ҳуқуқ ислоҳотлари, амалдаги қонунчиликнинг либераллашуви ва демократлашуви билан боғлиқ ўттиздан ортиқ ўзгартириш ва қўшимчалар киритилди. ЖК Умумий ва Махсус қисми нормаларига энг асосий ва туб ўзгартиришлар Ўзбекистон Республикаси 2001 йил 29 августдаги «Жиноий жазоларнинг либералластирилиши муносабати билан Ўзбекистон Республикаси Жиноят, Жиноят-процессуал кодекслари ҳамда Маъмурий жавобгарлик тўғрисидаги кодексига ўзгартишлар ва қўшимчалар киритиш ҳақида»ги Қонуни, Ўзбекистон Республикаси 2007 йил 11 июлдаги «Ўлим жазоси бекор қилиниши муносабати билан Ўзбекистон Республикасининг айrim қонун ҳужжатларига ўзгартиш ва қўшимчалар киритиш тўғрисида»ги Қонуни, Ўзбекистон Республикаси 2007 йил 25 декабрдаги «Ахборотлаштириш ва маълумотлар узатиш соҳасида қонунга хилоф ҳаракатлар содир этганлик учун жавобгарлик кучайтирилганлиги муносабати билан Ўзбекистон Республикасининг айrim қонун ҳужжатларига ўзгартиш ва қўшимчалар киритиш тўғрисида»ги Қонуни ҳамда Ўзбекистон Республикаси 2008 йил 16 сентябрдаги «Одам савдосига қарши курашиш тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг Жиноят кодексига ўзгартиш ва қўшимча киритиш ҳақида»ги Қонуни қабул қилиниши билан боғлиқdir. Ушбу қонунлар қабул қилинганлиги муносабати билан нафақат Жиноят кодексига киритилган ўзгартиришлар ва қўшимчалар, балки янги жиноий-ҳуқуқий нормалар ҳам мазкур курсда чукур таҳлил этилган. Уни яратишида муаллиф жиноят ҳукуқи назарияси ва жиноят қонунларини қўллаш амалиёти юзасидан Ўзбекистон Республикаси Олий суди Пленуми берган тушунтиришларга, ўзининг аввал яратилган асарларини ёзишдаги тажрибасига, шунингдек, мамлакатимиз ва хорижий давлатларда чоп этилган жиноят ҳукуқига оид бошқа адабиётлар, ўкув қўлланмалар, монографиялар ва илмий мақолалардаги фикрларга таянган.

Шу билан бирга, ўкувчига жиноят қонуни ва у билан боғлиқ қатор қонунлар такомиллаштирилаётганлиги туфайли мазкур курсни ўрганишга танқидий ёндашиб, зарур ҳолларда унда фойдаланилган норматив материалларнинг амалда эканлиги ёки ўз кучини йўқот-ганлигини текшириши лозимлигини эслатамиз.

Умуман олганда, мазкур курс миллий жиноят ҳуқуқи фани назарияси ва амалиётининг ютуқларини қамраб олган бўлиб, юридик олий ўкув юртларининг талабалари, ИИВ Академияси тингловчи-лари, аспирантлар, тадқиқотчилар, шунингдек, қонунни қўлловчи органлар ходимлари (терговчилар, прокурорлар, судьялар, адвокатлар) учун мўлжалланган. Юқорида номлари келтирилганлардан ташқари, у жиноят ҳуқуқи муаммоларига бефарқ бўлмаган барча учун қизиқарли бўлади, деган умиддамиз.

*Ўзбекистон Республикаси жиноят
ҳуқуқи курси муаллифи –
Ўзбекистон Республикасида хизмат
кўрсатган юрист, ю.ф.д., профессор
M.X. Рустамбаев*

АЛФАВИТ-ПРЕДМЕТЛИ КҮРСАТГИЧ

— А —

- Авария – 92, 113, 245, 282
Авиаҳалокат – 92
Автомобиль йўли – 121
Автомобиль транспорти – 94
АЗоб бериш – 29, 232, 233
Айлантириш – 16
Алмаштириш – 15, 16
Алоқа воситалари – 96–99
Алоқа йўллари – 96, 98, 99, 100, 101
Алоқа ускуналари – 100, 101
Анча миқдор – 142, 161, 163, 166, 186
Аппарат воситалари – 181, 189, 195, 196, 197
Атрофдагилар учун катта хавф манбай бўлган бошқа модда ва буюмлар – 270, 271, 272
Атрофдагилар учун хавфли усул – 269
Ахборотга ишлов бериш ҳамда уни узатиш тизимлари – 181
Ахборотдан нусха кўчириш – 191, 206, 207
Ахборотлаштириш – 178
Ахборотлаштириш қоидаларини бузиш – 178
Ахборотнинг тўсиб кўйилиши – 190, 206
Ахборотни бузиб кўрсатиш – 199, 200
Ахборотнинг йўқ қилиб юборилиши – 190, 199, 200, 204
Ахборот (маълумотлар) узатишнинг тўсиб кўйилиши – 190
Ахборот (маълумотлар) хавфсизлиги – 178
Ахборотни (маълумотларни) ҳимоя қилиш – 183
Ахборотни (маълумотларни) ҳимоя қилиш тизими – 184
Ахборотнинг қўлга киритилиши – 191, 205
Ахборотни ўзгартириш – 198
Ахборотни ўчириш – 199, 200, 201
Ахборотни сохталаштириш – 200
Ахборот ресурси – 178, 190, 207
Ахборот технологиялари – 178
Ахборот тизими – 180, 181, 182
Ахборот тизимларидан фойдаланиш – 182, 183, 184, 186
Ахборот тизимларидан рухсат билан фойдаланиш – 182
Ахборотга шикаст етказиш – 198
Ахборот-ҳисоблаш тармоғи – 186, 193

Ахборот-ҳисоблаш тизими – 180, 187
Ахборот-ҳисоблаш тизимининг (тармоғидаги) таркибий қисмларида ахборот – 187

– Б –

Баданга енгил шикаст етказиш – 161, 226, 232
Баданга оғир шикаст етказиш – 46, 63, 66, 68, 72, 78, 79, 87, 90, 95, 109, 119, 121, 122, 148, 164, 167, 223, 226, 228, 276, 290
Баданга шикаст етказиш – 46, 63, 66, 67, 68, 72, 77, 79, 87, 90, 95, 101, 109, 119, 122, 148, 162, 164, 167, 226, 227, 228, 231, 233, 276, 290
Баданга ўртача оғир шикаст етказиш – 226
Баданинг тузалмайдиган даражада хунуклашиши – 228
Бактериологик (биологик) ялпи қирғин куроли – 68, 69, 256
Бангихоналар сақлаш – 145
Бангихоналар ташкил қилиш – 144
Безорилик – 113, 161–169
Безорилик ниятлари – 162, 233
Белгиланган ҳимоя чораларини кўрмаслик – 184
Бепарволик билан сақлаш – 44, 45, 273
Бериш – 140, 155, 156
Бехуда сарфлаш – 264, 266, 268
Била туриб ёлғон ахборотни киритиш – 198
Биологик агентлар – 69
Бирорвга ўтказиш – 64, 65, 68, 70, 196, 256
Божхона назорати – 30, 31, 32
Божхона назоратидан яшириш – 32
Божхона идентификация воситалари – 32
Божхона идентификация воситаларидан алдаш йўли билан фойдаланиш – 32
Божхона чегараси – 29, 30, 32, 33
Божхона назоратини четлаб божхона чегарасидан ўтказиш – 31
Босқинчиллик – 15, 39, 139, 236
Бошлиқ – 216–229, 234, 239, 261, 277, 286, 288, 290
Бошлиққа қаршилик кўрсатиш – 221, 224, 225
Бошлиқни кўрқитиш – 225
Бўйин товлаш – 213, 241, 242, 244, 247–251
Бошқа алдов – 249
Бошқа оғир оқибатлар – 43, 44, 45, 54, 64, 66, 68, 71, 73, 75, 78, 80, 91, 92, 99, 101, 110, 114, 121, 122, 220, 235, 255, 261, 263, 272, 274, 275, 280, 282, 284
Бошқариш – 276

- Бошқариш қоидаларини бузиш – 113, 115, 276, 278, 279, 280, 284
Бошқа транспорт воситаси – 94
Бошқа транспорт ускуналари – 97, 98, 100, 101
Бошқа ҳарбий мулк – 268
Бузиш – 62, 63, 64, 88, 89, 100, 105, 106, 107, 110, 202, 231, 256, 258, 272, 276, 281, 282, 284
Бүйруқ – 73, 79, 216–221, 250, 251, 252, 253, 259, 262, 264, 267, 272, 287, 290
Бүйрүкни бажаришдан бош тортиш – 218, 220
Бүйрүкни бажаришдан очиқдан-очиқ бош тортиш – 218
Бүйрүкни бажармаслик – 218, 220, 221
Бүйрүкни бошқа тарзда қасддан бажармаслик – 218
Бұлаклар – 37, 102
Бўйсуниш тартиби – 216, 220, 222
Бўйсунмаслик – 216–220, 253
Бўйсунувчи – 217, 218, 219, 225, 229, 30

– В –

- Вазиятни бекарорлаштирувчи уйдирмалар – 21
Вирус дастури (компьютер вируси) – 205, 206, 207

– Г –

- Газ қуроли – 12, 13
Гарнizonда патруллик қилиш – 250, 251, 252
Гарнizonда патруллик қилиш устав қоидалари – 257
Гаровга олинган шахс – 27, 28, 29
Гиёхвандлик воситалари – 29, 30, 54, 56, 57, 94, 95, 96, 126–157
Гиёхвандлик воситалари ва психотроп моддаларнинг аналоглари – 128, 129
Гиёхвандлик воситалари ёки психотроп моддаларни истеъмол қилишга жалб этиш – 147, 148
Гиёхвандлик воситалари ёки психотроп моддалар билан қонунга хилоф равишида мумомала қилиш – 15, 127, 133, 134, 137, 140, 144, 151, 157
Гиёхвандлик воситалари ёки психотроп моддаларни ташиш – 141, 155
Гиёхвандлик воситалари ёки психотроп моддаларни сақлаш – 141, 146, 154, 155, 156
Гиёхвандлик воситалари ёки психотроп моддаларни ўтказиш – 140
Гиёхвандлик воситалари ёки психотроп моддаларни тайёрлаш – 131, 140, 141, 143, 145, 156, 157
Гиёхвандлик воситалари ёки психотроп моддаларни жўнатиш – 140, 142, 143, 155, 156, 157

Гиёхвандлик воситалари ёки психотроп моддаларни ўзлаштириш – 137, 139, 141

Гиёхвандлик воситалари билан қонунга хилоф равишида муомала қилиш – 142

Гиёхвандлик воситалари, психотроп моддаларни олиб кириш (олиб чиқиш) – 140, 155

Гиёхвандлик воситалари, психотроп моддалар ва прекурсорлар билан муомала қилиш – 140

Гиёхвандлик воситалари, психотроп моддалар ёки шахснинг ақл-идроқига таъсир кўрсатувчи бошқа моддалар таъсири – 95

Гурӯҳ сифатидаги ноустав зўравонлик ҳаракатлари – 233

Гурӯхнинг барқарорлиги – 12, 135

– Д –

Дастурий воситалар – 194, 195

Дастурий таъминот – 168, 188

Дастурий таъминотдан нусха қўпайтириш – 174

Дастурий таъминотни қўпайтириш – 175

Дезертирилик – 242–245, 255

Декларациялаш – 32

Декларациясиз ёки бошқа номга ёзилган декларациядан фойдаланиш – 30, 33

Декларациясиз – 30, 33

Денгиз ёки дарё кемаси – 102

Денгиз ёки дарё транспортидан фойдаланиш билан боғлиқ бўлган ҳалокат – 92

Диний адабиётлар – 24

Диний мазмундаги материаллар – 23, 24

Диний мазмундаги предметлар – 24

Диний ақидапарастлик – 19, 29

Диний экстремизм – 19, 29

Диний экстремизм, сепаратизм ва ақидапарастлик ғоялари билан йўғрилган материаллар – 19, 23, 29

Диний экстремизм, сепаратизм ва ақидапарастлик ғоялари билан йўғрилган материалларни тарқатиш – 20, 24, 26

Диний экстремистик, сепаратистик, фундаменталистик ёки бошқа тақиқланган ташкилотларда иштирок этиш – 22

Диний экстремистик, сепаратистик, фундаменталистик ёки бошқа тақиқланган ташкилотларга раҳбарлик қилиш – 22

Диний экстремистик, сепаратистик, фундаменталистик ёки бошқа тақиқланган ташкилотлар тузиш – 22

Дўппослаш – 163, 226, 230

- Е -

Етиштириш – 126, 132–135, 140

- Ё -

Ёнғин хавфсизлиги қоидалари – 78, 79

Ёш бола – 165

- Ж -

Жадвал – 131

Жалб этиш – 147–152, 169

Жамиятта очиқдан-очиқ хурматсизлик – 163

Жамиятда юриш-туриш қоидаларини менсимаслик – 161, 162, 163

Жамоат тартиби – 16, 18, 20, 21, 26, 113, 161, 162, 163, 166, 168, 170, 222, 256

Жамоат хавфсизлиги – 9, 62, 64, 68, 75, 77

Жамоат хавфсизлиги ва жамоат тартибига таҳдид соладиган материаллар – 18–22, 24

Жамоат хавфсизлигига таҳдид соладиган материалларни тайёрлаш – 20

Жанговар вазифанинг бажарилмай қолиши – 259

Жанговар вазият – 220, 221, 225, 226, 228, 235, 236, 242, 251, 290

Жанговар машиналар – 275

Жанговар навбатчилик (жанговар хизмат) – 259, 260

Жанговар навбатчиликни ўташ қоидаларини бузиш – 259, 260, 261

Жиддий зиён (зарар) – 60, 181, 185, 197, 201, 288, 289

Жиноий уюшма – 9–15

Жиноий уюшмага раҳбарлик қилиш – 11

Жиноий уюшманинг белгилари – 10

Жиноий уюшма ташкил этиш – 10, 11

Жиноий уюшмани тузиш – 10

Жиноий фаолият – 10, 11, 12

Жиноий фаолиятдан олинган даромадлар – 15

Жиноий фаолиятдан олинган даромадларни легаллаштириш – 16

Жисмоний дахлсизлик – 136

Жисмоний зўрлик ишлатиш – 17, 27, 148, 150

Жисмоний таъсир кўрсатиш – 17, 229

Жорий этиш – 181

Жуда кўп миқдордаги зарар – 186

Жўнатиш – 41, 47, 58, 64, 133, 140, 142, 143, 149, 153, 155

- 3 -

Зарар келтирувчи дастурларни яратиш – 200, 204, 207, 206, 208

Зарар келтирувчи ёки маҳсус вирус дастурини тарқатиш – 207

- Зарар келтирувчи компьютер дастурлари – 204, 205
Зараарлы өқибатлар – 79, 86, 90, 111, 112, 113, 251, 253, 254, 256, 257, 258, 273, 277
Заҳарлы моддалар – 54–60
Зўрлик ишлатиш билан қўрқитиш – 104, 105, 118, 139, 222, 225
Зўрлик ишлатиш – 17, 18, 27, 104, 105, 115, 118, 138, 148, 163, 222, 223, 225, 227, 236

– И –

- Интернет жаҳон ахборот тармоғи провайдерлари томонидан хизматлар кўрсатиш – 174
Интернет тармоғи – 174
Ион нурлари тарқатувчи манба (радиоактив манба) – 61
Иссиқлик чиқарувчи нурланган ядервий реакторларининг қуилмалари – 61
Иссиқлик чиқарувчи ядервий реакторларининг қуилмалари – 61
Ички хизмат – 217, 236, 256–258, 271, 276, 289
Ички хизмат устави қоидалари – 256
Ишдан чиқариш – 264, 267
Ишлаб туриш – 10, 16, 69, 89, 97, 161, 170, 172, 202, 282
Ишлаб чиқариш – 23, 25, 30, 33, 56, 69, 70, 74, 140, 150, 153, 154, 256
Ишлаб чиқариш қоидаларини бузиш – 59, 153
Ишлаб чиқиш – 68, 70, 140, 154, 170, 204, 206, 208, 256
Ишониб топширилган ҳарбий мулк – 267
Ишонтириш йўли билан амалга ошириладиган ундаш – 148
Иштирок этиш (қатнашиш) – 14, 21, 134, 173, 219, 234

– Й –

- Йўл қўйиш – 93, 95, 252, 259, 277, 281
Йўл ҳаракати – 108
Йўқотиш – 264, 267

– К –

- Каннабис – 126, 131, 138
Катта экин майдони – 135
Кемани бошқариш – 283, 284
Кемани бошқариш қоидаларини бузиш – 283, 284
Кемага жиддий шикаст етказилиши – 284
Кеманинг ҳалокатга учраши – 284
Кимёвий ялпи қирғин қуроли – 69, 70
Компьютер ахбороти – 178, 179

- Компьютер ахборотидан фойдаланиш – 187, 193
Компьютер ахборотидан қонунга хилоф равища (рухсатсиз) фойдаланиш – 186–194
Компьютер ахборотини модификациялаштириш – 189, 197–201
Компьютер дастури (ЭХМ учун дастур) – 204
Компьютер саботажи – 192, 201, 202
Компьютер тармоги – 180
Компьютер тизими – 180, 196, 203
Компьютер тизимидан қонунга хилоф равища (рухсатсиз) фойдаланиш учун маҳсус воситаларни тайёрлаш – 195, 196, 197
Компьютер тизимини бузиш – 202, 203
Компьютер ускунаси – 202
Компьютер ускунасини ишдан чиқариш – 202
Контрабанда – 15, 29–33
Контрабанда предмети – 29, 30
Контрабанда предметларини ўтказиш – 31
Контракт (шартнома) бўйича ҳарбий хизмат – 213, 214
Контракт (шартнома) бўйича ҳарбий хизматчи – 214, 231, 242, 243, 245, 250, 264
Кучли таъсир қилувчи моддалар – 54–60, 92
Кўмиш – 67
Кўп бўлмаган миқдор – 143
Кўп миқдор – 30, 56, 59, 138, 157
Кўп миқдордаги зарар – 73, 185, 197, 200, 201, 221, 255, 286, 288, 291
Кўрсаткич – 259

– М –

- Мавжуд бўлиш ва ишлаб туришни таъминлашга қаратилган фаолият – 11
Мавжуд дастурга ўзгартириш киритиш – 206
Мажбуриятларни лозим даражада бажармаслик – 291
Мажбур қилиш – 223, 224, 225, 228, 233
Мажбураш йўли билан амалга ошириладиган ундаш – 148
Мансаб мавқеидан фойдаланиш – 62
Мародёрлик – 236
Маст ҳолат – 95
Материаллар – 15, 19, 20, 21, 23, 29, 30, 60–68, 255, 266
Материалларни тарқатиш – 19, 20, 21, 24, 26
Маҳсус вирус дастурларини ишлаб чиқиш – 206
Маҳсус машиналар – 94, 275
Машинадаги ахборот жисмлари – 179
Маълумотлар базаси – 181
Маълумотлар банки – 181

Механик транспорт воситаси – 94, 120
Меңнатни муҳофаза қилиш – 74
Мосламалар (ускуналар) – 29, 30, 56, 61, 66, 96, 97, 98, 100, 172, 195, 202, 265
Муддатли ҳарбий хизмат – 213
Мулкка шикаст (заар) етказиш – 18, 100, 161, 185, 191, 269, 284
Мулкни нобуд қилиш – 18, 161, 268, 269
Мунтазам хўрлаш – 231, 232
Муомалада бўлиш қоидаларини бузиш – 47, 64, 255, 270, 272, 273
Мурожаат қилиш – 147, 188, 219
Муқобил хизмат – 213, 238

– Н –

Намойиш қилиш – 149, 165, 166, 225

– О –

Одамлар ўлими – 23, 91, 99, 101, 114, 121, 122, 201, 235, 274, 279, 290
Ожиз аҳвол – 166
Олдиндан тил бириттириш – 21, 134
Олиб ўтиш – 41
Олиб қочиш – 91, 102, 103, 104, 105, 108, 115, 116, 117, 118
Олиш – 35, 40, 41, 57, 68, 140, 141, 142, 143, 148, 149, 249, 256
Оммавий заҳарланиш – 76
Оммавий касалланиш – 76
Оммавий тадбирлар – 167
Оммавий тартибсизликлар – 16, 17, 18
Оммавий тартибсизликларда фаол қатнашиш – 18
Оммавий тартибсизликларни ташкил этиш – 17
Оммавий (ялпи) қирғин қуролининг бошқа турлари – 30, 68
Офицерлар таркибидан бўлган шахслар – 241, 242, 245
Оқибатлар – 23, 29, 43, 44, 45, 54, 59, 64, 66, 68, 71, 73, 75, 76, 77, 78, 79, 80, 81, 90, 91, 92, 93, 95, 98, 99, 101, 109, 110, 111, 112, 113, 114, 116, 119, 121, 156, 170, 185, 191, 219, 220, 221, 224, 235, 261, 253, 255, 256, 257, 258, 260, 261, 262, 263, 269, 270, 272, 274, 282, 290, 291
Оғир оқибатлар – 23, 29, 43, 44, 54, 62, 66, 68, 71, 75, 78, 80, 90, 91, 92, 99, 101, 110, 114, 121, 122, 219, 220, 221, 224, 251, 255, 260, 263, 270, 275, 279, 282, 284, 290

– П –

Патруллик қилиш қоидаларини бузиш – 256
Пиротехника буюмлари – 45–54, 79

Портлатиш ишлари – 77

Портлатиш қурилмалари – 33, 36, 37, 39, 40, 42, 43 .

Портловчи моддалар – 33, 35–43, 256, 265, 271, 272

Прекурсорлар – 69, 129

Препарат – 57, 128, 129, 131, 136, 150, 271

Провайдер – 173, 174

Психотроп моддалар – 29, 30, 54, 69, 95, 126–157

– Р –

Радиация манбай – 61, 67

Радиациявий хавфсизлик – 61, 63

Радиоактив материаллар – 60–66, 68

Радиоактив материаллар билан муюмалада бўлишнинг бошқа қондадари – 64

Радиоактив материаллардан фойдаланиш – 63

Радиоактив материалларни жўнатиш – 64

Радиоактив материалларни бузиш – 64, 65, 66

Радиоактив материалларни бирорвга ўтказиш – 64, 65

Радиоактив материалларни сақлаш – 63, 65, 66

Радиоактив материалларни ташиш – 63, 64

Радиоактив моддаларни ҳисобга олиш – 63

Радиоактив моддалар – 61, 63; 65, 67, 271

Радиоактив чиқиндилар – 61, 66, 67

Радиоактив чиқиндиларнинг омборлари – 66, 67

Раҳбарлик қилиш – 11, 14, 22

Реал хавф – 156

Резервчилар хизмати – 214

Рұхий зўрлик ишлатиш – 17, 27

– С –

Саботаж – 192, 200, 201, 202, 203

Санитарияга оид қонун ҳужжатларини бузиш – 75

Сафарбарлик қақириуви резерви хизмати – 213

Сақлаш – 20, 25, 26, 29, 32, 33, 36, 40–48, 57, 58, 59, 60, 63, 65, 133, 140, 141, 143, 144, 146, 149, 153, 154, 156, 172, 180, 256

Сепаратизм – 19, 20, 21, 23, 29, 220

Сигнализация воситалари – 97, 98, 99

Сигнализация қурилмалари – 100, 101

Сифатсиз таъмирлаш – 98, 99

Совуққонлик – 291

Совуқ курол – 12, 13, 164, 224, 265, 271

Совуқ куролни қўллаш ёхуд қўллаш билан қўрқитиш – 165

Совуқ куролни намойиш қилиш – 165

Сотиш – 26, 32, 33, 54, 140, 146, 175, 249, 266
Сохта маълумотлар киритиш – 33
Соқчилик хизмати – 252
Соғлиқнинг қисқа муддатга ёмонлашуви – 232
Соғлиқ учун хавфли бўлган зўрлик ишлатиш – 139
Сув (денгиз ёки дарё) транспорти – 86, 89

– Т –

Тайёрлаш – 15, 17, 18, 19, 20, 21, 23, 24, 25, 26, 32, 37, 40, 42, 56, 57, 58, 117, 127, 129, 131, 140, 141, 143, 144, 145, 149, 154, 156, 157, 194, 196, 197, 207, 215, 249
Талон-торож қилиш – 15, 37, 54, 96, 111, 133, 225, 249, 250, 263, 285
Талончилик – 39, 49, 130, 131, 132, 230
Таркибида гиёхвандлик воситалари ёки психотроп моддалар бўлган бошқа экинлар – 126
Тарқатиш – 15, 18–27, 63, 142, 145, 146, 150, 170, 175, 189, 194, 196, 197, 200, 204, 206, 207, 208
Ташиш – 47, 58, 64, 133, 140, 141, 142, 144, 149, 155, 156, 157
Ташкилот – 22, 23, 25, 74, 96, 136, 152
Ташкил этиш (қилиш) – 9, 10, 11, 16, 17, 145, 169–174
Таъмирлаш – 77, 79, 96, 98, 99, 110, 120, 121, 145, 185, 201, 275, 280, 281, 282, 284
Тақиқланган экинларни етиштириш – 126, 132, 134, 135
Тез аланталанувчи моддалар – 46
Телекоммуникация тармоқлари – 173
Телекоммуникация тармоқларида хизматлар кўрсатиш – 174
Темир йўл транспорти – 86, 89, 94, 95
Темир йўл транспортида ҳалокат – 92
Темир йўлнинг ҳаракатланадиган таркиби – 102, 103, 104
Техника таъминоти буюмлари – 266, 267, 268
Техника ҳолати жиҳатидан бузуқ бўлган транспорт воситаси – 98, 99
Товламачилик – 15, 27, 38, 62, 138, 139, 189
Тоғ-кон ишлари – 77
Токсинлар – 30, 69
Транспорт – 14, 17, 58, 85–122, 239, 266, 276, 279
Транспорт воситаси – 85–122, 239, 266
Транспорт воситасини бошқаришга йўл қўйиш – 95
Транспорт воситасини олиб қочиш – 102, 103, 104, 115–118
Транспорт воситасини эгаллаб олиш – 102, 103, 104, 116
Транспортдан фойдаланиш – 89
Транспорт машиналари – 276
Тузиш – 10, 12, 14, 17, 19, 22
Тұхматона уйдирмалар – 21
Тўплаш – 70

— Y —

- Үзрли сабаблар – 239–242
Үндаш – 148, 149
Устав қоидаларини бузиш – 213, 227, 229, 230, 231, 233, 235, 257, 258, 234
Учиш – 89, 91, 105–108, 280–283
Учиш аппарати – 280, 281, 282
Учиш аппаратидан фойдаланиш – 282
Учиш йұналиши – 106
Учиш қоидаларини бузиш – 280, 281, 282
Юшган гуруұ – 10, 14, 39, 56, 59, 62, 118, 135, 139, 164, 146, 172, 193, 194, 197, 208
Юшган гуруұ манфаатлари – 39, 56, 62, 135, 139, 144, 146, 172, 193, 194, 197, 208
Юшган қуролли гуруұ түзиш – 14
Юшган қуролли гуруұ – 10, 13, 14, 15
Юшган қуролли гуруұға раҳбарлик қылиш – 14
Юшган қуролли гуруұда иштирок этиш – 14

— Φ —

- Фаол қатнашчилар – 18
Фаол қатнашиш – 17, 18
Фирибартлик – 37, 39, 55, 136, 137, 139, 142
Фойдаланиш – 16, 18, 20, 22, 26, 31, 32, 33, 36, 37, 38, 40, 41, 45, 46, 47, 54, 61–70, 79, 85–101, 106, 109, 111, 113, 119, 122, 136, 140, 145, 151, 153, 155, 170, 174, 178, 180, 182, 184, 186, 187, 186, 193, 194, 206, 207, 247, 259, 264, 267, 268, 272, 275, 277, 281
Фойдаланишнинг фарқлаб қўйилиши қоидалари – 188
Фойдаланиш учун бирорвга бериш – 266
Фойдаланиш хавфсизлиги – 85, 87–93, 95, 108, 109
Фойдаланишга чиқариш – 96, 98, 99, 280
Фойдаланиш қоидаларини бузиш – 45, 46, 62, 66, 86, 89, 110, 115, 275, 276, 277, 262
Фоҳишахона – 15

— X —

- Хавфли рецидивист – 39, 42, 62, 117, 162, 166, 172, 193, 194, 197, 201, 204, 208
Хавфсизлик – 17, 60, 63, 64, 66, 67, 68, 71, 72, 73, 74, 77, 85, 87, 88, 97, 110, 111, 119, 161, 185, 216, 260, 272, 276, 283
Хавфсизлик қоидаларини бузиш – 71, 72, 73, 77, 85, 87, 88, 90, 91, 100, 108, 111, 114, 115, 116, 120, 278

Халқаро учиш – 105
Халқаро учиш қоидалари – 106
Халқаро учиш қоидаларини бошқача тарзда бузиш – 106, 107
Халқаро учиш қоидаларини бузиш – 105, 106, 107
Хизматга совуққонлик билан қараш – 274, 278, 290, 291
Хизмат мавқеидан фойдаланиш – 22, 193
Хизматни ўташ қоидаларини бузиш – 219, 251–260
Хизмат жойи – 239, 240, 241, 242, 243
Хўрлаш – 165, 231, 232, 233

– Ч –

Чақириув – 213, 215, 220, 231, 239, 240, 242, 249, 250
Чегара хизмати – 261, 262
Чегара хизматини ўташ қоидаларини бузиш – 261, 262
Чекланмаган доирадаги фойдаланувчилар учун мўлжалланган ахборот ресурслари – 188

– Ш –

Шахсга нисбатан зўрлик ишлатиш – 17, 18, 222
Шахсни гаров сифатида тутқунликка олиш – 26, 27, 28, 105
Шахснинг ақл-идрокига таъсир кўрсатувчи бошқа моддалар – 150, 151
Шахснинг ақл-идрокига таъсир кўрсатувчи моддалар – 89, 150, 152
Шахснинг соғлигига амалда шикаст етказиши мумкин бўлган бошқа нарсалар – 164
Шахсни гаров тариқасида тутқунликда ушлаб туриш – 27
Шаън – 165, 231
Шаън ва қадр-қимматини таҳқирлаш – 165, 231, 233
Шикаст етказиш – 17, 18, 40, 65, 66, 72, 80, 91, 100, 109, 122, 138, 148, 162, 163, 164, 167, 169, 191, 226, 228, 232, 247, 250, 255, 268, 269, 274, 276, 278, 284, 289

– Э –

Эгаллаш (эгаллаб олиш) – 33, 36, 37, 38, 39, 40, 54, 55, 56, 60, 61, 62, 65, 68, 70, 102, 103, 104, 105, 116, 136, 137, 138, 139, 143, 149, 156, 157, 182, 236, 256
Экиш – 131–135
Экстремизм – 19, 20, 21, 23, 29
Эпидемияга қарши кураш қоидаларини бузиш – 75, 76
Эркин фойдаланилиши чеклаб қўйилган ахборот ресурслари – 188
ЭҲМ учун яратилган дастур ёки маълумотлар базасини модификациялаш (қайта ишлаш) – 199

- ЭХМ тармоғи – 180
ЭХМ тизими – 180
ЭХМ (электрон-хисоблаш машинасі) – 179
ЭХМ, ЭХМ тизими ёки уларнинг тармоқлари ишининг бузилиши – 187, 190, 191, 204

– Я –

- Ядро материаллар – 61, 66, 67
Ядовий ялпи қирғин қуроли – 70
Ядро қурилмалари – 61, 66, 67
Ядро материалларини ва радиоактив моддаларни сақлаш пунктлари – 87
Ялпи қирғин қуроли – 68
Ялпи қирғин қуролларини ишлаб чиқариш – 70
Ялпи қирғин қуролларини ишлаб чиқиш – 70
Ялпи қирғин қуролларини олиш – 70
Ялпи қирғин қуролларини сақлаш – 70
Яратиш – 29, 44, 57, 170, 174, 181, 184, 196, 200, 204, 206, 207
Яроқли қурол – 37
Яроқсиз қурол – 37
Яроқсиз ҳолат – 101, 102, 198
Яроқсиз ҳолатта келтириш – 101, 102, 198, 199, 202
Яшириш – 32, 41, 135, 257

– Ў –

- Ўзаро муносабатларга оид устав қоидаларини бузиш – 213, 227, 229, 231, 233, 235, 236, 257
Ўз муддатида хизмат жойига етиб келмаслик – 241, 243
Ўзини ёлғондан касалликка солиш – 247, 248
Ўзининг бирон аъзосини майиб қилиш – 247, 248, 250
Ўз ихтиёри билан топшириш – 146
Ўзлаштириш – 38, 55, 57, 70, 116, 137, 141
Ўз хизмат вазифаларини охиригача бажармаганлик – 246
Ўлдириш – 15, 17, 18, 27, 69, 104, 105, 111, 118, 225, 228, 235, 288
Ўлдириш билан күрқитиши – 104, 118, 231
Ўртача катталикдаги экин майдони – 134
Ўтакеттган беҳәёлик – 165
Ўта хавфли рецидивист – 39, 62, 117, 135, 139, 144, 146
Ўтказиш – 16, 31, 42, 55, 58, 59, 132, 140, 142, 143, 146, 148, 150, 156, 157, 171, 174, 195, 196, 197
Ўтказиш мақсади – 59, 140, 143, 196
Ўт кўйиш – 18, 100, 269

Үювчи моддалар – 52
Үқ-дорилар – 29, 35, 39, 43, 44, 45, 265, 268
Үқотар қурол, үқ-дорилар, портловчи моддалар ёки портлатиш кирилмаларини тайёрлаш – 40
Үқотар қурол, үқ-дорилар олиб ўтиш – 41
Үқотар қурол, үқ-дорилар олиш – 40
Үқотар қуролни, үқ-дориларни ўтказиш – 41
Үқотар қурол, үқ-дорилар жүннатиш – 43
Үқотар қурол, үқ-дорилар сақлаш – 33, 41, 42, 43, 44
Үқотар қурол, үқ-дорилар олиб юриш – 41
Үқотар қурол – 12, 29, 33–45, 166, 167, 271
Үғрилик – 37, 55, 136, 236

– К –

Қайта ишлаш – 51
Қайтиш – 242
Қалбакилаштириш – 32, 248
Қария – 165
Қаршилик күрсатиш – 167, 168, 222, 223, 224, 225
Қимор ва таваккалга асосланган бошқа ўйин – 169
Қиморхоналарни сақлаш – 172
Қиморхоналар ташкил этиш – 172, 173
Қимор ва таваккалчилликка асосланган бошқа ўйинларни ўтказиш – 170
Қимор ўйинларини ташкил этиш ҳамда ўтказиш – 169, 170, 171, 174
Қимор ўйинлари учун қиморхоналарни сақлаш – 172
Қимор ўйинлари учун қиморхона – 172
Қыргын солиш – 17–21
Қоидаларга риоя қилиниши учун масъул – 108
Қоидаларни бузиш – 45, 46, 47, 54, 57, 59, 60, 62, 63, 64, 66, 67, 71–80, 85–93, 96, 99, 105–115, 118–122, 152, 178, 230, 251, 252, 256–263, 270, 272, 275–284
Қонунга хилоф равишида озодликдан маҳрум қилиш – 232
Қонунга хилоф равишида олиб кириш – 25
Қонунга хилоф равишида олиш – 41, 57, 64
Қонунга хилоф равишида сақлаш – 25, 41, 65, 141
Қонунга хилоф равишида тайёрлаш – 25, 26, 40, 140, 156
Қонунга хилоф равишида тарқатиш – 26
Қонунга хилоф равишида чегарадан ўтиш – 262
Қонунга хилоф равишида эгаллаш – 33, 36, 37, 39, 40, 54, 55, 57, 60, 61, 68, 70, 116, 136–140, 256
Қонунга хилоф равишида ўтказиш – 31, 139, 142, 143

- Коровул хизмати** – 251–256, 258, 272, 273, 289
Қочиши – 223, 244, 245, 253, 255
Курилиш ишлари – 77
Куриш – 77
Курол – 11, 13, 18, 27, 29, 33–45, 68–71, 164, 165, 167, 224, 225, 234, 253, 255, 256, 257, 258, 264–275
Курол-яроғ билан мұомалада бўлиш қоидалари – 272
Курол ёки курол сифатида фойдаланиладиган бошқа нарсаларни ишлатиш – 17
Курол ишлатиш – 18, 71, 224, 228, 234, 258, 286, 288
Куролли гурух – 12–15
Курол сифатида фойдаланиладиган нарсалар – 264
Курол сифатида фойдаланиладиган бошқа нарсалар – 17, 18
Курол-яроғ – 29
Қўниш жойи – 106
Қўриқланаётган обьектларга зарар етказиш – 260, 261

– X –

- Ҳаво кемаси** – 87, 89, 91, 102
Ҳаво дарвозаси – 106
Ҳаво транспорти – 85–93, 96, 100, 101, 102, 103, 118
Ҳаёт учун ҳавфлилик – 13, 57
Ҳаёт учун ҳавфли бўлган зўрлик ишлатиш – 139
Ҳалокат – 71, 92, 99, 101, 245, 282, 284, 290
Ҳалок бўлаётган ҳарбий кемани ташлаб кетиш – 245
Ҳаракат қилиш воситалари – 265, 266, 268
Ҳаракат ҳавфсизлиги – 87, 109
Ҳаракат ҳавфсизлиги қоидаларини бузиш – 85, 86, 89
Ҳарбий аслаҳа-анжомлар – 264
Ҳарбий аслаҳа-анжомларни гаровга қўйиш – 266
Ҳарбий аслаҳа-анжомларни бирорвга бериш – 266
Ҳарбий аслаҳа-анжомларни сотиш – 266
Ҳарбий жиноятлар – 213
Ҳарбий йигинларга чақирилган ҳарбий хизматта мажбур шахслар – 219, 221
Ҳарбий кема – 245, 246
Ҳарбий мансабдорлик жиноятлари – 289, 290
Ҳарбий машиналардан фойдаланиш – 276
Ҳарбий мулк – 268, 269, 270
Ҳарбий техника – 268
Ҳарбий хизмат – 213, 214, 215, 222, 240, 241, 242, 244
Ҳарбий хизмат вазифалари – 218, 222, 223, 226, 247, 249, 250

Харбий хизмат вазифаларини бажаришдан бош тортиш – 247–250
Харбий хизмат вазифаларини ўташдан бош тортиш – 218, 250
Харбий хизматтага мажбур шахс – 213, 215, 250
Харбий хизматнинг бошланиши – 215
Харбий хизматдан бўйин товлаш – 213, 241, 243, 244, 247, 255
Харбий хизматдан бўйин товлаш мақсади – 244
Харбий хизматнинг тугалланиши – 215
Харбий хизматни ўташ тартиби – 213, 215, 238, 247
Харбий хизматчи – 113, 115, 213–291
Харбий хизмат юзасидан ўзига юклатилган вазифаларни бажараётган шахс – 222
Харбий хизматни ўташ тартибига қарши жиноятлар – 213
Харбий қисм ёки хизмат жойини ўзбошимчалик билан ташлаб кетиш – 238–242
Харбий қисм ҳудуди – 239
Харбий ҳуқуқий муносабатлар – 215
Ҳақорат қилиш – 228, 229, 230
Ҳисобга олишни бузиш – 45, 47, 55, 63, 155
Ҳисобга олиш – 63
Ҳисоблаш тармоғи – 180
Ҳисоблаш тизими – 180
Ҳимояланган компьютер тизими – 195
Ҳокимият вакилига қаршилик кўрсатиш – 166, 167, 168
Ҳокимият ёки хизмат ваколати доирасидан четта чиқиш – 286, 287, 289
Ҳокимият ёки мансаб (хизмат) ваколатини (мавқенини) сунистъемол қилиш – 22, 26, 62, 194, 286, 290
Ҳокимият ҳаракатсизлиги – 286, 287
Ҳужжатлардан алдаш йўли билан фойдаланиш – 32
Ҳужжатларни қалбакилаштириш – 32, 247, 248, 250
Ҳужум қилиш – 14, 260, 263

М.Х. РУСТАМБАЕВ

**ЎЗБЕКИСТОН РЕСПУБЛИКАСИ ЖИНОЯТ ҲУҚУҚИ
К У Р С И**

В ТОМ

МАХСУС ҚИСМ

**ЖАМОАТ ХАВФСИЗЛИГИ ВА ЖАМОАТ ТАРТИБИГА
ҚАРШИ ЖИНОЯТЛАР. ҲАРБИЙ ХИЗМАТНИ ЎТАШ
ТАРТИБИГА ҚАРШИ ЖИНОЯТЛАР**

Олий таълим муассасалари учун дарслик

Тошкент — «ILM ZIYO» — 2011

Муҳаррир *Б. Ҳудоёрова*
Бадиий муҳаррир *Ш. Одилов*
Техник муҳаррир *Ф. Самадов*
Мусаҳҳих *Б. Сайдова*

Нашр. лиц. АI № 166, 23.12.2009 й.

2010 йил 31 декабрда чоп этишга рухсат берилди. Бичими 60x90^{1/16}.
«Таймс» ҳарфика терилиб, оғсет усулида чоп этилди. Босма табоби 19,0.

Нашр табоби 18,0. 2000 нусха. Буюргма № 414
Баҳоси шартнома асосида

«ILM ZIYO» нашриёт уйи, Тошкент, Навоий кўчаси, 30-уй.
Шартнома № 23 — 10.

Ўзбекистон Матбуот ва ахборот агентлигининг Faфур Fулом
номидаги нашриёт-матбаа ижодий уйида чоп этилди.
Тошкент, Шайхонтохур кўчаси, 86-уй.

P92 Рустамбоев М.Х. Ўзбекистон Республикаси жиноят ҳуқуқи курси. Ⅴ том. Махсус қисм. Жиноят ҳавфсизлиги ва жамоат тартибига қарши жиноятлар. Ҳарбий хизматни ўташ тартибига қарши жиноятлар. Олий таълим муассасалари учун дарслик. -- Т.: «ILM ZIYO», 2011. — 312 б.

УДК 343(575.1)(075)
ББК 67.408(5Ў)я73

